



Тем, что эта книга дошла до Вас, мы обязаны в первую очередь библиотекарям, которые долгие годы бережно хранили её. Сотрудники Google оцифровали её в рамках проекта, цель которого – сделать книги со всего мира доступными через Интернет.

Эта книга находится в общественном достоянии. В общих чертах, юридически, книга передаётся в общественное достояние, когда истекает срок действия имущественных авторских прав на неё, а также если правообладатель сам передал её в общественное достояние или не заявил на неё авторских прав. Такие книги – это ключ к прошлому, к сокровищам нашей истории и культуры, и к знаниям, которые зачастую нигде больше не найдёшь.

В этой цифровой копии мы оставили без изменений все рукописные пометки, которые были в оригинальном издании. Пускай они будут напоминанием о всех тех руках, через которые прошла эта книга – автора, издателя, библиотекаря и предыдущих читателей – чтобы наконец попасть в Ваши.

Правила пользования

Мы гордимся нашим сотрудничеством с библиотеками, в рамках которого мы оцифровываем книги в общественном достоянии и делаем их доступными для всех. Эти книги принадлежат всему человечеству, а мы – лишь их хранители. Тем не менее, оцифровка книг и поддержка этого проекта стоят немало, и поэтому, чтобы и в дальнейшем предоставлять этот ресурс, мы предприняли некоторые меры, чтобы предотвратить коммерческое использование этих книг. Одна из них – это технические ограничения на автоматические запросы.

Мы также просим Вас:

- **Не использовать файлы в коммерческих целях.** Мы разработали программу Поиска по книгам Google для всех пользователей, поэтому, пожалуйста, используйте эти файлы только в личных, некоммерческих целях.
- **Не отправлять автоматические запросы.** Не отправляйте в систему Google автоматические запросы любого рода. Если Вам требуется доступ к большим объёмам текстов для исследований в области машинного перевода, оптического распознавания текста, или в других похожих целях, свяжитесь с нами. Для этих целей мы настоятельно рекомендуем использовать исключительно материалы в общественном достоянии.
- **Не удалять логотипы и другие атрибуты Google из файлов.** Изображения в каждом файле помечены логотипами Google для того, чтобы рассказать читателям о нашем проекте и помочь им найти дополнительные материалы. Не удаляйте их.
- **Соблюдать законы Вашей и других стран.** В конечном итоге, именно Вы несёте полную ответственность за Ваши действия – поэтому, пожалуйста, убедитесь, что Вы не нарушаете соответствующие законы Вашей или других стран. Имейте в виду, что даже если книга более не находится под защитой авторских прав в США, то это ещё совсем не значит, что её можно распространять в других странах. К сожалению, законодательство в сфере интеллектуальной собственности очень разнообразно, и не существует универсального способа определить, как разрешено использовать книгу в конкретной стране. Не рассчитывайте на то, что если книга появилась в поиске по книгам Google, то её можно использовать где и как угодно. Наказание за нарушение авторских прав может оказаться очень серьёзным.

О программе

Наша миссия – организовать информацию во всём мире и сделать её доступной и полезной для всех. Поиск по книгам Google помогает пользователям найти книги со всего света, а авторам и издателям – новых читателей. Чтобы произвести поиск по этой книге в полнотекстовом режиме, откройте страницу <http://books.google.com>.

A

989,995







Ն ՈՒ Մ Ա.

Պ ՈՄ Պ Ի Լ Ի Ո Ս

UNITED STATES DEPARTMENT OF AGRICULTURE

REPORT OF THE

COMMISSIONER OF

AGRICULTURE



AGRICULTURE

DEPARTMENT OF AGRICULTURE

1931

Florien

ՆՈՒՄԱՊՈՄՊԵԼԻՈՍ

ԵՐԿՐՈՐԻ ԱՐՔԱՅ ՀՈՌՎՄԱՅ

ՎԻՊԱՍԱՆԵԱԼ

Ի ՖԼՈՐԻԱՆԷ

ԿԱՃԱՌՈՐԻԷ ՃԵՄԱՐԱՆԱՅ ԲԱԶՄԱՅ

Vnum Pompilio
ԲԵՐԳՄԱՆԵԱՅ

ԱՐՀԻԱՊԱՏԻ

ՏԷՐ ԵՊՈՒԱՐԻ Վ. ՀԻՒՐՄԻԻՋԵԱՆ

ԱՐՔԵՊԻՍԿՈՊՈՍ ՇԻՐԱԿԱՅ



363p

Վեներաբիլ

Ի ՏՊԱՐԱՆԻ ՍՐԲՈՅՆ ՂԱԶԱՐՈՒ

1853

UNIVERSITY OF MICHIGAN LIBRARIES

6PA0
EDEN

3185

Buhr

ՀԱՅԿ
ԼԻՆԱ
31.05
21.10.99

ԹԱՐԳՄԱՆՁԻՆ

ԱՌ

ՄԵԾԱՊԱՏԻԻ

ՊԱՐՈՆ ԱՂԱՆՈՒՐ

Ոչդերձ

Նոշիրելոունս 'ի սպասս օգոտի համազգեաց ,
'ի բարգաւառաձանս հայրենախօսս վերոյս պերձ
բարբառոյ և ազգայնոց գեղեցիկ դպրոռքեանց ,
զի՞նչ առաւել ցանկալի քան որ 'ի նմանեաց
քոց ազգասէր առաքիւնեաց քաջաշեր հրա-
ւանք : Օրինակ իմն որպէս 'ի ձգնողական
ասպարիզի անձնաւնաստոյց նահատակ՝ 'ի ձայն
բարբառոյ հանդիսադրիդ յառաջարկեալն ինձ
'ի քուննէ հրաւանկդ իրախոռստեալ 'ի վաս-
տակ , ընծայաբերեմ քեզ անս զՏըրքիանի
գաղղիացոյ զվիպասանոռքիչնն քերթողա-
կան՝ նորոգ բարգնանոռքեանք 'ի հաձոյս ազ-
գայնոց ընտիր ախորժակացդ : Իցի՛շ ըստ ա-

մենայն ցանկոտքեան սրտիդ յաջողեչ ինձ 'ի վատուակս , և քեզ ախորժեչեաշդ հայկեան բարբառով զսիրեչիսն քո վերճանեչ այսպէս զՆոռնայի Պոնպիչեայ զվեպսն . որ առաւել յոյժ քան անդ ուրեմն 'ի տիս երիտասարդութեանդ քողցրասցիս քեզ , զքոյոցդ վերքերեչով արդ զպատկեր : Նկատեացես աստուծօր զցանկաչի բռնեակն քո զԱղեքսանդրեակ զտարածաւ որբացեաչն 'ի մօրե 'ի մանկիկն որբ 'ի Նոռնա . և զքո առ նա ճնեչաւեր գոշք սրտիդ 'ի հայրագորով իսնանսն Տոշչոսի առ նոյն ինքն . իսկ յողջախոհն Պոնպիչիս զքաղցր ամոռսիս քո զպարկեչտոռնիս Մամնի , զոր

ազգասէր բարեարտօթեանքի ընդ նախընծայ
տպագրութեան մատենիս վիճակեցար : Չի՛նչ
ևս վեհ քան զդա ընդ երկրորդիս տպագրու-
թեան ցանկացայց քեզ տրիտոշր . բայց յոգնա-
բուն արևաց բարօրութեանք վայելել 'ի նոյն
իևքն աստ , և անմեկին 'ի նմանէ յանգրաս
յաշիտենին զազգասէր առաքիւնօթեանդ տա-
նել յաղբանակ :

Զ Ե Կ Ո Ւ Ծ Ո Ւ Մ Ն

Ֆլորիան գաղղիացի ազնուատոհմ եկաց 'ի վերջկոյս անցեալ դարու : Աւ թէպէտ յաղմուկս խռովութեան հայրենեացն բազումս վշտակրեալ եղև վաղամեռիկ ամաց երեսուն և ութից , սակայն ոչ սակաւ երկս քերթողականս եթող , յորս օգտակարագոյն առաջիկայս է վիպասանութիւն , ցանկալի 'ի սմա ընծայեցուցանելով զկրօնս և զազգի ազգի առաքինութիւնս : Յայսպիսի օգտակարութիւն մատենիս հայեցեալ ազգասէրն և քաջածանօթ յազգիս այլովք բարերարութեամբքն Պարոն Աբրահամ Աշանուր , անդ ուրեմն յամին 1812 ետ թարգմանել զայն և տպագրել 'ի Մատրաս : Որով զբանասիրական և զազգասէր ըզձիցն իւրոց անդատին տուեալ զերախայրիս , հաճոյ գտաւ յոյժ և սիրելի յաչս մեծափարթամ բարե-

բարի ազգիս Պարոն Սամուէլի Սուրառայ, որ փե-
սայացոյց զնա ինքեան՝ ինամէկան անձուկ յօղին
զազգասէր առաքինութիւնն պատուասիրեալ :

Իայց լիցի ինձ օրէն զքերթողահօրն մերոյ 'ի
դէպ ևս երկրորդել աստանօր , զի թարգման-
չին անգէտ մերուան գորով արուեստի՝ 'ի բազում
մասանց թերացեալ գործն գտանէր : Ս ան որոյ
բարերարին ոչ ինայեալ 'ի ծախս , դարձեալ
վերստին զայն արդ նորոգ թարգմանութեամբ 'ի
լոյս ընծայեցուցանէ՝ օրինակ բարի 'ի յորդոր ազ-
գասիրութեան տուեալ հանազգեաց :

ՆՈՒՄԱՊՈՄՊԻԼԻՈՍ



Գ Ի Ր Ք Ա Ռ Ա Ջ Ի Ն

ՆԱԽԱԴՐՈՒԹԻՒՆ ԱՌԱՋԻՆ ԳՐՈՑ

Տուլլոսի քրմապետին Դեմեորեսայ գաստիարակել զՆուամա, որ կարծէրն որդի նորա : Տենտամբուծիւն Դեմեարեսայ : Տուլլոս յայտնէ Նուամայ, զի էր նա որդի Պոմպիլիոսի իշխանին 'ի զարմէ Թագաւորացն սաբինացւոց . և պատմէ նմա զանցս Պոմպիլեայ մօր նորա, զյափշտակուծիւն սաբինուհեացն, զմահ ծնողաց նորա, զպատերազմ հռովմայեցւոց ընդ սաբինացիս, զնիզակակցուծիւն երկոցունց ազգացն, զսնունդ Նուամայ 'ի մեհենին Դեմեորեսայ, և զպատգամ գիցուհւոյն արձակելոյ զնա 'ի հռովմ : Իջանել Նուամայ 'ի շիրիմ մօրն, և ապա կազմել 'ի չու : Խրատք քրմապետին սունա, և հրաժարել նոցա 'ի միմեանց :

ՆՈՒՄԸ ՊՈՄՊԻԼԻՈՍ

Գ Ի Ր Ք Ա .

Այնչ հեռի 'ի Կորայ քաղաքէ, յերկրին Աբինաց, 'ի վաղեմի ուրեք անտառի կանգնեալ կայր մեհեան 'Ի մետրեայ : Հովանացեալ զգմբեթաւ նորա սաւառնէին ժամանակակիցք երկրի սարոյք և կաղամախք . և գետն Կորէս Թանայր ալեօքն զպատուարս նորա, և սողոսկէք գնայր 'ի բուրաստանս տանց՝ որ աստ անդ շուրջ զմեհեան կառուցեալ կային : Ի բնակարանն յայնու սիկ սրբազանս քուրմք դիցուհւոյն, իւրաքան չիւրդք կնան իւրով և որդւովք, հանապազորդէին յաղօթս և 'ի վաստակս և 'ի գուծ ծնելտաէր : Այ պաշտպանեալք 'ի դիցուհւոյն՝ զոր պաշտէին, անեալք յանդաստանացն՝ զորս մշակէին, սիրեցեալք 'ի հարսանցն՝ զորոց յարդարէին զբարեբաստութիւն, բարեբանեալք յորդուցն, խաղաղաւէտք ընդ իրեարս, վայելէին քաղցրութեամբ 'ի կեանս՝ աներկիւղք 'ի մահուանէ և անտենչք նմին :

Արդոյ ծերունին Տուլլոս իշխան էր քրմաց .
 և յուլթսնամեհի քրմապետելով զնախանձայու-
 զուլթիւն երիտասարդական ընդ ծերունական
 ներողամիտ հեզուլթեան միալուծ բերէր յանձին :
 Սիրելի ամենեցուն՝ որ կենակիցք էին նմա ,
 պատկառելի բողոքեցունց , չարաց և եթ ահաւոր ,
 մտերիմ դից և բարեկամ մարդկան , զուն ուրեք
 խնդրէր ինչ վասն իւր , միշտ իսկ և ցանկ վասն
 որբոց և այրեաց : Եթէ 'ի Վորացւոց ոք 'ի բնակ
 չաց քաղաքին կամ 'ի դաշտայնոց անկանէր 'ի
 վիշտս , կամ հերձուած 'ի գերդաստանի ուրեք
 պատահէր , կամ խաղաղուլթիւն ընտանեաց խը
 ուովէր , հայրն տառապեալ կամ այր կամ որդի
 դիմեալ ընդ ճանապարհ մեհենական անտառին՝
 գնային առ Տուլլոս , և կամ եթէ սուղ ինչ նոքա
 յամէին , ինքն Տուլլոս 'ի խնդիր նոցա երթայր ,
 լէր զբազմալթախանձ բողոք նոցա , և ոչ երբէք
 'ի լեւոյ տաղտկանայր . քաջալերէր զնոսա և մխի
 թարէր , և առատ մատուցանէր նոցա նպաստս և
 խրատս : Վառնային 'ի նմանէ թշուառք սփո-
 փեալք 'ի տրտմութենէ կամ նուազ եղկելիք .
 իսկ Տուլլոս , քանզի ճատնրէր արարեալ ինչ
 նոցա , դիմէր անկանէր առաջի դիցուհւոյն , և
 պաղատէր վասն եղկելեացն :

Տուլլոսի վախճանեալ էր կին , և ամենայն
 գուլթ գորովոյ նորա ժողովէր 'ի Վումա միայն
 յորդեակն իւր : (Ը)ուէր իմն զի և երկինք առա-
 քինութեանց ծերունւոյն փոխարինէին , ճոխա-

ցուցեալ զմանուկն առատաձիր բարեմասնու-
 թեամբք : 'Ղեռ այն ինչ պատանին'ի վեշտասան
 ամ հասակին թեակոխէր , ոչ այլ ինչ զպատա-
 նեկան տիոցն բերելով բայց զշորհս և զքաղց-
 րութիւն . էր նա հնազանգ հօրն՝ զոր սակա-
 ինչ ընդհատ 'ի 'Ղեմետրեայ մեծարէր . և վա-
 ռեալ բորոքեալ ըղձիւք նմանող լինելոյ նմա ,
 զբարոյականին մասունս 'ի կենաց նորա ուսանէր :
 'Պարապեալ հանապազ 'ի միտ առնուլ զհրամանս
 կրօնից , ցանկայր կրթել և յարարողութիւնս
 պաշտամանց . և զոհք և մաղթանք գրաւէին բո-
 վանդակ զպարապոյ ժամանակս նորա . սէր առ
 Տուլլոս և ջանք յուսումն՝ էին իղձք սրտի նորա .
 և միտք նորա մարուր որպէս զկապուտակ եթե-
 ըին՝ ոչ ինչ խտրէր զպարտս 'ի զբօսանաց :

Հասին տօնք 'Ղեմետրեայ . այլ ոչ որպէս
 Ալլեւսիս կատարէին առ սաբինացիս տօնքս
 այս . քանզի Տուլլոսի խափանեալ էր զայն ամե-
 նայն խորհուրդս գաղտնաճածուկս , անօգուտս
 ամենեւին 'ի բարեկենդանութիւն մարդկան : Ղ-
 ասէր իսկ . 'Կտուած , որ ամենայն ուրեք երևի
 մեզ , որ հանապազ յայտնէ զանձն 'ի գերա-
 հրաշ սքանչելիս բնութեան , զիմորդ սյոքքան պա-
 հանջիցէ գաղտնիս և այդքան փորձս առ 'ի հա-
 զորդել ընդ մարդկան . իցէ՞ իսկ մարթ' թէ գը-
 ժուարաւ ևս գոհանալ կարիցեմք զմաննէ , քան
 ընդունել 'ի նմանն պարգևս : Վաւ լիցի . սիրէ
 'Ղեմետրէ զմարդիկ առ հասարակ , զի զամենեսին

զնոսա սնուցանէ : Վաշտ , զոր ծածկէ նա հասկօք , տաճար է մշակին . և ամենայն ուրեք ընդ տիեզերս պարտ է երկիր պագանել այնմ , որոյ պարգևք ընուն զերկիր :

Իստ սոցին իմաստից Տուլլոս միաբանու թեամբ ընդ արքային իւրում պատուէր ետ կատարել զտօնախմբութիւն Վեմետրեայ : Իմի ամի մինչև ձեռնարկեալ ՚ի հունձս մշակք առհասարակ զգեղեցկագոյն զիւրեանց հանդերձս զգեցեալ ժողովէին ՚ի քաղաքն Սոր , և անտի մեկնէին գնալ ՚ի մեհեանն : Երինգք առաջի զնային , և զհետ նոցա օրիորդք բերելով ՚ի գլուխս իւրեանց նուէրս սուրբս դիցուհւոյն ՚ի կողովս ծագկազարդս : Եւ անկտին մշակաց հետևէր նոցա սպիտակագգեաց , ծաղկամբք ցորենոյ պսակեալ , զոր կորայն ածեալ ձգելով զհետ զկաղնաճարակ երէ : Գունդս այս բազմահոյլ , խրոխտապանձ՝ զպահունելով զոհին , ճոխաձեմ գնացիւք ճգնէր բերել զհանդարտութիւն . այլ խուովէր զայն անդադար աղմուկ խնձղալից : Հարք նոցա դանդաղաբայլ զհետ գնային՝ յորդորելով զնոսա ՚ի լուծիւն , ներողամիտք անխողութեան նոցա , իւրաքանչիւր ուրուք բերելով ՚ի ձեռին որայ երախայրի ՚ի հնձոց իւրեանց : Թագաւորք և զօրավարք և ատենակալք ոչ ևս զպատուականագոյն ՚ի տօնս անդ ունէին զտեղի , այլ թողուին զայն մեծարանօք սնուցչաց իւրեանց :

Տուլլոսի քրմօքն հանդերձ եկեալ էր նոցա

ընդ առաջ 'ի մուտս դիցանուէր անտառին . առն-
 թեր նորա գնայր 'Վրուան , պսակեալ նարկիսիւք ,
 և զգեցեալ պճղնաւոր կտաւի : Եւ հայեցեալ
 պատանւոյն ետես՝ զի արտասուէր ծերունին ,
 բայց ծածկել հնարէր զարտասուան . և տրրտ-
 մեալ ընդ վիշտս հօրն առաւել քան թէ ինքն
 վշտակրէր , ոչ իշխէր առաջի բազմութեան 'ի
 վեհափառ պաշտամունս անդ դիմել 'ի գիրկս նա-
 րա , և զվասնէրն զարտասուաց նորա հարցանել .
 այլ լուծիւն ծերոյն և գորով և այլայլութիւն
 դիմաց նորա՝ շատ խկ յայտնէին զարտին աղմուկ :
 'Վրուան , որ միշտ մտադիրն էր և անզբօս 'ի կրօ-
 նական պաշտամունս , ոչ ևս ինչ տեսանէր անդ՝
 բայց զհայրն , ոչ ևս ինչ խորհէր՝ բայց 'ի հայրն ,
 'ի մոռացօնս արկեալ զպաշտօն իւր . և աչք խկ
 նորա , որք զպատճառս հայրենի արտասուացն
 իննդրէին նկատել , նսեմացեալ էին յարտասուաց :

Հասին 'ի մեհեանն . և Տուլլոս անկեալ ա-
 ռաջի դիցուհւոյն՝ մատուցանելով նմա զերա-
 խայրիս հնձոց , այսպէս պաղատէր . Եւ այրդ մե-
 հացուաց , դու որայիցս այսոցիկ աճումն շնորհես ,
 և հայր քոյին 'Վիտս երկիւղածս զմեզ և շնորհա-
 կալուս յարդարէ : 'Վիք անմահք , զձերս 'ի ձերոց
 աստի ընծայեմք պարգևս . մի մերժէք զնուէրս
 մեր , այլ անբաւ բարերարութեամբք ձերով շը-
 նորհեցէք անդաստանաց մերոց առատ պազարե-
 րութիւն , բազկաց մերոց զօրութիւն , և անձանց
 մերոց առաքինութիւն : Եւ յաւարտ մագլթա-

նացն էարկ Տուլլոս զմուրին սուրբ առաջի զՆ
Տին . և շրջեալ զգլուխ նորա ընդ երկինս 'ի վեր ,
զեն զնա , և ետ զայն 'ի ճաշակ :

Եւ 'ի վախճան լինել զՆՏին՝ մինչդեռ մնառէին
մշակք աւանդել զՏունձս իւրեանց , ստէ ցնտա
Տուլլոս . Եղբարք իմ , (քանզի և դուք իսկ
քուրմք էք 'Եմետրեայ) , նուէրդդ այդդքիկ դի-
ցուհոյն են , այս ինքն է կարօտելոց . և քուրմք
դից ոչ այլ ինչ են , բայց զանձապետք սղքատաց ,
իսկ դուք բարերարք նոցին : Ենտրեցէք ապա զմի
ոք յերիցագունիցդ 'ի ձէնջ , զի հսկեսցէ ընդ իս
զայս ամ 'ի սփոփումն Թշուառաց . պարտ իսկ է
զի տացձեզ համար զնուիրացդ , զորս աւանդէքդ
ինձ վասն նոցա : Իսկ մշակքն , քանզի գիտենք քաջ
զառաքինութիւն Տուլլոսի , չառին յանձն տալ
նմա ընկեր . բայց Տուլլոսի պահանջեալ զայն ,
ընտրութեամբ գործակցին եղև զբաւ պաշտա-
մանն :

Բայց Երուան ոչ ունէր ժոյժ , փութայր տե-
սանել միայնակ զհայրն . և այն ինչ Տուլլոս ել
'ի մեհենէն , դիմեաց 'ի գիրկս նորա խանդակաթ-
որդին , և ասէ . Հայր իմ , դու վշտագնիս , և ես
զվիշտս քո անգիտանամ . ո՛հ , գիտեմք քաջ՝ զի
մանկականի տիոցս իմոց ոչ է մարթ սփոփել
զքեզ , այլ գէթ վշտակից եղէց քեզ . և երբ իցէ
ինձ ժոյժ ունել արտասուաց , տեսանելով զար-
տասուս որ իջանեն յաչաց քոց : Պատասխանի ետ
նմա հայրն . Որդեակ իմ սիրելի , (քանզի ոչ եր-

բէք դադարեցից 'ի կոչելոյ զքեզ անուշակ ա-
նուամբս), յորովք են ինձ յոյժ արտասուաց պատ-
ճառք, քանզի առաջի կայ ինձ բաժանել յայն-
մանէ՝ որ սիրելին է ինձ քան զկեանս իմ: (Հայն-
ժամ՝ Վուան դողդոջելով ասէ . կամիս օւրեմն
Թողուլ լքանել զիս :) Երունին ասէ . քաւ լի-
ցի, որդեակ իմ. ոչ ես, ոչ, սիրելի որդեակ,
այլ դու Եւ ոչ կարաց կատարել զբանսն,
նուաղեալ ձայնի նորա 'ի հեծեծանաց . և ա-
ռեալ զձեռանէ՝ Վումայ, ձգեաց զնա 'ի ներքսա-
գոյն կողմն անտառին . անդ բազմեցան 'ի դալա-
րոջ և սկսաւ ասել ցնա ծերունին .

Վուան, դու չես որդի իմ: Օ այն իբրև լուս-
պատանին, հատաւ գոյն երեսաց նորա, և եղև
տժգոյն մահատիպ, և զդողանի հարկանէր ձեռն
նորա 'ի ձեռին ծերունւոյն: Օ քաց զայն քրմա-
պետն, և Թևապարտիակ փարեալ զնովաւ, յա-
ւել վաղվաղակի . հանդարտ լեր, ես եղէց միշտ
քո հայր, սիրելի է ինձ անունս այս որպէս քեզ:
Եւ յու լու լուր զանցս ծննդեան քո և ծանկր որ-
պիսի բարձր քեզ նսեհ պատրաստեն երկինք:
(Հայնժամ՝ Վումայ փարեալ զհարբն, և ոչ ինչ
տուեալ նմա պատասխանի, լուս և Թ ունկնդիր
լինէր, 'ի խոնարհ ունելով զաչս իւր . բայց 'ի տե-
սիլ կերպարանացն Թուէր իմն ասել ցՏուլլոս .
չիք և չիք ինձ և ոչ մի ինչ հաւատար բարեբաս-
տութեան գողոյ քեզ որդի:

Եւ յառաջ ածեալ քրմապետին զբանսն, ասէ .

Պոմպիլիոս ած գբեզ 'ի լոյս , որդեակ իմ , Պոմպիլիոս իշխան թագաւորազն , և գերաշխարհիկ առաքինութեամբքն սիրելի դից և մարդկան : շքնաղագեզն Պոմպիլիա 'ի նախնի զարմէ Հերակլիդեանց էր հարսնացեալ նմա 'ի տասն ամաց հետէ . և ոչ այլ իմիք կարօտէին ամուլքն բարեբաստիկք , բայց տեսանելոյ զգրաւական խանդակաթ սիրոյ իւրեանց ընդ միմեանս : Պոմպիլիոս ըղձիւք ցանկայր այնմ . իսկ գորովագութն Պոմպիլիա , որոյ նպատակ ամենայն ըղձիցն էր այր իւր , գայր հանապազօր 'ի տաճար այսր , անկանէր առաջի Վեմետրեայ , թանայր արտասուգ զաստիճանս բազնին , և զմի ինչ խնդրէր շնորհ 'ի բարեբաստութիւն իւր՝ ծնանել առն իւրում որդեակ մի : Սատեայ առ նա 'ի միում աւուրց յանկարծ 'ի սրբարանին . այլ նա այնու եռանդեամբ աղօթէր , զի ոչ ետես զիս . և լէի զի աղօթէր այսպէս . բարերար Վեմետրէ , եթէ հօրքօ Վիտսի երկայնաւուրս ինձ սահմանեալ իցէ , մաղթեա ինձ 'ի նմանէ կորնչել մանաւանդ վաղամեռիկ 'ի ծաղկի հասակիս , բայց միայն թողու առն իմում արգասիս սուրբ սիրոյ մերոյ : Մարձ յինէն հզօրդ և անմահ , բարձ զամենայն պարգևս՝ զորս ընկալայ . մի տար ինձ զորս պատբաստեսն , այլ տուր և եթ զոխարէն ուստրիկ մի : Սուայց զձիչ նորա , տեսից զնա , բարձից 'ի գիրկս իմ , գգուեցից 'ի ծոց իմ , ծածկեցից զնա 'ի համբուրից բերանոյ իմոյ , մատուցից զնա առն իմում

մանկանն . և արբեցեալ մնայրենի սիրով գորովա-
գութն Պոմպիլիա՝ յաճախէր ՚ի տաճարն գո-
հանալ զդիցուհոյն , առաւել ևս քան զոր յա-
ռաջն յընդունելութիւն ըղձիցն գայր :

Եւ ինչ իններորդն ժամանէր ամիս՝ որում
յայնքան ժամանակաց հետէ ցանկայր , Հռոմու-
լոս՝ որոյ անուն ոչ անծանօթ է քեզ՝ հռչակ ե-
հան ընդ Սաբինա , զի ՚ի նաւակարտիս քաղաքին
Հռովմայ՝ որ դեռ ևս կատարեալն էր՝ կամէր
տօնս խաղուց ՚ի հանդէս ածել ՚ի պատիւ Կրն-
սեայ դից : Վիտես իսկ , որդեակ , քանի մեծա-
րեալ պատուի աստուածս այս առ մեզ : Սայր քո
բարեպաշտ , որ ոչն ապախտ առնէր զպատեհ մե-
ծարելոյ զդիս , կամեցաւ գնալ ՚ի տօնսն . և
Պոմպիլիոս , դիւրալուր ՚ի հաճել գնա , ած զնա
անդր : Ինչպէս զայնք ՚ի սաբինացուց աստի մերոց
չոզան զհետ Պոմպիլիոսի . կանայք և դստերք
դիմեցին ՚ի Հռովմ՝ զարդարեալ ՚ի հանդերձս
վայելուչս տօնիցն : Եւ աւանդ , քաջ որեարն
մեր անկասկածք զդաւանացն՝ գնային անդէնք :
Ստին աներկեան ՚ի կրկէան , ուր Հռոմուլ բազ-
մէր ՚ի հոյակապ բեմի . կանայք նոցա և դստերք
առննթեր նոցա առին կայս . և անժոյժք ՚ի տե-
սիլ հանդիսին , շուրջ ածեալ զաչս՝ խնդրէին ըզ-
զոհսն զենլիս որ ինքեանք իսկ էին :

Եւ յակնարկել թագաւորին՝ հանեալ Հռով-
մայեցուց զսուսերս , կալան զելս կրկիսին : Սաբի-
նուհիք զարհուրեալք դիմէին ՚ի գիրկս հարցն

իւրեանց և եղբարց և արանց . այլ զօրն Հռոմու-
լեայ ամեհիք յարձակեալք 'ի մէջ կրկիսին , սուր
'ի ձեռին , աչք արիւնոուշտ , սպառնալիցք ընդ
դէմարանց , և հրապուրիչք կանանց , յափշտա-
կէին զագգն ապիկար , որպէս գայլք սովեալք ըզ-
խաշինս ահաբեկս : Ի զուր էր հիգացն սրտա-
ուռչ ճիչ աղաղակի և խնդրել զմահ . 'ի զուր քա-
ղաքակիցք մեր զայրագինք , մոռացեալք զի էին
անզէնք , յարձակէին 'ի վերայ առւանկացն ,
հարկանէին ընդ նոսա , կուռէին , յափշտակէին ,
զսուսերս նոցա , և ներկանէին զերկիր 'ի նախ-
ճիրս արեանց հռովմայեցւոց : Ի սոքա բազմա-
գոյնք [Թուով՝ կոտորեալ զընդդիմակացս , զայլս
'ի փախուստ դարձուցեալ , ածեալ ամրացուցին 'ի
Հռովմ զորսս իւրեանց , մինչ սաբինացիքն մեր
տխուր արիւնաշաղաղ ծածկեալք վիրօք վշտա-
գին և կորակոր դարձ առնէին 'ի Վոր՝ գուժեւ
զահագին բօթն , և պատրաստել 'ի վրէժխընդ-
րութիւն :

Ի նոզէն 'ի սկզբան աղմկին Պոմպիլիոս հայր
քո 'ի վերայ բազկաց իւրոց բարձեալ բերելով
զմայր քոյին , խնդրէր բանալ իւր անցս ընդ ամ-
բօիս յելուզակացն : Իւ այն ինչ մերձ հասեալ
յելս կրկիսին , և ահա գումարտակ հռովմայեցի
զհետ մտեալ , 'ի վերայ հասեալ յափշտակէր 'ի
նաննէ զկինն : Պոմպիլեայ մոնչեալ զայրագին ,
և զմահ յաչս եղեալ եգիտ անդ սուսեր մի , և
տապաստ արկեալ որ շուրջ զիւրև պատեալ էին

Հոովնայեցիք, դիմեաց խոյացաւ, հար և հարաւ, եհաս առ Պոմպիլիա, արկ սրախողխող զսիղեխ նորին, և թափեալ զսիրելին՝ ընդդրկէր զնա յարիւնաթաթաւ 'ի գիրկս իւր, քաջալերէր զնա և մխիթարէր: Եւ թէպէտ հոովնայեցիք մոլեգին հետամուտք լինէին, և թէպէտ տարափ նեւից զնովաւ տեղային, խոյս տայր 'ի կրկիսէն՝ ողջագուրելով զհէք մայրքոյն, և ըսթափելով զնա, գոհ և զուարթ ընդ փրկութիւն նորին:

Եւ յսպէս առիւծ 'ի Վումիդիա զյանդուզն տեսանելով 'ի բացէ զորսորդ յափշտակող կորեանց իւրոց, մոլեգին մոլնչմամբ, արիւնուռչտ և հրացայտ աչօք յարձակի 'ի վերայ հիբին: 'Եւ 'ի զուր 'ի բաց զորսն լքանէ. հասանէ ոսոխն ըզհետ, յօշ յօշ պատատէ զնա, շուրջ զջերաջերմ՝ զդողդոջ անդամն արկանէ: Վորով ապա ըզզայրոյթ 'ի նմա փոխանակեալ, դիմէ նա առ կորիւնս իւր, գգուէ զնոսա, կաղկանձէ առ ցնծութեան, լիզու և դարձեալ լիզու զնոսա դեռ ևս արիւնաշաղախ լեզուաւն, և մերձ առ նոսա բազմեալ՝ դիեցուցանէ զնոսա, մինչ դեռ անդամք նորա 'ի դողի կան առ սրամտութեանն այն ինչ յագեւոյ:

Եւ ստ սմին օրինակի և Պոմպիլիոս. թէպէտ և խոց կարեւլէր, թէպէտ և արիւն 'ի նմանէ գունդագունդ հոսէր, հաս 'ի տաճար պար, եդ ըզքաղցր բեռնն առ ոտս բազնի դիցուհոյն, աղերս

արկ Վեմետրեայ փրկել զնա և պահպանել, և ապա նուաղեալ 'ի հոսմանէ արեանն յաշխատութենէ և 'ի ցաւոց, անկեալ 'ի վերայ վիմին փչեաց զոգի :

Ետու բառնալ վաղվաղակի զմայր քոյին, և ածել 'ի տուն իմ. ուր իբրև զգաց նա անձին, առաջին բարբառ զանուն Պոմպիլեայ ետ. հարցանէր զնմանէ, խնդրէր տեսանել զնա, և կամէր 'ի խնդիր նորա ելանել : Սուր ջանայի հանդարտել զնա, և ծածկել 'ի նմանէ զմահ հօր քո, իբր թէ գերի առ հուվմայեցիս կայր. արտասուք՝ որ հոսէին յաչաց իմոց, և խէթ մտաց նորա, նշաւակէին զխաբան : Այլ սրտառուչ արձակեալ, մերժեալ 'ի բաց զամենայն զդարմանս, և խոյս տուեալ 'ի բազկաց մերոց, խնդրէր դիմել զնալ անկանել մեռանել 'ի վերայ դիականն Պոմպիլիոսի :

Եւ յնքան յուզումն և վրդով ճեպեցին զպահն, յորում պարտ էր քեզ բանալ զաչս 'ի լոյս. երկունք 'ի վերայ հասին նմա, անողորմ Վիլիթիայք լլկէին զնա դառնաղէտ, և ընկճեցաւ նա ընդ ցաւօքն, վայրկեանն քեզ կենսատու՝ մօր քում եղեալ մահաոխիթ :

Եւ 'ի լսելն զայսոսիկ՝ Վումայ, անկաւ զպարանոցաւն Տուլլոսի. և բարեգուլթ ծերունին իբրև զգաց թացեալ զալիս իւր յարտասուաց պատանւոյն, զկայ էառ առ 'ի լալ ընդ նմա : Եւ ապա անդրէն յառաջ ածեալ զիսոսս իւր

ասէ . Ետու խնդրել զոք դայեակ 'ի կնազու-
րումն գայթ 'ի գայթ կենացդ . զի թուէիր դու
'ի ծննդեանդ անզօր 'ի վերայ աղէտիցդ կեալ ,
դու ճիշտ ողորմագինս արձակէիր , և կապուտակ
դէմք քոյին թուէր մահագոյժ : Բարեգութն Բ
միկլէա , երկրագործի ուրումն կին , յանձն էառ
զհոգ քոյին . և մայրագորով խնամք նորա , քան
թէ կաթն , պահեցին զկեանս քո :

Չեոն արկի յայնժամ 'ի յուղարկաւորութիւն
մօր քո և հօր . պատրաստեցի զվայտակոյտն , ժռ
ղովցի զբնակիչս Աորայ և զդաշտացս շուրջանա-
կի , և բարեգութ արքայն մեր Տատիոս զգե-
ցեալ հանդերձ սգոյ , ածէր զնոսա : Օջրականք ,
քաղաքացիք , և մշակք արտասուէին առ հա-
սարակ զարժանաւոր հայր քոյին , մաղթանս
վասն որդեկին մատուցանելով բարին : Եւսկն
Պոմպիլիոսի այրեցաւ առնթեր հարսինն իւրոյ
դիական . և ամփոփեցի զաճիւնս նոցա 'ի սափոր
արծաթի , և եդի զայն 'ի շիրմի 'ի ծածկագոյն
վայր մեհենիս : . . . Եայնժամ գոչեաց պատա-
նին . Աարացից տեսանել զայն , հայր , լիցի ինձ
տեսանել զշիրիմն զայն , լիցի ինձ արտասուել ըզ-
նովաւ , և հուպ 'ի ցանկալին յայն լինել 'ի
սափոր : Քրմնպետն ասէ . Բյյ՝ որդեակ իմ ,
այսօր իսկ իջուք մեք անդր :

Բայց խնդրեցաւ վրէժ մահուան ծնողաց քոց .
քաջ որեարն մեր սաբինացի ծանրացասումն ընդ
նախատինսն՝ առեալ զէն , և առաջնորդեալ 'ի Տա-

տիտէ , խաղացին գնացին 'ի վերայ ուխտադրութ
քաղաքին : Այլուզակքն վատք ոչ իշխէին գալ
ընդդէմ բանակին մերոյ ամրացեալք 'ի պարիսպս
իւրեանց : Պաշարեաց զնոսա Տատիոս , և ընդ
հուպ բարեպատեհ յաջողութեամբ տիրեաց միջ
նաբերդին : Հռոմուլեայ հարկ լեալ պատերազ
մել և կամ թողուլ բքանել գքաղաքն , ճակատ
յարդարեաց 'ի ստորոտ Սապիտային , այն որում
համբաւ ընծայէ յապայս զտիեզերակալութիւն :
Անձն էառ Տատիոս զպատերազմն . և սաբի
նացիք մեր , անձկայրեացք 'ի թանալ յարիւն
դաւաճանացն՝ անկան 'ի վերայ գնդացն հռով
մէականաց ամենայն զօրութեամբ՝ որչափ ինչ
զայրոյթ կարէ յաւելուլ 'ի կորով արիական : Բե
կաւ բանակ թչնամեաց . բայց Հռոմուլոս դար
ձեալ զկաց մնաց զօրացն ժողովէր , Հռոմուլոս
միայնակ զդէմ ունէր սաբինացւոց . կարդաց նա
աղաղակաւ մեծաւ զՎիոս օգնական , և անունն
դիցական և օրինակ զօրավարին կասեցուցին ըզ
զօրականն փախստական : Արձակեցան և հռով
մայեցիք , արծարծանէր ամօթ զարիութիւն նո
ցա . շկահէին զիրարեալ նիզակք , կոփէին ընդ
իրեարս ասպարք , յաճախէին արհաւիրք , յա
ճախէին նախձիրք . և զօրացն խոնկելոց չէր մարթ
յառաջ խաղալ , և ոչ քայլ մի , առանց ոտնակոխ
առնելոյ զթչնամին : Այդթութիւն յերկբայս
կացեալ ընդ երկար , հտկամիտեաց ապա 'ի կողմն
արդարութեան : Բաջակորով արքայն մեր Տա-

տիոս , և անվեհեր սպարապետ նորա Սեփոս խրաւնատեցին դարձեալ վերստին զբանակն հըռովմէական : Նաճկէր երկիրն հանապիւռ 'ի դիականց , յաղթանակ առաջի կայր սաբինաց , և Հռովմայ և Հռոմուլեայ մօտալուս կորուստ . և ահա դէպք յեղակարծ քան զամենայն դէպս խափան եղեն յաղթութեան :

Սաբինուհիք , նոքին իսկ կանայք յափափեալք 'ի հռովմայեցւոց 'ի կոնսական տօնիցն 'ի խաղս , սաբինուհիք հերարձակք , աչք նոցա ողողեալք յարտասուս , բազկատարածք , ճիչս աղիւղորմն բարձեալ , դիմէին 'ի խուռն մարտին . ոչ սուսերք և նիզակք արիւնաներկք , և ոչ աղմուկն և կոտորած ահ արկանէին 'ի նոսա , դիմէին գոչելով . Վաղարեցէք դաղարեցէք 'ի պատերազմէդ , ամկարշտագոյն է դա քան զընտանի պատերազմ : Վասն մեր պատերազմիք , և մէն մի 'ի հարուածոց ձերոց այրիս զմեզ և որբս կացուցանէ . եթէ սիրէք զմեզ , կենսատուքդ մեզ մի բառնայք ըզկեանս արանց մերոց . որ երդուայքդ մեզ սէր անլուծանելի , խնայեցէք 'ի կենսատուս կանանց ձերոց : Նուշ լիցի ձեզ , զի զգրաւական սիրոյ ձերոց 'ի ծոցի մերում կրեմք : Ս հռովմայեցիք , սաբինուհիք են կանայք ձեր . ո՞ սաբինացիք , թոռունք ձեր լիցին հռովմայեցիք : Վաղարեցէք ապա 'ի խողխողելոյ զմիմեանս , որ ոչ ևս այլ և այլ էք ազգ՝ այլ ազգատոհմ մի . և կամ եթէ ծարաւի իցէք արեան՝ լուծէք նախ եղծէք զամենայն կապ կցոր

դուժեան , զենէք զդատերս ձեր և զկանայս , և ապա 'ի վերայ ջերաջերմ դիականց նոցա արկէք զծիմեանս սրախողխող :

Տեսարանն այն , զրոյցք և արտասուք և ճիչ սաբինուհեացն ցածուցին զգայրոյթ սրտից . զկայ առին մարտիկք , հայէին ընդ միմեանս զարմացեալք՝ զի ոչ ևս ատէին զիրեարս : Կառեաւ սուսերն թերաբամեալ զգլխով այնորիկ՝ որում սպառնայրն , և 'ի կախ եկաց գեղարդն ընդ օդս . անկաւ նետ յաղեղանէ , որ թուլացեալ՝ ոչ ևս ձգէր զայն : 'Եւմէին սաբինուհիք 'ի զէնս անդր , խըէին զայնոսիկ անբռնադատ 'ի ձեռաց հարց իւրեանց և արանց՝ համբուրելով զնոսա և թանալով արտասուօք իւրեանց . լուանային լալեօք զարինաշաղախ ձեռս նոցա , և կցորդէին զայնուօիկ ընդ իրեարս 'ի հաշտութիւն . և իւրաբանչիւր ոք 'ի սաբինուհեաց ընդգրկեալ զհոովմայեցի զոք և սաբինացի , մատուցանէին յիրեարս 'ի համբոյր , և ստիպէին զոսոխ ընդ ոսոխի 'ի գրկախառնութիւն :

Այ ևս այնուհետև պատերազմ , ոչ ևս վրէժխնդրութիւն . խօսէին ընդ միմեանս թագաւորք 'ի հաշտութիւն , և միաբանէին՝ կցորդել երկուց ազգաց ընդ միմեանս , և մի ևեթ կազմել այնուհետև ազգ , և հատիոսի և հռոմուլեայ գա հակիցս բազմեալ բաժանել յիւրեանս զիշխանութիւն արքունի : Կռեցին ուխտ խաղաղութեան , զենին զոհս 'Եւոսի , Լըրեզական և Լըրկրի . և

խառնեալ ընդ միմեանս բանակքն երկողին , և առաջնորդեալք 'ի սաբինուհեացն՝ մտին 'ի շըռովմ՝ 'ի ձայն աղաղակի ցնծութեան , խորխոսագոյնք իմն և փառաւորագոյնք ընդ պարտութիւն իւրեանց 'ի գորովոյ , քան եթէ յաղթանակեալ էր նոցա 'ի զայրոյթ սրտմտութեան :

Ի այց դու աճեցեալ առ ինև զարգանայիր , համարեալ յորդի իմ . և ես իսկ հաստատէի 'ի պատրութիւնն՝ որ ըստ սրտի իմոց էր և ըստ ըզձից մօր քո : Ի նդատին 'ի չորեքամեայ հասակէ շրջէիր զհետ իմ ընդ տաճարն , զգեցեալ զպճղը նաւորն նուիրական , և 'ի մնատղ ձեռին քում բերէիր զինկանոցն ոսկի : () մայլէին քուրմք մեր ընդ հեզութիւն քոյին և ընդ չնորհս , և նա խանձէին ընդ բախտ իմ՝ զի էի քեզ հայր : Ի անիօն և ինձ ցանկալի էր բախտն այն : Ի հնգետասան ամաց հետէ , որդեակ իմ՝ Վրամա , ոչ ևս կեամ բայց առ 'ի սիրել զքեզ , և եթէ սիրիցեմ զառաքինութիւն , որպէս տեսանեսդ որ դեակ իմ սիրելի , զայն իսկ սրտի մտօք 'ի գործ արկանեմ առ 'ի յոյս տեսանելոյ զփոխարէնսն այնորիկ չնորհեալ քեզ 'ի դից :

Ետղուեցի ընդ հուպ զարգասիս իննամոց իմոց , որովք իննամարկէի քեզ . անդստին 'ի սկզբնաբոյս տիոցդ յայտնեցան 'ի քեզ բարեմասնութիւնք . չեղև ինձ հարկ ազդել ինչ 'ի քեզ 'ի պատշաճից , զի համայնք 'ի սրտի քում բնաժինք էին . և իմաստք բարոյականին տպաւո .

րեալ 'ի միտս քո էին , մինչև ուսեալ քո յինչն զայնոսիկ . և զամենայն թեւադրէր քեզ բանն , որ ինչ իմ 'ի փորձոյ ուսեալ էր : Այլ թէ դէպ լինէր ինձ դժուարինս ինչ հարցանել քեզ առ 'ի փորձ , պարզագոյն և ճշգրիտ ևս տայիր ինձ պատասխանի քան զոր իմ պատրաստեալն էր : Այսչափ ևս ուր ճառս բարոյականս երկայնապատումն առ 'ի յուսումն քեզ համարէի յօրինել , հակիրճ քոյին մտածութիւնք լուսաւորէին զմիտս իմ . և յաւարտ ճառիցն վարժապետ քոյին գտանէր ուսեալ : Այլ 'ի միտ առեր զամենայն մակագութիւնս խնաստասիրացն մերոց ետրուրացւոց , և ասէիր ցիս . Հայր իմ , դոյզն ինչ է զոր ուսայն և այն երկբայանօք լի . զի առաքինութիւն և եթէ է ճշմարտութիւն աներկբայ , 'ի մեզ իսկ է մատեան նորին , այս ինքն սիրտ մեր . հարցցուք զնա յիւրաքանչիւր 'ի գործս մեր , զՏեա երթիցուք միշտ թեւադրութեան նորա , և ոչ լիցի մեզ մոլորիլ : Իսկ ես գիրկս արկանէի քեզ խրնդութեամբ , և ոչ իշխէի գովել զքեզ . կասկածէի թէ գուցէ գտանէր 'ի քեզ տեղի ախտն անչքացուցիչ ամենայն բարեմասնութեանց , որ 'ի սկզբան անդ թառամեցուցեալ և եթէ զայնոսիկ , և ապա գրեթէ միշտ եղծանէ զնոսա 'ի սպառ . ասեմ իսկ զնապառութիւնն : () քոյ լեր յայնմանէ , որդեակ իմ , յամենայն 'ի կեանս քո . յիշեա քաջ զի վնասակարագոյն առաքինութեանց է ախտն այն զի անսիրելիս զնոսա առնէ :

Հրճուանօք տեսանէի գբեզ զերծ 'ի վտանգէ
աստի . օր ըստ օրէ 'ի լաւ անդր թեակոխէիր ,
օր ըստ օրէ համեստագոյն գտանէիր : Պատրեալ
'ի հռչակ համբաւոյ , և մանաւանդ յորձից սրտի
խնոյ , համարէի գբեզ յորդի իմ , և խորհէի հրաւ
ժարել թողուլ 'ի քեզ գբրմապետութիւն . և
քուրմք առ հասարակ և քաղաքացիք համօրէն
գուշակէին զայն խնդութեամբ : Երէք աւուրք
են , որդեակ իմ , զի պատգամ երկնաւոր արգել
յինէն զայս յոյս : Վեմետրէ , նա ինքն դիցու-
հին Վեմետրէ երևեալ ինձ զամենայն գիշերս ,
պատուիրէր մեծասաստ՝ արձակել գբեզ 'ի Հռովմ ,
և յայտնել զազգ քո : Ի զուր անկեալ առ ոտս
դիցուհւոյն , առաջի առնէի նմա զխէթս մտաց
իմոց , և յիշեցուցանէի զուխտ մօր քո : Պատաս-
խանի տայր ինձ դուստրն Վիայ . Եւ ընկալայ ես
զուխտն զայն . մի լիցի ինձ Վրամա քուրմ , 'ի
բարձրագոյն կոչէ զնա 'ի բախտ ճակատագիր նո-
րա . քաջ ևս լիցի նմա սպասաւորել ինձ 'ի գա-
հոյս քան ընդ հովանեաւ բագնեաց իմոց : Եր-
թիցէ նա 'ի Հռովմ , և մի ևս զորով քոյին հա-
կառակ կացցէ հրամանաց երկնից :

Եհա , որդեակ իմ , պատճառք արտասուացն ,
զորոց 'ի զոհի անդ տեսանէիր դու զհոսել յա
չաց իմոց : Պարտ է հնազանդել . պարտ է մեզ ,
Վրամա , բաժանել 'ի միմեանց . դիցուհին զայն
հրամայէ , ոչ է օրէն ստունգանել : Եւ և ան-
բարբառ գողտրիկ պատանին հայեր 'ի դէմս

Տուլլոսի արտասուելով . և ամբարձեալ զաչա իւր յերկինս՝ թուէր վարանել ընդ հայրն և ընդ դիս . բայց խրախուսեալ ՚ի ծերունւոյն , հաստաւ տեցաւ ՚ի չու : Եւ կալեալ զձեռանէ Տուլլոսի , սեղմելով զայն մեղմիկ , ասէ . Ո՛վ հայր իմ , դու խոտաացար իջուցանել զիս ՚ի շիրիմ՝ Վոմայիլիոսի , և տալ ինձ համբուրել մեծարանօք զսափորն , յորում աճիւնք մօր իմոյ պահին : Վրմնպետն ասէ . Եկ զկնի իմ . այժմ իսկ կամիմ ածել զքեզ անդր : Եւ զիմեալ գնային ՚ի մեհեան անդր :

Յետ կուսէ բագնի զիցուհւոյն գոյր դուռն պղնձի , գորոյ Տուլլոս և եթ ունէր զբանալին . եւ բաց զայն , և էջ ընդ աստիճանս ինչ . և Վրմնա իջանէր զՏետնորա հառաչանօք : Հասին ՚ի ստոր երկրեայ ուրեք տեղի , ուր միակ առկայծէր կանա թեղ . անդ էր շիրիմ անարձանազիր ՚ի սեաւ կճէ՝ պարզ քանդակաւ , և ՚ի վերայ նորա եղեալ կայր տափոր արծաթի՝ սգատեսիլ ծածկեալ քողով : Ղընթեր սափորոյն գոյր պիտակ և սուսեր մի և գիտակ դեղձանիկ : Վրմնա ՚ի մտանելն ՚ի վայր անդր ՚ի ստորերկրեայ՝ ծունր եղ . և Տուլլոսի բարձեալ զգուշութեամբ զսափորն , և մատուցեալ զայն սու պատանին , ասէ դաշն ձայնիւ . Համբուրեա՛ , որդեակ իմ , զսուրբ շխարագ , կօկ զսափորդ՝ յորում են աճիւնք լաւագունին ՚ի մարս և գորովագունին յարս : Վրբա արդ ամն կառոյց կան ՚ի քեզ , յեղիւսական դաշտաց անտի ամնարկեալ նկատեն զքեզ , և առաւել քան զա-

մենայն բերկրութիւնս անմահական կենացն՝
յորս վայելեն, զտեսարանս զայս բարեպաշտու-
թեան որդեկին իւրեանց համարին :

Վրումս 'ի վերայ բազկացն ունելով զսափորն ,
թանայր զայն արտասուօք , ընդգրկէր զայն , և
թուէր իմն նմա այնպէս՝ զի աճիւնքն ցանկալիք
վերակենցաղք հրձուէին : Ս՛հ , զի դառն էր նմա
տալ զսափորն անդրէն 'ի քրմնպեան , և ճրպէս
ձեռք նորա զՏետ կարկառէին 'ի հեռանալ սա-
փորոյն 'ի նմանէ :

Տուլլոս եղ զայն անդրէն ընդ քօզոյն . և ա-
ռեալ զսուսերն հանդերձ գրոյն և գիսակաւ ,
ասէ ց՛Վրումս . Մ՛հա սուսերն պաշտարան մօր քո
և հայրենեաց , որ երբէք ոչն շկահեաց առ զայ-
րոյթ , և ոչ զոք բաց 'ի թշնամեաց աշխարհիս
եհար : Մ՛անդեմ զայն քեզ , որդեակ իմ . 'ի նոյն
և գու արկցես զայն 'ի կիր . հզօրն Վեմետրէ ,
որում զայն նուիրեալն էի , արկցէ տապաստ ընդ
երկաթովդ զամենայն դարանակալս կենաց քոց :
Եւ զգիրս զայս մայր քո 'ի մեռանելն իւրում
գրեաց առ Տատիոս աղբայ . լիցի քեզ տա կարևոր
առ 'ի ժառանգել յարքունիս նորա բարձ պատ-
կանաւոր քում ազգատոհմիդ : Իսկ գիսակքօ
դեղձանիկք , եթէ իցէ իսկ հարկ ասել զայն ,
գիսակք մօր քո են՝ զորս նուիրեաց նա Վեմետ-
րեայ յաւուր յորում ընկալաւ 'ի նմանէ որդի :
Կրեսջիք զսա միշտ ընդ քեզ , Վրումս . սիրտ գիւ-
րազգաց կարօտի գրաւականացս այսոցիկ սիրոյ և
բարեպաշտութեան :

Եւ յետ բանիցս այսոցիկ ելին 'ի ստորեր-
կրեայ խորոց անտի . և դարձաւ Վրոմա 'ի տուն
քրմնապետին , կազմել պատրաստել 'ի չու : Ս'եր
կացաւ զպճղնաւորն կտաւի , և զգեցաւ զպատ-
մաւ ճան՝ ընդ որով գեղեցկագոյն ևս երևեալ :
Հայէր քրմնապետն 'ի նա և հառաչէր , գուժկան
վտանգաց զնորն՝ զայն համարելով նմա զհան-
դերձ . այլ մերժէր 'ի մտաց զխորհուրդն , առ 'ի
չպակասելոյ իւրիք 'ի հայթայթ անա պիտոցից ման
կանն : Իննամբ նախահոգք թելադրէին նմա և
զպէտս , որոց չէր մարթ պատանւոցն կարօտել .
մերկանայր յիւրոցն առ 'ի մեծացուցանել զնա .
և զի մի հրաժարեցէ մանուկն ընդունել զպար-
գևան , ծածկէր ընդ հանդերձիւք նորա զդոյզն
զոսկին զոր խնայութեամբն պահեալ էր : Եւ
ասէր . Ս'երիք ինձ պէտք լիցին 'ի մեկնել ի-
մում 'ի նմանէ , այլ ամենայն ինչ լիցի նմա կա-
րևոր 'ի բացեայ յինէն :

Ս'երձենայր պահն աղիողորմ , և կտք՝ որ
զՎրոմա ածելոցն էին՝ կային կազմ և պատրաստ ,
Եւ Տուլլոս 'ի կաս անդր ընդ որդւոցն , գնալ
ընդ նմա յուղարկ մինչև անդր քան զմեհենա-
կան անտառն . և զայսոսիկ յայնժամ զվերջին
խրատս թելադրէր նմա գորովն հայրենի .

Վերեա ինձ , որգեալ իմ սիրելի , ներեա ինձ
եթէ սարսեալ դողամ տեսանելով զի մանուկ
դեռ ևս գոյով քո հասակաւ , թողեալ զխաղա-
ղաւետ դաշտորայքս զապաւէն անմեղութեան

զերծ յամենայն վտանգէ, զնստ բնակել 'ի քաղաքի՝ որ խոհականագոյն իսկ մարդկան է վտանգաւոր : | քեալ թողցիս անդ անսիրտ, անառաջ նորդ, անխորհրդական, և անբարեկամ . զի և ո՞ իսկ մանկականի քումդ զեռ ևս հասակի իցէ բարեկամ . և վնասակարագոյն այն իսկ լիցի քեզ՝ կարծել թէ իցեն : | քեալ թողցիս 'ի մէջ երկուց ազգաց, որք թէպէտեւ առ քաղաքականութեան միացեալք՝ սակայն այլայլաբարոյք են, և յաչս իսկ անձանց ազգ կրկին այլ և այլ . ատելութիւն չեւ ևս չիջեալ է ընդ հռովմայեցիս և ընդ սաբինացիս, և մանաւանդ ընդ թագաւորս նոցա երկուս՝ որք առաւել ևս քան զժողովուրդն հակառակք են միմեանց : Տատիոս բարեւալ քան զամենայն թագաւորս, որ ամենասիրելին էր մեզ ցորչափ թագաւորեացն 'ի միջի մերում, բարեբարոյն, բարեգորոջն և խաղաղասէր, ժառանգէ առաքինութիւնս օգտակարս քան բազմափայլ . կեանք նորա են առնել իրաւունս և բարերարել : | սկ Հռոմուլոս, որ առ 'ի բազմացուցանել լղձ ժողովուրդ իւր՝ բանայ ապաստան աւազակաց, Հռոմուլոս տակաւին պահէ զվայրագ բարս նախ նոյ ժողովրդեանն՝ որում հրամայէր, պատերազմասէր, փառամոլ, լկեալ յլղձից աշխարհակալութեան . յարձակի նա և նուաճէ մի ըստ միջէ զազգս մերձակայս Հռովմայ, արհամարհէ նա զամենայն՝ զգօրականս և եթ մեծարգեալ . զյաղթութեան և եթ թեկն ածէ, և չիք առ նմն այլին, մեծութիւն :

Եւսոյ թշուառ ճակատագրի, զի զարմանալի
 ևս թուի թագաւոր աշխարհակալ քան զթագա-
 ւոր բարեւաւ, և ճշմարիտն առաքինութիւն
 նուազ քան զսուան զօշոտէ զաչս : () քոյշ լեր,
 որդեակ, մի զնոսա ընդ իրեարս առնուլ անխը-
 տիր . տեսչիք քանի գեր 'ի վերոյ քան զգահա-
 կիցն իւր գտանի Տատիոս, և մի թողեալ զար-
 դարագոյնն 'ի թագաւորս, զազգական քօ, զբա-
 րեկամ հօր քօ, զվրէժինդիր (Պոմպիլեայ, եր-
 թայցես զհետ դժնեայ աշխարհակալին՝ որ սա-
 կաւին շաղախեալ կան ձեռք յարիւն եղբօրն, և
 որ ստակալի գաւառանութիւն աւեր հայրենեաց
 քոց հասոյց, և մահառիթ ծնողաց քոց գտաւ :

Բայց և Տատեայ իսկ սրբունեացն վտանգա-
 ւոր է քեզ ասպնջականութիւն . դու գնաս 'ի
 Հռովմ, որոյ բնակիչք պատերազմողք ներեն զա-
 մենայն առոյգ պատանւոյ բաց 'ի թերութենէ
 արիութեան . և արիութիւն պատերազմական
 ոչ ևս այլ ինչ է, բայց վայրենութիւն . զի ոչ ևս
 այլք յառաքինութեանց կցորդք են նմա : () Ինչ
 երկբայիմ զի լիցիս դու քաջակորով, զի ոչ իսկ է
 մարթ պոմպիլեան զառակին վերջանալ 'ի քաջու-
 թենէ . այլ զբարս քօ, զբարս զայդոսիկ ամբիծս՝
 որովք ինսամակալութեան դիցուհոյն գտար ար-
 ժանի, պահեսցես անեղծս : () Իւր ինձ, () իւմա,
 ոչ ինչ է ինձ փոյթ արգելուլ քեզ զբերկրանս,
 ոչ կամիմ խօսել ընդ քեզ 'ի դժոխքմբեր տիտոս
 ինոց 'ի բարբառ, և պակուցող և անհարազատ

երանգօք նկարագրել քեզ զցանկութիւն . ոչ , ոչ այդպէս , որդեակ իմ . են իսկ հրապոյրք ցանկութեան , և բնութիւն ձգէ զմեզ յայն , հարկ է պատերազմիլ անդազար առ 'ի կարող լինելոյ այնմ զդէմ ունել . և որչափ առաւել զգայուն է սիրտ մեր , աւանդ , նոյնչափ և տկար : Այլ այն ինչ քո տեղի տուեալ այնմ , թախիծ խղճի մտաց տիրեսցեն 'ի սիրտ քո . կորուսցես դու զքաղցր խաղաղութիւնդ , զվարկդ զայդ և զմեծարանս անձին քում՝ որ զքաղցրութիւն կենաց քոց յօրի նէ . սիրտ քո բեկեալ թառամեալ՝ ոչ ևս զնոյն ունիցի զօրութիւն և զնոյն առ բարին սեր . և համառօտ ասացեալ , զգժնէագոյն կրեսցես դու զտագնապ ընդ լքանել քո զառաքինութիւն յետ ճանաչելոյ զայն :

Չիք իմ տեսեալ զարքունիս , և չկարեմ խըրատս քեզ տալ յազազս որ անդն կենցաղավարութեան . այլ գիտեմ զպարտս մարդոյ , և ամենայն ուրեք պարտ է մարդոյ հպատակել այնոցիկ : Ատո՛ւ աւագութեանց զմեծարանս , որ նոցա է սահմանեալ . այլ մատտ առաքինութեան՝ յիւր և է բախտի զպաշտօնն , որում է նա արժանի : Իչոյս տուր 'ի չարաց՝ առանց ցուցանելոյ երկնչել 'ի նոցունց . զգուշութեամբ վարեսջիր ևս և ընդ բարիս . մի անարգեր զբարեկամութիւն՝ առատաձեռնելով անխտիր զանուն բարեկամի : Արեա զբանս քո , և խորհեսջիր նախ քան զձեռն 'ի գործ առնել : () քոյչ լեր նախիկն շարժմանց

քոց, բայց միայն յայնցանէ՝ որ յօգնութիւն տառապերոց ձգեն զքեզ : Լ՛կնածեա՛ ՚ի ծերոց և ՚ի կոնանց, կարեկից լեր տկարաց, և ձեռնտու աւմենայն թշուառացելոց : Եւ եթէ, որպէս հաւտատուն է ինձ յոյս, յաջողեսցէ քեզ դիցուհին, ծանուաջիր դու ինձ զայն . աւետիբդ այդ յուելցեն զկեանս իմ . իսկ եթէ փորձել յանկարծ ըզքեզ կամեսցին երկինք արկածիւք, դարձիր դու առ իս :

Օ այստսիկ խօսելով հասին յելս մեհենական անտառին, ուր Տուլլոսի պարտ էր հրաժարել ՚ի Վրամայ : Օ կայ առին կառքն, լցան պատանւոյն աչք արտասուօք : Վաջալերեաց, Վրամա, և զօրացիր, ասէր ծերունին . լիցի մեզ տեսանել դարձեալ զմիմեանս և տեսանել ընդ հուպ . կարճ իսկ է որ աստի ՚ի Հուովմ՝ ճանապարհն, գայցես դու ՚ի տաճար այսր, և ես իսկ . . . Յայնժամ գոչեաց Վրամա արտասուօք . Լ՛հ, հայր իմ, եկից ես աներկբայ . այլ ոչ ևս լիցի ինձ կեալ ընդ քեզ, ոչ ևս լիցի ինձ տեսանել զքեզ հանապազ . անցնեն առաւօտք երկայնք, և ոչ գիրկս արկցէ ինձ հայր իմ . հասցէ երեկոյ՝ առանց լսելոյ Վրամայ զբարբառն հայրենի : Վանի երջանիկ էի առ քե, և ոչ ըստ բաւականին ծանեայ զայն, և ոչ գոհութիւնս դիցն արժանաւորս յաղագս այնորիկ մատուցի : Լ՛յլ արդ . . .

Եւ ոչ ևս եթող նմա Տուլլոս կատարել ըզբանն, այլ սաստիւ՝ զոր հնարէրն կեղծել՝ ասէ .

()՛ն երթիցուք հնազանդեալք՝ Վեմեարեայ, և մի տրտունջ հակառակ հրամանաց նորա ելցէ՛ի շրթանց մերոց : Իցէ՛ իսկ ՚ի ճահ, զի ծերս և անզոր՝ ես զքեզ քաջալերիցեմ. կարծիցե՛ս թէ ես նուազ քան զքեզ կրիցեմ վիշտս . կարծիցե՛ս թէ սիրտ իմ թախծեալ Եւ յասելն իւրում զայսոսիկ, ձայն նորա նուաղեալ, և սպառեալ զօրութիւն նորա, անկաւ ՚ի վերայ բազկացն Վումայ և թանայր զնա արտասուօք : Եւ բուռն արարեալ իւր անդրէն . Ենա խաղաղութեամբ, որդեակ իմ, ասէ . դարձցիս դու ընդ հուպ առ իս ՚ի տաճար այսր, և կամ ես եկից առ քեզ ՚ի հըռովմ. մնա խաղաղութեամբ, և մի մոռացիս զՏուլլոս : Եւ զայս ասացեալ, մեկնեցաւ ՚ի բաց՝ միջամուխ հապճեալ ՚ի յանտառն :

Իսկ Վուման տխուր զհետ նորա բազկատարած երիցս ձայնեալ, Երթ խաղաղութեամբ, հայէր դեռ ևս յոր վաղ իսկ անհետացեալն էր յաչաց . և թողացուցեալ զսանձս ձիոցն ՚ի ծփանի՝ դէմ եղեալ գնայր ՚ի հըռովմ :

ՆՈՒՄԱ ՊՈՄՊԻԼԻՈՍ



Գ Ի Ր Ք Ե Ր Կ Ր Ո Ր Դ

ՆԱԽԱԴԻՐՈՒԹԻՒՆ ԵՐԿՐՈՐԴ ԳՐՈՑ

Նումա յերթալն 'ի Հռովմ' զկայ առեալ յանտառի ուրեք, տեսանէ 'ի քուն տեսիլ խորհրդաւոր . և ապա անգրէն յառաջ գնայ ընդ Ճանապարհն : Նկարագրութիւն գաշտորէիցն Հռովմայ, և նորին իսկ պատերազմոց քաղաքի : Հիւրընկալել Տատիոսի արքայի զՆոմա, և նկարագիր բարելաւ արքային և դստեր նորա Տատեայ, և Հռոմուլոսի և դստեր նորա Հերսիլեայ : Հանգիստումն Նոմայ ընդ Հերսիլեայ, և վառիլ 'ի սէր նորա, և ցանկութեանն 'ի նմա նստելին ազդեցութիւնք : Դարձ և յաղթանակ Հռոմուլեայ :

ՆՈՒՄԸ ՊՈՄՊԻԼԻՈՍ

Գ Ի Ր Ք Բ .

Նանը էր Նուանյ հեռանալ 'ի վայրացն , ուր նմա խանձարուրք լեալ էին . խորհուրդք բիւրաւորք վշտագինք յուզէին 'ի նա , և ասէր ընդ միտս իւր . (Ըողում լքանեմ զհայր իմ 'ի ծերութեան , յորում կարօտի խնամոց իմոց . հրաժարեմ 'ի պարտուց և 'ի զբաղմանց՝ որ քաղցր են սրտի իմում . մեկնիմ յընկերաց և 'ի սննդակից բարեկամաց , զնալ բնակել յերկիր՝ ուր ոչ որ լիցի ինձ բարեկամ : Ս'հ , երկնչիմ զի չկարացից ես կեալ անդ , և լիցի ինձ անդ նուազել որպէս զմատաղ ձիթենի տեղափոխեալ 'ի բնիկ երկրէն յերկիր անպատկանաւոր նմին , ուր ոչ ինչ օգնեն նմա ցօղ և արև . տերեք նորա թառամեալ անկեալ զօստովքն , և արմատոցն ոչ ևս առեալ մնունդ , հասանէ նմա մեռանել 'ի թողուլ զերկիրն սիրելի :

Նյապիսեօք տազնապեալ խորհրդովք ուղևորեալ պատանին ասպարէզս իբր երկուս , գտաւ

յանտառի ուրեք՝ որ հովանի հրաւեր առնէր 'ի հանգիստ : Հետազօտեալ զկարկաջանս վտակի միոյ՝ որ սողոսկէր ընդ հովանեաւն , կասեցոյց զձիանն . և թողեալ զնոսա 'ի ձեռս երկոցունց ստրկացն՝ եւ մինչև յակունս վտակին , և եհաս յաղբիւր մի նուիրական Պանի : Նուր եղեալ առ պատկերաւ նորին , խնդրեաց հրաման ըմպելոյ յաղբերէ անտի . և իբրև զովացոյց զպապակ չրթանցն , բազմեցաւ 'ի դալարուոջ անդ ընկողմաւ նեալ առ եզերք ջրոյն , և նիրհէր : Եւ երևեցան նմա 'ի տեսլեան կառք լծեալք 'ի վիշապաց երկուց , որ 'ի բարձանց ամպոց դիմեալ գային առ նա . և էր 'ի կառան դիցուհին Վեմետրէ՝ պսակեալ հասկօք , բարձեալ բերելով որայ և մանգաղ : Եւ կացեալ առ անարիւք Վումայ , և քաղցր 'ի նա ակնարկեալ , ասէ .

Օ աւակդ Պոմպիլեայ , սիրելի էր ինձ մայրքո , և հսկեն ինձամբ իմ՝ զքե . որ ինչ և իղձք իցեն քեզ , լցուցից զայն . խօսեաց , և ասա ինձ որ ինչ և խնդրես , և տացի քեզ : Յայնժամ գոչեաց Վումայ վաղվաղակի . Ո՛հ , զի դարձցի հուլիոս 'ի մանկութիւն , և նորոգեսցին կեանք նորա , և զի մի երբէք . . . Եւ մինչդեռ բանքն 'ի բերան նորա կային , ասէ դիցուհին . Խընդրուած քո՝ ի վեր է քան զիմ՝ զօրութիւն . Վիտս իսկ ինքնին գլխովին չկարէ յաւելուլ և վայրկեանս մի 'ի կեանս ուրուք 'ի մահկանացուաց . անողորմ Պարկայք չեն ընդ իշխանութեամբ նորա . նորա

և զթերև կենացն Պերսէոսի և Հերակլէայ հատին զսիրելագունից որդւոց վեհագունին 'ի դիւ . զի Ղակատագիրն , հջորագոյն քան զհայր իմ , սահմանէր նոցա դադարել 'ի կենաց : Ինչդրեա դու ինչ անձին քում , զի 'ի խնդրել զբարեբաստութիւն քո , զՏուլլեայն իսկ գտանիցիս խընդրեալ :

Երկնեալ անդրէն 'Մումայ ասէ . Ըպա ուրեմն բարերար դիցուհիդ , արա զիս նմին արժանի . բուս 'ի սրաի իմում զսերմանս խրատուց արկեալս յարգոյ ծերունւոյն . տուր ինձ իմաստութիւն , քանզի 'ի սմա համարի Տուլլոս զբարեբաստութիւն :

Պատասխանի ետ դիցուհին . Եանխագէտ խնդրուածաց քոց , աղաչեցի զբոյր իմ զլ'ութենաս ընու զքեզ պարգևօք իւրովք : Եւ մի յուսայցես հանգոյն ողիսական զաւակին գոլ նմա սիրելի , մի սիրեցեալդ իմ 'Մումա . ոչ ումեք 'ի մահկանացուաց դիւցազինն յուսալի է հաւատարել Տելեմաքայ . հրաշակերտ է նա ձեռին Ըթենասայ . և ինքն իսկ դիցուհին չիշխէ հանգոյն ինչ նմին հրաշակերտել : Բայց երանի այնմ , որ և 'ի բացէ ընդ հետս նորա գնայ . երանի մանկանն քաջագին , յոր դիցուհին հաշտակամբ ակնարկեսցէ , և որ զերկրորդն իսկ ժառանգեսցէ զտեղի , թէպէտև հեռի 'ի նախատըպէն :

Եւ մինչդեռ նա զայն խօսէր , գտաւ 'Մումա

փոխադրեալ՝ ի մեհեան Ղթեհասայ . կամէր նա
 գնալ հասանել մինչև ՚ի դիցուհին , այլ անկ ու
 կեփայլ արգել ՚ի նմանէ զսրբարանն , և անտես
 յաչաց նորա ծածկեաց զաստուածուհին : () ուր
 ջանայր նա հերձանել անցանել ընդ ամբն , զուր
 յօգնութիւն իւր կոչէր զ՛՛Խեմետրէ . մերժեաց
 ՛՛Խեմետրէ զհայցուածս նորա , և ակնարկեաց
 նմա ունկնդիր լինել : () Յայնժամ Ղթեհաս բար-
 բառեցաւ ՚ի միջոյ ամպոյն , և ասէ . ՛՛Խիր ծունր ,
 մանուկ դու , և երկիր պագ : Եւ թուէր պա-
 տանւոյն՝ որպէս թէ իմաստութիւն ինքնին ու-
 սուցանէր նմա զամենայն զպարտս իւր , և զգայր
 ՚ի սրտի իւրում պատկառանս իմն սուրբս , և քաղցր
 խելամտութիւն . այլ իբրև ամբարձ նա զաչս իւր
 առ ՚ի գոհանալ զդիցուհոյն , եղև մեհեանն
 ամպոյն հանդերձ աներևոյթ . և գտաւ ՛՛Երման
 ՚ի մէջ անտառին , և ոչ ևս ինչ տեսանէր բայց կա-
 մարածև յարկ սաղարթագեղ , ընդ որով երիտաւ
 սարդուհի ոմն յաւերժահարսն սպիտակազգեաց
 բազմեալ ՚ի դալարուջ՝ ընթեռնոյր ուշիւ : Եւ
 զաղութիւն և անկեղծութիւն հանգչէին ՚ի
 գէմն նորա , և պարկեշտութիւն ընդ քաղցրու-
 թեան և ընդ մեծվայելչութեան պար առնուին
 զնովաւ , որպէս ՛՛Ետրէա նկարագրի ՚ի խորհեմն
 զբարեկենդանութիւն մարդկան : ՛՛Երման յանհը-
 րաժեշտ ՚ի հրապուրանաց առ () Յաւերժահարմն
 ձգեալ , հարցանէր ց՛՛Խեմետրէ՝ թէ ո՞ չքնաղն
 այն իցէ պատկեր : Եւ ընդ պատասխանել դի-

ցուհւոյն՝ թէ յգերիա է, ամենայն ինչ անտես
եղև յաչաց :

Հիացումն և յոյգք սրտի զարթուցին զՄու-
մն . և դեռ ևս տագնապեալ ՚ի խորհրդաւոր տես-
լենէն, հազիւ անձին զգաց : Շ ուրջ հայեր, և
ոչ ևս ինչ տեսանէր՝ բայց զաղբիւրն Պանի, ըզ-
մայրիս, զգալարիս, և զվտակն՝ առ որով հանգ-
չէրն ՚ի նիրհ . այլ ոչ ինչ երկուացեալ զի տեսիլն
զոր ետես՝ ՚ի Վիտէ առաքեալ էր նմա, ուխտս
որոտողին մատոյց փտուածոյն, և խոստացեալ
զոհս Մթենասայ և Վեմետրեայ, հեծաւ ՚ի
կառս և մեկնեցաւ յանտառէն :

Իտաղաց գնաց անց ընդ երկիրն փիղենացւոց,
և եհաս ընդ հուպ ՚ի սահմանս Հոովմայ : Վիւ-
րին էր նմա ճանաչել զայն յազգաց անտի շուրջ
գնովաւ բնակելոց . գաշտորայք անապատք, և
անդաստանք թողեալք առանց մշակութեան, ոչ
ինչ բերեն անդ՝ բայց զորոմն . խաշինք նիհարք
և վայրավատինք հազիւ գտանեն անդ ճարակ .
չիք անդ հնձօղ՝ որ զՎեմետրեայ ժողովեացէ
զպարզևս, ոչ հասկաքաղ՝ որ երգ ՚ի բերան ըն-
թասցի զհետ աշխատաւորացն, և ոչ հովիւ՝ որ
բազմեալ ՚ի զառ ՚ի վայր բլրի, անկասկած զխա-
շանցն՝ զորս հաւատարիմն իւր գամփռ չթողու-
օցտել, նուագեացէ ՚ի սրինգ իւր զգեղ Մմարիլ-
լեայ, կամ զբերկրանս հովուական կենաց : Մ
մենայն ինչ անդ տխուր է համր և թախծական .
գիւղօրէք անմարդիք, ՚ի կանանց ևեթ և ՚ի

Ծերունեաց բնակեալք . կէսք զարս իւրեանց ազ-
բան , այլք զեղբարս անկեալս 'ի մարտի . աստ
ալեորեալ որ հայր վախճանէ զկեանսն անմխի-
թար և անօգնական . չիք ոչ ևս նմա որդի , 'ի
կրտսերագունէն ևս անզաւակեալ՝ զինուորելով
նորա 'ի բանակին Հռոմուլեաց . և կախան յուսա-
հատ Ծերունին բարձեալ , զգէմնս ցոտէ , խզէ զա-
լիսն , և նզովէ զզէնս իւրոյ արքային : Անդ ոմն 'ի
մարց, փախստական մնացելովն նմա միակ որդեկաւ ,
տաասէ յափշտակութեան նորին 'ի գրկաց իւրոց .
և լաւ համարի լքանել զհայրենիս իւր , զտուն ,
և զանդաստան՝ որ կերակրէրն զնա , և զնալ մու-
րանալ հաց յազգի՝ որ զնա գէթ ոչ անզաւակէ :
Տրտմութիւն ամենայն ուրեք և կարօտութիւն
և ամայութիւն զարհաւիրս իւրեանց արկանեն .
և հարատակաց Հռոմուլեաց , յորմէ հետէ թա-
գաւոր նոցա զփորձ էառ զփառաց . չիք խաղա-
ղութիւն և ոչ բարեկենդանութիւն :

Վոչեաց 'ի տեսիլն յայն Վրամա . Ո՛վ դիք
անմահք , այս ուրեմն իցէ ազգն այն գոռոզ , նա-
խանձելի աղգաց՝ որ շուրջ զնովաւ բնակեն , և
գերահռչակ և ահարկաւ յաղթութեամբքն իւ-
րովք . տեսանեմ զնա թշուառ և կարօտ , և յոյժ
իսկ առաւել քան զպարտեալսն 'ի նմանէ ազգս
աւաղելի : Այսպիսի ուրեմն փառացն է միցա-
նակ , կամ մանաւանդ այսպիսի սրտուհաս երկն
առաք . բարեք այսպէս կամեցան դիք , զնոյն
կրել աշխարհակալաց զչարիս՝ զորս տան կրել

այլոց, և զի զԹշուառութիւն ընկալցին փոխա-
րէնս Թշուառութեան՝ զոր ածեն՝ ՚ի վերայ ազ-
գաց մերձաւորաց :

Բաղդատէր յայնժամ՝ Մումա ՚ի մտի իւրում
զբարեկենդանութիւն անդորրաւէտ՝ յոր վայե-
լէին Սաբինք, զառատութիւնն, և զզուարթ ան-
դաստանն ընդ տեսարանին՝ որ առաջի աչացն ու-
րա կայր : Յուշ լինէին նմա որ ինչ Տուլլոսի ա-
սացեալ էր նմա զպատերազմէ . և մինչդեռ պա-
ղատանս սռ դիսն մատուցանէր՝ յարուցանել
Թագաւորս խաղաղասէրս, և ահա գայր յերեւան
քաղաքին Հռովմայ հիասքանչ տեսիլ : Բյուրն
այն Պալատինեան, հովուաց երբեմն հանգրուան
և մակաղատեղ խաշանց, պատեալ այժմիկ պարըւ
պօք, և խիտ առ խիտ ամրացեալ աշտարակօք՝ որ
սպառնալիցք ՚ի վեր ամբառնան, խրամք լայնք և
խորածորք՝ որ խափանեն զԹշնամին ՚ի բացէ,
պատնէշք անմատոյցք, և գերահամբաւեալն իւր
պիտոլ՝ պարահայեաց ՚ի բարձուէ շուրջանակի ընդ
քաղաքն, որ ՚ի գագաթան իւրում զմե հեան Մ-
րամազդայ բարձեալ բերէ, այս ամենայն պակու-
ցին զՄումա . հայէր, զարմանայր, և յառաջ
խաղայր :

Ի դրունս քաղաքին կային ՚ի պահ զօրք բազ-
մահոյլ, ծածկեալք ՚ի զրահս փայլունս, յեցք ՚ի
ճիզակս իւրեանց, բարձր ՚ի գլուխ, և զցցունն
արկեալ յետկոյս զսաղաւարտիւքն սաւառնեալս,
որք Թուէին իմն անդատին վստահք ՚ի նուաճել

զտիեզերս . և կերպարանս նոցա . պատերազմող
 ահ արկանէր որոց ոչն իսկ սպառնային : Ամուտ
 Վրումն 'ի քաղաքն , և տեսանէր անդ ամենայն
 ուրեք զպատկեր պատերազմի , և ամենայն ուրեք
 լսէր շաչիւն զինուց . աստ պահանորդք զհետ մի
 մեանց փոխանակէին , անդ մանկտին զօրական
 մարզէր 'ի զէնս . և հեռի 'ի բացէ 'ի հնչիւն
 սաստկաձայն փողոց կրթէին երիվարք : Ա իժէր
 հրահալ 'ի դարբնոցս , հնչէին ասպարք՝ հնչէին
 'ի սալս զրահք , հեծէր արոյր ընդ ուռամբ , և
 հուրն առ հասարակ ետնական թուէր բորբոքեալ
 բոցածաւալ 'ի հռովմ , և Վիկլոպայց դարբնել
 շղթայս զգերութեան տիեզերաց :

Վրումն անսովոր 'ի շոինդն յայն՝ երկիւզա-
 խառն կրէր հիացումն , և փութայր տեսանելըք
 Տատիոս , և հարցանէր զարքունեաց նորա : Այ-
 ցուցին նմա զայն 'ի կողմն քաղաքին , ուր նուա-
 զագոյն էր աղմուկ . զի արքայն բարեգութ հեռի
 զզօրականն ունէր , քանզի կամէր սիրելի լինել
 և ոչ ահաւոր 'ի զօրաց պահպանեալ : Վմենեցուն
 յամենայն ժամ դիւրամատոյց էր , և 'ի դրան
 նորա բազմագոյնք էին աղքատք . քան ոստանիկք :

Ա ուծաւ Վրումն առ թագաւորն . և մեծա-
 րեալ զՏատիոս յանուանէ , մատոյց նմա զգիր հի-
 քին Պոմպիլեայ : Տատիոս յընթեռնուլն զայն
 գոչեաց ցնծութեամբ՝ անկեալ զպարանոցաւ պա-
 տանուոյն . Ա՛ օր բարեբաստիկ , և զինչ ծերուն-
 ւոյն տաց տրիտուր քրմապետին՝ որ զսիրելագու-

նի իմոյս բարեկամի մատուցանէ ինձ զորդեակն :
 'Ամարեմ' իսկ 'ի դէմն քո զտիպս կերպարանաց
 քաջին Պոմպիլիոսի, ահա հայեցուած աչաց նու
 ճա, ահաւասիկ քաղցր և գգուելի կերպարան
 նորա : 'Իու հանգոյն նմին լիցիս ինձ բարեկամ
 աներկբայապէս : Իոյտան ալիք իմ 'ի տեսիլ քո-
 գանգատէի զգից' զի միակ ետուն ինձ դատրիկ,
 և ահա յաւելուն ինձ որդեակ :

Եւ զայսոսիկ բարբառելով՝ գիրկս անդրէն
 արկանէր նմա, և ետ կոչել զՏատիա զգուստը
 իւր : Տատիա ոչ այնչափ գեղովն, որպէս քաղ-
 ցրութեամբ և համեստութեամբ և հայրասէր
 գորովովն էր սիրելի : Եմուտ նա առ արքայ, և
 արքայի ցուցեալ նմա զ'Լուամ' ասէ . 'Տաւասիկ
 եղբայր քո, ահա զոր պարտինս սիրելիբը նեցուկ
 և զօրավիզն ծերութեան իմոյ, ահա որդի Պոմ-
 պիլիոսի՝ զորմէ յաճախն խօսէի առ քեզ : Ո՛ւ-
 աւուրք բարեկենդանութեան իմոյ, քանի՛ արագ
 սահեալ անցիք : 'Իու ինձ 'ի յուշ ածես, 'Լուամ
 զաւուրսն՝ յորս խաղաղաւէտ 'ի Սաբինիա, ար-
 քայ սիրելի ժողովրդեան իմոյ զոր սիրէի, հայր
 և այր և բարեկամ երջանիկ, անցուցանէի զամս
 կենակից ընդ մօր Տատեայ, ընդ Պոմպիլիոսի և
 ընդ խոհական քրմնապետին : 'Նտանիք իմ, զի
 այսպէս կոչէի ես զհարատակս, ոչ յոյժ բազմա-
 թիւք էին, և կարէի անձամբ խնամել զիւրա-
 քանչիւր դք յորդուց իմոյ . ճանաչէի զնոսա զա-
 մենեսին, և ստէպ այց առնէի նոցա . և 'ի շրջել

խնամ ընդ Պոմպիլիոսի ընդ փոքրիկ ածու իմ, գոհանայի զ՝ ըրանազդայ՝ զի անձուկ ետ ինձ սահմանս, և հարատակս ոչ ինչ աւելի քան զորս մարթէրն ինձ երանաւետել: Իսկ այժմ, ո՛ր յեղակարծ փոփոխումն, վտարանդի՛ի հայրենեաց հեծեմ հանապազօր: . . . Ի՛նչ մի, մի ևս լիցի ինձ աշխարհել տեսանելով զքեզ առ իս. դու կացցես ընդ իս, Վրուան. դու լիցիս ինձ՝ի փոխարէն ամենայնի, որ ինչ կորուսի. և թերևս զօգ քաղցրագոյն աներկեւան պատրաստեսցէ քեզ զթագ իմ, ՚ի յօրինել զիմ բարեբաստութիւն: Ի լիցի ինձ, լիցի ժամանակ բացատրելոյ զխորհուրդս իմ. ցնծութեան է արդ ժամանակ ընդ գալուստ քոյին:

Օ այստակ բարեգութ արքայն խօսեցաւ. և իննդու թիւն յաւելոյր զբերկրանս նորա, զոր բնաւորապէսն զգայր ՚ի բացատրել զանկեղծ և զդիւրագորով սիրտ իւր ՚ի ճառս երկայնս: Վրուստր նորա, որ քաջ ՚ի միտ էառ զվերջին բանսն, ցածոց նախ զաչս իւր, և ամբարձ ապա ՚ի Վրուան. և զմայլեալ ՚ի գեղ նորա, զմայլէր ընդ քաղցրութիւնն նկարեալ ՚ի դէմն նորա, ընդ պատկառանս, ընդ խանդաղատելի կերպարանս, և ընդ շնորհան զօշոտիչ՝ զոր անկեղծութիւն ևս քան զևս յաւելու: Օ այս առաջին նուագ ակնկառոյց լինել օրիորդն ՚ի պատանի. և այլ յայլմէ լեալ և շաւազունեալ, դարձոց զաչսն անդրէն ՚ի հայր իւր:

Իսկ Վրուան պատաղեալ ընդ բարւոյ թագաւորին, համբուրէր զձեռս նորա, և խոստանայր նմա

բողոքանուէր հնազանդութիւն : Արու՛մ Տափոս
ասէ . Ա՛ի ինձ զհնազանդութենէ բանք . զա-
մենայն զկեանս իմ՝ թագաւորեալ , ոչ երբէք սի-
րեցի զհաճոյս հրամայելոյ . վաղ՝ ՚ի միտ առի , զի
ոչ էր մարթ սիրելի Կող՝ ՚ի լինելն երկիրապի . և
նախամեծար արարի զբարեկամն քան զստրուկս՝
Հոռոմլոս օգնեաց ըղձից իմոց , ՚ի բաժանելն
ընդ իս զիշխանութիւն արքունի . ընտրեաց նա
զհրամատարութիւն զօրաց և զդատակնիք մա-
հապարտից . իսկ ինձ բարեբախտագոյն ել բա-
ժին՝ առնել իրաւունս , թեթեացուցանել ըզ-
հարկս , վարձատրել զվաստակս . և միանգամայն
ասացեալ , ո՛ր բարեկամ , ամենայն որ ինչ զթա-
գաւորս մերձաւորս դիցն անմահից կացուցանէ :
Եւ յար՝ ՚ի յահի կամ , թէ գուցէ բացցին աչք զա-
հակցին իմոյ ընդ անհաւասար բաժանումն իշ-
խանութեանն , և տեսցէ ուր ուրեմն՝ զի բովան-
դակ ինձ մասունք բարեաց , իսկ չարեաց առ հա-
սարակ նման անկանին մասունք : Ա՛յլ գոհութիւն
երկնից , չեղև նա ցարդ խելամուտ այսմիկ . և ՚ի
շլացութեան իւրում թուի հաճ՝ և գոհ իբրև
զիս :

Ա՛ծից զքեզ առ նա ՚ի դառնալ նորա յարչա-
ւանացն ընդդէմ Ա՛յտիմնացւոց , ուստի ոչ ինչ
երկբայիմ զի յաղթանակաւ դարձցի : Ա՛նցի ոչ
որ ՚ի պատերազմողաց հանգոյն նմին եբեր յան-
ձին զարիութիւն զինուորի ընդ հանձար զօրա-
վարի : Ա՛րարարան մեծավայելուչ , դէմք անվե-

Տեր և սպառնական, կորով առաւել քան զմարդկեղէն, և քաջութիւն աննկուն՝ որ տայ նմա խի զախել յամենայն ինչ, ոչ ինչ են առ անխոնջելի ժրութեան նորա : Ի չու զօրաց, ՚ի պաշարումն քաղաքաց և ՚ի ճակատամարտի, տեսանէ նա զամենայն, հասանէ ամենայն ուրեք, կարգաւորէ, հրաման տայ, յարձակի, միանգամայն և պահունի յերեսաց թշնամեաց . չիք և ոչ վայրկեան մի հանգստեան մտաց նորա և բազկի . սա ՚ի կատարումն ածէ զոր ինչ նայն առաջարկէ խորհուրդ :

Հերսիլիա, դուստր նորա միամօր, աջակից է նմա յարշաւանն : Ը ուրուք երբէք գեղեցկութիւն չքնաղագեղին հաւասարեաց Հերսիլիայ . Թագաւորք Լ առիոնի առ հասարակ ցանկացան նմա, և ամենեքեան եկին արկանել զպսակս իւրեանց առ ոտս նորա, այլ խրոխտ իշխանութիւն մերժեաց զնոսա : Ը ովորեալ ՚ի մանկութենէ ՚ի զէնս, արժանաւոր դուստր Հռոմուլեայ, նուիրեաց զանձն ՚ի հրահանգս Պալլասայ . սա զաւարտ ՚ի գլուխ, նիզակ ՚ի ձեռին, դիմէ զՏետ հօր իւրոյ ՚ի պատերազմ . քնքուշ ձեռամբն նուաձէ զերիվարն ամեհի՝ որ փրփրերախ ՚ի լորձն սպիտակ զսանձն Թաթաւեալ, ապշի ընդ հլութիւն իւր առ կամս վերելակին՝ զորոյ չզգայ իսկ զբեռն : Ը հաւորագոյն ևս է նա անզէն . ձեռք նորա, հմուտք ՚ի շկահել զսուսեր, նովին հմտութեամբ գիտեն հարկանել զքնար . և նուագս դաշնակա-

ւորս խառնեալ ընդ հոգեշարժ դայլայլիկս ձայնին , զնահատակութիւնան երգէ հայրենիս , կըցորդ ընդ հօր իւրում՝ ի վտանգան եղեալ :

Իհա քեզ նկարագիր Հռոմուլեայ և դստեր նորա , ոչ ինչ ՚ի բազմափայլ բարեմաննութեանց նոցա նսեմացուցեալ : . . . Այլ ընդէր չկարիցեմ ներբողել երկայնագոյն դրուատեօք և զառաքինութիւնս նոցա : Վանդի աշխարհակալք արհամարհեն զայնոսիկ , և Հռոմուլ ոչ ինչ արգոյ համարի բաց ՚ի քաջութենէ : Վուստր նորա դաստիարակեալ ՚ի նմանէ յաղմուկս բանակաց , և ոչ նա ինքն գտանի զերծ ՚ի խստութենէ . զամբարհաւաճութիւն հերայ բերէ յանձին ընդ գեղեցկութեան նորա . և ՚ի ստանալ զարիութիւն և զկորով առնացի , թուի զկանացի բնութեանն կորուսեալ նորա զքաղցրութիւն և զբարեգթութիւն :

Նանեար դու արդ զՀռոմուլ և զհերսիլիա , տէր ես բնակելոյ առ նոսա կամ առ մեզ , ՚ի բանակի նոցա կամ յարքունիս մեր : Սիշտ իսկ եղէց ես քեզ բարեկամ և հայր , եթէ ներես ինձ զքաղցր անուանակոչութիւնս . այլ դու լիցիս միշտ իշխան անձին քում . ընդ այն իսկ , եթէ միայն սիրիցես զիս և իցես բարեբաստ , գոհ լիցի Տատիոս : Յայնժամ՝ Վումա դարձեալ վերստին վատահացոյց զբարելաւ արքայն ընդ սէր իւր . արար զընտրութիւնն , կալաւ խորհուրդ անդարձ չթողուլ երբէք զբարեկամ հօր իւրոյ , զթագաւ

ւոր համազգեացն , և զոր Տուլլոսի տուեալ էր նմա յօրինակ նմանութեան : Խոստանայր ստէպ՝ անդրդուելի կալ , և 'ի հրապոյրս իսկ Ներսիլեայ և 'ի փառս Հռոմուլոսի հարեանցի աեամբ հայեւ , երդուեալ 'ի դիս՝ առհասարակ առ 'ի հաւատարմութիւն բանիցն : Եւ պարկեշտն Տատիա լէր ինդուութեամբ զերդմունս նորա :

() աւուրս ինչ եկաց անդ՝ Ղումն 'ի սէր Տատիոսի . բայց յիշելով հանապազ զտեսիլն՝ զոր ետես , և տեղեկացեալ՝ զի էր մեհեան Ղլութեանասայ 'ի դիցանուէր ուրիք անտառի , որ եգերականն կոչէր անտառ , նմանութիւն իրացն ընդ տեսլեանն՝ զարմացումն ածէր նմա : Ղիմեաց յանտառ անդր , ոչ ինչ կարի հեռի 'ի Հռովմայ . սիրտ նորա տրոփէր 'ի գնալն ընդ սաղարթապատ նսեմաստուեր կամարօք . հաղիւ զեփիւռ զթանձրախիտ կաղամախսն՝ տատանէր և զմայրիս երկնաբերձս վաղեմիս , և աղօտ ինչ լսելի լինէր շրջիւն 'ի մեղմագին ոստոցն զիրարել :

Բայց Ղումն յառաջ խաղայր դէմ եղեալ 'ի մեհեան անդր , ուրանօր զուխտս իւր կամէր մատուցանել . այլ միտք նորա տագնաօփին յաւերժ հարսինն յիշատակաւ : Սյուսայր գտանել զնա անդ , այլ աչք նորա շուրջ ինդրէին զնա . և ահա ընդ սաղարթագեղ կամարաւ տեսանէ օրիորդ պատերազմիկ , հանգոյն այնմ՝ որ երեւեցան նմա 'ի տեսլեանն , ընկողմանեալ 'ի դալարօռ , և խոր 'ի քուն ընկզմեալ : Սաղաւարտ առնթեր , գլուխ

նորա անպատարար յեց 'ի յասպար . և հասարակք սեաք երկայն վարսիցն անկեալ զգրահիքն, գեղանշող ևս զմեծավայելուչ գեղեցկաւ թիւն նորա յօրինէին : Վեղարդունք կրկին հանգչէին ընդ ձեռամբ նորա, և սուսեր ճոխ 'ի յազդեր : Հանդերձ նորա մինչև 'ի ծունկն հանգրիճեալ, և երևէին կօշիկքն ծիրանիք 'ի ճարմանդ ոսկի ազիւ աղխեալք : Սրպէս քօյք Վարդանի, յետ սպառելոյ զկասարճիւք 'ի նեախց յանտառախիտս յարմանաւ թեայ, գնայ հանգչի 'ի կատար Սենալեայ լերին, յաւերժ հարսունք և Վրիագք հսկեն շուրջ զնավաւ, զանգիտէ զեփիւռ յուզել զսաղարթս, և դէմք դիցուհոյն 'ի ննջել իսկ անդ բերեն ըզխիստ և զսպառնական կերպարանն, որ ոչ միայն չեղծանեն զգեղ նորա՝ այլ մանաւանդ պայծառագոյն ևս գործեն զայն . այսպիսի և չքնաղագոյն ևս օրիորդն պատերազմիկ երևէր :

Իսուեցաւ Վրամայ թէ նոյն ինքն Վարդան իցէ, և ծունր եղեալ առաջի նորա՝ կամէր ազօթս մատուցանել, այլ ոչ կարէր յօղել զբարբառ . լեզու նորա 'ի քիմն կցեալ, կարկեալ բերան նորա կիսաբաց, բազուկ նորա անշարժ տարածեալք յօրիորդն կոյս՝ յոր հայերն, և աչք նորա անկատոյց պուցեալք 'ի նա կային անթարթք : Սարթեալ յայնժամ պատերազմիկն, և տեսեալ զպատանկն յոտն եկայ անդէն, եղ զսաղաւարտն ահեղ 'ի գլուխ իւր, ճօճէր զգեղարդունս, և զայս 'ի գռչիւն սպառնալից լսելի առնէր բարբառ . Ս որ և

իցես դու մանուկդ ժպիւրհ, որ զաս աղմկել ըզհանգիստ քնոյս, շնորհս երթ կալջիր բախտին՝ զի անդէն գտանիս . եթէ կարէիր պաշտպանել անձին, պատուհասակո՞ծ 'ի բազկէ աստի յանդրգնութիւն քո լինէր :

Սրում՝ Վումն ետ պատասխանի . Մնցո ըզպատումն քո, ո՛վ դիցուհիդ, զի 'ի տաճար անդր քո գնայի՝ մատուցանել քեզ անդ զուխտս իմ և ըզսիրտ . տեսի զքեզ, և ծունկք իմ զդողանի հարեալ՝ կթոտեցան ընդ ինև : Տեսիլ փառաց ատուածութեան ահաբեկէ զՏէք մահկանացու . և եթէ համարիցի յեղեոն՝ ակնարկել 'ի դիցուհի, ահա աչք իմ շլացեալ՝ ոչ ևս հանդուրժեն հայել 'ի քեզ :

Տածեալ 'ի բանից աստի զայրոյթ Մնազոնին և զգեղարդունսն խոնարհեալ, և հաշտ ակնարկեալ 'ի պատանին, ասէ . Ս'ի երկնչիր, ոչ զգիցուհի տեսանես . վեհին Հռոմուլեայ եմ դուստր, և գնամ աւետել 'ի Հռովմ զյաղթութիւնն՝ զոր դեռ ևս կանգնեաց : Ս'րթ դու զճանապարհ քո 'ի տաճար անդր, երթ պատանի դու՝ խնդրել 'ի դիցուհւոյն զքաւութիւն, զի զնա ինքն վարկար 'ի յիս նկատել : Սը զայս ասացեալ, շկահեաց զտէգ ընդ ասպար իւր . և ահա հասին անդր թիկնապահք նորա, ահիպարանոցն աժաւ առ նա երիվար, և աշտանակեալ օրիորդին 'ի նուս նորա, և մտրակ 'ի կուշտ արարեալ, խոյս ետ յաչաց արագագոյն քան զՏողմ :

Երանան եկեաց լուսն անշարժ, խոռվեալ, ապշեալ, և յայնպիսում լեալ 'ի զարմացման՝ զորոյ չէր նորա երբէք զփորձ առեալ. աչք նորա ձգէին զՏեա Ներսիլեայ ցոր վայր զօրէին նշմարել զնա, և 'ի ծածկել իսկ օրիորդին յաչաց նորա՝ տակաւին հայեր զՏեա : Բիւրաւորք 'ի միտս նորա յուզէին խորհուրդք, և տիպք տեսելոց իրացն միահասուռ 'ի յուշ նորա դառնային : Ինդրէր զերծանել յաղմկէն . այլ որչափ առաւել ճիգն գործէր, նոյնչափ յաւելոյր աղմուկն : Ըջք նորա դառնային 'ի վայր անդր, ուր հանգչէրն Ներսիլիա, և չկարէր անտի զնոսա 'ի բաց դարձուցանել . Թուէր նմա տակաւին տեսանել զնա անդ, Թուէր նմա տակաւին զձայն նորա լսել : Բարբառք իւրաքանչիւր յօդեալք 'ի նմանէ՝ դեռ ևս հնչէին յունկն պատանւոյն, և տպաւորեալ 'ի միտս նորա կային ամենայն շարժմունք օրիորդին : Կերպարան նորա վեհ և մեծավայելուչ, դիտակ բարձր և ազնուական, վարսք երկայնաձիգք քաջաթուխք, և դէմք խրոխտ և գեղապանձ նկարէին համանգամայն դէմ յանդիման պատանւոյն . և գեղեցկագոյն ևս պատկեր նոցա խոր 'ի սրտի նորա դրոշմեալ, և անդրադարձ 'ի միտան ամենայն ուստեք՝ յոր ինչ և հայերն՝ ցուանայր :

Ըհ, ասէր, ահաւասիկ տեսիլն զոր տեսի՝ 'ի լրումն եկեալ . յանտառին կամ Եգերեայ . ահա կամարն սաղարթագեղ՝ զոր տեսի, և գեղն եր-

կնաւոր՝ որ ակնախտիդ զիսն շլացոյց . անշուշտ նա ինքն է Հերսիլիա : Ո՛վ Հերսիլիա Հերսիլիա , քանի՛ քաղցր է ինձ յօրել զանուն քոյն . զպակուցանողականաւ ազմկաւ՝ որ զիսն տադնաւ պէ՛ չիք սրտի իմոյ վայրկեան հանգստեան , բայց 'ի յորջորջել զՀերսիլիա : Ը՛յլ աւանդ , օ՛վ եմ ես՝ զի իշխեցից սիրել զնա , և տարփալ որում նորին իսկ դիք տարփայցեն նախանձընգգէմք ինձ անշուշտ : Ը՛այց զհետ նորա գէթ կարացից գնալ , կարացից գոնեա ընդ շաւիղս նորա հետեւել , վառիլ զանխուլ 'ի սէր նորա , և մատուցանել նմա ուխտս որպէս դիցուհոյ . այս իսկ քաղցր և բերկրալի զկեանս իմ յարդարեսցէ : Ը՛յո , ջրնադոռ գեղդ Հերսիլիա , երթայց ես զինաւորել ընդ դրօշակաւ հօր քո , ածից զնժոյգս քո , կրեցից զգեղարդունս , եղէց քեզ ապար 'ի ճակատամարտի . և եթէ 'ի սիրտ իմ մխեսցի որ 'ի քեզն ուղղեալ նետ , կարացից ասել 'ի շունչ իմ յետին . Ո՛եռանիմ բարեբաստիկ , զանձն իմ 'ի վերայ քո փոխանակեալ :

Ը՛յսպէս զիզձն իւր մերկանայր՝ Վրամա . և սկզաւ նորա առոյգ և եռանդուն տարածեալ ընդարձակէր առ սէր : Հանգոյն խնկաւէտ անտառի՝ որ 'ի կայծ փոքրիկ բորբոքեալ ծախի , այսպէս ընդ խանձել տարփանաց 'ի սիրտ պատանւոյն՝ սէք բոցածաւալ 'ի նմա ճարակէր : Ո՛չ ևս խորհէր նա յ'Թեհասա . դարձ արար ճեպով 'ի Հրովմ , ընդ շաւիղս 'ի սմբակաց ձիոյն Հերսիլեայ . ապաւո-

րեալս 'ի փոշւոջ : Ամուտ 'ի քաղաք անդր շուա-
րեալ, այսր անդր ընթանայր՝ առանց գտանելոյ՝
զոր խնդրէին, և ոչ համարձակէր զանպարանկոյ
նորա հարցանել . զանգիտէր յորջորջել ումք
զանունն, զոր քաղցր էր նաև յեղյեղել :

Աւր ուրեմն դարձաւ յարքունիս Տատիոսի, և
նախ քան զամենայն ինչ ետես անդ շէրտիլիս,
որ պատմէր քաջի արքային զյաղթանակ հօրն :
Մումս ապշեալ և հիացեալ՝ կտուեաւ անդ, և
զգողանի հարեալ՝ ցածոյց զաչան . իսկ շէրտի-
լեայ ծանուցեալ զնա, եհարց Տատիոսի՝ թէ
յարքունեացն էր պատանին : Պատասխանի եւս
թագաւորն . Պատանիդ այդ որդի իմ է, և կամ
գէթ զորդւոյ առ իս ունի զտեղի : Հայր դորա
արդարագոյն 'ի սաբինացիս էր և ազնուականա-
գոյն . արենակից է դա իմ, որդի բարեկամին ի-
մոյ է : Այլ զայս ասացեալ՝ դիմեաց առ Մումս,
և զգացեալ զյոյզս սրտի պատանւոյն՝ տրտմէր
ընդ այն և ընդ տժգոյն կերպարանս նորա : Իսկ
նա փարատել ջանայր զհոգս Տատիոսի, այլ թու-
թովէր 'ի խօսս իւր . և 'ի հայել 'ի նա օրիոր-
դին՝ դէմք նորա տժգունեալք փոխէին 'ի կար-
մրութիւն, և անմուռնչ կայր . և աչք նորա
մեղմուլ 'ի վեր ամբարձեալ 'ի տեսիլ դատեր թաւ
գաւորին, չև ևս 'ի դէմս նորա հասեալ՝ դարձեալ
'ի յերկիր խոնարհէին :

Իսկ բարեգուլթ արքայն ծերունի ոչ ևս յիշե-
լով զնախկին ազգմունս սիրոյ 'ի սիրտ, ժպտէր

ընդ այնքան ամօթխածութիւն նորա, և Զանայք անբասիր զնա առնել առաջի Հերսիլեայ՝ յայտ ներով նմա զտիս նորա և զգաստիարակութիւն 'ի գեղը ընկալեալ: Այս պատճառս աստի առեալ պատմէր նմա զառաքինութիւնս Տուլլոսի, և զսիրելոյ նորին սանի. և հրձուէր 'ի յօրինել ներքոյս երկայնաձիգս զպոմպիլեան զաւակէն:

Ատաղիւր լէր իշխանուհին զայն ամենայն, ակնկառոյց 'ի 'Նումայ՝ որոյ դէմք կարմրափայլք գեղեցկագոյնք ևս երևէին: Ինեւամտագոյն քան զՏատիոս գտաւ նա վասն որոյ իրաց աղմկեալ յուզէր պատանին, և զայն առաջին նուագ հաճեցաւ ընդ ազգել իւր զսէր. և 'ի մեկնելն 'ի Թագաւորէն՝ աչք նորա հանդիպեալ աչաց կաթոզնելոյ 'ի նա պատանուոյն, բարէ, զխորդ 'ի խորս սրտի միմեանց հասին հայեցուածք նոցա, և քանի պերճախօս 'ի սիրտս երկաքանչիւրոցն այնորիկ գտան, 'Նումայ յոյս անտի առեալ և Հերսիլեայ սէր:

Յայնմ հետէ ոչ ևս զաւակն պոմպիլեան իշխէր անձին. խորհէր հանապազ 'ի Հերսիլիա, կամ 'ի տեսիլ նորին և կամ 'ի խնդիր զբաղեալ. զտիւհետազօտէր զնա, և զգիշեր զնա ինքն 'ի միտսըն յեղյեղէր: Այս ևս զմտաւ ածէր զգութ Թագաւորին, մոռացեալ 'ի սպառ զխրատսն Տուլլոսի. և առաքինութիւն և փառք, յափշտակիչք երբեմն սրտի նորա, ոչ ևս ձգէին զնա 'ի սէր իւրեանց: Հերսիլիա, Հերսիլիա, ոչ ևս այլ ինչ

ընդ տիեզերս տեսանէր, բայց զՀերսիլիա . 'ի նա միայն խորհէր, վասն նորա զամենայն ինչ գործէր . սիրտ իւր և միտք և յիշողութիւն, իմացական զօրութիւնք նորա առ հասարակ հազիւ բաւէին վասն Հերսիլեայ . ոչ ևս այլ ինչ զգացումն էր 'ի սիրտ նորա բաց 'ի սիրոյ :

Այդով զքեզ հիւ պատանեակ, չիք ուրեմն այլ ևս քեզ յոյս զգաստութեան . օր մի, վայրկեան մի զբազմամեայ խրատուց եղծ 'ի քեզ զարգասիս : Ահա արդ սիրելին Ամետրեայ, ահա զաւակն պոմպիլեան, և սան արգոյ Ծերունւոյն Տուլլոսի, օրինակն իմաստութեան, հրաւիրեալն 'ի գերակայ անդր 'ի նսեհ, ահա խաղալիկ լեալ ապերասան ախտին, և գերի անազգակ տոփանաց : Արժէ նա զամենայն երկնառատ ձիրս՝ առ 'ի հետամուտ լինել անգոյ ստուերաց բարեբաստութեան, որ դժոխքներ զամենայն զկեանս նորա գործեսցեն : Արիութիւն նորա լրքեալ, միտք նորա յիմարեալ, մարմին նուաղեալ . չիք նորա ոչ առաքինութիւն, և ոչ բանականութիւն . մտալուտ 'ի վերայ կայ նմա կորուստ որպէս ցնորելոյ՝ որ ոչն ճանաչիցէ զեղեռն մահառիթ :

Բայց Հոռուլոս յաղթանակեալ 'ի վերայ անտեմնացուց, դառնայր զօրօքն 'ի Հոռլմ . և էր նորա սպանեալ իւրովի զԱկրոն արքայ զոսոխ իւր : Այլ պատրաստէին նմա հոռվմայեցիք հանդէս յաղթանակի, նախատիպ յաղթանակացն՝

որ ապա շնորհելոց էին տիեզերակալաց :

Տասիոս արքայ սպիտակազգեսաց առաջնորդելով քաղաքայնոցն առ հասարակ, գայր ընդ առաջ գահակցին իւրոյ . հուր 'ի բազնի փերետրականին Մրամազդայ բորբոքէր . քրմապետք և հաւահամայք, ոստք արմաւենւոյ 'ի ձեռին, սպասեալ մնային յաղթականին : Ղանապարհն ամենայն, որ ածէ 'ի Վասպիտոյ, ծածկեալ էր 'ի ծաղկանց . դրուչք տանց զարդարեալ պսակօք . կանայք հռովմայեցիք 'ի հանդերձս տօնականս՝ բերելով զողայս իւրեանց 'ի գրկի, և զգէմս 'ի դէմս նոցին կցեալ, գորովական գգուանօք զարթուցանէին զնոսս 'ի ցնծութիւն, ստէպ յունկն նոցա յեղյեղելով՝ զի գնային տեսանել զհարս իւրեանց յաղթականս :

Եւ ահա երևէր 'ի բացէ արծիւն ճաճանչազեղ, փողոց լսելի լինէին հնչումնք, և ազաղակք ցնծութեան բիւրաւորք խառնէին ընդ նոսս : Խյաղայր գայր բանակն, և երևէր վեհն համուլ 'ի մեծաշուք կացեալ 'ի կառս յոտին . քառեակ ձիք ձգէին ձիւնապիայք զկառս նորա լրծեալք 'ի մի կարգ . յահիպարանոց տեսիլ կերպարանաց նոցա և 'ի խրխնջիւն՝ թուէր ամբարհաւաճել նոցա խրոխտապանծ ընդ նահատակութիւնս տեառն իւրեանց : Եւակ ինքն զգեցեալ հանդերձ յաղթանակի, և պսակեալ սարդենեաւ, բերէր 'ի ձեռին կաղնի հաստեալ ստարմին, կախեալ զոստոց նորա սպառազինութիւնք

Մերոնի արքային : և յանհետեթ բեռանէն ոչ ինչ վաստակէր : Մաջի նորա գնային ընտանիք պարտելոյ արքային սգազգեացք շղթայտեանք , զայս 'ի վայր արկեալ արտասուալիցս : Մերոն գերեաց կորացեալ ընդ բեռամբ աւարին շուրջ պատեր զյաղթական կառօքն . լեզէոնքն քաջա-յաղթք զհետ գային՝ խրատոյս խնդութեան բարձեալ , և արձագանգք շուրջանակի կրկնէին 'ի բարբառ ձեզ զփառս Հռոմուլեայ :

Իսկ նա յառաջ խաղացեալ 'ի վերերս Վասի-ատին ընդ մէջ ժողովրդեան՝ որ արբեցեալն էք զառօք յաղթութեանց նորա , և հասեալ 'ի մե-հեան անդր Մրամազդայ , ոստեալ 'ի կառայն՝ կազնեաւն հանդերձ որ 'ի ձեռին . լծնդաց եր-կէք ընդ բեռամբն , և զէնք Մերոնի բազխեալք ընդ միմեանս հնչեցին մինչև 'ի վայր հեռաստան : Մատեալ Հռոմուլոս առ բազինն , և եղ զա-խոյեանն առաջի պատկերի վեհագունին դից , ա-սելով . Մեկալ , ո՛վ Մրամազդ , զնախընծայս ա-ւար՝ ոչ աղքատին , զոր քեզն նուիրեն հռովմայն-ցիք . և չտրհեալ զի այս օր բարեբաստիկ յիշեա-ցի յաւերժ յարձանագիրս ժողովրդեան իմոյ , և նորոգեսցի ստեպ . և զի ըստ օրինակի իմում կա-խնացին . յեռինք զարբաղան կամարայս զաւար-տի՞՞գերաց :

Իւր զայս ասացեալ , բուռն եհար՝ զզուարակէ-ամեհայ՝ զոր հարկե բուրմք քսան զօրէին ունել , և ձեռամբ միով ձգեալ զնա 'ի բազին անդք , արկ

զնա՝ ի գուձն յերկիր . և խղեալ հերս ինչ՝ ի բայ-
նաճաւալ ճակատուէ նորին՝ եղեն զնա, քրմայն
կատարելով զգոհն : Այլ իբրև վախճան եղև զս-
հին, եւ հռոմուլ՝ ի մեհենէն, և բարբառեալ
առ զօրս իւր՝ ասէ . Ա՛հ հռովմայեցիք, զի՞նչ
միակս այս զօրեացէ յազթութիւն ցորչափ մնան
մեզ թշնամիք : Ա՛րտեցան անտեմնացիք, բայց
Ա՛ղսիկք և հերնիկք և Ա՛արսիկք, միայն ար-
ժանիք կալոյ ընդ ձեզ՝ ի ճակատ, տակաւին ոչ
նուաճեցան ընդ լծով : Ա՛երսէք կազմք և պատ-
րաստք խաղալ ընդդէմ նոցա . այսօր զհանդէս
յազթանակի կատարեալ, վաղիւ միւսում ևս լի-
ցուք արժանաւորք յազթանակի : Ա՛աղիւ ածից
զձեզ ընդդէմ Ա՛արսկաց յօգնականութիւն կաւ՛
պանիացւոց նիզակակցացն իմոց . շնորհեալ ձեզ, ս՛
հռովմայեցիք, օրս այս ցերեկ յողջադուրանս
կանանց ձերոց և որդւոց . այլ ընդ երևել լուսա-
ճաճանչ այգուն ՚ի ծիրանեփայլ ՚ի կառս իւր,
գտջիք սպառազէնք ՚ի գաշտ Ա՛րիսին . արքայն ձեր
կանխեսցէ անդր, երթիցուք ուսուցանել Ա՛ռա-
վիոյ՝ զի յազթականք ոչ կարօտին հանգստեան :

Արախոյս եբարձ բանակն ամենայն ձայնիւ ցըն-
ծութեամբ, և լեգէոնք ածին զարծուէնշանս իւ-
րեանց զգրօշս յարքունիս հռոմուլեայ . և մինչ
դեռ գունդ ընտիր պահապանաց հսկէր ՚ի պահ
արբազան աւանդիցն, զօրքն երթեալք առ իւրա-
քանջիւր ընտանիս՝ գիրկս արկանէին մալոց իւ-
րեանց և կանանց, և գորով և սէք բերկրէին՝
աւար առեալ օր մի ՚ի փառաց :

ՆՈՒՄԱՆ ՊՈՄՊԻԼԻՈՍ



Գ Ի Բ Գ Ե Բ Բ Ո Ր Դ

ՆԱԽԱԴՐՈՒԹԻՒՆ ԵՐՐՈՐԴ ԳՐՈՑ

Նումա բորբոքեալ 'ի սէր Հերթիչեայ, խնդրէ գնալ զՀետ նորա 'ի պատերազմ. Տափոս սպառազնէ գնա, և ամէ մատուցանէ 'ի բանակն : Յնծութիւն հինաւուրց զօրականին սարինացւոյ ընդ տեսիլ պոմպիլեան զաւակին : Տափոս կամի գնալ ընդ նմա 'ի պատերազմ, այլ ժողովուրդն առաջնորդութեամբ Տափայ գտտեր նորա չքէ գնա 'ի խորհրդոյն : Չու և արշաւան բանակին, և հասանել Հռոմոլեայ առ արքայն Վամպանիոյ նիզտկակից իւր : Նկարագիր բանակի արքային, և բաժանումն Հռոմոլեայ 'ի նմանէ : Գալուստ հրեշտակաց Մարսկաց, և զբոյճք նոցա :

ՆՈՒՄԸ ՊՈՄՊԻԼԻՈՍ

Գ Ի Ր Ք Գ .

Հանգէս յաղծանակին Հռոմուլեայ լրումն արար արքեցու թեանն՝ Նումայ . սիրտ նորա վաղ իսկ ճարակ բոցոյ սիրոյն , առաւել ևս բորբորեցաւ նորահրաշ տեսլեամբն՝ ընդ որ հիանայր : Փառք պատերազմի հանգերձ ամենայն ճաճանչաւէտ պայծառութեամբն յանգիման լինելին նմա , որ պէս ապահովագոյն հնարք արժանի լինելոյ Հերսիլեայ : Եւ ընդ երկնել 'ի միտս իւր յոյս պատիւի՝ վառէր 'ի տենչ գիւցազնաբար նահատակելոյ . և երկեակ պատգիկ կիրք , յորոց մին և եթ թաւտեան է 'ի զառաձանակ գողի վեհազն , տաչորէին 'ի միասին զմատաղ սիրտ նորա :

Իարձաւ Տասիտ յարբունիս իւր , և Նումայ զՏետ նորա երթայր հառաչելով . կամէր յայտնել նմա զամենայն , այլ երկնչէր 'ի կշտամբանաց բարեգութ պրջային . հոցէր յերեսս նորա , և լուռ և եթ կայր : Ապէս մանուկ երկչտ զՏետ

մօրն անհանգէտ քայլիւք դիմեալ, և բուն մեղ միկ զքղանցից նորա հարեալ, լուռ անբարբառ՝ արտասուալից աչացն և եթ հայեցիւք պաղատի 'ի մայրենին բարձեալ բերել զնա 'ի գրկի, այսպէս՝ Ղուան զհետ Տատիոսի գնայր: () Կայ է առ բարեգութ արքայն, և տարածեալ նմա զգիրկըս իւր. Ղյօսեաց, որդեակ իմ, ասէ, զի՞նչ կամիս զի արարից քեզ. կատարեցից զիղձս քօ, եթէ միայն իցեմ ձեռնհաս:

{ Յայնժամ ասէ Ղուան. Ո՛վ հայր իմ, վկայեն ինձ երկինք՝ զի 'ի սրտէ խօսէի 'ի յանձն առնուլ իմում նուիրել զկեանս իմ՝ բոլորանուէր 'ի ծերատածել զքեզ, և 'ի կրթել զհետ առաքինութեանց քոց. այլ 'ի տեսիլ յաղթանակին Հորմուշեայ զարթեան 'ի յոգևոջ իմում կիրք բնաւ ինձ անծանօթք: Նոցակիղէ զիս սէր փառաց, և պապումն պատերազմի տոչորէ զիս. արեհակից իսկ եմ՝ քոյին, որդի եմ՝ Պոմպիլեայ. վաղ իսկ դու և հայր իմ՝ 'ի տիս յայս յաղթակածք 'ի պատերազմունս լեալ եիք, և ածեալ 'ի գլուխս ձեր սարգենի՝ որում ես արդ փափաքեմ, ես՝ որ քաջին Պոմպիլեայ զաւակ անծանօթ, ես՝ որ ազգական և բարեկամ՝ քաջայազմ արքայիդ Սաբինաց, ոչ ինչ ցարդ զենի բաց 'ի զօհից: Փարիմ, ո՛ հայր, զծնագք քովք, թող ինձ նմանող լինել քեզ, ներեա գնալ ինձ զհետ Հառմուշեայ և լինել դիւցազն որպէս զքեզ և որպէս զհայրն իմ: Եւ յասեին զայտախկ՝ անկաւ առ

ոստ ծերունւոյն , խոնարհեալ զերեսս 'ի վայր՝
առ 'ի ծածկել զշառագունանս իւր :

Առ որ Տատիոս ետ պատասխանի . Աթէ յան
ցուցեալ իսկ էր քո , ապաքէն ներէի քեզ . և
զիւրդ եպերել 'ի քեզ կարիցեմ զիղձս՝ զոր մե-
ծարեմ : Անգ . ցանկալի ևս էր արդեօք գթոյս՝
որով սիրեմն գքեզ , թէ անդորրաւէտ կամէիր
վարել կեանս ընդ . հովանեաւ արքունականիս
գահու և 'ի ծոց իմ հայրենի . այլ սաբինացի եմ
և ես , և քո պէս փորձ՝ քանի հզօր հրապոյրք
են փառաց : Արիութիւն քո , Վրամն , հաճոյ է
ինձ : սակայն չկարեմ տեսանել անթաց աչօք ,
զի 'ի ծաղկի հասակիդ կամիս խիզախել յարկաժս
վտանգաւորագունին 'ի պատերազմունս Հռոմու-
լեայ . գիտասջիր զի թշնամիք՝ որոց ցարդ յազ-
թեաց նա , չկարեն կալ 'ի կշիւ ընդ այնոսիկ՝ որոց
արդ խաղայնա ընդդէմ . զԱ՝ արսիկս ասեմահար-
կուս , անպարտելիս մինչև ցայսօր , արս վայրե-
նիս հսկայածևս և անհեղեղս զօրութեամբ ,
որոց զէնք 'ի ձեռին նոցա են լախօք՝ հանգոյնք
մեծին Ալկիդեայ զինուն . և սլաքք նետից նոցա ,
եթէ լտեմք համբաւոյ , մխեալ են 'ի բոյսս թունա-
ւորս ամանցն Ալեոնեայ , և վէրք նոցա մահացուք
առ հասարակ : Առ քանի դառն լիցի ինձ կակիծ

Այնժամ Վրամայ ընդմիջեալ զբանս նորա .
Վանի փառք , ասէ , և որպիսի բարեբախ-
տութիւն լիցի որդւոյ քում մարդել յազնուա-
կանս յայս արուեստ 'ի ճակատ այսպիսեաց ար-

Ժանաւոր ոսոխաց : Տեաննեո ահա զի իմասնակալ են ինձ դիք , և նորին իսկ ազգեն ինձ գնալ զհետ հռոմիլեայ 'ի պահու' յորում խնդախէ նա յահաւորագոյն վտանգս : Օ ի ևս իցէ ինձ տատանել . բանք քոյին , ո հայր , և ևս զիս խրատուսեն . և օրինադրէ իսկ քեզ վոյթ պատուոյ՝ Թոյլ տալ ինձ դիմել 'ի ճակատամարտ :

Այլ իբրև վախճան արար նա բանիցն , և ահա բոց իմն գերաշխարհիկ փայլէր յաչս նորա , հզօր ևս և ազգոյ հնչումն ձայնի նորա գոյր լսելի , և կերպարան նորա և շարժմունք առ հասարակ ազնուականագոյնք և խրոխտագոյնք երևէին : Այս պէս երբեմն Աքիլլեայ 'ի կերպ կանացի 'ի միջոյ դատերացն Աիկոմեդեայ դիմեալ 'ի սուսեր անդր՝ զոր Արիւնա՝ յաչս նորա ցոլացուցանէր , և բնաւոր բերումն մասն լինէր կեղծեացն՝ յայտ նեալ զարիւթիւն նորա :

Այլայլութենէ անտի՝ Առանայ յուզեցան և 'ի սիրտ Տատիոսի կիրք , որոց ոչ ևս իշխէր . և ինդագին արտասուօք ասէ . Այո , որդեակ իմ , երթիցես դու մարտնչել ընդ Աարսիկս , և հայր քո մարտակից լիցի քեզ . այո՛ ես ինքնին ածից զքեզ 'ի ճակատամարտ , նախակրթել զքեզ յարուեստ դիւցազանց : Ա՛ի կարծիցեն եթէ ալիք սպառեալ իցեն յիս զգօրութիւն . աջս այս կարող է տակաւին ճօճել գեղարդն , և բազուկս այս կրել սուպար : Այետոր , ալևորագոյն քան զիս , մարգէր զսիրելին իւր զԱնտիլոք 'ի յաղթութիւն . չեմ

ինչ հաստատար Վերատրի, այլ ոչ առաւելագոյն քան զիս սիրէր նա զորդեանն իւր : Այլ յասել նորա զայս, գիմեաց 'ի գիրիւ նորա Վրասն, և յօժարէր մերկանալ նմա զտարրիանս իւր առ Հերսիլիա, այլ առ կամիած նուազելոյ զվարկ իւր առ քաջի արքային 'ի խոտովանենն իւրում՝ զի ոչ փառաց եւեթ տիրէք 'ի սիրտ իւր ցտնկութիւնս, այլում եթող ժամանակի զդժուարին խոտովանութիւնն :

Տաստու առ 'ի պատրաստութիւնս նորոյ խորհրդոցն, գիմեաց առ քորան Վրասնոցայ 'ի խորն դիր զինուցն իւրոց վաղեմեաց՝ զորս նուիրեալն էք 'ի մեհեանս աստուածոյն . և ակնարկեալ 'ի նոսա զարմեալ նովին հրճուանօք՝ որով 'ի մեմկութեանս խրախուռէր, գոչեաց . Մ' Բրաւազդ, եթէ արեան բիւրաւորաց զօհիցն խնոց խաղացին ընդ բազինս քո վտակք, եթէ սիրտ իմ ոչ մեղաւ երբէք 'ի քեզ, և ոչ ոճիր խորհրդոցք, սուր ինձ, սուր վայրկեան մի եւս զբոյրութիւնն՝ որ էր երբեմն յիս, յորժամ վայրագն Հրամնէս գայր հերնիացուովք իւրովք յարձակել 'ի վերայ Սաբինաց : Ա՛ր համարհեաց նա զմեմկութիւնս իմ, ձայն ետ ինձ յասպարէզ, և զանհեղեղն կռուալ յիս զգեղարդն՝ զոր ոչ ոք յարդի որերոց ձգել կարէ, կարծէր կարել զգիական իմ ընդ գետին . այլ խցս ետու յահագին հարուածոյն, և անկեալ 'ի վերայ Հրամնեայ՝ երիցս 'ի կող նորա մեծցի զաւսեր իմ զըերաջերմ : Տուր, ի Վրա-

մնաղջ, այլ ևս սահաւօրեայ ինձ փառս, և իջից ևս գոհ 'ի դժոխս :

Օ այտասիկ մնաղթէր Տատիոս . բայց դուտար նորա, այն ինչ իրազեկ ընալ հայրենի խորհրդոցն, դիմեաց առ նա յաղերս 'ի բաց կալ 'ի խորհրդոց ամստի : Եւ յալ 'ի զուր ազերսէր, 'ի զուր հեղցք արատառու . հէք Տատիոս տեսանէր եղծեալ 'ի միում վայրկենի զյոցս բարեբառատութեանն երեկ նեալ 'ի մտի : Վճաջ խեղամուտ եղև տարփանացն 'Երուսայ . այլ անարտունջ, և ոչ ընդ միտս իւր բռ զգը ունէր զաղիտիցն . բայց յողբալ իւրում զչուն հայրենի՝ այլ ինչ ողբայր նա վիշտս :

Իսկ 'Երուսն ոչ յայլ ինչ խորհէր, բայց 'ի Հերսիլիա և 'ի պատրաստութիւն իւր 'ի չու : Ոչ գոյին նորա զէնք, բաց 'ի սրոյն Վոմպիլեայ, փութացաւ Տատիոս ինքնին ընտրել 'ի զինարանս Հռոմուլեայ զբաժնէ փայլունակ, պատեալ սոկոթ . և սաղաւարտ պերճագոյն ևս, Սփինգս քնովու հրաշակերտ, և ցցունք կրկնակք ծիրանեգոյնք ծածանեալք զՍփինգան . և ասպար եօթնկա շեան, 'ի քառից պատեալ 'ի թիթղանց՝ յոսկւոյ յարձաթոյ 'ի պղնձոյ և 'ի կապարէ, զոր Եգէոնի ճարտարի 'ի պէտս արքային Վրոկասայ յօրինեալ էր դրուագեալ զնովաւ զանցս բարեպաշտին Ենէասայ :

Հաճեցաւ Տատիոս ընդ զէնսն, և ետ ածել զայնոսիկ առ 'Երուսն : Ե կահիւն զինուցն ասարկու 'ի լսելիս՝ զգիւցազին մանկանն յաւելոյր և

և և զխրախոյս : Հայեցաւ 'ի նոսա 'Երան , բուն
 եհայր զնոցունց , և 'ի հնչիւն նոցին խայտապով
 արկ զնոսա զանձամբ . և գեզանշոյլ և րնածին
 գեղեցկութիւն նորա սպառազինութեամբքն ե-
 րուէր : Վնդայր սիրտ նորա ընդ արուքիւն , և աչք
 նորա փայլատակէին 'ի խիզախելոյ : Ըյսպէս
 առայգ երիվար ընդ լսել զփող 'ի գաշտի ձայնա-
 սուր 'ի մարտ , ամբանայ զվիզ իւր խրոխտա-
 պանծ , և գծխաշունչ լայնէ զոնգունս , գիզա-
 նան 'ի վեր բաշքն գեղածուփք , և խրինջելով
 ձայն առնէ անգրագարձ առ մարտավարտն չափնզն'
 որ ազգի 'ի լսելիս իւր :

Վիշերն , կարի դանգաղ առ ճեպ ցանկու-
 թեանն 'Երանց , հասանէր ուր ուրեմն սփռել
 գքօղ իւր զերկնաւ . այլ ոչ զօրէր քուն փակել զար-
 տեանունս պատանւոյն տարիածուի : Տատանէր
 նա , բիւր ազգի ազգի խորհուրդս ածէր զմտաւ ,
 պատրաստէր որ ինչ առ Հերսիլիա պարտն էր
 խօսել , տենչայր վաղագոյն լինել առ նմա . և
 անդատին մտաբերեալ 'ի դէպս՝ յորս մարթէր
 նմա հանդէս առնել քաջութեանն , զառաջիկայ
 սրն իւր նկատէր 'ի մտի զնահատակութիւնս :

Ըյգ դեռ և և խորին էր , և ահա կանխեաց
 նա սպառազէն յարքունիս Տատիոսի : յպտէր
 արքայն բարեսէր ընդ անժուժութիւն նորա .
 յարեաւ , ած 'ի գլուխ իւր 'ի սպիտակափարս
 զսաղաւարտն՝ որ ոչ և և թեթեւ թուէր նմա , և
 զգեցաւ զզրահան՝ զորս լքեալն էր 'ի բազում

ամաց հետեւ . և ոչ կամերով տալ դատերն ողջոյն հրաժարական՝ որ դատնակակիժ երկաղքանչիւրոցն էր , ել լռելեացն յապարանիցն՝ յեց յանժոյժ պա տանին , և դէմ եղեալ երթայր 'ի դաշտ Վրխին :

Սաղ իսկ ժտմանեալ էին անոք Հռոմուլ և Հերսիլիա , և բանաին առ հասարակ : Տասնոտ առաջի արար գահակցին իւրում զպատանին մար տիկ , որում կամէրն ինքնին մարտակից լինել . Հերսիլեայ 'ի տեսաներն զնա շառագունեցան դէմք . իսկ Վրումայ մոռացօնք եղեն բանիցն՝ զորս պատրաստեալն էր խօսել առաջի Հռոմուլեայ , և կարկեալ եկաց 'ի տեսաներն զՀերսիլիա :

Հռոմուլեայ գովեալ զնախանձ պատանւոյն՝ 'ի լսել զազգ նորա և զճնունդ , ամ զնա առ լե գէոնս սաբինացիա՝ յորոց կազմէր ձախոյ թև բանակին իւրոյ , և ասէ . Սաբինացիք , ահա միւս ևս քաջագն՝ որ գայ պատերազմել ընդ դքօ շիւքդ ձերովք . իրաւունք իսկ են դորա յինքն գրաւելոյ զսէր ձեր . ազգական թագաւորացդ ձերոց է դա , և որդի Վոմպիլեայ :

Ի լուր անուանն Վոմպիլեայ՝ հնչեաց ընդ օգ աղաղակ . սաբինացիք առ հասարակ լքեալ զկայս իւրեանց , դիմեցին առ պատանին՝ Վրումա . Սե տիոս , Սալերիոս , Սոլսկենտ , Սուրեքս , և ամենայն հինաւուրց զօրականք ծածկեալք 'ի խորշում և 'ի սպիա , զնախնոյ զօրավարին իւրեանց ողջագուրէին զորդեակն : Սին ասէր . Շնորհապարտ հօր քում գտանիմ , զամենայն

ինչ 'ի նմանէ ընկալայ : Այս միւս ոմն , թէ նա կեցոյց զիս : Այս ամենեքին միաբարբառ գոչէին , թէ բարերարեաց նա մեզ . ա՛հ , եկ 'ի ռազմն մեր , եկ զաւակդ արդարագունին և քաջագունին 'ի զօրավարս . եկ մարտնչել ընդ հովանեաւ ասպարացս մերոց . քո են բազուկք մեր , քո և սիրտք : Այս առ Հռոմուլոս դարձուցեալ զբանան , ստէին . Արքայդ Հռովմայ , խնդրեմք զգա 'ի զօրավար մեր . անպարտելիք լիցուք մեք ընդ դովաւ , որպէս եղաքն ընդ հարբ դորին . եթէ հրամայեսցէ դա մեզ և կոչեսցի Պոսկիլիոս , խոստանամք քեզ անշուշտ զյաղթուծիւն :

Այսմեմ ծերունին հատիտս հասեալ անդր , գոչեաց և ստէ . Այո՛ բարեկամք քաջք , հրամայեսցէ դա ձեզ աներկբայ , և ես տեսից զքաջութիւնս դորա . գամ մարտակից ընդ դմա լինել և ընդ ձեզ և ընդ հինաւուրց զինուորակիցս իմ՝ որոց ցարդ իսկ չիցեմ արդեօք անծանօթ : Այրթիցուք տեսանել զմիմեանս յասպարիդի անդ փառաց . արքայն ձեր գայ ընդ ձեզ մարտնչել զայս վերջին նուագ : Այթէ պահասեսցէ նմա զօրութիւն , 'ի բազուկս ձեր զնա բարձեալ բերիցէք :

Այս 'ի խօսելն նորա , ազաղակ ցնծութեան հնչէր քաջացն առ հասարակ սաբինացւոց . շուրջ պար առեալ զնովաւ՝ գիրկս արկանէին ծերունւոյ արքային իւրեանց , և համբուրելով զհանդերձս նորա և զձեռս , ստէին . Ա՛ բարեւաւոգ

'ի Թագաւորս , այո՛ պաշտպանեսցուք մեր զլեա-
նրս քո , պատսպարեսցուք զքեզ անձամբս մե-
րով : Ե՛լէ , ո՛վ իսկ զբարեկենդանութիւն որդ-
ւոցս մերոց յօրինեսցէ , եթէ գու բարձցիս 'ի
մէնջ : Ե՛կ , եկ ուսո գու պանկիլ՛եան զաւակին՝
նմանող արժանաւորին իւրում գող ծնողի . և
Թ՛ող 'ի մեզ ուսուցանել ազգաց և ազանց , սբախս
զԹագաւորս բարիս պարտ իցէ սիրել :

Տասխոս փոխան պատասխանելոյ արտասուէր
և եթ . բազկատարած զՏինաւորոց գինուորակիցս
իւր ընդգրկեալ , յուշ ածէր նոցա զիւրաքանչիւր
զքաջութիւնան , և ինդրէր 'ի նոցանէ առնել ընդ
՛Երուսայ զնոցն սէր՝ զոր ունէին ընդ իւր : Հոռ-
մուլեայ իսկ յուզեցան գութք ընդ տեսիին ընդ
այն . և անգէն անուանեաց զ՛Երուսայ՝ Պանկիլիոս
զօրավար լեզէոնացն սարկնացւոց : Ե՛լազակ
բազմամբոխ խառն ընդ փողս հնչէր . և խորխ-
տապանծն Հերսիլիա , ընդ սարկնապիան միջո
մարտակից , բերկրէր 'ի սրտէ զի անդ ընտրեալ
էր իւր տեղի :

Ս՛ինչ դեռ բանակն կազմէր 'ի չու , և Հրո-
մուլ՝ պատրաստէր տալ նշան , և Տասխոս խոհա
կանին յանձն առնէր Ս՛եսսայայ՝ առնել իրա-
ւոնս մինչև 'ի դարձ իւր , և ահա ամբոխ կա-
նանց և մանկանց և ծերոց տառտղելոց կակա-
նաւորք ձեռս յերկինս ամբարձեալ՝ զիմեալ ան-
կանէին յօտս Տասխոսի , ասելով .

Եւ զիւրդ Թողուս լքանես դու զմեզ . և զի-

անոր, երկուս ունեւում մեր Թագաւորս մեզ 'ի Տարս, յերկոցունցն իսկ գտանինք որբացեալք : Այլ է հռոմու՛ 'ի պարսպաց մերոց մեկն, աւ փրեալ իսկ եմք տարակայութեան նորա . այլ դու բարեգութ արքայդ մեր Տատիէ, դու որ սիրեսդ զմեզ, և որ կասդ միշտ ընդ մեզ, առ ինչ արդ լքանես զմեզ : Այլ ո՞ իրաւունս արասցէ մեզ, ո՞ զմեզ սիրեացէ 'ի վիշտս, ո՞ յաղէտս մեր օգնեսցէ մեզ : Վիտես իսկ, զի 'ի գնել արեամբ քաղաքայնոցս գյազթութիւն՝ հարք և մանկունք թշուառացեալք և այլիք սգաւորք առ քեզ ապաւինին, և 'ի գիրկս քո արտառանն . և արտասուակցորդս իւրեանց գքեզ ունելով, սիրելի վիշտ նոցա : Օ ինչ թշուառացն պնացիկ լիցի բախար, եթէ փոխանակ սիրտանա 'ի քէն գտանեւոյ՝ պարտ իցէ նոցա կալ 'ի կասկածի և վասն կենաց քոց : Այլ՝ զինչ խնդիր է քո 'ի պատերազմի, թեքես թերթի նչ իցեն փառք քո . մեծարեմք գքեզ որպէս զդիս, և սիրեմք որպէս գհայր . և զինչ ևս պիտոյ իցէ քեզ, զինչ առաւել քան զայս հայթայթեսցէ քեզ յաղթութիւն . առ 'ի գնալ առնել քեզ գերի, թողուս լքանեսս գորդիս քո :

Օ այս այսպէս մի 'ի ճերտնեացն բարբառեցաւ . իսկ Տատիոս հեղոյր արտօար, հայեր 'ի Մումս, հայեր 'ի զինուորակիցս իւր վազեմիս : Հայնժամ՝ Մումս և զինուորակիցք արքային ծերունիք անկեալ առ ոտս նորա, յաւեցին զսղերս

իւրեանց 'ի պաղատանս ժողովրդեանն . և Տատիոսի ոչ ևս տարակուսեալ , 'ի բայց եդ զստղաւարտն և զնիզակ . և գիրկս արկեալ ծերունւոյն՝ որ բարբառեցան , ասէ . Վիտեմ իսկ քաջ , զի չիք ինձ այլ փառք՝ բայց լինել ձեզ պիտանի . ոչ ևս թողից զձեզ մինչև ցնահ :

Մըղաղակ բազում 'ի լուր բանիցն ամբառնայր յերկինս . ամենեքեան գոհանային զդից , ամենեքեան օրհնէին զբարեգութ արքայն , և զՏայրասէր դուստր նորա զՏատիա : Տատիա ցայն վայր թագուցեալ կայր յամբոխին , և դիմեալ յայնժամ 'ի գիրկս հօրն , ասէ . Ոչ արդեօք տեղի տուեալ էր քո արտասուաց իմոց , այլ վրտասահ էի՝ զի գթայիր յարտասուս ժողովրդեանդ . ես զդոսա ժողովեցի , ես ցուցի դոցա զմտալուստ աղէտսն , և ոչ ինչ դժկամակիմ ընդ նախամեծար լինել դոցա քան զիս :

Յայնժամ Տատիոսի ողջագուրեալ զդուստր իւր , և արտասուօք գիրկս արկեալ պատանւոյն՝ Վուամայ , ետ նմա զողջոյն հրաժարականն , և յանձն արար զինուորակցացն իւրոց ծերունեաց սաբինացոց՝ պահ ունել և պաշտպանել գանձունն , զոր նոցա աւանդէր : Իսկ Տատիա , աչք 'ի խոնարհ , հնարէր ջարդարել զբարբառ իւր անսայթաք՝ առ 'ի մագթել Վուամայ զփառս և զբարեբաստութիւն , որոց ցանկայրն :

Այլ ահա փող հարաւ 'ի չու . և հառաչէր արքայն բարեգութ 'ի տեսիլ չուոյ զօրականին :

ԼՂ կարկառէր նմա՝ Կումա 'ի հեռուստ . և ժողովուրդն ցնծութեամբ 'ի վերայ բազկաց բարձեալ տանէր զթագաւորն , որոյ տեսիլ և եթերեսացն՝ սփոփէր զամենայն աղէտս նորա :

Երբեակ առաջք էին բանակին : ԼՂաջինն 'ի լեգէոնաց հռովմայեցւոց կազմեալ , որոց զօրավար էր ինքնիշխան հռոմուլոս . և ոչ տեղի հաստատուն էր նմա . այլ երթեւեկէր հեծեալ 'ի ձի թրակացի՝ որ հուր յաչացն և 'ի ուրնգաց թուէր թօթափել , և խոյացեալ ամենայն ուրեք հասանէր , թողեալ զհրամատարութիւն լեգէոնացն հռովմայեցւոց 'ի ծերունին Սատիլիոս՝ որոյ որդին ապա թագաւոր 'ի հռովմեկաց : ԼՂըն թեր Սատիլեայ գնայր քաջն Սրատիոս , որոյ որդիք երեք յետ անց յիննից նուաճեցին զԼՂբա քաղաք յաղթանակաւն ընդդէմ Կուրատեանց : Սասսիկոս , Լբաս , Սերուիոս , կրտսերն Սիսէն՝ որ 'ի հռչակաւորէն էր սերեալ 'ի փողարէն Լնէասայ , և քաջայաղթն Տալաս , յառաջնունն կային 'ի ռազմի : Լւրաքանչիւր 'ի նօցանէ վաղ իսկ արութեամբք բազմու նշանաւոր , զանուանուոյ ուրուք կրէր յանձին զկապուտ ոտիս : Բաջամարտիկքս այսոքիկ հռովմայեցիք գնային միշտ առաջապահք 'ի չուբանակին , և յաջում թեի 'ի ճակատամարտս :

Երկրորդն կազմէր 'ի լեգէոնաց լատինացւոց . անդ էին լարենտեանք և փիդենեանք , տեղ լենացիք , արիկիացիք , և նախնոյն Սոլիգորայ և

ցանկալոյն | աւինոյ ընակիւք : Այս ամենայն
 ազգք նուաճեալք 'ի Հռոմուլեայ' պատերազմէին
 յայնժամ փոխանակ նորա, խորխտապանծք ընդ
 անունն հռոմէական՝ զոր յաղթու թեանքն 'ի մեդ-
 տի ստացան : Օջրավարք նոցա քաջք էին Ալի-
 լատ, Սքիմանթ, Փերալտին, | ադոն որդի Սե-
 րեննայ յաւերժհարտին, և գեղանին | Էպիեոս
 ծնեալ 'ի յարգաւանդն Վանենտա, և քարմն
 Ապոլոնի Վինիրոս՝ որ զսարդենին սուրբ հանդերձ
 նարտիւք դիցն զսաղաւարտուն իւրով կրէր :
 Վունդս այս, հետեակազօր առ հասարակ, ըզ-
 միջոց բանակին ունէր 'ի չու և 'ի ճակատամարտ :
 Իսկ յերրորդումն զինուորէին սարկնացիքն
 քաջք . սոքա վերջապահք բանակին ահաւորք՝
 կազմէին միշտ զձախոյ թե Հռոմուլեայ : Ան-
 րունին Սեախոս եթող զհրամանատարութիւն
 գնդին 'ի Վուսա . և ինքն արգոյ զօրավարն 'ի
 ծայրէ ասպարիզին դարձաւ 'ի զինուորութիւն .
 այլ հասակ նորա և պարծանք և աղիք և սպիք
 մեծարոյ զնա առնէին առանց իշխանութեան :
 Սեախոս ընդ զինուորս կայր 'ի ռազմի, այլ
 նա ինքն ստեղանին հրամայէր : Ան նորանչա-
 նաւորք անդ էին խոհեմնցեալն Վատիլլոս,
 ահարկուն Վարաս, և հանայիս և հալոս, քա-
 ջամարտին Վալլոս՝ թուն Աբարեայ գետոյ,
 և սնեալն առ Վանդուսեայ տղքեր ցանկալին
 Աստուք՝ զոր սարսիւծու յաւերժհարսինն զօրքն
 առ հասարակ համարէին, և ամեհին Սիլենոս՝ զը

րոյ մերուսք թանձրախիտ և գորշախայտ զկէս
դիմացն ծածկէին : Ըմենեքեան տղա արքս պաւ
տեբազմորք զհեա երթային Եւմայ :

Իսկ ինքն բազմախորդ դրահիւքն ծածկեալ , և
արբեցեալ 'ի սիրոյ և 'ի ցնծութենէ , գնայր աւ
նաջի նոցա հեծեալ 'ի ձի ձիւնախայլ՝ զոր Տաւ
տիտաբ նմա պարզեւեալ էր : Արոյ խայտալով ան
ժոյժ ընդ մանուկ վերելչական , դաւոր ընդ օդս
և ընտր երկիր հարկանէր , և 'ի սպիտակ թաթա
ւեալ 'ի զգրիւր զանձան որ զաշխոյժս նորա նաւա
ձէին , զպրագնէր 'ի լուր խորինջերոյ ձիոց առա
ջապահ՝ գնդին :

Վնայր առնթեր 'ի մեծաշուք հեծեալ 'ի
կառս Ներսիսիա տարտազէն որպէս զՊալլատ ,
և գեղեցիկ հանգոյն հարսինն Նիփեոսեայ :
() Զանձանչաւեա ստղաւորութեն կրէր գարգան
նակ զարծութն հոսվմէական . կապարձ ոտի 'ի
յուսնորա փայլատակէր , և 'ի ձեռին նորա արեղն
Պանդարայ , զոր լճեկաւ ած յՆասոլիա , և որդի 'ի
հօրէ ժառանգեալ զայն առանդեցին թառնե նորա
Նառնելեայ : Նանձարեցն ի նրա տու , հայր ազ
գատոհմի դիւքազանց , վարէր զկառս իշխանա
հառն՝ նախանձ 'ի տարփածու նորին արկանեղով
'ի Եւմայ սպառաւորութեամբն . իսկ Եւմայ անիւ
կանոյց միշտ 'ի Ներսիսիա , գնայր կից կառաց
նորա . գեղովն ոչ ինչ ասորեւ քան զՍմազոնն ,
բայց աջողութիւն 'ի գէնս յաւերցր Ըմար
նին վհահազոյն ինն կերպարանս պատերազմողի :

Լ՛յսպէս Լ՛պոլճն և քոյր նորա Լ՛րտեմիս ճեմին սպառազէնք ընդ լերինա Աինթեայ . երկղբին ևս ահաւորք , երկղբին ևս աննախտիղք , բայց դուստրն լատոնեան կերպարանս ինն բերէ յանդուզն և խրոխտ՝ որ ՚ի քաղցր դէմն եղբօրն ոչ տարաւորին :

Իսաղային գնային զօրքն արշաւասոյր , գէմ եղեալ յեզերս Ա իրիս գետոյ և ՚ի դաշտս Լ՛էքսենտեայ , ուր էր նոցա զօրաժողով ընդ գունդս արքային Ասպուայ . այլ պարտ էր նոցա անցանել ընդ երկիր հեռնիացոց : Հռոմուլոս հրեշտակս առ նոսա արձակեաց՝ իննդրել զանցս . և մերժեալ զխնդիր նորա արքայն հեռնիացոց , առէ . Ա եմ ինչ դաշնակից , ոչ ընդ Ա՛ արսիկս և ոչ ընդ հռովմայեցիս . եթէ զօրք թշնամեաց քոց դիմեալ գնային ՚ի Հռովմ՝ ոչ թողուի նոցա անցանել ընդ սահմանս իմ ընդ կարծոյ ճանապարհ . պարտ է ինձ սպաս խտրանել և ձեզ զճանապարհ հրդ . թուի ինձ արդարութիւն , ոչ միտմ և ոչ միւսումն ձեռն տալ կողման :

Ա՛նչեաց Հռոմուլոս զայրագին ՚ի լուր պատասխանւոյն , և առէ . Ա՛ յանդուզն , ՚ի միտ առցես դու քանի վտանգ իցէ ջլինել կուսակից միում յերկուց հզօր պետութեանց . այժմէն իսկ գիտասցիր գքեզ ծառայ յաղթականին : Ասկայն հարկ լեալ նմա յապաղել զվրէժիմնդրութիւնն , և առնել շրջան մեծ առ ՚ի հասանել ՚ի սահմանս Ա՛ արսկաց , գիմէր գնայր անցանել ընդ

լերինս սիմբրացւոց՝ ուստի Միտին ըզխէ գետ :
 Յերկայն և ՚ի տաժանաւոր չուոյ անտի աշխա-
 տեցան զօրքն . այլ կարեւոր էր աշխատութիւնն
 այն դեռակիրթ զօրացն , զորս յաւել Նոմնուտ
 ՚ի բանակ իւր . և մանաւանդ Վրամ մարտիկն
 մանկահասակ խիստ զնախակրթութիւնն արար
 յարուեստն ազնուական՝ զոր սկսանէր : Սար-
 զեալ ՚ի քաջաց վարժապետացն սաբինացւոց ,
 և վառեալ սիրով և առնթերակայութեանն
 Ներսիկայ , հմուտ ՚ի պատերազմ որպէս զհին-
 աւուրց մարտիկ ՚ի վերջին ճակատս մարտին
 գտանէր : Ան ևս մտեալ ՚ի մարտ , գիտէր զմար-
 տընչելոյն յեղանակ . և եռանդն քաջութեան՝
 որով տենչայրն առաքինանալ առաջի Ներսի-
 կայ , յաւելոյր ՚ի նա զանձուկ հասանելոյ վաղ
 առ թշնամիս :

Հասանեն ուր ուրեմն յեզերս Սիրիս գետոյ ,
 որ բաժանէ ընդ Սարսիկս ընդ եկուացիս և ընդ
 հեռնիացիս : Արքայն կապուացւոց երկւք բիւ-
 րուք զօրաց վաղ իսկ անդ յերկց աւուրց հետե-
 բանակեալ էր . և յերևել առաջապահ գնդի
 հռովմական բանակին՝ հան ճակատեցոյց զզօրն
 առ հասարակ , և ՚ի հնչիւն բազում ազգի ազգի
 նուազարանաց մնայր ընդունել զնիզակակիցան :
 Այս և արքայն հռովմայեցւոց հնչեցուցանել ըզ-
 փողս , և հաս ճակատեցոյց զիւրն դէմ յանդի-
 ման կապուացւոց . և յառաջ անցեալ առ թա-
 զաւորն , գիրկս արկին միմեանց արքայք երկու-

քին , և երդուան անլոյծ բարեկամութիւն :
 Բայց Հռոմուլոս անժոյժ առ տէնչ վաղագոյն
 տեսանելոյ զգորս՝ ընդ որս պատերազմելոցն էր ,
 դարձաւ անցանել ընդ ռազմն զօրաց բանակին :
 Ըսն ինչ սակաւիկ մի յառաջ խաղացեալ , և
 ահա դռնէին լսելիք նորա՝ ի շոխնոն խառնաձայն՝
 որ ամենայն ռատեք հնչէր շուրջանակի : Վանզի
 կամկանիացիք համարձակէին քրքիջ առաջի
 նորա բառնալ , իշխէին խօսել ընդ սպառազինու
 թեամբք և ոչ հպատակել հրահանգաց մարտի ,
 ընդ որ զրգուէր զայրոյթ Հռոմուլեայ : Հայե-
 ցաւ ՚ի նոսա խոժոռ , և ողորմեալ յամբոխ զօ-
 րապետացն՝ որք պանծային ընդ ծանծաղ գիտու
 թիւն իւրեանց , չէառ իսկ յանձն տալ նոցա սբւ
 տաախանի . պակեաւ եկաց խորշովեալ յօնիւք
 ՚ի տեսիլ հինաւուրց զօրականին՝ որոց զօրապետք
 մանկունք հրամայէին , և ՚ի տեսիլ ոսկւոցն և աք
 ծաթոյ՝ որ ՚ի զրահս ամենեցուն փողփողէին :
 Հաս կալաւ զապար մի ճոխ և ծանրաբեռն՝ զօր
 առցոք ոք մարտիկ կամկանիացի աշխատութեամբ
 մեծաւ կրէր . զայն Հռոմուլեայ ծայրիւք մն
 տանցն առեալ ՚ի վեր , և նկատեալ ՚ի նմա ըզ
 դրուագ տարփանայ՝ շառագունէր ՚ի սքամոռ
 թենէ , Եւ զաննց ՚ի զօրականէն յափշտակեալ
 զնիզակա , և ՚ի բռին իւրում խորտակեալ զայնո
 սիկ , հարցանէր ընդ հենդն ժպտելով թէ առ
 ինչ զէնք պնպխիք էին պիտանացա :

Եւ հասեալ ՚ի բանակեաղ կամկանիացոց ,

Եմուտ անդր • և զայրանայր 'ի տնտեսնել զվրանան մեծագինս, ընդ որովք բուրեին խոնկը անուշա-հոտք, և ուր բաղանիք և մահիճք և ամենայն գիւտք և ճարտարութիւնք մեղկութեան քաղաքական կենաց պատրաստ կային : Ատես անգ և հանդէս խաղուց, ուր զօրապետք կանգանկալցոց զմիմեանց կապտէին զարծաթ, և կորուսանէին զմեծութիւնս, զհանգիստ, և յաճախ ևս զփառս : Ատես և ամօթալի ևս անդ տեղի, ուր ամբոխ անպարկեշտ կանանւոյ՝ սակաւ ինչ ընդհատ 'ի բազմութենէ զօրացն, վարժեարդիւրամատոյց առ 'ի յախտս, ձգէր և պարաւանդէր զմանկտին պատերազմող 'ի կապանս ամօթապարտս, թմրեցուցանէր զքաջութիւն, և կնատեալ զոյժ նոցա՝ մասնէր զնոսա 'ի ձեռս թշնամեցն անզօր անարի անփառունակ : Ա՛ի անգամայն պսել, ետես ամենայն ուրեք զվատ մեղկութիւն, զվնաստեար զատարկապարտութիւն և զգեղխութիւն :

Այլ վաղվաղակի մեկնեալ 'ի բանակէ անառի, և առեալ զձեռանէ արքային կանգանխացոց անբարբառ, ած զնա ընդ ռազմն հոռվմէական բանակին : Առութիւն խոր տիրէր անգանօր, պատրաստութիւն 'ի լուր հրամանի և մեծարանք 'ի դէմն ամենեցուն տարաորեալ • իւրաքանչիւր ոք 'ի մարտկաց անշարժ 'ի կայից իւրոց՝ անկառոյց 'ի զօրագլուխ իւր, հնարէր գուշակել զպատուէր հրամանի նորա՝ առ 'ի վաղագոյն զայն

կատարել : Երբեք և պղինձ ամենայն ուրեք շողային . և եթէ ոսկի և արծաթ 'ի զէնս ուրեք փայլէին , իշխանաց այնորիկ կամ զօրավարաց յազնուականութենէ կամ 'ի քաջութենէ պահեալ էին : Եւ կանանի յետկոյս բանակին և ոչ գահնք տեսանէին , այլ նժոյգք ընդ անկերցն 'ի մարտի փոխանորդք , զէնք առ 'ի ընու զխորտակելոցն տեղի , և վիրաւորաց դեզ և դարման : Եւ քաջանչիւր զք մարտիկ կրէր զվրան իւր զպարէն և զզէնս . և ոչ որ վաստակէր , ոչ 'ի բեռանէն , և ոչ 'ի հետեակին թաց յառաջխաղացութենէ :

(Ի) Պագաւոր նոցա հզօր ձեմէր հանդարտաքայլ ընդ մէջ ահեղ բանակին , և դիտէր լոբի զարքայն յապուայ . և առեալ 'ի ձեռանէ միոյ ուրուք 'ի սինքոր զօրականէն զգեղարդն , ետ 'ի ձեռութագաւորին . որոյ ոչ կարելով հանդուրժել բեռինն , եթող ընկէց զայն՝ շառագունեալ յամօթոյ : (Յայնժամ Հռոմուլեայ լուծեալ զլուծիւն , ասէ . Վեզ թողում , արքայդ յապուայ , աննել գատաստան՝ թէ կարիցեն ընդ նովին դրօշու պատերազմել զօրք քո և իմ . զի և ոչ առիւծք ամեհիք ընդ երկչոտ խաչինս՝ միաբանել կարացեն : Բանակ քոյին տկարացուցէ զիմն . հռովմայեցիքս իմ , սովորեալք 'ի յարձակել միշտ 'ի վերայ թշնամեաց , կորուսանիցեն զկէս զօրութեան իւրեանց 'ի պաշտպանութիւն նիզակակցաց իւրեանց : Սարձեալ և վտանգ ան

շուշտ տեսանեմ զառաջեալ . ախտ ժամտ , որ ճարակի 'ի բանակի քում , 'ի յիմն փոխեսցի . վատ մեղկութիւն , ահաւորագոյն քան զամենայն հարուածս , ջլատեսցէ զկորով զօրաց իմոց . ոչ ևս լիցի մեզ յոյս յաղթութեան , այլ հասցէ մեզ պարտութիւն : Սիրելի է ինձ , արքայդ Վապուայ , նիզակակցութիւն քոյին . այլ սիրելի ևս փառք ժողովրդեան իմոյ : Եթէ կամիս զի իցեմք բարեկամք միմեանց , բաժանեսցուք յիրերաց . 'ի բաց տար յինէն զվնասակար բանակդ . և եթէ չկարես ստիպել զհպատակս քո լինել արս , գէթ մի թողուր նոցա կնատել զարս :

Եւ 'ի խօսել զայսոսիկ հռոմուլեայ , մանուկն Վապիս՝ որդի արքային կամեմանիացւոց , հռու մայեցւոյ արժանի անուան , կորակնեալ և շառագունեալ՝ զերկիր նշմարէր : Իսկ հայր նորա սասանեալ յերեսաց հռոմուլեայ , որպէս միշտ խակ այր վեհ մեծարոյ է արքայից թարմատարաց , խնդրեաց 'ի նմանէ ցուցանել որ ինչ պարտն էր իւր գործել . և խոստանայր հպատակել խորհրդոց նորա : Արում հռոմուլ ետ պատասխանի . Ի՞նչեմ զի սամնիացիք գան յօգնութիւն Սարսից , և պարտ է անցանել նոցա ընդ քաղաքն Լէքսենտ , և Լէքսենտ ընդ ձեռամբ քով է . եթէ ամրացիր 'ի պարիսպս անդ , խափանել զգիմեցումն նոցա անգր : Կա՛լ առ քեզ ոչ ինչ աւելի քան զերկիր մասն զօրաց քոց , և յլեսջիր զայլն ընդդէմ սամնիացւոց , առաջնորդ նոցա

կացուցեալ զքաջագոյնն 'ի զօրավարս քո : Ըր-
գեղ նմա , մի 'ի կռիւ գալ ընդ ահաւոր թշնամ-
ւոյն . զի ոչ կարասցեն զօրք քո ժուժկաղել ընդ
զօրս նորա 'ի մարտ : Վատուէր տուր նոցա խու-
ճապել զքանակ թշնամեաց , զգոյշ կալ 'ի ճակա-
տամարտէ , աշխատ առնել զսամնիացիս , և խա-
փանել զնոսա 'ի գումարելոյ ընդ Սարսիկս :
Յայնմ վայրի դիմեցից ես 'ի վերայ Սարսից .
և անշուշտ լիցի մեզ յաղթութիւն , հայրենա-
կանաւս Ըրեայ օգնականութեամբ . զի թողցէ
յայնժամ զօրավար քո անխափան առաջի սամ-
նիացւոց զճանապարհն , և յառաջ խաղացեալ
նոցա յԷքսենտ՝ պաշարեսցին 'ի մէջ զօրաց քա-
ղաքին և 'ի քոյոցդ և յիմոցս զօրաց . և անհրա-
ժեշտ նոցայն պարտութիւն 'ի միում և եթաւուր
զրաւ արասցէ մարտին :

Եւ 'ի լեւն զայստսիկ մանուկն Վասպիս անկաւ-
յոտս հռոմուլեայ , և ասէ . Ըրքայդ հռոմայ
զարմանալիդ ինձ , և պաշտելի որպէս զհայր քոյ-
ին զԸրէս , ներեա զի որդի արքային Վասպուայ
ընդ դրօշիւքդ քովք մարտիցէ . ցանկամ մարդել
'ի խիստ արուեստ դիւցազանց , և զո՞ ոք վեհա-
գոյն քան զքեզ կարիցեմ ընտրել ինձ վարժա-
պետ : Եւ որհեա աստուածորդիդ դու , զի մար-
դեալ քե 'ի մարտ՝ կարացից և ես մարդել զզօրս
հօր խնոյ . և քո իցեն փառք , եթէ հռոմայե-
ցիս զնոսա յարդարեցից :

Եւ արժեալ հռոմուլեայ 'ի բանից անտի , յա-

րոյց զԿապիս . և ետ նմա վաղվաղակի գումար-
տակ ընդ ձեռամբ : Իսկ նա առաւել պարծանս
իւր համարեալ զիննէն սպայ Հռոմուլէայ քան
իջխան Կապուայ , համբուրեաց զաջ զօրավարին ,
և հրատարական տուեալ ողջոյն հօր իւրում ,
փութացաւ կալաւ զտեղի իւր : Եւ թագաւորն
Կամպանիոյ մեկնեցաւ անդէն բիւրուք զօրօքն
ամրանալ յԷքսենտ , զայլս 'ի զօրացն յղեալ
ընդդէմ սամնիացւոց առաջնորդութեամբ հել-
լենացւոյ ուրումն՝ որ զօրավարէր 'ի ձեռանէ
արքային Կապուայ :

Հռոմուլ առ տենչ վաղագոյն ձեռն 'ի գործ
առնելոյ 'ի պատերազմ , կամէր նախ քան զգի-
շեր հասանել բանակել յայնկոյս Ե իրիս գետոյ :
Եւ գտեալ զհուն մի գետոյն՝ իբրև կազմէր ան-
ցանել ընդ այն , հասին առ նա հրեշտակք երեք
'ի Սարսից . տեսիլ նոցա պատկառելի , մորուք
երեկայն իջանէին ընդ կուրծան , և գլուխք նոցա
ճաղատք՝ սակաւս ինչ բերելով հերս սպիտակս .
'ի միում ձեռին նոցա էր անօթ փայտեայ , և 'ի
միւսում նետ փայլուն : Յառաջ մատեան հան-
դարտաքայլ և ճոխաձեմ , և երիցագոյնն 'ի նոցանէ
խօսեցաւ և ասէ . Ըրքայդ Հռոմվայ , զի կայ
քո և մեր . մի թէ զերկիրս քո աւերեցաք , կամ
թէ սպառնացաք ինչ ընդդէմ քաղաքիդ : Ս'իցես
դու , զինչ կամիս , և զինչ իննդիր է քո 'ի մէնջ :
Ըհա արքայն կամպանիացւոց դիմէ 'ի վերայ
մեր , առ 'ի թափել զկարծեցեալ իրաւունս իւր

ի մէջ. այլ տացէ նա զվրէժ : Իսկ քո և ոչ մտտիքդ այդոքիկ պատճառանք են . անծանօթ իսկ ես մեզ , և ոչ համբաւ մեծութեան լուեալ քո զմէջ . չիք ինչ մեր , որ զցանկութիւն քո գրգռիցէ : Եւ ինչ զանխուլ են ՚ի քէն որ ինչ պարգեք Դարսկացս ՚ի դից չնորհեալ . արջաոք և արօր , դաշխուրանս այս և նետք և լախոք . սոքօք առ թշնամիս մեր և առ բարեկամս վարխիք : Կնծայեմք բարեկամաց որ ինչ արօրոյ և արջաոք են արգասիք , և դաշխուրանս աշտուիկ քաւութիւնս վասն նոցա հեղումք Դրամագդայ : Իսկ առ թշնամիս արձակեմք զնետս ՚ի բացէ ցոր վայր աչք մեր նշմարեն . և լախտիւքս ջաղջախեմք զնտա եթէ երբէք յանդգնեսցին մերձենալ առ մեզ : Կնտրեա արդ , արքայդ Հարովնայ , ընդ բաժակս ընդ այս և ընդ նետս : Եւսեմք զի աստուածորդի ոմն իցես դու . եթէ ճշմարտիւ այդ այդպէս իցէ , մարդասիրեա . իսկ եթէ ոք ՚ի մարդկանէ իցես , երկիր յայնցանէ՝ որ քաջք իբրև զքեզ և արդարագոյնք քան զքեզ են :

Պատասխանի եա նոցա Հռոմուլոս զայրագին և ասէ . Չիք իմ երկուցեալ բնաւ յումեքէ . գամ յօգնութիւն նիզակակցաց իմոց , և ոչ է ինձ անկ քննել թէ իցեն նոցա իրաւունք զէն առնոյ . որդի եմ ես Դրիսի , և ոչ Իմմիսի : Վարձ ծերունիդ առ ազգ քո , և գուժեա նմա պատերազմ և լուծ , և թող ինձ զնետդ , պարգև գեղեցկագոյն , որ արժանիս քաջութեանս իմոյ ինձ

աւետէ թշնամիս : Այլ զայս ասացեալ, խլեաց 'ի
 ձեռանէ ծերոյն զնետն : Այս լուռ և եթ աշու-
 ցեալ ընդ երկար 'ի թագաւորն, ամբարձ ասպա
 զաչա իւր յերկինս՝ որպէս վկայ զնա կոչելով ար-
 դարութեան իւրոյ, և ել յերեսաց թագաւորին
 անբարբառ : Ասկ Հռոմուլոս անց վաղվաղակի
 ընդ Ա իրիս, և եկեալ բանակեցաւ 'ի դաշտս
 Արսկաց :



ՆՈՒՄԱ. ՊՈՄՊԻԼԻՈՍ



Գ Ի Բ Գ Զ Ո Ր Ր Ո Ր Դ

ՆԱԽԱԴՐՈՒԹԻՒՆ ԶՈՐՐՈՐԴ ԳՐՈՑ

Համախմբեալ Մարտկաց ընտրել իւրեանց զօրավար, պա-
ռակտին . ոսկանի ընտրութիւնն այնժ, որ զքուն կազմա-
խոյ բեկանիցէ . բայց մանուկն լէոնդ յազթող գտեալ, թո-
ղու զզօրավարութիւնն ծերունւոյ ումնն : Չու առնէ բա-
նակն, և գոյ հանգիպի հոտիցեցուց : Հոտուլոս պատուէ
ըրս տայ զօրականին : Մարդասիրութիւն նուայ, և զոհ
նորա առ Դեմետրէ, և արձակել զքերին : Դեմետրեայ ար-
կանել առ ոտս նորա զերկնիկեց վահանն : Յարձակել լէոն-
դեայ գիշերայն 'ի բանակն հոտվայեցուց, հուր արկանել
շնմանէ, ողողել զայն արեամբ, և տապաստ արկանել վիրա-
ւոր զհոտուլոս :

ՆՈՒՄԱՆ ԳՈՄՊԻԼԻՈՍ

Գ Ի Ր Ք Դ .

Ի այց Սարսիկը ժողովեալ ՚ի մեհենական անտառին Սարրոբեայ, թէպէտ և տակաւին ոչ անյոյսք ՚ի խաղաղութենէ, կազմէին պատրաստէին ՚ի պատերազմ: Ներակոյտն վերատեսուչ ընկերահաշտ ժողովրդեանն՝ առաքեաց հրեշտակառ ազգս նիզականիցս, ինդրել ՚ի նոցանէ օգնութիւն: Եւ զինուորեալ մանկտին, երկու բիւր մարտիկք՝ աղեղն և լախտ ՚ի ձեռին՝ դէտակն կալեալ մնային դարձի հրեշտակացն ՚ի Հռոմուլեայ:

Եւ ահա հասին նոքա կորագլուխք տիրադէմք, և յառաջ անցեալ դանդաղաբայլ՝ կացին ՚ի մէջ ատենին: Շուրջ եղէն զնովաւ զօրքն, հարցանէին զնոսա, և ստիպէին տալ պատասխանի: Եւ նոքա ասեն. Սազմ՝ զլախտս ձեր կալարուք, Հռոմուլ՝ ընտրեաց զնետոս. զբանակ հարեալն ստի նա ՚ի սահմանս մեր, և զլուծ մեզ իշխէ սպառ.

նալ : Յայն բան հնչեաց աղաղակ զայրագին . և զօրքն կատաղեալ՝ վաղ ընդ փոյթ խնդրէին գնալ ընդդէմ թշնամոյն : Յաժոյց ծերակոյտն զսրտմտութիւն նոցա , յորդորելով զնոսա մնալ հասանելոյ նիզակակցաց յօգնութիւն , և ընտրելոյ իւրեանց զօրավար կարօղ առ 'ի կալ ընդդէմ արքային հռովմայեցւոց :

Ըրբ բազումք պատերազմողք յառաջ մատեան , թեկն ածելով զաւագութեանն . երևելիք 'ի նոսա էին քաջն Լէլոն սերեալ 'ի Սահոսէ , որ փոխանակ սուսերոյ և զեղարդեան կրէր տապարանհետեթ զոր ոչ դք 'ի Սարսից կարող էր բառնալ . Պենթէոս՝ յերկոցունց ձեռաց աջողակ , որ ընդ հաւս իւր նախնիս համարէր զհէքն Սարսիաս զհայր ժողովրդեանն Սարսից . Ի իգեր՝ երագոտն քան զեղջերու , որոյ զէնք էին բոլորակք երկաթիք սայրասուրք , զորս այնու աջողակութեամբ ձգէր՝ զի 'ի մահուանէ երբէք հարուածք նոցա ոչ վրիպէին . և մանուկն Լստոր , համբակ Լստոնի ցանկալի , որոյ վահան լայնատարր յերիս աւարտեալ 'ի ծայրս սուրս՝ յերկիր բւեռէր , և որ յետկուսէ երկաթեայ պատնիշին ձգէր աջողակ զնետս՝ 'ի դելիական դիցն ուսեալ զաղեղնաւորութիւն : Սորա ամենեքեան ոտիք միմեանց խրոխտապանծք՝ 'ի մէջ մատեան խրնդրել զզօրավարութիւն . իսկ զօրքն՝ որք հաւասար զնոսա սիրէին և մեծարէին՝ զաղաղակ բարձին , կիսոց զ իգեր խնդրելով , այլոց զ Պենթէոս ,

հեծերսզօրաց զ՝ էլնն , և ազեղնաւորաց զ՝ ստոր :
 Վաջազուկքն չորեքին խոժոռ յիրեարս ակն-
 արկեալ՝ դժնեայ ընդ միմեանս խօսէին , և
 զայրոյթ ՚ի դէմս նոցա վառեալ բորբոքէր . իւրա-
 քանչիւր ոք պանծայր ընդ ազգ իւր և ընդ արու-
 թիւնս , և խոտէր զոտխացն . և անիրաւութիւն
 բարձր ՚ի գլուխ ՚ի միջի նոցա ձեմէր : Սպառնա-
 լիցք ձայն տային միմեանց յապարէզ , Ստորի
 բունն զնետից հարեալ , Սենթէի ճօձելով զգե-
 ղարդն , Սիգերի զբոլորակն կշռելով , և ամհ-
 ւոյն Սէլնի ՚ի վեր զահագին զսակրն ամբառ-
 նալով :

Յայնժամ երիցադոյնն ՚ի ծերակուտէն խո-
 հականն Սոփանոր , փութացաւ արկ զանձն ՚ի
 մէջ , և արգել զնաա՝ ասելով . Սքք . զի գործէք .
 կամիք ուրեմն աներկեւան պատրաստել հոռվակե-
 ցոց գլաղթութիւն , բառնալով ՚ի Սարսից
 զախոյեանս . սնափառութիւն գուպարելոյ ընդ
 միմեանս՝ հզօրագոյն ուրեմն է ՚ի սիրաս ձեր քան
 զսրբազան սէր հայրենեայ : Սաղ , և զինչ լի-
 նիցին հէք հայրենիքդ , եթէ ընտրելագոյնք յոր
 դիս նորա զգէնս իւրեանց ՚ի միմեանս դարձու-
 ցեն : Ս ՚ի կարծիցէք եթէ ինդիք ինչ շահու տայ
 ինձ բարբառել . ոչ ինչ է ինձ փոյթ զի գբաւել
 ջանայք զաւագութիւն՝ որ երեւս ինոց վաստա
 կոցս էր անկ , և քաջ ՚ի գեպ ինուան ծերու-
 թեան : Սարժանք ոչ այն իսկ են՝ հրամայել հա-
 ւասարից , այլ յաղթել թշնամեաց . շիթ մի

արեան հեղեալ առ այլ ինչ, գողօնք են՝ի հայրենեաց : Ըջէ, եթէ ծարաւի իցէք արեան, և ոչ ժուժկայիցէք հասանելոյ հռովմայեցւոց, դարձուցէք զբէնս ձեր՝ի յիս . շատ խակ կեցի, լաւ իցէ ինձ մեռանել այտուհեակ քան տեսանել զքաջազունս և զեղբարս զի պատրաստին խողխողել զմիմեանս : Հարէք զմիմեանս Խարաք . այլ նախ լուարուք ինձ . հաւատար է ձեզ քաջութիւն, ազգաւ և արուժեամբք հանգիտապատիւք իրերաց էք երևելիք . և այտօրիկ երկնամէկ պարգևք դրգեն արդ՝ի ձեզ գուպար : Ելիք ձեր զօրավար, և իւրաքանչիւր դր՝ի ձէնջ արժանի է զօրավարութեան . կորով մարմնոյ սահմանեսցէ ազգս, զոր հաւատարութիւն քաջութեան չկարէ սահմանել : Ի բարձր՝ի բուն կաղանկ խոցս վաղեմոց արկցի շղթայ երկաթի . և որ ուրուք՝ի ձէնջ ձգեալ զայն՝ բեկցէ զբուն ծառայն, կամ մինչև ՚ի յերկիր զայն հակեացէ, նա եղիցի մեզ զօրավար :

Ըջաց, և զօրքն առ հասարակ և ժողովուրդն հաւանեալ ծափս հարին : Խերհացան ոտիւք ըզգէնս ՚ի բաց, և երբունս յաջ Խոխանորի՝ հնազանդել յաղթողին : Փութանակի չորք ՚ի Խարսից ելին բարձր՝ի կատար կաղանկաւոցն՝ պարաւանդել անար ուժգնապիլիկ շղթայ ծանր և երկայնամէկ, որոյ լայնատարր օղանմեակք թողեալք ՚ի բարձանց իջանէին ասեղ շկահմամբ մինչև ՚ի յերկիր :

Ինչ ծերակոյտն բազմեցաւ դատաւոր , հնչեցին փողք ետուն նշան . և ահա լսելի եղև բարբառ , և անց 'ի մէջ մանուկ Սարսիկ բարձրադիտակ և վսեմ , վայելուչ և հաճոյ աչաց 'ի տեսանել : Ընդունեալ նա սրանձալեալ էր ծածկեալ , որոյ ձիրանք ուկեղէնք զմիմեանք առ կրծիւքն ածէին . և կտտաին գազանին յոր սպիտակ և լուսափայլ ժանիքն յերախան տակաւին կային , սաղաւարտաձև 'ի գլուխ մարտկին երեւեր : Կօշիկք կարճաբերձք կիսամերկ սրունիցն պահպանակք , և յաճառուտ բազկին լախառտախիտ և երկաթազամ : Իսկ ինքն չքնադարեղ որպէս զՍարսիկն , խրոխտ և վեհ որպէս զՍրեն , թեթև և ընթանայր 'ի մէջ ատենին . և զկայտուեալ անդ յեցեալ 'ի լախտ իւր , և զաչս մեծաբանօք զծերակուտինն ածեալ , ասէր .

Յորչափ համարէի , ձ հանձարեղ ծերակոյտ , զի խոհականու թիւն մանաւանդ և հանձար որտերապեմական պահանջին 'ի զօրալարութիւն , ոչ թեկն ածէի զաւագութեանն՝ որում անպատկանաւոր զիս հասակն իմ կացուցանէր : Ընդ զի կորոտից և եթ արգ սահմանէք զպատինն , ահաւասիկ կամ նախանձորդ նմին : Ըկարեմ հանգոյն տոխացն իմոց ազիւտականաց զաղջ իմ յառաջ մնաողացանել . չեն իմ նախնիք նշանաւորք , իմ Սարսք . սղ առիւծենիս այս , զոր տեսանէքդ զինև , մեծին Սկիդեայ էր ծածկոյթ . և 'ի լախտէ աստի միշտապս լեռնեան անկառ տաղգաստ :

Ի՛հա պարծանք աղնուակահանութեան խնոյ, ա-
րիութիւն և կորով, ահա իրաւունք՝ ի նախանձ-
ընդդէմ մրցութիւն : Օ այն հոովմայեցիք զա-
տեցեն, իսկ զայս դուք ինքնին ո՛վ լ՛արդք :

Օ այստիկ վեհազնն բարբառեցաւ լ ևճնդ, և
զօրքն առ հասարակ հարին խրախոյս խնդու-
թեան : Ի՛րկաւ վիճակ թէ որով կարգաւ հնդե-
ցունց ոսոխացն պարտ էր մատչել ՚ի հանդէս -
Պենթէոս առաջին, ապա Ի՛քտոր, զհետ նորս
լ իգեր, ապա Ի՛ւլոն, և յետ ամենեցուն վիճա-
կեցաւ լ ևճնդ :

Հարան փողք, և քաջն Պենթէոս բուն
զըզթայէն հարեալ՝ ուժգին զայն տատանէր .
այլ բուն կաղամախւոյն կայր անշարժ, հազիւ
բազաթան ծառոյն սասանեալ : Պենթէոս զայ-
րագին զամենայն զձիգն իւր թափեալ ընդ վայր,
քրտնալից և թնամանալից ելիք զըզթայն, և
անց ծածկեցաւ յետկոյս զօրացն գնդի :

Ի՛քտոր ապա, ցանկալին այն յառաջ մատեաւ
Ի՛քտոր . այլ առ բազմատենչ ըզձից աւազութեան
ոչ ՚ի յուշ ածեալ նորա զմարտուացն իւր կար-
դալ յօգնութիւն զԻ՛պոլոն, դժկամակեցաւ սա-
ընդ համբակն սպաշնորհ, և եթող զնա ՚ի ձե-
ռանէ : Երնհետայն չքնաղազեղին Ի՛քտորի նը-
ւազեաց կէս ՚ի կէս զօրութիւն, և ՚ի զուրյաւ
մատէր ձգել զըզթայն . զի և ոչ սաղարթք ծառոյն
տատանէին բարձրաբերձք :

Երնժամ լ իգեր լի խնդութեամբ ՚ի ծառ

անդր յարձակեցաւ . և բուռն հարեալ աջովն զմիոջէ յօղամանեկաց , և զձախ 'ի վերոյ գա- գաթանն արկեալ 'ի շղթայն , զօրութեամբ ու- ժոյ և ահագին դղորդեամբ ցունց ետ շղթային : Ուղէչք ծառոյն առ հասարակ իբր 'ի սաստիկ հողմոյ տատանեալք բաղխէին ընդ միմեանս : Բայց Վ իգերի սպառեալ զօրութիւն , չկարաց թեքել զծառն . և ուղէչքն խոնարհեալք դար- ձան մեղմով յիւրաքանչիւր կայս . և կորովին Վ ի գեր հանդարտաբայլ յետս ամփոփեցաւ , այն որ արշաւասոյր 'ի ծառ անդր մատուցեալն էր :

Յոտն եկաց Մէլոն , և ամենեցուն աչք 'ի նա դարձան . 'ի բաց ընկէց նա զասպար իւր , մերկա- ցաւ զգրահս , և 'ի ցոյցս լայնատարր թիկանցն և աճառապատ բազկաց բերկրէր : Մբարձ 'ի վեր զբազուկն ձգտեալ , երկիցս շրջան էառ զծա- ռովն 'ի ժպիտ դժնեայ , և ապա յանկարծ ընդու- տուցեալ՝ բուռն եհար զբարձուէ շղթային , ցոր վայր երկոքին բազուկքն հասանել կարէին . և ամենայն ծանրութեամբն իւրով և զօրութեամբ կշռեցաւ 'ի վայր : Տեղի ետ կաղանխն կոր 'ի գլուխ , և զօրքն առ հասարակ ծափս հարկա- նէին . այլ անդէն դարձեալ կանգնեցաւ ծառն 'ի թափ ուժգին քան զզօրութիւնն հակամէտ , և ամբարձ 'ի վեր զամեհին Մէլոն , որ կախեալ զշղթայէն՝ տատանէր ընդ նմա , խաղալիկ լեալ ծառոյն : Հարկ եղև նմա ձեռնթափ լինել 'ի փորձոյն , և զայրագին փրփրերախ ընդուստ 'ի յեր-

կիր, էառ հասածեպ զզէնան, և յերակոս կառաց
իւրոց ամբոխեցաւ զգեհաւ զնորա :

Ս) Կայր միայն ի Լանդ . յառաջ մնաեաւ նա, և
այսպէս մտոոյց աղօթս Հերակլեայ . (Ը) Զ-
լակդ Մրամազայ, յուշ լիցի քեզ ասպնջակա-
նութիւնն՝ զոր արար ընդ քեզ հաւ սիրելոյն
իմոյ կամիլլեայ . հայեաց 'ի յիս 'ի դիւցընկէց
'ի բարձանց բնակութեան քո, յամբարկել և եթ-
քո յիս՝ լցաց զօրութեամբ : ի) Եպէտ և յաղ-
թող, թէպէտ և պարտեալ, ուխտեմ մնառուցա
նել քեզ զոհ :

Եւ իբրև կատարեաց զաղօթսն, նոր զօրու-
թիւն ընդ անդտն իւր զգայր ծառայեալ : Եզ
զմի յոտիցն 'ի վերջին օղամանեակ շղթային, և
երկոքումբք ձեռք բուսն հարեալ զշղթայէն
լստ ճակատուն բարձրութեան, և զամենայն
զօրութիւնս իւր յինքն ամբոխեալ, կորացոց
զգազալծն ծառոյն դանդաղագոյնս, այլ հաւ
ևս 'ի յերկիր քան զոր Մէլոնի խոնարհեցա-
ցեալն էր : Մն ինչ զյաղթութիւնն զայն կա-
լեալ, յաւել 'ի զօրութիւն . կարգաց դարձեալ
զՀերակլէս յօգնութիւն, թողաւ 'ի թափ ու-
ժոյն . ճոնչեաց կաղանխին, և բեկաւ . և շղթայ-
իւն հանգերձ անկեալ մանաւկն 'ի յերկիր, ընդ
լայնատարած սաղարթախիտ գազալթամբ ծա-
ռոյն թաղեցաւ :

Յայնժամ ժողովուրդն առ հասարակ և զօրք
բարձին աղաղակ մեծ, և ծերակոյտն յաղթող

զնա յայտ արար : Յարեաւ | Լոնդ , և թեթեւակի՛ի բաց սասուցեալ՛ի դիզադէզ կուտակելոց զնովաւ սասոցն բեկտելոց , դարձաւ առ զօրականն և ասէ . () Խնուորակիցք իմ , զօրավար ձեր եմ , որ երդուայքդ հնազանդել հզօրագունին՛ի մէնջ . այլ զօրութիւն պարտի տեղի տալ խնստութեան : Հրամայեցից ես ձեզ , բայց ընդ հրամանաւ Սոփանորի . նորա բազմագոյնս մըղեալ է մարտս քան ուրուք ՛ի ձէնջ տեսեալ . նորին հմտութեան անկ է առաջնորդել անփորձ քաջութեանս մերոյ : Նա Սոփանոր լիցիս մեզ զօրավար , և | Լոնդ լիցի բազուկ քոյին : Այստե՛ն զայս՝ ծունր կրկնեաց առաջի Սոփանորի :

Յապուշ լեալ Սարսք , համարէին զօք ՛ի դից նկատել ՛ի | Լոնդ . և Սոփանորի հեղուկ արտատուս ՛ի զարմացմանէն , ասէր . Այսպէս , որդեակ իմ , քեզ անկ է զօրավարել . և զոր արութիւնս օչ գործիցեն Սարսք , եթէ միւս օք | Լեկիգէս առաջնորդեսցէ նոցա : Արդեակ իմ , զի դու մեծարեցեր զպիս իմ , տացեն քեզ դիք փոխարէն յաղթութիւնս . զայս քեզ կանխաւ աւետեմ . գոհութիւն դիցն անմահից , զի է տակաւին դոյզն ինչ արիւն յերակունս իմ առ ՛ի հեղուկ զայն առ քե , և աղօտ ինչ բարբառ ՛ի հագագ իմ առ ՛ի հռչակել զգովութիւնս քօ :

Սատասխանի ետ նմա | Լոնդ և ասէ . Սանքո անցի ես ՛ի հանդէս , և առ ՛ի յաղթանակ քօ ետուն ինձ դիք զյաղթութիւն . հնապա , անց

'ի գլուխ մեր, աղաչեմ գրեզ և թախանձ արկանեմ. և եթէ աղաչանք իմ չիցեն բաւական, յիշեա զի երդուար հնազանդել ինձ, և պատուելեմ քեզ յանձն առնուլ զհրամատարութիւն :

Հաւանեցաւ ընդ բանսն ծերունին, և յանձնէառ զօրավարել. այլ իշխանակից իւր ինդրեաց զ] ևոնդ. և զօրքն 'ի ձայն բարձր զերկաքանչիւրոցն հաստատեցին զիշխանութիւն : Կերունին Սոփանոր արկ զիւրև անդէն զրահս վաղեմիս. հասակ նորա, կերպարան պատկառելի, և երկայնամորուսք սպիտակափայլ մեծարոյ զնա առնէին. իսկ իշխանակից նորա էր ահարկու : Երկողեան միաբան կարգեցին զգունդս, կազմեցին զչու, և նիզակակցաց դէտակն կալեալ մնային : Եւ ահա պե՛րիզնացիք, ամիտերնացիք և ազգք բընակեալք 'ի Փրենտանիա և 'ի Վարակեն իջանէին 'ի լերանցն Լպենեանց, և գային գումարէին ընդ Սարսիկս : Եւ Սոփանոր առ 'ի տալ նշան 'ի չու, ետ ամբառնալ ընդ օդս զրօշ վիշապաձև զյառաջ ընթաց Սարսից 'ի ճակատամարտս :

Բայց հրաշք ահագին եղեն խափան, զարհուրեցուցեալ զզօրսն առ հասարակ. քանզի արծուի ընդ օդս երևեցաւ, բերելով 'ի մագիլս իւր անողորմն վիշապ ահարկու, որ արիւնուռչտ և ոգեսպառ գալարէր և մաքառէր տակաւին՝ զերեքարձեանն ձգելով զսլաք առ 'ի հարկանել զհաւն Լքրամազդայ : Բանակն ամենայն անշարժ և անբարբառ կայր ակնկաւոյց՝ տեսանել զէլս

մարտի նոցա . այլ յետ վայրկեան ժամանակի յազթող լեալ արծուին արկ թափանց զկտուցն ամեհի ընդ ժանգառ թեփս ոտխին , և գէշ վնա էարկ 'ի մէջ գնդացն Ս'արսից :

Վոյժ չարագուշակ զօրացն պատրաստելոց 'ի պատերազմ : Բայց Ս և ոնդ իբրև ետես զնսա զի այլագունէին , բունն եհար զաղեղանէ՝ որ անդ առ ահան դիպաւ , և պիշ 'ի յարծուին յաղթական՝ հետազօտելով զչաւիղս նորա ընդ ամպս , ձգեաց նետ պողովատիկ , և ընկեցեալ զնա առ ոտս իւր , սահ . Ս յապէս հարից զարծուին հռակ մէական , այսպէս խնդրեցից զվրէժ ազգաց՝ զորս նա նուաձեւ կամի : Ս 'ի ևս երկնչիք , սլ Ս'արսիք . հաւ քաջ՝ արդարութիւն է պատերազմի : Վառք 'ի վերայ հայրենեաց մարտնչիք , հռոմուլ վասն փառասիրութեան : Ս չու , ընդ ձեզ են պատերազմակից դիք :

Ի բանից աստի և 'ի քաջութենէ փարատեցաւ երկիւղ ամենեցուն . և քաջաբերեալ Ս'արսք խրախոցս ստեպ ընդ երկինս հարկանէին , անպարտելիս ընդ Ս և ոնդեայ զինքեանս համարեալ : Եւ բանակն լի յուսով և խնդութեամբ յառաջ խաղայր , զբազում օթևանօք զանց արարեալ : Եւ ահա եհաս առ հռովմայեցիս 'ի լուկինձեան դաշտին , զոր 'ի հիւսիսոյ և յարևելից սահմանեն բլուրք , և յարևմտից և 'ի հարաւոյ անսառք : Արոց տիրեալ հռոմուլոս , յեզերս նոցա կարգեալ էր զզօրս իւր 'ի ճակատ . իսկ Սոփանոր և

Ս և ընդ եկին բանակեցան 'ի ստորոտս լերանցն ,
յայնկոյս գետոյն Փոկինեայ՝ որ անջրպետէր ընդ
երկոսին բանակս :

Փութանակի Հռոմուլոս էջ յեզր գետոյն ,
գիտել զգիրս թշնամեաց . և լրտեսեալ զվայրն՝
զոր ունէին , համեմատեաց զայն ընդ իւրումն .
զննեաց զդաշտն , յուշի կալաւ և զթուփ իտկ
փոքրիկ . ետ չափել զխորութիւն Փոկինեայ գե-
տոյ , և հետագօտել զհուն՝ ընդ որ աներկեան
մարթէր անցանել : Եւ ականատես վստահ լեալ
ընդ զնութիւնս իւր , դարձաւ 'ի բանակն . և
ժողովեալ զամենայն զօրապետս , ազգ արար նոցա
զի 'ի վաղիւ անդր 'ի ծագել այգուն՝ մնայր նոցա
անցանել ընդ գետն : Եւ յապուշ եղեն զօրապետքն .
բայց Հռոմուլ սուղ բանիւք խելամուտ արար
զնոսա 'ի հնարս յարձակմանն , ուր իւրաքան-
չիւր ումեք 'ի նոցանէ պարտ էր մղել պատերազմ ,
ուր ածել ձգել զթշնամին , զինչ 'ի յաղթելն
գործել , և յինչ 'ի պարտելն լինել ապաստան ,
ցուցանելով նոցա զամենայն ինչ կազմ և պա-
տրաստ յանշուշտն յաղթութիւն , և զամենայն
նախահոգ կալեալ իննամն ընդդէմ արկածից պաղ-
տութեան :

Օ օրավարք նորա հինաւուրց զարմացեալ կայ-
ին . իսկ Սուլմա յարբեցութենէ ինդութեանն
չկարէր ծածկել զկիրս իւր : Եւն եհաս օրն ,
որում 'ի բազմաց հետէ տենչայր . օրն բարեբա-
տիկ , յորում մարթէր նմա ցուցանել զանձն ար-

ժանի սիրոյն չեքսիլեայ : Արացաւ ամեհին տար փաւոր 'ի կայս Աբբինաց , անց ընդ խորանս նոցա՝ կոչելով յանուանէ զգորագլուխս իւրաքանչիւր և զզինուորս : Աճգ առնէր նոցա զպատերազմն , գիրկս արկանէր նոցա , գգուէր զնոսա , 'ի համար արկանէր զժամս՝ որ մնային մարտին . և առ բոր բոքեռանդեանն գանգատէր զՆոսուլեայ՝ Թէ ընդէր ոչ անդէն առժամայն փորձ փորձէր անցա նեւջ ընդ գեանս :

Ա՛նչքեռ Ալուամ 'ի յոյզս կրիցն Թողեալ զառաժանէր , ետես ջոկատ մի զորաց հռովմայեցոց մտեալ 'ի բանակն , որք 'ի գիւղ ուրեք յղեալ էին յաւարառութիւն . և աւանդ , կարի յոյժ յաջողեալ էին արշաւանք նոցա : Ա՛ծէին արտասուալիցս ընդ իւրեանս կանայս , մանկունս , և ծերս . և ձեռք եղկելեացն կապեալք 'ի յետկոյս՝ զնային գլխակոր , և աչք նոցա տխուրք և ողողեալք յարտասուս : Ա՛յր և դուստր և փեսայ ահիւ յիրեարրս անխարկէին , և ոչ իշխէին բարբառել ընդ միմեանս . զուր ջանային մատչել առ միմեանս , և յիրար խառնել զարտասուս իւրեանց . զի զինուորքն վայրենիք չներէին նոցա զդոյզն զայն սփոփումն , ստիպէին սպառնալեօք զգանդաղաքայլ գնացս նոցա , մղէին զնոսա բնիւ նիզակացն , և մերթ ևս արիւնաշաղախ երկաթովն : Այուժա գո՛ւժ որեար , անողորմագոյն 'ի գերին քան յանասունս՝ զսրս խառն 'ի խուռն ընդ նմա ածէր . կռփահարէր զծերս և զկանայս , և խնայէր 'ի

խաշինա և յարձառա՝ զորս 'ի նոցանէն յափշտակեալն էր :

Ոչ կարաց 'լումա ժուժկալել ընդ ողորմ' տե սիլն . եթող զամենայն , մուացաւ զամենայն , առ 'ի հասանել յօգնութիւն եղկելեացն : Եւ հասեալ էին նոքա 'ի խորանն արքունի , ուր խառն ընդ գունդս զորաց մեային հրամանին , որ զբաղդ նոցա սահմանելոցն էր : Հաս անդր 'լումա , և անկեալ յոտս Հռոմուլեայ՝ առէ . Տէր արքայ , տես զեղեռունս՝ որ գործին յանուն քո , հայեաց յեղկելիսդ 'ի շղթայակառայ 'ի թշնամեանայիցս 'ի խլեալս յարտատանաց իւրեանց : Եւ զինչ մեղան դոքա , որ ոճիր է գոցա : Եւ , անկցին թշնամիք քո տապաստ , զենցին որ հակառակ կան քեզ , ճապաղեսցիտ արիւն 'ի ճակատամարտս՝ ուր անստգտանելի կացուցանէ վտանգ զանգթութիւն . այլ յարձակել 'ի հէքս ապիկարս պաշտպանել անձանց , այլ յաղթել ծերոց և կանանց , և սոսհար լինել ընդ ձեռոց , վատութիւն է , և անգթութիւն՝ որ ըզգիցն անմահից կոչէ 'ի վրէժիտդութիւն զատուածասաստ պատուհաս : Եւ սուրաժորդիդ դու , արա իրաւունս . ազատեա զգերիդ , արձակեա զդոսս 'ի տունս իւրեանց , և հատո դոցա . . .

Եւ մինչ դեռ բանքն 'ի բերան նորա կային , առէ Հռոմուլոս . Ողորմիմ 'ի տգիտութիւն քո , մանուկ դու . գերիդ այդ և խաշն ոչ են իմ , այլ զորաց իմաց . այդ ժոյցանակ է քաջութեան դոցա

և վաստակոց և արեան : Եւաւել պարտ է ինձ գոլ արդար առ զինուորակիցս իմ, քան ողորմած առ Թշնամիս : Վարտ է ինձ բաժանել զգերիդ 'ի զօրապետս բանակիդ, և նոցա ապա անկ է առնել ընդ նոսա զոր կամին . և որպէս զի մի լիցի տեղի գանգատանաց, վիճակաւ սահմանին բաժինք :

Արկնեալ անդրէն Վրամայ ասէ . Վաջ է, և ինձ ապա անկ է բաժանորդ գոլ աւարին որպէս զայլս 'ի զօրապետաց : Հրամարտս ասէ . Աւ կարի իսկ քաջ : Եւսյնժամ ածաւ 'ի մէջ սափոր վիճակացն . և մատեան անդր զօրապետք խառնել 'ի մասն աւարին, որպէս շունք ամեհիք զի մեաք 'ի կեղեքել զեղջերու մատաղ, որք ակն ամեն յօրսոյն՝ ցորչափ տէր իւրեանց առնթեր կայ, այլ արիւնուռչտ աչօք բերանաբացք շրնչաւ սպարք առ խոնջ արշաւանացն և առ ինդու Թեան, մնալով մատնելոյ նոցա որսոյն :

Իսպց Վեմետրէ ինամուղ Վրամայ, որ 'ի քար ձանց երկնից բերկրէր ընդ մարդասիրութիւն նորա, ինքնին իսկ ուղղեաց զվիճակն, և զփար Թամագոյն Եհան պատանւոյն բաժին : Աւ առեալ Վրամայ զգերին իւր և զխաշն և զարջառ, զիմեաց յանտառախիտս՝ որ շուրջ զբաշտիւն էին . և կանգնեալ անգ բագին հողակոցտ դաւարագգեաց, և փայտ զնովաւ ածեալ յողջակի զգամն զօհին, ընտրեաց երինջ սպիտակ : Հեղ կաթն յեղջերամէջս նորա, եզեն զնա, եզ բո..

վանդակ 'ի փայտակուտին , և մինչև հուր հա-
րեալ զնմանէ , զայս Ղեմետրեայ մատուցանէր
աղօթս . Ղուստր Ղիայ , քեզ զզոհս զայս մա-
տուցանեմ . այլ եղովկ զինև , եթէ արեալք և եթ
երնջոյ համարիցիմ քումդ արժանի լինել օգնա-
կանութեան : Վաւ լիցի , ոչ 'ի զենմունս անաս-
նոց հաշտ առնին դիք . հիքի ուրուք սփոփումն
յոյժ առաւել հաճոյ է նոցա քան զհարիւրեզն
պատարադ : Բնկալ ապա , ի Ղեմետրէ , նուէր
քեզ արժանագոյն : Եւ դարձաւ առ գերին , և
ասէ . Շնորհեմ ձեզ ազատութիւն , իվ հէքք և
թշուառք . կողոպտեցայք յընչից ձերոց , ընկա-
լարուք որ ինչ ունիմն , ձեզ լիցին խաշինքս և
անդեայք . բաժանեցէք զդոսս 'ի ձեզ , դարձա-
րուք 'ի տունս ձեր , և օրհնեցէք զՂեմետրէ ,
զի նա է ձեր ազատարար :

Իսկ հիքացն զայսոսիկ լսելով բանս , թուէր
նոցա երազել . և յակձիռս կային մնային ձեռնա
մաճք և բերանաբացք : Եւ մինչդեռ խօսէրն
Ղումա , էջ բոց յերկնից զգլխով նորա , և երկոց
չրջան առեալ զվարսիւք նորա՝ ցորացաւ ելոյց ըզ
փայտակոյտ զոհին : Բորբոքեցաւ խարոյկն , և
ճաճանչաւէտ անտի բոց երկայնաձև ամբարձեալ
որոտընդոստ ընդ երկին , փեռեկեաց զամպս ,
և վահան ոսկի էջ անկաւ առ ոտս Ղումայ . և
ահա բարբառ ահեղ որպէս զբանակի մեծի , որ
ասէր . Եւ ունի զվահանդ , լիցի անպարտելի .
խնամակալ են քեզ դիք , Ղումա . ոչ դք հաճոյ

է նոցա և ոչ որ նման, բայց որ մարդասիրէն :
 Յայնժամ լռեցին որոտմունք, և եղև խաղաղութիւն ընդ երկին . յաճիւն դարձաւ ողջակէզն, և բուրումն ամբոսեայ շուրջ ծաւալեալ համասփիւր՝ աստուածախօս բարբառոյն լինէր առհաւատչեայ :

Մտնա, որ մինչև ցայն վայր տարածեալ կայր ընդ երկիր, յարեաւ յոտն եկաց, և զգայր՝ ի սրտի գբաղցր բերկրանս՝ զոր բարեգործութիւն թողու զհետ իւր : Սնէր զասպարն երկնառաք, և էր այն յոսկոյ սրբոյ՝ յօրինեալ՝ ի քանդակ թրակացի . և հրաշագան ճարտարութեամբ դրուագեալ՝ ի նման ամենայն անցք թագաւորութեանն Մատթայ, գերասպանձ այնր թագաւորութեանն՝ որոյ յիշատակ առաւել քան զայլոցն ամենեցուն եղծեալ է ի միտս մարդկան, զի դիւրագոյն ի մնուացօնս անկանին բարիք : Մտ ժողովուրդ սովալուկ ի սահմանակից ժողովրդենէ ընդունէր զկէս համբարոց նորա . անդ եղբարք ի միասին հանէին ի ժառանգութենէ իւրեանց բաժին ի ստացուած անդոյ ի յապրուստ որբոյ՝ որ ընդ առաջ ելանէր նոցա . և հեռագոյն ուրեք տանուտէր որդւովքն հանդերձ ի հունձս պարապեալ, իւրէր գաղտ հասկս յորայից և արկանէր զձանապարհայն՝ ընդ որ հասկաքաղք չըջէին : Մտ ամենայն իսկ ուրեք ասպարն երկնառաք յանդիմանս առնէր բարեգործութիւնս և առաքինութիւնս . ազգ իմն այսպէս ճարտարին անմահի աներկբայա-

պէս առնելով, զի 'ի պատերազմունս մննա-
ւանդ 'ի դէպ է մարդասիրել:

Սինգլեո Վումն հիացեալ զարմանայր ընդ
հրաշակերան, գերին ազատեալ գործէր առ ոտս
նորա տեսարան արժանի 'ի յասպար անդր քան-
դակելոյ: Ի ծունր իջեալ առաջի Վումնայ, բազ-
կատարածք ընդ երկինս, արտասուօք և հեկեկա-
նօք յայտ առնէին զչնորհապարտ գոհութիւն իւ-
րեանց և զխնդութիւն: Սարք 'ի վեր զտղայս
ամբառնային, ցուցանելով նոցա զազատարար իւ-
րեանց. հարսունք մատչէին 'ի համբոյր քղանցից
նորա. ծերք աւետաւորէին նմա զևս բարեբաստիկ
յաջողութիւնս, և ամենեքին առ հասարակ օրհ-
նէին զնա արտասուօք: Եւ երկցազոյնն 'ի ծե-
րունեաց անտի հերձեալ զամբոխն՝ յառաջ մն-
տեաւ, և յեց 'ի ցուպն ոստալից՝ խօսեցաւ առ
Վումն և ասէ.

Սանուկ դու, ընկայցիս 'ի դից որ ինչ արարեր
մեզ բարիս. չիք երբէք արարեալ մեր թշնամու-
թիւն ընդ ժողովրդեան քում. հովիւք եմք աղ-
քառք ընակեալք 'ի լերինս բարձունս՝ որ բաժա-
նեն ընդ Սարսիկս և ընդ հեռնիացիս, ազատք
յերկոցունցն իսկ յազգաց, և հարստահարեալք
յերկաքանչիւրոցն ստէպ: Նանուցաք իսկ մեք
զայս զօրականին Նոմմլեայ. այլ նոքա որպէս
ընդ թշնամիս վարեցան ընդ մեզ, թէպէտ և
գիտէին քաջ զի չէաք թշնամիք. իսկ դու թը-
նամիս զմեզ գիտելով, որպէս ընդ եղբարս ընդ

մեզ վարեցար : Երբ ապա , և հովանաւոր լինելն քեզ դիք . և եթէ փորձեցեն ևս նորա զքեզ , այլ դու լիցիս աննկուն : Ողջամբ մնա , և յիշես իր դու զհոգեացիս , զի այս անուն է մեր : Եթէ երբէք եկեսցես 'ի լերինս մեր , լուիցես 'ի բերանոյ մանկանց տղայոց մերոց զօրհնութիւնս 'Երմայ :

Եւ զպսոսիկ ասայեալ ծերունւոյն , չոգաւ կալ վերատեսուչ բաժնի շնորհելոյն 'ի 'Երմայ անդէօց' զորս հոգեացիք բաժանէին յերեանս . և դիւցազն պատանին խոյս տուեալ 'ի շնորհակալեաց նոցա , բառնայր զվահանն ոսկի , և մրտախոհ դառնայր 'ի բանակն : Օ 'ի զհերսիլեա միտք նորա յաճէին , և սիրտ նորա լի յաւսով և ինզութեամբ՝ թողանայր բողբոջիլն 'ի բերումն սիրոյ : 'Եառնայր նա , և իբր բռնի մղեալ երթայր 'ի խորան անդր օրիորդին դատեր պրքայի . և հասեալ անգր , չիշխէր ընդ սեասն նորին անցանել . դկայ առնոյր , հառաչէր , և զանգիտէր յառաջ ևս մատչել : 'Ետտանին քանչամարտիկ պատասպարեալ ասպարաւն անպարտելի , պատանին այն դիւցազն՝ որ խրախուսէրն դիմել աներկիւղ 'ի բանակ թշնամեաց , չիշխէր 'ի վեր առնուլ զծիրանածուէն փեղկ խորանի սիրուհւոյն :

Եւ ուր ուրեմն 'ի վեր առեալ զայն , և աչք նորա երկչուք ինզրէին զօրիորդն . այլ նա ոչ էր 'ի խորանի անդ : Համարձակութիւն անտի առեալ պատանւոյն , յառաջ մատչէր աներկեղագոյն .

եմուտ յապաստան անդր , և ամենայն ուրեք
 թուէր նմա տեսանել զՀերսիլիա . աստ զրահք
 նորա և գեղարդունք և աղեզն անկեալ դնէին ,
 և անդ քնար ոսկի և հանդերձք նորա և առիւ-
 ծենին՝ յորոյ վերայ ննջէր : Կառեաւ եկաց՝ Կումն
 անշարժ . չիշխէր հպել յորս տեսանէրն , և չկա-
 ըրէր զաչս իւր յայնցանէ 'ի բաց դարձուցանել :
 Կուաղումն քաղցր զգգայարանօք նորա անկեալ ,
 ոչ ևս կարէր կալ յոտին . նստաւ զդողանի հա-
 ըեալ 'ի բազմոց Հերսիլեայ , և շնչէր զօգս առ
 'ի նմանէ շնչեալս , և արբեցեալ նոքօք , և զա-
 սանցեալ 'ի մտաց , և հեղձամղձուկ լեալ , իջու-
 ցանէր հեղեղս ջերաջերմն արտասուաց :

Եւ ահա յանկարծ ամբառնային աղաղակք 'ի
 բանակի անդ , և փողք հնչէին , և շոինդն ահա-
 գին լսելի լինէր 'ի թեւէ՝ ուր էրն Հուսուլոս :
 Ինքն իսկ Հերսիլիա խռովեալ և հերարձակ հաս
 'ի խորան իւր , գոչելով . Ի՛ զէն 'ի զէն . յափշտա-
 կեաց զսաղաւարտ իւր և զգեղարդունս , և մինչ
 անվահան և անզրահ փութայր դարձ առնել 'ի պա-
 տերազմ , արգել զնա՝ Կումն ասելով . Ը՛րքա-
 յաղն օրիորդ , փութացայց ես սպառագինել զսա-
 բինացիս . այլ դու գէթ զվահանս զայս ընկալ , ըզ-
 պարգեւ հզօր դիցուհոյ . 'ի պատսպարել սորա ըզ-
 քեզ , պաշտպանեսցէ զկեանս իմ : Եւսաց , և առանց
 մնարոյ պատասխանելոյ՝ եթող նմա զվահանն երկն
 առաք , և սլացաւ 'ի խնդիր քաջացն իւրոց զօրաց :
 Իայց զաղմուկն զայն Եւոնդեայ արկեալ էր

'ի բանակ անդր . զի յորմէ հետէ տեսանէր նա մերձ զհռովմայեցիս , երկնէր 'ի մտի դիմել 'ի վերայ նոցա նախայարձակ : Խօսեցաւ առ իշխանակից իւր և ասէ . Իմաստունդ Սոփանոր , անշուշտ առ վաղիւ հռոմուլոս 'ի վերայ մեր յարձակեսցի . կանխել քան զնա 'ի յարձակումն փառք են մեզ : Ինչ ծագել աստեղն երեկորին՝ ելից ես 'ի բանակէս երեք հազար արամբ , անցից ընդ գետդ 'ի լող , և ածից բոց և մահ մինչև 'ի խորան անդր հռոմուլեայ . և եթէ յաջողութիւն զխորհուրդ իմ պսակեսցէ , 'ի կարևորագոյն ևս մտաբերեցից 'ի խորհուրդ :

Գիրկս էարկ նմա Սոփանոր , և ընթացաւ 'ի միասին ընտրել երկս հազարս 'ի Սարսից . զինեաց զնոսա կարճ սուսերօք , և սաղաւարտս անցըցունս եդ 'ի գլուխ նոցա , և զբահս սևացեալս 'ի ժանգոյ . և պանծացոյց նոցա զփառս գնալոյ ընդ Լեոնդեայ 'ի պատերազմ : Են ինչ խաւար ծածկեաց զերկիր , չու արար ընդ նոսա Լեոնդ 'ի վերկոյս գետոյն . և անցեալ ընդ այն , կարգեաց զնոսա անդրէն 'ի ճակատ , խրախուսեաց զնոսա , զարթոյց 'ի նոսա եռանդն , և զիւրն զամենայն ազդեաց 'ի նոսա զանվեհեր յանդգնութիւն : Եւ զօրքն քաջամարտիկք կուռ ընդ մի մեանս պնդեալք , անձայնք և անշունջք , վրտաչք 'ի յաղթութիւն ընդ քաջ զօրավարան , ընթանային թեթև և արագ 'ի կողմն՝ ուր բանակէրն հռոմուլոս :

Հասին 'ի յառաջապահս , և մինչև նոցա ա-
 ճապարեալ 'ի դիմամարտ՝ սրակոխ արարին զնոսա-
 և որ զհետ նոցա բանակեալ զօրք , զնոյն կրեցին
 բախտ : Լ'նծանօթք և անխափանք հասին մերձ
 'ի խորանս արքային հռովմայեցոց . և մեծագոչ
 ազազակաւ տապաստ արկանէին որ ոք և ընդ ա-
 ուջ լինէր նոցա , և մինչև 'ի խորանսն արքունի
 զնախձիրս և զարհաւիրս ածէին :

Հռոմուլ 'ի յարձակումն վաղուին խորհէր յայն-
 ժամ 'ի խորանի իւրում . և ընդ նախկին շին-
 դըն ընդոտեալ , եդ ունին , և մռնչեաց առ զայ-
 րոյթ՝ զխրախոյս յաղթականացն լսելով : Կատա-
 զեալ ընդ յեղակարծ յարձակումն բարբարոսացն ,
 ած հապձեալ զսաղաւարտ 'ի գլուխ , առ զասպար
 իւր և գեզարդունս երկուս , և դիմեաց 'ի նախ-
 ձիրս անգր արեանց : (Ուեալ , հար , ձայն ետ .
 և որոտագոչ բարբառ նորա հնչեաց մինչև 'ի
 ծագս բանակին . խուռն դիմեցին անդր զօրականք
 քաջք , Արատ , Ս'իսէն , Լ'րուտոս , Լ'քաս ,
 սպառազէկք , և գտին զարքայն քաջագօր մենա
 մարտ ընդ թշնամիս : Այլ իսկ 'ի շանթաձիգ
 ձեռանէ նորա տապաստ անկեալ և զփոշի խա-
 ծանէին արին Սփելտ , կորովին Լ'չլաստոր ,
 Սփարիս և Լ'որինէ : Իսկ Պենթէոս , հէքն
 Պենթէոս վախճան կենաց իւրոց առնէր պար-
 ծանօք հարուածոյն Հռոմուլեայ . գեղարդն
 նորա անց ընդ զրահ արքային , և արքային գե-
 ղարդն անց ընդ սիրտ Պենթէօսի : (Յապուշ ե-

ղէն Սարսք, և շիջաւ եռածորն նոցա : ոչ ևս յարձակէին, այլ պաշտպանէին և Թ անձանց . խուճապեալք ամենուստ, խնդրէին զ Լոնդ, և զնմանէ հարցանէին :

Իսկ Լ Լոնդ, որ մինչև 'ի խորան անդր հռոմուլեայ միջամուխ լեալ էր, դարձեալ յայնժամ եկն 'ի յայտ անդր, լախա 'ի միում ձեռին, և խուրձ 'ի միւսումն բոցավառ : Կառեան 'ի տեսիլ նորա հռովմայեցիք, և Սարսք խրատոյս խնդութեան հարին . խոյացաւ նա հանդերձ տաքօք խորխտագոյնս, հուր զվրանացն հռովմայեցւոց հարկանելով . ճարակէր բոցն զտրագին, բորբոքէին փեղկք խորանացն, և կայօք ճարձատէին : Իսկ Լ Լոնդ դանդաղ զհրդեհին հտնաբեալ զաւեր, յաճախէր զայն 'ի հարուածս լախտին : Յարձակեցաւ ընդ բոցն, տապաւտ արդ զ՝բաս և զ՝ասիկոս և զճիբուր : Տալաս ինքնին անհաւ ընդ հարուածովք նորա . իսկ արին Սիսէն արգել զնա վայրիկ մի, այլ ապա տաւ Թուր հարաւ 'ի նմանէ : Լ Լոնդ հուր և մահ շուրջ ածէր, և 'ի բոց հրոյ բանայր իւր ճանապարհ : Ըյսպէս ուղիս բոցեղէն իջանէ 'ի ծայրից Եսնայ, և 'ի յորձանս ահագինս հողովեալ ընդ դաշտ՝ ծախէ, եղծանէ, և աղիտագիտելով առեալ տանի ընդ իւր զվեմ, զծառ և զժացոս, և ծածկէ հրավառ արեօքն որ ինչ յանցս իւր գրտանէ :

Իբրև զայն ետես հռոմուլոս, շկահեաց զնե

տրս իւր 'ի կապարձից , և զլայնատարր արկեալ զուսուլք զվահանն , անց ընդ նախաձիրս արեանցն՝ զդէմ ունել | Լոնդեայ : Հաս առ նա , կամէր բարբառել , և զայրոյթ հեղձամեղձուկ առնէր զբարբառ նորա . զմնեաց զնա փայլակնա ցայտ աչօք , և խնդրէր ընդ իր զհարուածն կշռել . և ճօճեալ զստուարագոյնն 'ի գեղարդեանց իւրոց , և զամենայն զօրութիւնս իւր յինքն ամփոփեալ , ձգեաց զայն ընդդէմ ոսոխին : Տեղի արդեօք հարուածոյն տայր մորթ նեմեան առիւծուն , և զրաւ արդեօք նահատակութեանց դիւցազին պատանուոյն առնէր հարուածն ահագին , այլ գեղարդն հռոմուլեայ դիպաւ 'ի լախտն ծանրակիր՝ որով | Լոնդ սատակէրն զհուլմայեցիս . Թափ ընդ ոստս նորին և ընդ գամն երկաթիս էանց , կառեաւ 'ի լախտն , և արկ զնա ընդոստ յերկիր 'ի ձեռաց ոսոխին :

| Լոնդեայ կապտեալ 'ի զինուցն , զկայ էառ . և աչս ածեալ զիւրե , ետես անդ ժայռ անհեթեթ՝ զոր ոչ ումեք հնար էր բառնալ անտի , և որ 'ի նշան սահմանաց երկրագործացն կայր անդ . բուռն եհար զայնմանէ , խլեաց , ամբարձ 'ի վերոց գազաթանն , և ձգեաց զայն ուժգին յոսոխ իւր : Հարաւ հռոմուլոս , և անկաւ ընդ ժայռին . անդր դիմեցին զօրականք նորա , և բարձին զնա , այլ նա ոչ և ս կարէր կալ յոտին . ջաղջախեալ յահագին հարուածոյն , Թուխ և Թանձր ժայթբելով արիւն , գլուխ 'ի վայր անկեալ , բազուկք

'ի յերկիր կախեալ, անգոր, անշարժ և կիսամեռ
ածաւ 'ի խորան իւր 'ի պահու' յողում Հերսիլիա
և 'Ղումն հանդերձ սաբինացւոյքն հասանէին
նոնս յօգնութիւն :



ՆՈՒՄԱ ՊՈՄՊԻԼԻՈՍ



Գ Ի Ր Ք Հ Ի Ն Գ Ե Ր Ո Ր Դ

ՆԱԽԱԴՐՈՒԹԻՒՆ ՀԻՆԳԵՐՈՐԴԻ ԳՐՈՑ

Հերսիլեայ ընդ Նումայ հալածել զՄարտիկս, և նահանջել
Լևոնդեայ յետս: Մերացուցանել Հռոմուլեայ զքանակիւք .
և այլ ևս նահատակութիւնք Լևոնդեայ: Գումարել Մարտից
ընդ սամնիացիս, և Հռոմուլեայ կոչել ժողով: Դիմել գնալ
Նումայի տիրել 'ի կիրճս արեքանեան լերանցն, և գտանել
նորա 'ի լերինս անդ ազգ բարեկամ: Պարտութիւն Մարտից
'ի կիրճս անդ, և մենամարտ Նումայ ընդ Լևոնդեայ, և մեծ-
անձնութիւն Նումայ: Զգոյժ առեալ նորա զմտալուս
մահուն Տուլլոսի, թողուլ զամենայն, և գիութալ առ նա:

ՆՈՒՄԸ ՊՈՄՊԻԼԻՈՍ

Գ Ի Ր Ք Ե .

Արպէս ժայռ անհետեւ զերծեալ 'ի գագաթանէ լերին՝ ահադին գղորդմամբ վայրաբերի 'ի հովիտ , և գահավէժ հողովմամբն յաւելեալ 'ի թափ՝ խորտակէ և ընդ իւր առեալ տանի որ ինչ և գտանէ . յաւերժ հարսունք և տուարածք ահաբեկեալք , մեծագոչ աղաղակաւ խուսեն 'ի բաց խաչինք վայրավատինք 'ի հովիտ անդր գահավիժեալք դիմեն . զգողանի երկրագործն հարեալ , կասէ անշարժ՝ սասանեալ յարհաւրացն . իսկ ժայռն յուժգնագոյն 'ի թափ իւր հանդիպեալ կաղնեաց երկուց կորովեաց , որոց մերձ առ միմեանս բուսեալ , և արմատք նոցա և բունք 'ի դարէ հետէ ընդ իրեարս իցեն կուռեալ , զկայ առնու . ժուժկալեն կաղնիքն հարուածոյն , և հովիւք հանդերձ խաշամբքն զերծանին 'ի վտանգէն . այսպէս | և ոնդ զկայ առնոյր 'ի հանդիպելն չերսիլեայ և Նումայ :

Լ՛մազոնն խրոխտապանծ զինեալ երկննկէց
 ասպարաւն՝ դիմեաց նախայարձակ , գոչելով առ
 նա . Խուժադուժ դու , զքեզ Լ՛քամազդ մատնէ
 'ի ձեռս իմ , ահա ժամ քոյին օրհասական . երթ
 պանծացիր 'ի սանդարամետս ընդ վիրաւորել քո
 զՆուովն : Լ՛սաց , և ձգեաց զօրութեամբ ու
 ժոյ զգեղարդն ոստալից . այլ զայրագին կատա
 ղութիւն վրիպեցոյց զձեռն նորա . թռեաւ եր
 կաթն , անց առնթեր Լ ևոնդեայ , և հարաւ 'ի
 կորովին Տելոն՝ որ յայնմ վայրի կողոպտէր զԼ
 րոնկ : Լ ևոնդեայ անխուով խլեալ զգեղարդնն 'ի
 վիրացն Տելոնի , և հայեցեալ ընդ Ներսիլիա
 դառն ժպտանօք , ասէ . Կարձուցանեմ զզէնսդ
 'ի քեզ , զի ուսցիս քաջ ևս զայն 'ի կիր արկա
 նել : Եւ զայս ասացեալ , ձգեաց ուժգին յօրի
 որդն զգեղարդնն : Յայն ժամ՝ Լումա արկ զանձն
 սիրայորդոր առաջի երկաթոյն . չեղև իսկ նմա
 յուչ զի վահանն երկնառաք պատսպարէր զկեանս
 օրիորդին , այլ թուէր նմա իրան իւր ամրագոյն
 պատսպարան : Ի կուրծս անդր նորին եկն հա
 ռաւ գեղարդնն . ծայր նորա անողորմ անց ընդ
 ոսկին և ընդ պղինձ փայլունակ զրահին , և հերձ
 իսկ զկող արիասիրտ տարփաւորին , դոյզն ինչ
 ներկուած ծիրանեգոյն ընդ զէնան ծաւալեալ :
 Լրումա իբրև ետես զհոսումն արեանն , 'ի Ներ
 սիլիա անդէն սլացան միտք նորա . որչափ ահա
 գին էր հարուածն , այնչափ ևս առաւել գոհա
 նայր զգից՝ զի զերծուցին յայնմանէ զսիրուհին

իւր : Բայց կիրք սիրոյ տեղի ետուն ըղձից վրէժ-
խնդրութեան , և խոյացաւ նա ընդդէմ Եւոն-
դեայ . այլ 'ի խռանէ մարտին անջրպետեալ
խնդրէին ոսոխք երկաքանչիւր զմիմեանս ընդ եր-
կար , և ոչ կարէին գտանել :

Յայնժամ Եւոնն յարձակեցաւ 'ի վերայ
Սարսից , և արկանէր զնոսա տապաստ ընդ հա-
րուածովք որպէս որայս ընդ գերանդեաւ : Եւոնն
թերակաց միշտ հերսիլեայ , հարկանէր աջոյն
զթնամիս , վանեալ ձախոյն զհարուածս՝ որ
սպառնային օրիորդին Եւոննի : Իսկ օրիորդն
անձնատուր 'ի զայրագին կատաղութիւն , ետ
ձարակ սուսերին զՍկրէս , զՍպիտեր , զՍորակտոր
և զմանուկն Եւոնն , զմիակ յոյս և զմիամօր
ուստր հիքին Եւոննիայ , զորոյ գուշակեալ իսկ
էր զաղէտս գորովագութ ծնողին :

Ս 'ի զօրաժողով լինել Սարսից ընդդէմ
հուովմայեցոց , Եւոնն մանուկ չորեքտասան-
ամեայ փախեաւ 'ի մայրենի տանէ՝ զնալ խառ-
նել 'ի բանակ անդր : Եւ 'ի չու առնել բանակին
մայրն տառապեալ չրջէր 'ի խնդիր որդեկին , և
հարցանէր զնմանէ զամենեսին՝ որոց պատահէրն :
Ետես զնա մանուկն Եւոնն , և կամէր խուսել
ծածկել յետ կոյս զօրացն . այլ ո՞ր ոչ հասանէ
ակն մայրենի . ետես զնա Եւոննիայ , հաս առ
նա , գիրկս էարկ նմա , եթաց զնա արտասուօք :
Եւ մինչ Եւոննն այլագունեալ , և ակնկոր 'ի
յերկիր՝ չիշխէր ամբառնալ 'ի վեր զգլուխ իւր

յերկիրէ կշտամբանաց մօրն , նա հեկեկելով
 ասէ . Սրդեակ իմ , սիրեցեալ որդեակ , և յոյս
 իմ միակ , ընդէր խուսես յինէն , ընդէր կամիս
 լքանել զմայր քոյին . աւաղ , զի գործիցես դու
 'ի մարտի . բազուկ քոյին տկար չե ևս բառնալ
 կարէ զնիզակ , նետք 'ի քէն արձակեալք հաղիւ
 կարիցեն հարկանել զեղնորթ մատաղ , և գու
 կամիս գնալ կալ 'ի կշիռ ընդ պատերազմորս ա
 նուանիս Հռովմայ : Ս՛հ որդեակ իմ , սիրեցեալ
 որդեակ . գէթ մնա մինչև ոչ ևս կարօտանայցես
 մօր քում , և ապա թող զիս . գէթ մնա մինչև
 կարասցես կեալ առանց իմ , և ապա մեռո զիս :
 Արտասուես դու և գիրկս զինև արկանես , և ոչ
 խոստանաս հրաժարել յանողորմ խորհրդոց քոց .
 Այլ դուք ով Սարսք , ներէք դմա զայդ , և իցէ
 երբէք լեալ ձեզ մայր : . . . Տիւք ինձ ապա զէնս ,
 զի զհետ երթայց օրդույ իմում , և կցորդ վը
 տանգաց նորա եղէց . պատսպարեցից զնա մար
 մնով իմով , և տաց առհաւատչեայ զարիութեան՝
 զոր սէր մայրենի ազդէ 'ի սիրտ :

Յայնմ օրէ ոչ ևս Ալմերիա եթող զսիրելի
 որդեակն իւր . և Աննդեայ , որ զերկտին ևս
 սիրէր , պատուիրեալ էր նոցա մի մեկնել յիւրմէ .
 և 'ի նետաձիգն լինել մանկանն Ալմերոնի , դառ
 նայր պատսպարէր ընդ հովանեաւ մօր իւրոյ և
 զօրավարին . այլ դժնդակ այն գիշեր բաժանեաց
 զնոսա 'ի զօրավարէն . և ամեհոյն Հերսիլեայ
 հանդիպեալ նոցա , ընդդէմ ամենայն ձգանցն

Մշտերիայ, միեւեաց զսուսեր իւր 'ի սիրտ տկար պարտանւոյն . և անկաւ Մշտերոն որպէս զծաղիկ մնատաղ անդէն 'ի փթիթս հարեալ 'ի գերանդուոյ : Մէք նորա մինչև փակեալ խնդրէին զաչն մայրենիս . ետես զնա մայրն , և մահակից ընդ նմա եղև առանց հարուածոյ :

Վրուան ոչ այնպէս անողորմ, այլ հանգոյն նմին ահարկու, զընդդիմակացս և եթ արկանէր տապաստ : Հիւրոն , Սարսեննա և Պրիւերնոս անկան ընդ հարուածովք նորա . Վասամոն և Սերալիփին խածին զփոշի . իսկ կորովին Սիգեր դարանեալ զիւցազինն՝ իշխեաց ձգել 'ի նա 'ի մնաց զբողորակն . և զբաւեալ արդեօք էր Վրուան 'ի կենաց , եթէ ոչ յայնմ վայրի խոնարհեալ էր նորա զգլուխն . հարբողորակն սայրասուր զՎիինգսըն՝ որ զսաղաւարտիւն նորա փայլէր , և արկ ընդոստ 'ի բացէ զկրկնակ ցցունան ծիրանեփայլս : Հարձակեցաւ Վրուան 'ի Սիգեր , և եբեկ զնիզակ իւր 'ի սիրտ նորա : Օինեալ ապա ահագին սուսերան Պոմպիլեայ , եհերձ զգլուխ Սրիմանթեայ , հատ զբազուկն Տարբոնի զաջոյ , և արկ առ ոտս իւր տապաստ զՎուերկենտ . և զհետ մտեալ և խուճապ տագնապի 'ի վերայ հասուցեալ Սարսից , դարձոյց զնոսա 'ի փախուստ , և ձեռնհաս եղև հալածել զնոսա ուր ուրեմն 'ի բանակէն , Սեոնդեայ և եթ մնացեալ անդ :

Իսց թէպէտ և լքեալ Սեոնդեայ յիւրոցն , ոչ հայեր 'ի միայնութիւն իւր . զի եգիտ նա ըզ-

լախտ իւր , և ոչ ևս փոյթ էր նման զօրաց բազմութեան : Այլ պատեցան զնովաւ սարխնացիք , և ամեհին Սփեհնտ յառաջ մատեաւ ահարկու գոչմամբ . Այ է աստ ժողով Սարսից , ուր թեքմամբ ծառոյ ընտրին զօրավարք , հարկ է աստ մեռանել , և ոչ զերծանիցիա ՚ի ձեռաց իմոց . յպատեցաւ Աննդ ՚ի լուր բանիցն , և թեթե ՚ի բաց ընդատուցեալ ՚ի գեղարդանէն ձգելոյ յՍփեհնտեայ , անկաւ ապա ՚ի վերայ նորա , և բուռն հարեալ զմիջոյ նորա ուժգնապիւրկ՝ հեղձոց զնա ՚ի մէջ աճառապինդ բազկաց իւրոց . և զգեանեալ զնա , եդ զմի յոտիցն ՚ի վերայ ջերալերմ գիականն . և խրոխտ զգլուխն ՚ի վեր ամբարձեալ , հայէր անխռով շուրջ ՚ի սուսերս արինախաննս՝ որ պատէին զիւրե : Անմատոց յերկիւղէ աչս ածէր նա համարձակ , գիտելով ընդ որ մարթէր նման յարձակել . այլ ապա խորհուրդ կալեալ ՚ի նահանջ , անկաւ ՚ի վերայ այնոցիկ՝ որք փակէին զանցս նորա , ցրուեաց զնոսա , և ջաղջախեաց ՚ի հարուած լախտին . և ընկրկեալ տակաւ , որպէս գայլ սովալլուկ ՚ի հօտէ խաշանց , երիցս զկայ էառ և դարձաւ , և երիցս վանեաց յետս զքունդս հետամուտս , մինչև եհասաւ իւրան : Չայն նորա ահարկու կասեցոց զնոսա , և ժողովեալ զնոսա անդրէն՝ յօրինեաց ՚ի ճակատ , և կալաւ միայնակ զվայրն՝ որ անջրագտէր զնոսա ՚ի հռովմայեցւոց . և շահատակէր ընդ մէջ երկուց ճակատուցն , միումն պաշտպանելով և զմիւսն վանելով ՚ի բաց :

Վրումայ գրգռեալ 'ի քաջութեանցն Վեռնդեայ, ընդ որս զարմանայր, խորհեցաւ յարձակել 'ի նա. այլ շունդն իմն 'ի յափանց գետոյն հնչեցեալ, դարձոյց անդր զմիտս նորա: Վանզի ծերունին Սոփանոր հանդերձ զօրօքն իւրովք գայր յօգնութիւն նահանջելոյ իշխանահցին. փորձէին Սարսք անցանել ընդ գետն Փոկին, և Վրումայ առ 'ի խափանել զանցս նոցա՝ հարկ լինէր թողուլ զՎեռնդ: և ոսոխն ահարկու, հանդերձ մնացորդօք իւրոցն, խոյս տայր անվտանգ 'ի բանակէ անտի՝ զոր ելից 'ի նախձիրս արեանց: Սոփանոր այր խոհեմ, և 'ի բազում ամաց հետէ փորձ 'ի հրահանգս մարտի, կալաւ զգօրս իւր յեզր գետոյն մինչև 'ի սկզբնածագ նշոյս այգուն: Իսկ Վրումա և սաբինացիք, թէպէտև պարտասեալք յահաւոր գիշերին, կացին մնացին յայնկոյս գետոյն: Ելա 'ի ծագել արևու՝ Սոփա նոր ոչ ինչ յերկուացեալ, զի Վեռնդեայ լեալ էր պարապ կատարելոյ զխորհուրդս իւր, ամբոփեաց յետս զգօրս իւր. և Վրումա զիւրսն էած 'ի բանակ անդր:

Յայնմ հետէ պարապէր նա 'ի վիրաւորս. Սարսիկն և հոովմայեցի, և ամենայն ոք՝ որում կեանս կամ սփոփումն մարթէր 'ի զարմանոյ գրտանել, հաւասարապէս վայելէին 'ի ինամս նորա: Վրովին նախանձու և եռանդեամբ՝ որով 'ի ճակատամարտս անդ խնդրէր զխոյեանս քաջս, խիլ արկեալ որոնէր 'ի տեղի ճակատամարտիցն

զայնոսիկ՝ որոց տակաւին էր շունչ՝ի ռնգունս . ոչ ևս խորհէր ՚ի փառս , այլ ՚ի մարդասիրել . և ոսոխք պարտեալք՝ էին նմա որպէս եղբարք :

Այլ յետ սրբազան պարտուցն կատարելոյ , և աներկեւան գործելոյ զհանգիստ սաբինացւոցն իւրոց քաջայ , զիմեաց՝ Վրամա ՚ի խորան անդր հռոմուլեայ , ոչ ևս յամեալ առ ՚ի դարմանն վիրաց իւրոց . քանզի տեսանել զհերսիլիա կարևորագոյն ևս թուէր նմա : Հաս ՚ի վրանսն արքունիս , և ետես զարքայն հռովմայ ընկողմանեալ ՚ի մորթ ընձու , և պատեալ յարիւնաշաղախ ՚ի ծածկոյթս . և առ նմա կային դուստր արքայի և զօրապետք բանակին : Հռոմուլոս առաւել քան զաղէտս իւր հոգալով ընդ կոտորած զօրացն , կայր ՚ի տխուր լուծեան . այլ ՚ի տեսանելն զՎրամա՝ ելոյժ զլուծիւն , բարբառեցաւ և ասէ . Վեզ սպասեալ մնայի , պատանի քաջ . գիտեմ իսկ զքոյին արուծիւնս , զի դու միայն փրկեցեր զբանակ իմ : Ատիր առ իս , և գիրկս արկ . փառք քոյին սփոփեն զվիշտս իմ : Յայնժամ՝ Վրամայ ՚ի ծունր իջեալ , համբուրեաց զաջ արքայի : Իսկ թագաւորն ասէ . Յոտն կանց , և արա զօր պատուիրեմն :

Այլ ժաղուժքն յեղակարծում ՚ի վերայ մեր հասին , և տկարուծիւն իմ հարկ առնէ յապաղել զվրէժինգրուծիւն . աւուրք սակաւք դարձուցեն յիս զզօրուծիւն իմ , այլ ՚ի սակաւ աւուրս յայտոսիկ պարտ է յապահոյլել զբանակ իմ

յամենայն հինից յարձակմանց : Այլ թ ապա քաջդ՝ Արամ, առ ընդ քեզ գումարտակա տասն, աճ զդոստայնստառ՝ հատանել զիցս յիսուն հազար մարդաչափս, և երկուստեք զայնոսիկ կազմել ծայրասուրս : Այլ դու, Արտիէ, տուր պեղել մինչև ՚ի դարձնորին փոս խոր և ընդարձակ, քառակուսի հաւասար շուրջ զբանակաւս, մնտոս և եթ ընդ մէջ քառից կողմանցն թողլով : Այլ գէննքն իմ լատինք, որ նուազ քան զամենեսին աշխատեղեն ՚ի գիշերիս, վաստակեսցեն ՚ի գործդ : Այլ թայք, և նախ քան զերեկոյ կազմ և պատրաստ լիցի ամենայն, և դարձիք լսել զպատուէրս իմ :

Այսպէս, և հնազանդ եղեն նմա Արտիոս և Արամ : Հռոմուլոս, այր պատերազմախորձ, ետ հարկանել զցիցսն ՚ի խրամի անդ՝ սակաւ ինչ անջատս ՚ի միմեանց, և կաշկանդեալ զնոսա ընդ իրեարս ուժգնապիրկ անխելի, ետ ապա ծածկել զնոսա հողով, զծայրս նոցա սայրասուրս հաւասար երկրին թողեալ արտաքս ուղղաբերձ, ամրապահ զբանակետոյն գործելով շուրջանակի ՚ի խիտ առ խիտ սլաքաց անտի : Արտիոս և Արամ յերիս առուրս կատարեցին զգործն. և դրեակս ութ ՚ի քառեակ դրունս կառուցին, լցեալ զնոսա զօրօք. և հռովմայեցիք ՚ի բանակի անդ որպէս ՚ի քաղաքամիջի ամրացեալք, զարմնային՝ թէ որպէս միոյ ուրուք հանձնարոյ մարթէր զբիւրաւոր մարդկան գործել զփրկութիւնս կամ զկորուստ :

Սոփանոր յայնմ կողմանէ գեաոյն տեսանէր խաղաղութեամբ զվաստակ Հռոմուլեայ, առանց խռովելոյ զայն : Իսկ Հռոմուլ վարանեալ ընդ անգործութիւն նորա, չկարէր 'ի միտ առնուլ թէ ընդէր անշարժ կային Սարսք, և ասէր ընդ միտս . Օ ինչ արդ գործիցէ ահարկուն Սևոնդ . աւանդ, բերկրիցի անշուշտ ընդ վիրաւորել իւր զՀռոմուլ . այլ Հռոմուլ չև ևս է պարտեալ, տակաւին սկիզբն է մարտի : Իսկ ընդէր գոռ պատերազմողն, աջողակ 'ի գիշերամարտ արութիւնս, ոչ փորձի միւսանգամ գալ հրդեհել ըզբանակ իմ : Ս' Մրտնազդ, ո՛վ հայր իմ Մրէս . այլ ևս աւուրք ինչ ցաւոյ, և առցէ բազուկս այս զիւր զօրութիւն, և ոչ ևս յետկոյս պատնիշաց ամրացի :

Ս' ինչգեռ զայսոսիկ Հռոմուլ ընդ միտս իւր խօսէր, և ահա զինուոր կամուգանիացի յարին և 'ի փոշի թաթաւեալ հասանէր շնչասպառ յԱլէքսինտեայ քաղաքէ, ուր արքայն Սամպանիոյ ամրացեալ էր : Օ ինչ դու բերես մեզ զրոյցս, գոչեաց Հռոմուլ . մի թէ անցին ընդ Մպենեանս սամնիացիք . մի թէ պաշարեցաւ 'ի քաղաքի իւրում նիզակակից մեր : Սատասխանի ետ զինուորն . Սիզակակիցն քո է 'ի ձեռս թշնամեաց . Սևոնդ ահարկուն այն երևեցաւ ընդ պարսպք Մէքսենտեայ 'ի պահու, յորում կարծէաք մեք զնա պատաղեալ ընդ քեզ 'ի մարտ : Սալաւ նա զքաղաքն և զթագաւորն, տիրեաց գանձուց

նորա և զօրաց և պարենից . և ոչ շատ համա-
րեալ զյաղթուծիւնս զայս , դիմեաց յանպատ-
րաստից 'ի վերայ հասանել զօրացն՝ որք արգե-
լուն զէջս սամնիացոց ընդ Ապենեանս . ցը-
րուեաց զբանակ նոցա , և ահեղիցն եբաց անցս
Թշնամեաց :

Իբրև լուաւ զայն Հռոմուլ , արկ զգլուխ իւր
ընդ կուրծս 'ի վայր , և կայր անխօս և անշարժ .
և հագիւ 'ի շինդն փողոց և սրնգաց , որ հնչէին
յայնմ կողմանէ գետոյն , անձին զգաց : Օ ի
անպարտելին Առնդ գայր ածէր 'ի բանակ Առ-
փանորի զարքայն Կապուայ կալանաւոր , գերի
չորեքարիւր , աւար ամբաւ , և զխրոխտ բանակ
սամնիացոց : Կաղային գային ընդ դաշտն 'ի բար-
բառ փողոց բիւրաւորաց . արքայն Կամպանիոյ
ոսկեհռո. հեծեալ 'ի սօս երիվար . իսկ Առնդ
ստանձնեալ զառիւծենին գայր հետի առ նովաւ ,
չուջ պատեալ 'ի Սարսիցն քաջաց . և սամնիա-
ցիք վառեալք 'ի զբահ պողովատիկ բիւրք երկու
աւարտէին զչուն յաղթական :

Կանգնեցին անդէն զխորանս իւրեանց մերձ
'ի խորանս Սոխանորի , համախմբեալ բանակքն
երկոքին : Եւ իբրև գիշերն ած զքօղ իւր զեր-
կնաւ , տեսեալ հռովմայեցոց խարոյկս բիւրա-
ւորս զափամբք գետոյն բարբոքեալս , խռովեցան՝
կարծելով պաշարեալ զանձինս 'ի Թշնամեաց :
Հռովմայեցիք անվեհերք , որք ամենայն ուրեք
'ի տեսիլ Թշնամեաց՝ խրախոյս խնդուծեան

հարկանէին, կային անդ 'ի տխուր լուծեան
յերեսաց ահեղ բանակին : Հայէին ընդ մի-
մեանս զօրքն ահաբեկեալ . զօրապետք չիշխէին
յայտնել միմեանց զերկիւղ իւրեանց, և ամենե-
ցուն աչք 'ի հռոմուլոս հայէին : Արինապատիկ
զպահակապանս ամրացուցեալ, կազմէին յընդ-
դիմամարտ . այլ հանդերձ ամրուծեամբ պատնի-
շացն, և բազմուծեամբ և քաջուծեամբ զօրաց,
զտազնասպ 'ի դէմս իւրեանց բերէին :

Հռոմուլոս իսկ խուլեալ էր, այլ վեր 'ի
վերոյ կեղծաւորէր զխաղաղուծիւն : Յեց 'ի
նիզակ իւր յերկայն, դանդաղաքայլ 'ի պատ-
ճառս վիրացն, այց առնէր 'ի կայս զօրաց, և
խրախուսէր զզօրս իւր . և թէպէտ լի էր սիրտ
նորա տրտմուծեամբ, գոհանայր բարձրաձայն
զգլից՝ զի համօրէն 'ի ձեռս իւր մատնէին զթըշ-
նամիս : Սակայն պատուէր 'ի ծածուկ տայր
գումարելոյ զօրապետաց 'ի ժողով : Սետիոս,
Սալէրիոս, հանձարեղն Սատիլլոս, խոհականն
Բրուտոս, և բազում այլ ևս զօրապետք հմուտք
'ի պատերազմ, բազմեցան առ արքայի . և չք-
նաղագեղն հերսիլիա կոչեցաւ 'ի ժողով անդր
որպէս դուստր արքայի, և Վուլմա վասն իւրոց
քաջուծեանցն : Վուլիրակք առ սեամն պահ
ունէին խորանին արքունի, 'ի բաց վարել անտի
զյանդգունս : Ընդ հռոմուլեայ 'ի բաց մեր-
կացեալ զվեր 'ի վերոյ խնդուծիւնն, և յա-
ծեալ դքաջ զօրավարօքն զաչս իւր տազնա-

պեալս , ասէ . Օ ինուորակիցք իմ , միշտ իսկ պիտանի եղեն ինձ խորհուրդք ձեր , այլ արդ կարևորք են : (Ժ) շնամիք մեր , յաղթողք նիզակակցացն մերոց վատաց , եռասպատիկ բազումք են թուով քան զմեզ . կարեմք զդէմ ունել նոցա աներկևան , ամրացեալք 'ի պատնէշս աստ . բայց եթէ անցցեն նոքա ընդ դետդ , և պաշարեսցեն զմեզ , յառաջ քան զաւուրս ութ նուազեսցեն մեզ պարէնք , և կորիցուք անպատերազմ : Օ ինչ պարտ իցէ մեզ առնել , բարեկամք քաջք . յարձակել 'ի վերայ կրկին բանակացն դումարելոց 'ի մի , և խափանել մահուամբ մերով զամօթապարտ դաշնագրութիւնն , եթէ յետս նահանջել բազում վտանգօք :

Եւ 'ի լուել Հռոմուլեայ՝ յոտն եկաց Սետիոս , և խրատ տայր յղել 'ի Հռովմ խնդրել 'ի Տատիոսէ օգնականութիւն , և կալ մնալ ամրափակ 'ի պատնէշս մինչև հասցէ նա զերծուցանել զգահակից իւր 'ի վտանգէն : Իսկ Ռոուտոս խրատ զհակառակն տայր , ելանել 'ի պատնիշացն՝ գնալ ճակատել առ թշնամիս 'ի պատերազմ , զամենայն ինչ 'ի բախտ զինուց ապաստան արարեալ : Հերսիլիա ընդդէմ եկաց խորհրդոյն , և ասէր . Յորչափ հայրն իմ ոչ զօրէ զէն առնուլ , մի յուսայք յաղթել թշնամեաց . բազուկ և եթ Հռոմուլեայ տացէ մեզ զյաղթութիւն , և սա չև ևս զօրէ տալ զայն . լուիցուք խրատուցն Սետիոսի , կացցուք մնաս .

ցուք 'ի պատնէշս , և յղեսցուք 'ի Հոռվմ առ
 նել վերստին զօրաժողով : Այլ 'ի յահարկու
 թիւն թնամեաց , և առ 'ի խափանել վնոսս
 անգործս , 'լուամ և ես դիմեալք գիշերայն
 մտցուք 'ի բանակ սամնիացւոց . և մինչ դեռ
 նոցա պարտասեալք 'ի չուոյ և արբեցեալք յա
 ջողութեամբքն՝ ընկղմեալ կան 'ի քուն , լցցուք
 'ի նախձիրս արեանց զվրանս նոցա : Ամ այս է
 խորհուրդ . և եթէ հաճոյ թուեսցի հօր իմում ,
 արդ իսկ դիմեալ երթիցուք :

Անդու թեամբ լսէր զայն 'լուամ , և աչք
 նորա հրափայլք գիտէին զամենայն շարժմունս
 օրիորդին . բաբախէր սիրտ նորա 'ի հրճուա
 նացն վասն ընտրելոյ Հերսիլեայ զնա ինքն օգ
 նական իւր . և գիշերն այն , յորում մարտա
 կիցք միմեանց հանդերձեալ էին լինել , թուեք
 նմա բարեբաստագոյն յաւուրս կենաց իւրոց :
 Իայց Հոռմուլ 'ի դերև եհան զյոյս նորա ,
 հակառակ կացեալ խորհրդոյ դատերն իւրոյ :
 Այլ այլք 'ի զօրապետաց առ հասարակ տային
 խորհուրդս անհնարինս , կամ վնասակարագոյնս
 քան զվտանգն՝ յորում կային : Յերկարաձգէր
 խորհուրդն , և ոչ այլ ինչ յաջողէր խորհրդա
 կանաց , բայց զարկածս վտանգին հոլանել՝ ա
 ռանց ելս ինչ հնարից գտանելոյ :

Յայնժամ 'լուամայի խորհուրդ 'ի միտս ազ
 դեալ յ'թեմասայ , ինդրէ հրաման խօսելոյ . և
 'ի հրամայել Հոռմուլեայ՝ քաղցր 'ի նա անխարկե

լով, ասէ դիւցազնն . Մըբայդ մեծազօր, միակ թուփ
 ինձ հնար , ոչ միայն փրկութեան բանակիդ ,
 այլ և կանգնելոյ անշուշտ զյաղթութիւն :
 Երբնք տրեբանեանք յետկուսէ կան մեզ ան-
 մատոյցք . 'ի լերանցամէջս անդ յանձուկս սա-
 կաւուց զօրաց տիրեալ նախ բարձանցն՝ դիւրին
 իցէ պարտել զբիւրաւորս : Տացի ինձ հրաման
 չու առնել 'ի գիշերիս յայսմիկ ընդ կէսս 'ի սա-
 բինացւոց , և առ վաղիւ ընդ երեկս տիրեսցուք
 լերանցն : Եւ ինքն , աղբայ քաջ , փախիցես
 նախ յերեսաց թշնամեաց . մի ինչ խոռվիր ընդ
 լուր փախստեան , փախիցես առ 'ի յաղթու-
 թիւն : Մարք և սամնիացիք հետամուտ լիցին
 քեզ , և ձգեսցես զնոսա դիւրաւ 'ի կիրճս անդր
 լերանցն տրեբանեանց . և զկայ առեալ մնայցես
 նոցա աներկեան , և յարձակեսցիս 'ի վերայ
 նոցա , մինչ սաբինացիք և ես տեղասցուք 'ի
 նոսա նետս և գեղարդունս 'ի բարձանց , և ժայռս
 զնորք գլեսցուք :

Յայս վայր խօսեցաւ Եւսման : Յայնժամ
 հռոմուլեայ գիրկս արկեալ նմա , ասէ . Կեզ,
 ով արի պատանեակ , ոչ միայն վասն կենաց իմոց
 գտայց շնորհապարտ , այլ և վասն փառացս իմոց :
 Փութա՛ կատարել զխորհուրդ քոյին , ան ընդ
 քեզ զսաբինացիսդ առ հասարակ , թողեալ և եթ
 զհեծեալս՝ որք չիցեն քեզ պիտանի , և որոց կա-
 ռօտիմ ես նոցին՝ մանաւանդ 'ի սկզբան նահան-
 ջելոյ իմոյ յետս : Եւ ատ իցէ քեզ կանխել գիշեր

մի՛, երբ վաղվաղակի . և եթէ յաջողեացիս 'ի խորհուրդս քո , ահա մրցանակ քոյին : Եւ զայս ասացեալ , ցուցանէր նմա զՀերսիլիա :

Երբեք եկաց անդ Երուսաղեմ , հրաճուանք , և յուզմունք 'ի նմա այլ և այլ կրից արգելին զբարբառ նորա , և աչք նորա 'ի Հռոմուլոս և 'ի Հերսիլիա միանգամայն յածէին : Եւ ասա ուր ուրեմն անկեալ առ ոտս Հռոմուլեայ , գոչէր , Եստուածորդիդ դու , անպարտելի զիս կացուցանես . թէպէտ Եարսք , թէ սամիւիացիք , և թէ ազիւք Ետալիոյ առ հասարակ ընդդէմ ինձ գումարեսցին , խրախուսեցից յաղթել նոցա . անուն և եթ Հերսիլեայ հաւասար գողցես քումդ քաջութեան զիս կացուցանէ , և փառք փեսայութեան քո ամբառնայ զիս 'ի կարգ դիւցազանց : Եւ 'ի խօսել նորա զայս , փայլատակէին յաչ նորա սէր և խրախոյս . ակնարկէր 'ի սիրուհին , և ընթեռնոյր յաչ նորա զհաստատութիւն խօսումանն Հռոմուլեայ . և 'ի տենչ վաղագոյն չուոյ՝ զիմէր զինուորել զսաբինացիս :

Եւ աղվաղակի լեզէոնք լատինք 'ի հրամանէ Հռոմուլեայ ելեալք յիւրաքանչիւր 'ի վրանացն , չորքան ճակատել առ ակն գետոյն՝ առ 'ի գողանալ յաչաց թշնամեաց զչու քաջին Երուսայ : Եւ յայնժամ Եարսք առ ահի յարձակման թշնամոյն դիմէին յայնմ կուսէ գետոյն 'ի ճակատ , և նետք աստի և անտի յախուռն արձակէին . այսպէս հռովմայեցւոց պատահեցուցեալ զթշնամիս ,

մինչև Վրուս յետկուսէ բանակին մեկնէր 'ի բաց :

Սու արար , անց ընդ անտառախիտս՝ որ ձգին ընդ Սորա . և առ 'ի խոյս տալ 'ի վտանգէ ճահ- ճացն Մրատրիոյ՝ շրջան առեալ 'ի բացէ , և դէմ եղեալ յԱսիլոն , ետես ընդ այգն զԵրինոս Մրե- բանեայ : ՄԵՂ մինչև 'ի Լերանցամէջս անդր մը- տեալ , խոհական խորհրդով արձակեաց Վրուսն առաջի իւր մեկնակազէնս , և եթող զՏետ իւր առաջնորդս Հոռուլեայ , և ապա մտեալ անդր՝ յառաջ խաղայր ընդ ատափայս : Սօրականքն վատակարեկք 'ի ճեպրնթաց չուոյն՝ ոչ զօրէին սողոսկել ընդ ժայռս , այլ Վրուսն խրախուսէր զնոսա և քաջալերէր . և յառաջրնթաց միշտ նռ ջին , բուռն հարեալ աջովն զճառոց՝ որ օգնէին նմա 'ի վերելս , հրաւիրէր զՏետ իւր ձախովն զզօրականն : Եթէ ուղիս ընդ առաջ ելանէր , ինքն նախ անցանէր ընդ այն . և մինչև հասեալ յայն- կոյս , ոչ հրամայէր զօրացն անցանել . եթէ ժայռ խախտանէր զուղին , միտէր զսուտեր իւր կամ զգե- զարդն ընդ հերձս վիմին , և ոտն ածեալ 'ի նեցուկն տկար՝ վազէր զգահավիժութեամբք , և հասեալ միայնակ 'ի վեր՝ անդր ապա զիւրնն կոչէր : Վանգի պատկեր Հերսիլեայ առաջի նորա քնայր , և դիւրէր նմա զառատարս . և յառաջրնթաց զօ- րականին օրինակ նորա տայր նոցա կոխել զամե- նայն զխոչ և զխուժ :

Ե՛հաս ուր ուրեմն 'ի կատար Լերանցն , և զար-

մանայր 'ի տեսանել անդ դաշտս մշակեալս , և անդաստանս արորադիրս , և արօտս ծածկեալս խաչամբք : Ընչին առ նա հովիւս ուննս , զորս 'Վրամայ քաջալերեալ' ասէր . Եւ առ 'ի նուաձել զձեզ գամ , մի երկնչիք . ոչ կենաց ձերոց և ոչ գոյից հասցէ ինչ զեան . ածէք միայն զմեզ 'ի բընակութիւն ձեր 'ի բնիկ , տուր մեզ պարէնս ընդ արծաթոյ , և թողէք մեզ ունել զկիրճս լերանց ձերոց զաւուրս և եթ երիս : () այն իբրև լուան հովիւքն , առաջնորդեցին ասբինացոց աներկիւղ 'ի գիւղ անդր իւրեանց :

Ընդ էր տեսանել զհիացումն և գլխնդութիւն 'Վրամայ , յորժամ ետես 'ի շինականս անդ և ծանեաւ զհոնէացիս՝ զորս ազատեալն էր 'ի գերութենէ : 'Վրյն ինքն ծերունին , որոյ խօսեցեալն էր առ նա յաւուր զոհին , յառաջ մատուցեալ՝ հայեցաւ 'ի նա , և գոչէր . Եւ օր բարեբաստիկ . ահաւասիկ , բարեկամք իմ և որդեակք , ահա ազատարարն մեր , ահա դիւցազնն բարեգութ՝ որ ետ մեզ զազատութիւն , ահաւասիկ 'Վրամա : . . . Ի լուր անուանն 'Վրամայ՝ ազաղակ միաբարբառ խափանեաց զխօսս ծերունւոյն , և հոնէացիք առ հասարակ 'ի ծունր իջեալ՝ խոնէին զՎրամա : Եւ ին ասէր . 'Վրն ուրեմն իցես , և միւսն , որ զմայր իմ դարձուցեր առ իս . և այլ ոք , թէ դու ինձ ետուր զայր իմ : Ընանց քո , գոչէր մի 'ի մանկանց , առանց քո հարկ էր ինձ մնալ որք : Ըստուածորդիդ դու , քանզի բարե-

լարք մարդկան՝ անմահից են զաւակք , զոր գո-
հուծիւն մատուցուք նոցա , փոխանակ զի շնոր-
հեցին մեզ տեսանել զքեզ անդրէն , համբու-
րել զձեռս քո՝ որ խորտակեցին զշլթայս մեր , և
ահնկառոյց լինել ՚ի դիւցազնդ անոխակալ : Այն
հրամայեա մեզ , սրատուէր տուր զգոյից մերոց և
զկենաց , ամենայն ինչ քո է աստանօր . դու իշ-
խան մեր , դու և հայր , և առաւել ևս քան զհ-
այր , զի դու եղեր մեր ազատարար :

Այլ ՚ի լեւն զայստիկ՝ չկարաց Վումն ժոյժ
ունել արտասուաց . և զօրք նորա քաջասիրտք
գորովեցան ընդ նմա : Վաղցր բարեկամուծիւն
կցորդեաց զնոսա ընդ բարելաւ մարդկանն . զօ-
րականք և շինականք խառն ընդ միմեանս՝ գիրկս
արկանէին իրերաց , և ամենայն տուրևառ կցոր-
դուծիւնք ասպնջականուծեան և բարեկամու-
ծեան լինէին ՚ի նոսա : Տունք և խրճիթք լցան
զօրօքն Վումայ . արք և կանայք և մանկունք
փուծային ՚ի սպասաւորուծիւն նոցա , և ՚ի բե-
րել մատուցանել զամենայն ինչ զիւրեանց : Սա-
բինացիք և հռէացիք ոչ ևս այլ և այլ էին ազգք ,
այլ ազգատոհմ մի . և ամենեցուն սիրելի էր և
մեծարոյ Վումն , և հասարակացն այն սէր կա-
ցուցանէր զնոսա եղբարս :

Սաան ինչ ՚ի գորովական տեսին յայն դիւց-
ագինն պարապեալ , ապա արար կոչ զօրակա-
նին . և շինականքն իսկ առ հասարակ ՚ի հնչիւն
փողոցն գումարեցան , զէն իւրաքանչիւր առեալ

որ ինչ առ ձեռն գտանէր . ոմն սուսեր վաղեմի ժանգահար , այլ որ ասպար փոշելից , միւս որ զխոփ արօրոյ 'ի գեղարդն կազմեալ , և բազմա գոյնք լսխոս 'ի կոճեղաց ծառոց խլեալ : Եւ ասէին ջ՛լուան . Պատերազմակիցք լիցուք ընդ քեզ , ընդ քեզ զինուորեսցուք . և եթէ բաւական իցէ արիութիւն սրտի 'ի յարդարել զմարտիկ , արհագունից երբէք ոչ լիցի քեզ հրամայել մարտկաց : Եւ զայսոսիկ ասելով , կազմէին կային իւրովի 'ի ռազմ , 'ի նմանութիւն սաբինա . ցւոցն զօրաց նկրտեալ . և կուռ զմիմեանք պղնդեալ խառն 'ի խուռն կարգաւ փաղանգ ամբոխասաստ , խնդրէին նախայարձակ 'ի վտանգաւորագոյն խաղալ 'ի կայս :

Ի զուր բարեգութն 'լուան ջանայր սանձահարել զնախանձ նոցա , 'ի զուր հրաժարէր յարկանելոյ 'ի վտանգ զարս՝ որ վասն սիրոյ և եթ նորին զանձինս իւրեանց փոխանակէին . հզօրագոյն էր սէր նոցա քան զսաստ իշխանութեանն 'լուանց : Ըմենայն թախանձանք նորա ընդունայն եղեն , և հարկ եղև պոմպիլեան զաւակին տեսանել կրկնապատկեալ զբանակ իւր . յայնժամ ծանոց նոցա զոր խորհէրն , վստահացեալ 'ի նոսա զխորհուրդ իւր ունելոյ զբարձունս , և դարանելոյ ուստի մարթէրն խորտակել զթըշնամիս :

Հետեացիք վաղընդփոյթ առաջնորդեցին սաբինացոց 'ի կիրճս և յանցս քժաւարաբոյնս բե-

րանցն , ցուցին նոցա զվայրս դիպողադոցնս 'ի դարան , զկայ առին անդ ընդ նոսա , հատին մայլն , զլեցին ժայռա՝ առ 'ի ձգել զնոսա 'ի վերայ Սարսից . և խառնեցան ընդ զորս բարերարին իւրեանց , ոգի 'ի բռին՝ բաժանորդ լինել վտանգաց նոցա . և դէտակն կալեալ մնային հասանելոյ հռովմայեցոց :

Ինդ հուպ եհաս անգր Նոմուլոս , ընկրկեալ ճարտարութեամբ 'ի տեղւոջէ բանակին՝ մերթ յինքն ձգելով և մերթ վանելով զսամիացիս . և որչափ մտէր 'ի լերինսն , այնչափ առաւել խառն 'ի խուռն զնահանջն հմուտ զորավարն կեղծաւորէր , պատուէր տուեալ վերջապահ գնդին ցրուել 'ի փախուստ . որպէս զի մուտ հռովմայեցոց 'ի լերինս անդր՝ թուէր խուճապ տագնապի փախստէից զորաց : Սոփանոր , և ինքն իսկ լեռնդ , և մանաւանդ զորավարն սամելիացոց , անկան առ հասարակ 'ի դաւ . և բանակն ազգաց դաշնաւորաց , յոր գումարեալ էին պատերազմողք քաջք քան հմուտք 'ի պատերազմ , ըմբռնեցան 'ի կիրճս անդր՝ հալածել կարծելով զփախստեայս :

Նոմուլոս առաջնորդեալ 'ի հրեշտակացն Սումայ , ած ձգեաց զթշնամիսն 'ի դժուարագոյն կիրճս լերանցն . և ապա զկայ առեալ 'ի փափտածնէ , կառեաւ եկաց ասել զնդաւ ընդդէմ Սարսից , և ձայն տայր նոցա 'ի մտրտ : Եւրձարկեցաւ արին լեռնդ 'ի հռովմայեցիս .

և մինչդեռ սամնիացիք և Մարսք նախանձընդդէմք միմեանց փութային նախայարձակ լինել, և ահա տարափք ժայռից և կոճեղաց ծառոց տեղային՝ ի բարձուէ լերանցն ջաղջախել զգունդս նոցա : Օ օրագլուխք հանդերձ զօրօքն ահաբեկեալք , զաչս ՚ի վեր առեալ՝ տեսին նիզակախուռն զբարձունսն ծածկեալ . և զարհուրեալ ՚ի տեսլենէն , չիշխէին և ոչ քայլ մի ոտին առնուընդդէմ հռոմուլեայ : Այլ ոչ ընկրկել հնար էր նոցա , խափանեալ Նումայ յետկուսէ զանցս ի մաստութեամբ : Արքա պաշարեալք յամենայն կողմանց յանձուկ ասպարէզ մարտին , բազմութեանն իսկ նոցա յաճախելով զշփութն , և ընկճեալք ՚ի վիմաց՝ զօրս հռեացիք և սամնիացիք գլխին անդադար ՚ի գլխոց լերանցն , ՚ի պարտութիւն մատնեցան՝ ոչ ևս կարելով մարտնչել . և զէնընկէցք խնդրէին դաշինս :

Այլ իսկ է մարթ զղայրոյթ կատաղութեանն Առնդեայ նկարագրել . որպէս վագր վրկանիկ անկեալ ՚ի ծուղակ մերձ ՚ի խշտի իւր , տեսանելով ՚ի բաց բարձեալ զկորիւնսն՝ ապիկար ՚ի պաշտպանել նոցա , մռնչէ , յուզի , խածանէ զվէմս և մանրեալ փշրէ զայրագին , և արիւնուշտ աչօքն խանձի ՚ի թշնամին՝ յոր չկարէ յարձակիլ , այսպէս Առնդ յաւելոյր ՚ի կատաղութիւն ՚ի շտել զաղաղակ պարտելոց զօրացն , և ահագին ձայնիւ գոչէր . Մի այդպէս մի , ցորչափ Առնդ ձեզ հրամայէ՝ մի յուսայք թէ խոնարհեացի նա

յայդ վասուծիւն . Սարսք և սամեխացիք , մինչև յաղերս խոնարհեալ վասն կենաց ձերոց՝ տեսչիք արիւարար զմահ Սևոնդեայ : Մսաց , և խեղախեաց ընդ զէնս և ընդ ժայռս , մինչգեռ վէմք զնովաւ և կոճեղք ծառոց տեղային՝ ՚ի բար ձուէ . և սողուկէր միայնակ ՚ի ծագ լերինն :

Հուէացիք և սաբինացիք փութացան ՚ի տեղի անդր , ընդ որ սպառնայր զյարձակումն . և շեղ ջակուտեցին վէմն առ ՚ի տեղալ զնովաւ : Մայց Մրամայ հասեալ անդր , արգել զնոսս . և խափանեաց զտարափն՝ ընդ որով հարկ էր ընկձել Սևոնդեայ , ձայնեալ առ նոսս . () ինուորակիցք իմ , խնայեցէք ՚ի յանդգնութիւն դորա . զառաւելութիւն տեղւոյ առաւելութեան թուոյ եղի ՚ի կշիռ , այլ քաջութեան միոյ ուրուք քաջութիւն իմ կացցէ ՚ի կշիռ : Մաց մնա Սևոնդիէ , խնայեմ գրեզ յաշխատութենէ կիսոյ ճանապարհիդ : Մսաց , և էջ հանդարտաբայլ , ՚ի բաց արար զսաբինացիս՝ որ կամէին իջանել ընդ նմա , և հաս ընդ առաջ ահարկու ոսոխին՝ ՚ի տափարակ ժայռի ուրեք սեպացելոյ յամենայն կողմանց , ուր ոչ գոյր տեղի՝ բայց միայն զմիմեանս խողխուղելոյ : Մագ զկայ առեալ երկաբանչիւր՝ հայեին յիրեարս անբարբառ , զարմացման նոցա ընդ միմեանս զողցես ներգործեալ զլուծիւնն : Մանակքն երկոքին դադարեալ ՚ի մարտէ , կային ակնկառոյցք ՚ի Սևոնդ և ՚ի Մրամս . և իւրաքանչիւր ոք ՚ի զինուորաց մոռացեալ զանձն ,

'ի նոսա և եթ ուշ ունէր . և դիպուածոյ զշիւքս զունան զերկոսեան յանձուկ և 'ի բարձու Թաւտերն կացուցեալ, Թուէր ածել զնոսա 'ի տեսիլ երկոցունց ազգացն՝ որոց բախա 'ի նոսա էր հաւտարեալ :

Առնդ նախ ելոյծ զըռութիւն , և ասէ յԱռման . Սեծարեմ զքաջութիւն քոյն , արի պատանեակ , դժպչի է ինձ մարանչել ընդ քեզ . դարձ աղէ 'ի դունդա քո , և Թող ինձ յաղեցուցանել զսրամտութիւն իմ յոտոխս 'ի նուազ քան զքեզ քաջասիրտս : Այո նմա պատասխանի 'Առման . Չիք 'ի բանակիս այնպիսի ոք , յետին հոռվանցեցին հաւասար է ինձ քաջութեամբ . և ծանկցես դու վաղ՝ թէ իցեմ արժանի քոյոյ գթութեամբ : Այլ զայս ասացեալ , քանզի ոչ էր մարթ նմա յանձուկ ասպարիզին արձակել զգեղարդն , կալաւ զայն երկորումբք ձեռօք , և մղեաց ամենայն զօրութեամբ 'ի լանջ ոտիսին : Ահագին էր հարուածն . այլ տէգն պողովատիկ դիպաւ յառիւծենին , ուրանօր ճիրանքն զմի մեամբք ածեալ՝ եռապատիկ գործէին զրահ . և պահպանակն անթափանց բթեցոյց զերկաթն 'Առման , և Թափ հարուածոյն եբեկ զգեղարդն 'ի ձեռին նորա :

Սասանեցաւ Առնդ , և յաւել 'ի սրտմտութիւն . վերացոյց զլոխոն անհեթեթ , և ածեալ զայն զգլխովն 'ի հիւ յիջոյց հարուած ահազին 'ի վահան անդր ոտիսին . շուրջ Թաւանէին :

բազմախորտակ բեկորք վահանին : Ինչպե՛ս Վրու-
մա՛ն 'ի ծուճոր յերկիր . այլ անդէն վաղվաղակի՛ 'ի
վեր վազեալ ձգեաց զսուսեր իւր զսուսերն Պոմ-
պիլեայ , որ միայն մնայր նմա՛ն 'ի պաշտպանու-
թիւն : () Հարուածն երկրորդ կամէր Լեոնդ
իջուցանել . բայց Վրումա խոյս ետ 'ի բաց : Եր-
կաքանչիւր անկառոյցք 'ի զէնս իրերաց , այր
զընկերին դիտելով զչարժմունս , դառնային ըզ-
միմեամբք , արդելեալ փակեալ յանձուկ ասպա-
րիզին՝ որ շուրջ պատեալն էր 'ի վախից գահա-
վիժութեանց : Կարկառէին և ամփոփէին , և
հորուածս խիտ ընդ խիտ ածեալ ընդունայնս՝
մազապուր յայնցանէ խուսափէին . հանգոյն կըր-
կնակ օձից ջրայնոց , որ 'ի կոնք անձուկ պատա-
տին անդադար զմիմեամբք և լուծանին , և ոչ
կարեն խայթուածս 'ի միմեանս արկանել :

Եւ ապա ուր ուրեմն Լեոնդ ցատուցեալ ընդ
յամառ դիմանարտութիւն ոտիտին , ամբարձ եր-
կորումբք բազկօք զլախտն , և յարձակեցաւ 'ի
վերայ նորա : Եւ զգագաթամբն՝ Վրումայ կայր ,
և Վրումայ ոչ էր մարթ խուսել յայնմանէ . պաշտ-
պանէր նա զանձն օտօերան , այլ տկար պահ-
պանակին անմարթ էր փրկել զկեանս նորա , եթէ
ոչ խնամք Վեմետրեայ հասանէին նմա յօգնու-
թիւն : Եւ զիւցընկէց 'ի բարձանց 'ի զնին կայր
Վեմետրէ ահաւոր մարտին . ետես զլախտն
վերացեալ , զբողանի հարաւ , օրացաւ , եհաս-
ընդ էջս հարուածոյն , և աներեւոյթ ձկուամբք

արկ զայն տարադէպ : Իսկ Լեօնդ մղեալ 'ի
Թափոյն և 'ի բեռանէ լախտին , հսկայն Լեօնդ
տապալէր որպէս մայրի հինաւուրց արմատախիւ
'ի մորկէ : Հաս 'ի վերայ նորա՝ Երուսա , և բուռն
հարեալ զփողից նորա , եղ աջուին զսուր սուսերի
իւրոյ 'ի սիրտ նորա , և ասէ . Եւանք քոյին 'ի
ձեռին իմում է , այլ զքաջի պատերազմողիդ
չհանդուրժեմ զրաւել զկեանս . եկ կոեսցուք
դաշինս , ընտրեմ լինել քեզ բարեկամ քան յաղ-
թող :

Եւ զայս ասացեալ՝ յարեալ Երուսա , և եղ
զսուսեր իւր 'ի պատեան . իսկ Լեօնդ ընդ կան-
գնելկալ յոտին՝ գիրկս էարկ ազնուական աստիին ,
և ձեռն տուեալ միմեանց՝ իջանէին առ զուշոս
Երարսից , որք կային 'ի խորհուրդ ընտրութեան
Ծերունեաց 'ի պատգամաւորութիւն Հռոմու-
լեայ : Երուսա 'ի միասին ընդ Լեօնդեայ ածին
զնոսա առ Թագաւորն հռովմայեցոց . և յաղերս
արկանել Երուսայ վասն Երարսից , շնորհեաց նոցա
Հռոմուլոս զխաղաղութիւն , և ասէ . Երարձուս-
ջիք յազատութիւն զնիզակակից իմ զարքայն Երամ
պանխոյ , հատուցեալ նմա զգանձան և զգերիս :
Իսկ երկիրն Երարսից , զի մի 'ի ձեռս ձեր կամ 'ի
նորայն լիցի աւիթ անսպառ գժտութեան , կաց-
ցէ ընդ ձեռամբ իմով . և փոխարէն տացէ ձեզ ար-
քայն Երարուայ զքաղաքն Երբսենատ , և որդի
նորա Երարիս կացցէ առ ձեզ 'ի պատանդ մինչև
ցփատարումն պայմանի դաշինն :

Ստորիւր ընկալան Սարսք գրաշինան, նպաստամատոցս իւրեանց քան արքային Վամպանիոյ . և Հռոմուլ միւս ևս ստացեալ աշխարհ, ոչ ինչ հոգայր ընդ շահ նիզակակցին՝ զոր արհամարհէրն : Իսկ առ ՚ի մրցանակ Վրումայ . Պատանիդ քաջ, ասէ, դու փոխանակ իմ յաղթանակաւ մտցես՝ ի Հռովմ՝ հեծեալ ՚ի կառս իմ, յառաջ ընթաց իմոյ բանակիս . և ի ևնոդ առաջի քո երթիցէ . և ընկալցիս զաջ դստերն իմոյ առ բազնաւն Վրամագրայ :

Պատասխանի ետ Վրումա, և ասէ . Վրքայ քաջ, քեզ միայնոյ վայել է յաղթանակել . շատ իցէ ինձ աջ հերսիլեայ ՚ի փառս : Ոչ ետ ինչ քաջին ի ևնոդեայ եղէ յաղթական, և ոչ ինև ինչ եղև նա նկուն, ո՛ հռովմայեցիք . այլ Վեմետրէ ինքնին իջեալ յՈլիմպեայ, ետ ինձ զյաղթութիւնն : Իարձիր ի ևնոդիէ առ ժողովուրդ քո, ազատ ես դու և աննկուն . զի դու անմահից և եթ ետուր տեղի :

Իւ ՚ի խօսել նորա զայստիկ, թուէր հռովմայեցւոց և Սարսից զուրուք ՚ի դից լսել զբարբառ : Իփմեաց ի ևնոդ ՚ի գիրկս նորա, փարէր զնովաւ՝ արտատուելով առ զարմացման, և հնարէր համոզել զնա ընդ յաղթանակ իւր՝ զպարտութիւն յանձն առեալ : Իայց Վրումա լու ՚ի լու երկոցունց բանակացն խոստովան լինէր զօդնականութիւնն ՚ի Վեմետրեայ ընկալեալ, և ՚ի ձայն բարձր գոհանայր զաստուածուհւոցն վասն

փրկելոյ նորա գլեանս իւր, անմահ ստացեալ փառս հրաժարմանն յայնմանե՛ք որ ոչ իւր էր անկ :

Առեցաւ զաշն խաղաղութեան, արքայն Արաւ պահիոյ դարձաւ յազատութիւն, Հռոմնէլոս ազատեաց զԱպիս, և չու արարին զօրքն տիրել ՚ի սահմանս Աբրահայց : Առմա և Աւոնդ երդուան յանլոյժ բարեկամութիւն ընդ միմեանս . և մինչև մեկնեալ ՚ի միմեանց դիւցազունքն երկոքին պարգևս ետուն իրերաց . Առմա ետ Աւոնդեայ զերիվարն թրակացի զահարարանոց՝ զոր Տատիոսի պարգևեալ էր նմա, և Աւոնդ ետ Առմայ զսահաւարտն դարբնեալ ՚ի Հեփեստեայ՝ զոր ընկալեալն էր ՚ի զօրավարէն սամիւացոց, և ասէ . Այլ զդա անկորուստ, և առաւել ևս քան զդա կալ զբարեկամութիւն քօ ընդ իս, և ես ուխտեմ փոխանակել զանձն իմ ՚ի վերայ քօ, ուրանօր դէպք տացեն ինձ զյաջողութիւն : Այսպիսի եղև դիւցազանցն երկոցունց ողջոյն հրաժարական :

Հռոմնէլեայ պատրաստեալ ՚ի չու՝ ուղևորել ՚ի Հուլմ, հրամայեաց Հերսիլեայ և Առմայ ՚ի նոյն հեծանել ՚ի կառս, և խաղալ գնալ զառաջեաւ բանակին : Առմա ՚ի լրումն ըզձիցն հառեալ, չկարէր ծածկել զցնծութիւն իւր . բաղմէր առ սիրուհւոյն՝ վստահ ՚ի ժառանգել զնա, և առ ինդին չկարէր բարբառել, և ոչ իմնատու սիրել ինչ . շուրջ պատեալ փառօք, սիրելի Հրո

մուլեայ, փրկիչ բանակին, տակաւին դողայր առաջի Հերսիլեայ. հայեր 'ի նա, և շիշխեր խօսել ընդ նմն. 'ի զուր իսկ ժառանգէր զնա, չհամարեալ զանճն նմին արժանի :

Ինդ անցանել հռովմէական բանակին ընդ Սիրիս, և ահա սուրհանդակ 'ի փոշի Թաթաւեալ 'ի ձայն մեծ խնդրէր զՂուամն. և եկն յանդիման եղև նմա արտասուալից դիմօք : Ղուամայ խռովեալ հարցանէր զնա, 'ի կասկած ձախողակի ինչ լրոյ զՏատիոսէ : Ետ պատասխանի հրեշտակն. Ոչ 'ի հռովմայ գամ, այլ 'ի մեհենական անտառէն Ղեմետրեայ. արգոյ ծերունին հուլ լու ոչ ևս կարացեալ հանդուրժել հեռի 'ի քէն, ևս առաւել ընդ մոռացումն իւր առ 'ի քէն, առ դրունս մահու հասեալ կայ, և խնդրէ տեսանել զքեզ մինչև և մեռեալ : Օ այն իբրև լուա Ղուամն, ողբս առեալ ոստեալ 'ի կառաց անտի, և առ ճեպ վտանգին՝ ոչ հրաժարական տուեալ ողջոյն Հերսիլեայ, և ոչ խօսեցեալ ինչ ընդ հռովմուլեայ, ճգեաց ընդ իւրև զմի 'ի նժուգից, և ձիարձակ երագամէտ երթայր 'ի Սաբինիա :

ՆՈՒՄԱ ՊՈՄՊԻԼԻՈՍ



ԳԻՐԳ ՎԵՑԵՐՈՐԴ

ՆԱԽԱԴՐՈՒԹԻՒՆ ՎԵՑԵՐՈՐԴ ԳՐՈՑ

Խնդուծիւն Տուլլոսի 'ի տեսանելն անգրէն զՆումա , և զիւցազինն հայրասէր և երկիւզած խնամք զճերունւոյն : Մահ Տուլլոսի , և սուգ և վիշտ Նումայ ընդ այն : Խորհի նա գնալ անգրէն առ Հերսիլիա . և անցեալ ընդ գաւառ ուրեք աւերեալ յիշխանուհւոյն , գառնայ արհաւրոջ 'ի Հոռվմ : Ատենաբանութիւն Հռոմուլեայ առ Ժողովուրդ իւր , և պատասխանի Տատիոսի : Մերձենան հարսանիք Հերսիլեայ ընդ Նումայ : Նենգախոշոջ մահ Տատիոսի . Նումա հասանէ նմա յօգնութիւն , և խոտանայ առնուլ իւր 'ի Կնութիւն զգուստրընորա :

ՆՈՒՄԱՆ ՊՈՍՊՈՒԼՒՌՍ

Գ Ի Ր Ք Զ .

Եւ երթայր՝ Նուման ընդ եզր գետոյն Միտոնի՝ մտրակ ՚ի կուշտ արարեալ երիվարին , և արտասուէր՝ մեկնեալ ՚ի սիրուհւոյն ՚ի պահու յորում հանդերձեալն էր առնուլ զնա ՚ի հարսնութիւն , և հրաժարեալ ՚ի փառաց յաղթանակին : Բայց ոչ այտքիկ պատճառք էին ողբոցն , այլ վտանգ կենացն Տուլլոսի , այլ մոռացօնք՝ յոր արկեալ էր զԹերունին , զակատեալ ՚ի սէր : Երկնչէր ՚ի կրչտամբանացն , զորս առաջի կայր նմա ընդունել ՚ի ծերունւոյն . և առաւել ևս՝ թէ գուցէ չգտանիցէ զնա կենդանի , և սսէր ընդ միտս . Բնաղ , եթէ չէր իմ մեկնեալ ՚ի նմանէ , մարթէր ինձ թերևս յերկարել զաւուրս նորա , և կամ գէթ աիտիել զվիշտս նորա . պարտ էր ինձ ածել ծերութեան նորա զինամն , զոր նա էած մանկութեան իմում . ապերախտ գտայ , և խիղճս այս դառնացուսցէ զկեանս իմ , և ոչ կարասցեն ամե-

նայն փառք սփոփել զիս յայնմանն է : Ո՛հ , զի՛նչ օգտեսցեն մեզ գովութիւնք տիեզերաց , եթէ սիրտք մեր ստգտանիցեն զմեզ :

Եւ զայսոսիկ Վրամայ 'ի մտի իւրում յեղյեղելով , անց ընդ Սաբսէոյեան դաշտս . և վաղ ընդփոյթ թողեալ զՏեո իւր զցանկալին Տիբուր , զՋրվէժն Վշիհնի , և զանտառն Նրետոնի , նշմարէր զմայրիան դիցանուէրս և զգմբէթ մեհենին . Բաբէ , քանի տխուրք 'ի նմա և քաղցր ներգործէին կիրք 'ի տեսիլն յայն . որպէս գորովեր սիրտ նորա 'ի տեսիլ վայրաց ծննդեան իւրոյ : Եւ Նհզօրագոյնք ևս քան զայնոսիկ ձգէին զնա իղձք . ճեպեալ եհաս 'ի տուն քրմապետին , խընդրէր հարցանէր , և գտանէր զնա 'ի մահիճս ցաւոց՝ շուրջ պատեալ 'ի քրմաց և յաղքատաց :

Հայն տեսիլ կական բարձեալ Վրամայ , դիմեաց անկաւ 'ի ծունկս , կալաւ զաջոյ ծերունւոյն , և համբուրէր զայն ստեպ արտասուօք : Եւ ձգեալ ծերունին իբրև 'ի վեր էառ զարտեանունն խոնարհեալ , և ետես և ծանեաւ զՎրամա , անդէն նշոյլ ինչ գերաշխարհիկ էջ 'ի ճակատ նորա , աչք նորա կենդանացան , և դէմք զուարթացան , և գոչեաց . Որդեակ իմ , սիրեցեալ որդեակ , լսելի ուրեմն եղեն դից աղաչանք իմ , և տեսանեմ զքեզ վերստին : Եւ 'կ 'ի գիրկս իմ , եկ փութա . գուցէ մեռանիցիմ 'ի խնդութենէս մինչև զքեզ ողջագուրեալ : Եւ զայս ասացեալ , բուռն արար անձին՝ յառնել բազմել յանկողնի .

և զգողդ՞ թաղուկս իւր կարկառեալ առ նա , գիրկս էարկ փարեցաւ զնովաւ , և ոչ ևս կարէր բարբառել , և ոչ թողուլ զնա 'ի գրկացն : Իսկ պատանին թացեալ արտասուօք զսպիտակափառ և զերկայնահեր մորուսս ծերունւոյն , հեկեկանօք և եթ պատասխանէր նմա :

Յոյզք ներգործեալք 'ի Տուլլոս սպառեցին զգորութիւն նորա , անկաւ անշարժ և կիսամեռ , այլ կալեալ միշտ զձեռանէ 'լումայ : Փութային շուրջանակի 'ի սպաս ծերունւոյն . իսկ նա 'ի ձայնէ որդւոյն ոգի առեալ՝ եբաց զչա իւր , և լուծան կապանք լեզուի նորա , և հրամայեաց ամենեցուն ելանել 'ի բաց , և թողուլ առանձին զորդի իւր : Յայնժամ վերստին գիրկս արկեալ նոնա , ասէ . Վարձար ուրեմն առ իա որդեակ . բարձցեն զիս այսուհետև դիք 'ի կենաց , և անգութ Վարկայն հատցէ զնարօտ կենաց իմաց . տեսի զքեզ , և մեռանիմ գոհ : Եթէ էր ինձ այլ ևս կեալ ընդ քեզ , բողոք ինչ ունէի զքէն . այլ ժամք սակաւք՝ որ մնան ինձ՝ չբաւեն 'ի գութ գորովոյ . զայսմանէ և եթ և զքէն կամիմ խօսել : Վատմեա ինձ , որդեակ իմ , պատմեա որ ինչ գործեցերն . անշուշտ օգնական եղև քեզ բախտ , զի դու ոչ կարօտացար զրել ինձ զվիշտս քօ . ասա ինձ զամենայն յաջողութիւնս քօ , զի 'ի լուր այդոցիկ զկայ առցէ հոգի իմ երկնաչառ , և կամ գէթ քաղցրացի ինձ մահ , եթէ վերջինք յունին իմ հնչեցեալ բարբառք հաւաստի ինձ արատցեն՝ զի թողում զքեզ բարեբաատ :

յոր ինչ՝ ի տարիանաց անտի մղեալ՝ եղև ձեռն-
երէց : Աշխարտութիւն անկեղծիկ փայլէր ՚ի
խօսս նորա . և մեղապարտ զանձն խոստովանէր
պատանին , զի անլուր գտաւ խրատուց քրմապե-
տին՝ Թողեալ զՏատիոս . և ոչ հնարէր անբա-
սիր առնել զանձն , ՚ի մեռացօնս արկեալ զքա-
ջութիւնս իւր :

Ի լուր բանիցն ոչ ևս զգայր Տուլլոս զազէտս
իւր . գորով հայրագութ դուլ առնէր ցաւոց նորա :
Եւ լի լսել զի ՚ի բոց սիրոցն Հերսիլեայ առջօրէր
սիրտ պատանւոցն , ամբարձ զաչս իւր յերկինս ՚ի
վեր , և գոչեաց . Ս՛վ սէր անողորմ , ոչ ինչ զան-
խուլ են , յինէն հարուածք քոյին . դու զառաքինի
պատանին վառես ՚ի տենչ դատեր ամպարիչտ
Թագաւորին , որ խուժարուժ անիրաւութեամբ
հարկեցոյց զմեզ ՚ի դաշնակցութիւն իւր , որ ա-
նուամբ դիցն ձգեաց զմեզ ՚ի ծուղակ՝ զառածեալ
զՍարգիստ ՚ի նախատինս և յազէտս : Արդեակ
իմ սիրելի , յորպիսեանց տեսանեմ զքեզ շուրջ
պատեալ ՚ի վտանգաց . դու ՚ի ծայր բարեբա-
տութեան համարիս հասեալ , զի հռոմուլոս
խոստանայ քեզ զդուստր իւր . այլ ես ողբամ
զահագին չարինս , զոր հարսանիքդ պատրաստեն :
Ինչ փեսայանալ քո հռոմուլեայ՝ մերկացիս
զսէր սարինացւոց , և Տատիոսի իսկ լիցիս կաս-
կածելի , գուցէ և Թնամի իսկ նմա : Ս՛ի կար-
ծեր Թէ միաբանութիւն երկոցունց Թագաւո-
րացն տւենոցէ ՚ի տարա . հեռ ՚ի խորս սրտի նոցա

բունեալ կայ . կայծ մի փոքրիկ լուցցէ հրդեհ 'ի նոսա , և հարկ լիցի քեզ յայնժամ ընտրել ընդ աներ , և ընդ ազգական մտերիմ հօր քօ . ընդ բնիկ տէր քօ արդարագոյն 'ի Թագաւորս և առաքինագոյն 'ի մարդիկ , և ընդ աւագակապետ՝ որ ոչ գիտէ այլ օրէնս քան զբռնութիւն , ոչ առաքինութիւն այլ՝ քան զքաջութիւն , և որոյ նախկին քաջութիւն եղև սրախողխող զեղբայր իւր առնել , և որ արեամբն Պոմպիլեայ կռեաց դաշն ընդ սաբինացիս : . . . Պու հեծես . այլ այդպիսում ումեք հանդերձիս ահա հայրակոչ լի նել : Վիք անմահք , զչարագոյժ գուշակութիւնս իմ հանէք 'ի դերև , կամ խլեցէք 'ի սրտէ անմեղիդ զնետոն չարութոյն՝ որ եղծանէ 'ի դմա զամենայն առաքինութիւն և զկրօնս և զսրբազան սէր հայրենեաց :

Եւ մինչ զայստակ խօսէր ծերունին , Մումայ զաչս 'ի վայր արկեալ՝ չիշխէր պատասխանել . անուն և եթ Պոմպիլեայ կարկեցոյց զնա : Վթացաւ Տուլլոս ընդ վիշտս նորա , երկնչէր կարի իմն վշտացուցանել զնա խիտտ ազդարարութեամբքն . և գաղարեցուցեալ զգառն զրոյցան յամեցոյց զայլ ևս խրատոմն՝ զորս կամէրն տալ : Ըյսպէս համբակ Մսկիլեպեայ բաժանէ զքեզ փրկաւէտ , այլ սաստիկ , յոր տկար հիւանդին հաստատեալ է առողջութիւն :

Ըյնուհետև Մումայ յանձն էառ միայնակ զամենայն զհոգս ծերունւոյն . զտիւ և զգիշեր

կայր առ նմա, յուսալով միշտ զբժշկութիւն նորա և երկնչելով ընդ մահ. դիտէր զամենայն զվայրկեանս նորա, և կրէր ընդ նմա զամենայն զցաւս: Սայր գորովագութ կալով առ մահիչն մահաւ որդւոյն, ոչ աւելի ինչ սէր և խնամս և հաւ բերութիւն յանձին բերէ քան զոր նայն բերէր: Նա ինքն զարթուցումն դեղոց մատուցանէր Տուլլոսի, նա ինքն ամենայն բանից նորա առնէր պատասխանի. ողբայր զնա և խրախուսէր, և թագուցանէր զողբս իւր՝ զուարթ նմա ցուցանելով դէմն, և վեր ՚ի վերոյ բերելով յանձին խնդութիւն և յոյս: Օպարտոս բարեկամի և որդւոց և ծառայի միանգամայն կատարէր, բաւական առ ամենայն. և յաղթականին Վանդեայ ոչ այնպէս քաղցր և բերկրալի էր յաղթանակն, որպէս սպասն՝ զոր բարերարին իւրում մատուցանէր:

(Ճր ըստ օրէ զայրանայր ախան, և մերձենայր օրհաս Տուլլոսի. այլ ոչ ինչ արհաւիրս ազգէր ՚ի նա ժամն այն, զի արգոյ ծերունոյն կեցեալ էր հանապազ առ ՚ի մեռանել: Յամենայն ՚ի կեանս իւր պատրաստ էր նա երևել յատենի ահաւոր դատաւորին. ամենայն աւուրջ նորա համանմանք լեալ էին միմեանց. և վայրկեանն՝ որ զբաւ առնէր աղիտից նորա, սկիզբն էր վարձուցն:

Ու այլ ինչ հողայր նա բաց ՚ի Նոււնայ. հրամայեաց անդրէն ամենայն մերձակայիցն ՚ի բաց

ելանել, և կալեալ զձեռանէ նորա գգուելով, ասէ ցնա . Արդեակ իմ, ահա մեռանիմ ես . խղ նաւք, զոր ցուցեր առ իս, առաւելան քան զպարտըս քո . ես քեզ արգ գտանիմ շնորհասպարտ, և քաղցր է ինձ տանել ընդ իս 'ի գերեզման զպարտս զայս : } Ետ սուղ ինչ ժամու ոչ ևս կարօտացայց ես՝ Արամայ, այլ Արամա թերևս ընդ հուպ կարօտասցի Տուլլեայ : Արդեակ իմ, քանի դառնացուցանէ ինձ զհոհ խորհուրդս այս : } Եր քոյին ընդ Ներսիլեայ ըսու զյետին վայրկեանս կենաց իմոց դառնութեամբ և արհաւրօք . զառածեալ է սիրտ քո, վստահ լեր ընդ այս . մղեալ 'ի հարկէ սիրոյ, զակատեալ է զհետ նախընծայ հրապարանաց, սուղ ինչ վայրկենի արբեցութեան գործելով 'ի նմա երկարայաւէտ զառանցանս :

Արամա, կրկնակ 'ի կենցաղումս է սէր, բարեբաստութեան և թշուառութեան առիթ : } Ին յաճախագոյն և սաստկագոյն, թերևս այն իակ՝ որ զքեզդ հաշէ, տիրէ 'ի զգայարանս և եթ, ծնանի և կեայ 'ի նոսա : } Ա բնակէ 'ի օրտի մերում, այլ գնայ ընդ երահունս . ոչ ամբաստայ զհոգի մեր, այլ ընկձէ ցնա . ոչ խնդրէ զյարգ, այլ վայելս և եթ : } Այս սէր արհամարհ չունի ինչ ընդ հոգւոյս մերում, և համարի զբարեբաստութիւնս յիւրմէ : } Այ դարէս, որդեակ իմ . դիք ոչ առ այլ ինչ ետուն նմա զիշխանութիւնդ 'ի վերայ մարդկան, բայց առ 'ի խոնարհել զամբարտաւանութիւնս նոցա :

Ս'իւան սէր , պարզեւ երկնաձիր , ծնանի 'ի յարգէ և կեայ նովաւ . ոչ է նա ինչ 'ի կրից , այլ առաքինութիւն . չեն 'ի նմա մոլեգին բերմունք , այլ զգացումն և եթ գորովական : Հանգչի 'ի հոգւոջ , վառէ զայն անծախ , լուսաւորէ անկէզ , և զյատուկն և եթ մատուցանէ նմա զճարակ՝ զիզձս հասանելոյ յամենայն առաքինութիւնս : Ի ներկրութիւնք նորա առ հասարակ ամբիժք են , և վիշտք իսկ հաճոյականք . շուրջ պար առեալ 'ի գառն վշտակրութեանց , վայելէ 'ի քաղցր խաղաղութեան . և այս և եթ խաղաղութիւն կացուցանէ զնա երանաւէտ : Դու զփորձ առցես որդեակ իմ , դու խեղամուտ լիցիս , զի աւագութիւնք և գանձք և փառք իսկ ոչ հաւասարեն խաղաղութեանս այսմիկ՝ զոր անակն զութիւն և եթ մատուցանէ . ծերութիւն , որ եղծանէ զամենայն , գողցես իմն յաճախէ զքաղցրութիւն նորա :

Ի նեզ արդ անկ է , որդեակ իմ , գատաստան առնել՝ որում յերկոցունց աստի սիրելութեանց նման իցէ քոյդ : Եւր , Երման , հօր քում սիրելոյ՝ որում ոչ առ այլ ինչ վշտալի է մահ , բայց զի ոչ ևս կարէ հսկել բարեկէնդանութեան քում . դու ոչ երբէք հասցես այնմ , ցորչափ ոչ իշխես անձին , և ցորչափ ոչ տիրես իշխանաբար 'ի վերայ կրից քոց : Օ ցոյշ լեր , մի անհնարին զիշխանութիւնդ զայդ համարիցիս տկարութեանս մերում . Էջ որդեակ իմ 'ի խորս

արտի քո , և գտցես միշտ անդ առաքինութիւն ինչ կազմ՝ և պատրաստ առ 'ի մարտ ընդդէմ աստի՛ն՝ որ հրապուրէ զքեզ : Աթէ գեղ վառէ զգգայութիւնս քո , խոհականութիւն զօրավիգն է քեզ . եթէ կիրք դժնդակք պարտասեն զքեզ , արիութիւն խրախուսէ . եթէ անիրաւութիւն զրգուէ զքեզ յապատամբութիւն , սէր բարեկարգութեան յորդորէ 'ի հնազանդութիւն . եթէ թշուառութիւն ընկձէ զքեզ , համբերութիւն հասանէ քեզ 'ի թիկունս : Այսպէս յամենայն անձկութիւնս հոգւոյ պատրաստեն քեզ երկինք սիրտումն և պատսպարան : Յօգուտ ուրեմն 'ի կիր ակն զնպաստս արարչին . և զգոյշ լեր չհամարել զանձն տկար , որով իրաւունս քեզ պահել հնարիս յանկումն :

Այլ ահա հասանէ առ իս մահ , նուաղի տակաւ բարբառ իմ : Ազաչեմ զքեզ , սիրեցեալ որդեակ . հեղձո 'ի քեզ զչարաշուք սէրդ , որ թըշուառ յաւերժ զքեզ կացուցանիցէ : Օ մի ինչ մնայ ինձ յաւերժութեզ . դու ինքնին գիտես , զի սէրդ այդ հազիւ խանձեալ 'ի քեզ , 'ի մոռացօնս ետ արկանել զՏուլլոս . և ո՞ կարիցէ երաշխաւորել , զի նոյն և զառաքինութիւն չտացէ քեզ ապախտ առնել , մինչ գու զիս հաւատար նմին սիրէիր :

Օ այստսիկ 'ի շունչ վախճանին բարբառելով ծերունոյն՝ մեռանէր 'ի գիրկս՝ Վրումայ , 'ի մահուն իսկ անդ զհայրենի գութ իւր յայտ առնէ .

լով, առ նա զվերջին հեծութիւնն ուղերձեալ : Բայց թէպէտ և ոչ ինչ յեղակարծ էր մահ նորա, փոքր միւս ևս մահառիթ լինէր պոմպիլիւնան զաւակին : Հարկ եղև կորզել բաժանել զնա 'ի մարմնոյ քրմապետին, և խնամ ունել նմա զի մի 'ի յուսահատութենէն ընկձեսցի : Բայց թէպէտ և պարտասեալ 'ի տքնութենէ և 'ի տրտմութենէ, թէպէտ և ողողեալ աչք նորա յարտասուաց, և ոչ ինչ ամենեւին առեալ կերակուր, կամեցաւ իւրովի ածել զգիական բարերարին իւրոյ 'ի փայտակոյտ անդր . և երթայր առ ռաջի քրմացն և սաբինացոց առ հասարակ, գու նատեալ հիւծեալ արտասուալից բարձեալ ըզբեռնն ցանկալի : Օ ետեղեալ ապա զայն 'ի փայտակուտին, և պշուցեալ 'ի նա ձիգ, գիրկս նմա աղկանէր ստէպ, և ոչ կարէր բաժանել 'ի նմանէ, և ողբայր զնա այսպէս .

Ո՛ հայր իմ, ոչ ևս ապա տեսից զքեզ, ոչ ևս լիցի ինձ տեսանել զքեզ 'ի սպառ . ոչ ևս շրթութունքդ այդոքիկ զսէր քո ինձ յայտ ադասցեն, և ոչ աչքդ այդոքիկ բացցին՝ հայել յիս գորովանոք : Ո՛վ դիք, որ վաղու ևս թողիք զիս որք 'ի ծնողաց, ընդէր միւսանգամ զնոյն զգառն աղէտս ածէք 'ի վերայ իմ : Ե՛յո այո, կորուսանեմ այսօր իսկ զՊոմպիլիոս և զՊոմպիլիա 'ի դաստիարակ իմ և 'ի բարերար . և ամենայն նպաստք, զորս երկինք չնորհեն մարդկան առ 'ի քաջալերել զնոսա և 'ի մխիթարել, բառնան յինէն առ

Հասարակ ընդ Տուլլեայ : Թափուր է ինձ այսուհետև երկիր , զի ոչ ևս գտանեմ 'ի նմա զՏուլլոս : Այնչաք եկայք , ողբակից լերուք ինձ աղքատք և թշուառք , որ որբք հանգոյն ինձ մնայք . աղէտք նմանավիշտք եղբարս զմեզ կացուցանեն . եկայք , եկայք համբուրել զբարուոյ հօրն , զոր կորուսաք , զցուրտ և զանկենդան նշխարս :

Աւ ահա մատեաւ յառաջ աղքատանին , և սաբինացիք առ հասարակ ճիչ բարձին կակահաւորք : Այ ևս իմանալի լինէին բարբառք , այլ հնչին խառնաձայն լսելի լինէր և խոր հեծութիւն . և յաճախէր կոծն 'ի բոցածաւալ ամբառնալ հրդեհին : 'Արամա բռնի իմն 'ի խարոյկ անդր մղեալ՝ բառնալ զգիակնն , արգելաւ 'ի մերձակայից անտի . և ծախեաց անդէն հրդեհն զգին անկենդան զարդարագունին 'ի մարդիկ : Յայնժամ խոր լուծիւն փոխանակեաց զկոծ կականաւոր . սաբինացիք , քուրմք , և 'Արամա ինքնին , տխուր աչօք նկատէին զաճիւնն զմիայն մնացուած այնորիկ՝ զոր ողբայինն . և ամենքին իսկ վշտագին անմռունչ 'ի մոխիր անդր առնն բարելաւի կային անկառոյցք :

Ը իջուցին ապա գինեաւ զկայծակունտ խառակին , և ժողովեալ զաճիւնն ամիրտիեցին 'ի սափոր . և էած զայն 'Արամա 'ի շիրիմ՝ անդր ստորերկրեայ՝ ուր մայրենին հանգչէր սափոր , և ասէ . Այցջիք 'ի միասին աճիւնք պաշտելիք ինձ , լերուք անմեկինք և յետ մահու , որպէս .

'ի կեանս անդ հողիք ձեր կենդանարարք : Իցէ թէ հողիքն այնպիսի ամբիժք և երանաւէտք ինդակիցք իրերաց լիցին 'ի դաշտս ելիւսեան, եթէ ոչ ընդ առաքինութիւն որդւոյ իւրեանց, գէթ ընդ կրօնս և ընդ գութ որդիական : Յայնժամ հատեալ զխարտեշագեղ զգէսս վար սից իւրոց՝ նուիրեաց ստուերացն Տուլլեայ, և խաշինս տասնեակ սեաւս եզեն Արեբեայ, զոհինս այնուիկ աղիողորմ յուղարկաւորութեանն արարեալ վախճան :

Եւ կատարեալ զտխրագին սրբոս իւր, դաւնայր՝ Արամս 'ի բանակ անդր՝ մտախոհ 'ի խրատս Տուլլոսի : Թէպէտ և հաւանէր 'ի մտի ընդ ճմարտութիւն խրատուցն, ընդ վտանգս՝ յորս եթպար անկանել, ընդ վիշտն՝ զոր պատրաստէր Տաթիոսի և ժողովրդեանն նորա, թէպէտ և սակայր յաժել զմտաւ զի գնայր փեսայանալ այնմ՝ որ մահառիթ ծնողացն լեալ էր իւրոց, սակայն պատկեր հերսիլեայ, կասկած տեսանելոց զնա 'ի գիրկս նախանձորդի, ամենայն զուանցանք սիրոյ և ամենայն տուայտանք նախանձու, գումարէին 'ի մարտ ընդդէմ կրօնից նորա և բանին : Հառաչէր 'ի ստունգանել յետինս խրատուց ծերունւոյն . աղաչէր ողբագին զստուերս նորա՝ ներել տկարութեան իւրում . զի և յետ մահուն Տուլլոսի համարէր զստուերս նորա առննթերակաց իւր հանապազ, և տեսող ամենայն գործոց իւրոց և գաղտնածա-

ծուկ խորհրդոց . և այս երկիւղ փրկուէտ՝ յաւել՝ի նմա նորանոր առաքինութիւնս :

Մտնա յուսայր գտանել զբանակն յեզերս սահմանացն հերնիացոց . այլ գիտաց ՚ի Տրեբիա զի Հռոմուլոս կիսով բանակին երթեալ էր առնուլ յարձակումք զՊրենեստ , և Հերսիլիա մնացորդօք զօրացն խաղայր ընդդէմ արքային հերնիացոց : Վանգի չտալ նորա անցս հոովմայեցոց ընդ երկիր իւր ՚ի խաղալ նոցա ընդդէմ Սարսից , թուէին թշնամանք անողութլոյն Հռոմուլեայ , և պատուէր տուեալ էր զստերն առնուլ ՚ի նոցանէ վրէժ ահագին . և իշխանուհին անողորմ լինէր ինքնայորդոր դահիճ հայրենի հրահանացն :

Ինչպէս վտանգ զարշաւանսն Հերսիլեայ համարէր Մտնա . և տենչացեալ լինել առ սիրուհւոյն , ձեպէր զտիւ և զգիշեր՝ հասանել առ նա վաղադոյն : Եւ , աւանդ քանի ստեղծմն և քանի վիշտ եղև նմա ՚ի մտանելն յերկիր հերնիացոց , յորժամ տեսանէր զշաւիղս Հերսիլեայ կնքեալ յաւերանաց և յաղիտից : Հուր և սուր ՚ի ձեռին հալածեալ էր նորա զթշնամիտն տկարս փախստեայս յերեսաց իւրոց . հունձք խոնարհեալ կային ընդ երկիր , սմբակակոխք առաթուր ձիոց . ծառք հատեալք , և կռձեղք և եթ նոցին մարդաչափ մնացեալ , որոց ուղէչք պտղալիցք համապիւռ ընդ երկիր՝ վկայէին զարգասաւորութիւնս նոցա : Վիւղք այրեացաւերք՝

դեռ ևս ծխէին յաճին դարձեալք , և բնա-
կիչք նոցին բազմատողխող երկաթոյն լեալ ճա-
րակ : Մնկեալ զնէր դիտապաստ մշակ առ խոր
տակեալ արօրոջն . 'ի գիրկս կողոպտեալ և հա-
րուածեալ մօրն կայր մանուկ մեռեալ . սրախող
խող տարածեալ կայր փեսայ առ հարսին , և
բազուկք նոցա արիւնաթաթաւք և կարկամեալք
աջակից միմեանց կային միային : Վնային կորն
չէին ճակաղիք արեան 'ի մոխրակոյտս . և ան-
գեղք սովալլուկք , որ միայն յամայացեալ վայրս
անդ մնային շնչաւորք , կռիչ բարձեալ յափրչ
տակէին 'ի միմեանց զընծայս Հերսիլեայ սո-
կալիս :

Ի տեսիլ ազիտիցն գոչեաց Վրուսն . Վիք ան-
մահք , այսպիսով ուրեմն հարսին առաջի կայինձ
լինել փեսայ . այսոքիկ ուրեմն իցեն հանդէսք
հարսանեացս : Իցէ իսկ հնար , Հերսիլիս , զի
զայսպիսիս գործեալ իցէ քս արհաւիրս : Թե-
պէտ և Հռոմուլեայ զայնոսիկ վճռեալ , պարտ
էր ինչ դատերն զայնոցիկ յանձն առնուլ զկա-
տարուսն : Ո՛հ , եթէ մեծարել ինչ պարտ իցէ
զհայր և զթագաւոր , տակայն առաւել ևս
զպատշաճն անձին և զմարդասիրութիւն . պարտ
իսկ է զմահ յանձն առնուլ , քան հնազանդել
թագաւորի որ եղեոն հրամայիցէ : Մնձ՝ որ
գայի պաշտպանել զնա , ինձ՝ որ յօգնութիւն
նմին դիմեալ գայի , հարկ լինի արդ գնալ ընդ
նախձիրս գործեցեալս 'ի նմանէ , և կոխել զեր-

կիր օղողեալ յարենէ՝ զոր նայն ճապաղեաց :
 Լ'նիծապարտ իրաւունք մարտի , զայստօնի ու-
 րեմն ոճիրս առնես դու օրինաւորս . այստքինկ
 ուրեմն իցեն արգասիք իմոցս քաջութեանց , և
 հետեւանք փառացն՝ վասն որոյ թողի զամենայն :
 Լ'էւոյ , մոռացայ զՏուլլոս , քի զՏատիոս , այսպի-
 սեաց գոլ ընկեր արիւնախանձ վագերց . հաւասար
 րել կատաղութեան նոցա 'ի մարտի , և համարիլ
 դիւցազն : Երեւա ինձ , Տուլլոս , զոճիրս զայս
 ահագին . գարչիմ մերժիմ 'ի սմանէ մինչև 'ի
 սպառ : Երեւազն ճմարիտ վերամարտիկ հայ-
 րենեացն է ընդդէմ թշնամեաց . իսկ թագաւոր ,
 իսկ զօրական , որ շիթ մի հեղու արեան՝ յոր
 մարթէր ինայել , գազան է վայրենի . զոր գո-
 վեն մարդիկ , առ 'ի չկարելոյ արգելուլ զնա 'ի
 գառազդի :

Յայնժամ՝ Երեւա 'ի բաց եկաց յազիողորմ
 տեսարանէն , և հրաժարեաց 'ի հետոց Հերսի-
 լեայ , զի մի այլ ևս ամաչեսցէ ընդ գնացս սի-
 րուհւոյն : Եւ յետս դարձեալ , ել 'ի սահմա-
 նացն հերնիացոյ . և տխուր կորակոր ընդ պա-
 տերազմողն գոլ , դառնայր 'ի հոռիմ՝ ուր վաղ
 իսկ բանակն ամենայն ժամանեալ էր : Եւ 'ի
 հասանել անդր՝ Երեւայ , հոռուլոս գոհութիւն
 'ի յապիտոյն մատուցանէր դից՝ վասն ամենայն
 չարեացն գործեցելոց ընդ մարդիկ , անմահիցն
 գործակցութեամբ ամբառնալ զանգթութիւնս
 իւր յազնուականութիւն :

Չորաւ և՛ Վրումն 'ի Ապախտոլ, ուր Տատիոս
 հանդերձ դատերբն և սաբինացուլք առննթեր
 կայր զոհին . և ել անդր : Վյն ինչ բարեգուլթ
 արքայն ետես զնա 'ի հեռուստ , աճապարեաց ըստ
 ներել տիոցն ընդ առաջ նորա , և գիրկս էարկ պու՛
 պիլեան զաւակին : Վրտասուէր ծերունին 'ի խըն
 դուլթենէ 'ի տեսանենն զնա վերստին . և ապա ար
 տասուեաց 'ի տրտմուլթենէ 'ի լսեն զմահ Տուլ
 լոսի , և ասէ . Ս'վ թշուառ ծերուլթիւն . հարկ
 ուրեմն է յերկարակեաց քան զսիրելիս լինել :
 Վրումն , չիք որ ինձ այսուհետև յաշխարհի բաց 'ի
 քէն և 'ի դատերէ իմմէ . ամենայն իղձք սրտի իմոյ
 ամփոփին յերկոսին 'ի ձեզ , և յոյս բարեբաստիկ
 է ինձ զբաւելոյ զկեանս իմ'նախ քան զձեզ :

Եւ զայս ասացեալ՝ կալաւ զձեռանէ դատերն ,
 և ընդ՝ Վրումայն կցորդեալ զայն՝ պնդէր 'ի սիրտ
 իւր : (Երիորդին կարմրէին այսք , և դողդոջէր
 ձեռն նորա 'ի հպել յաջ Վրումայ . և խոնար
 հեալ զաչս իւր , չիշխէր հայել 'ի դիւցազնն : Վայց
 Վրումն ինդրէր աչօքն զհերսիլիս . և իբրև ե
 տես զնա 'ի հեռուստ առննթեր հռոմուլեայ ,
 արծարծեցաւ 'ի նմա սէր , և բորբոքեալ եղծ 'ի
 միում վայրկենի զամենայն արգասիս խրատուցն
 Տուլլոսի : Ղեպեալ Վրումայ՝ մատոյց բարւոյ ար
 քային գգրկախառն համբոյր . և 'ի բաց խու
 սեալ 'ի գրկաց նորա , և վեր 'ի վերոյ զգուսար
 նորա ողջունեալ , փութայր հասանել առ հռ
 մուլոս : հռոմուլոս գիրկս էարկ նմա . և յան

դիմանն կացուցեալ զնա ժողովրդեանն , հրամայեաց լռել , և ասէ .

Հռովմայեցիք , տեսէք դուք զիս յաղթանակաւ դարձեալ 'ի Հռովմ . այլ Մրումայի անկ էր յաղթանակել ընդ իմ , նմին իսկ շնորհապարտեմ վասն յաղթութեանս : Ընդ ահա փոխարէն նմա տամ զայն՝ որում թագաւորք բազումք 'ի զուր ցանկացան , զայն՝ որ դիւցազանց բազմաց չէառ յանձն հարմանալ , զգուստր իմ :

Յայնժամ հռովմայեցիք զաղաղակ խնդութեան հարին , իսկ սաբինացիք կային 'ի տխուր լռութեան . Տատիոս եկաց մնաց անշարժ , որպէս որ զի տեսանիցէ զչանթ յերկնէ առ ոտս իւր անկեալ . Տատիա այլագունեալ , առ հօր իւրում ամփոփէր . Հերսիլիա ետես զայն , և պշնոյր 'ի նա ընդ ակամբ : Իսկ Մրումա շուռագունեալ , զտագնապեալ աչս իւր մերթ 'ի Տատիա ածէր , մերթ 'ի Հերսիլիա , էր զի 'ի սաբինացիս , և էր զի 'ի Տատիոս : Հռոմուլեայ անխուով յառաջ ածեալ զբանս իւր , ասէ . Ըն վաղիւ կատարեսցին մեծափառ հարսանիքն զբազնաւ , որ բարձեալ կրէ զկողոպուտ Խտալիոյ . և 'ի տասնօրեայ հանդէս խաղուց տօնախմբեսցին հարսանիքն :

Ի լուր խաղուցն սաբինացիք հայէին ընդ միմեանս՝ զյօնս 'ի վայր արկեալ . Տատիոս զաչս 'ի վեր յերկինս ամբառնայր , իսկ Մրումա գլխակոր զերկիր նշմարէր :

Յաւել ապա Հռոմուլոս . Հռովմայեցիք , հա-

տուցենալ զգարտու շնորհակալեաց, դարձեալ պա-
րտապէնցայց յօգուտ ձեր : Այլայ զերկիր Մարտի-
կաց . այլ գաւառն այն ոչ լիցի ձեզ 'ի շահ ցորչափ
'ի Այլ կաց է անջրպետեալ . միակ հնար առնելոյ
զայն շահաւէտ ' է նուաճել զԱյլ ոլորիկս : Տասն
այլ ևս աւուրք , և գիմեցից 'ի վերայ նոցա . առ
'ի մարտ ծնեալ էք դուք , ո՛հ հուովմայեցիք . և
ոչ է հնար ձեզ մեծանալ , և ոչ աննուազելի ու-
նել զմեծութիւնդ ձեր , բայց միայն զինուք :
Իյաղաղութիւն քան զամենայն պատիժս պա-
տուհասից լիցի ձեզ դժուարեացոյն . մեղկասցի
նովաւ արիութիւն ձեր , և տկարասցին բազուկք
ձեր անպարտելիք : () մտաւ ածէք քանի հզօ-
րագոյնք քան զամենայն ազգս գտանիցիք , եթէ
ոչ թողեալ երբէք զգէնա , և ևս քան զևս կրք-
թեալ 'ի դժուարին արուեստ դիւցազանց , յար-
ձակիցիք 'ի թշնամիս կնատեալս ընդ երկար խա-
ղաղութեամբ . զի եթէ հաւասարք իսկ իցեն
ձեզ արիութեամբ , որ յանհնարիցն է , սակայն
չխորանցեն զօրութիւն և փորձ հաւասար հա-
նել ընդդէմ ձեր 'ի ճակատ : Այլնչև ոտխըն
տկարք կրթեսցին 'ի պատերազմ ընդդէմ ձեր ,
մինչև ուսցին 'ի ձէնջ զարուեստն ահագին՝ յո-
րում դուք հմուտք էք , պարտեալ նուաճեսցին :
Այսպէս յամենայն ազգս Իտալիոյ յարձակեալք
մի ըստ միոջէ , և բաժանեալ զնոսա՝ առ 'ի դիւ-
րագոյնս նուաճելոյ , դաշնակցեալ ընդ տկա-
րագոյնս , և յետ արկանելոյ զդաշնակցութիւն

նոցա յօգուտ՝ ընկճեալ գնոսա, հասջիբ 'ի սուղ
 ժամանակի 'ի տիեզերակալութիւն՝ զոր խոստա
 ցաւ Լ'ըամազդ հօովմայ : Լ'մենայն հնարք օրի
 նաւորք են առ 'ի ըսուլ զկամս դից . և յաղթու
 թիւն արդարացուցանէ զամենայն ճարտարու
 թիւնս՝ որ հայթայթ են զայն : Լ'պատերազմ և և թ
 խորհեցարուք, ս' հօովմայեցիք . պատերազմ լիցի
 ձեր միակ գիտութիւն, նոյն և միակ պարապումն :
 Լ'ձողէք, թողէք անդր այլոց ազգաց մշակել զերկիր
 ապաշնորհ՝ զոր քրտամբք իւրեանց ուողեն . թու
 ղէք նոցա զինամս գանձուց, զորս նոքա վաճառա
 շահութեամբ և ճարտարութեամբ և ամենայն
 նորանոր հնարիւք զեղիտութեան մթերեն . հըն
 ձեսջիբ դուք զցորեան սերմանեալ 'ի նոցունց,
 վասնեսջիբ զգանձս մթերեալս 'ի նոցունց : Լ'ոցա,
 զի ծնունդք են երկրի, անկ է դարմանել զայն .
 իսկ ձեզ, զի որդիք էք Լ'ըիսի, յաղթութիւն
 և և թ լիցի արուեստ : Պատերազմ անհաշտ, ս'
 հօովմայեցիք, ընդդէմ անհնազանդից . աշխարհ
 ամենայն ձեզ տուեալ է 'ի ժառանգութիւն, և
 որք գրաւեն զմասն ինչ նորին, յախշտակողք են
 ընչից ձերոց . մի դադարէք յազնուական ձգանց
 ժառանգելոյ որ ինչ ձեզ է անկ :

Լ'ս 'ի բարբառել հօովմայ զայսոսիկ՝ ծափս
 հարկանէր բանակն, այլ ժողովուրդն քրթ մըն
 ջէր . և գնայր հծծիւն ընդ ժողովն, հանգոյն
 բզզելոյ մեղուաց՝ որ տեղի տան 'ի ծերպէ վիմի
 'ի կապտել մշակի զմեղր նոցա :

Տատիս վայրիկ մի յինքն ամփոփեալ, հայեցաւ աղիտողրմ աչօք 'ի ժողովուրդն . և յոտին կացեալ 'ի բեմին՝ յոր բազմէր դէմ յանդիմանն Հռոմուլեայ, 'ի վեր էառ զգաւազանն ոսկի առ 'ի նշանակ ժողովրդեանն յունկնդրութիւն : Արեւ պարան նորա պատկառելի, սպիտակավարսիւքն ծաղկեալ, մարդասիրութիւն և հեզուլթիւն նկարեալ յաչս նորա, ազդէին անսաճութիւն սուրբ յամենեսին : Հռոմուլոս խոսովեալ և զարմացեալ՝ աննարկէր 'ի նա դժնէ-հայեաց . յօնք նորա սեաւք կցէին ընդ իրեարս, և ցասումն 'ի դէմն նորա երևէր, որպէս յորժամ 'ի ժողով դից ահաւորն Մարամազդ աննարկէ 'ի Առնոս 'ի հակառակել նորա հրամանաց իւրոց :

Աստեղ կալաւ Տատիս մարդասէր արքայն, և ստէ . Գահակից իմ և իշխանակից, արքայդ հռովմայ . չիք դք 'ի հռովմայեցիս՝ որ առաւել քան զիս զարմասցի ընդ քաջութիւն քոյին, ընդ հանձար պատերազմական, և ընդ սէր փառաց : Ի ներկրիմ ընդ յաղթանակս քոյին ոչ ինչ նուազ քան զբեզ, և քաղցր է ինձ ածել զմրտաւ՝ զի յերկարատե 'ի կեանս իմ չիք իմ զոք 'ի դիւցազանց տեսեալ համեմատ բեզ : Ի՛յլ շքեզս այս անուն և եթ դիւցազին՝ ոչ է բաւական թագաւորի . է միւս այլ քաղցրագոյն և փառաւորագոյն, կօչել հայր ժողովրդեան : Հայեանց 'ի մասն ժողովրդեանդ, որ զրահագգեստք կրեն զնիզակս . ապաքէն որդիք քո են դոքա, և դու

Հայրաբար ընդ դոսա վարիս . այլ հայեանց և 'ի մնացորդս ժողովրդեանդ տառնապատիկ առաւել քան զգորսդ , որ կապերտս ցնցոտիս զգեցեալ են առ 'ի տալ զգինս զգեստուցն իւրեանց 'ի հայ թայթանս փոյլուն զրահիցդ : Ո՞չ դոքա ևս որդիք իցեն քո . այլ դու թշնամբար վարիս ընդ դոսա . բառնաս 'ի դոցանէ զհաց , զծնօղս անտը դի' և այրի զհարսունս կացուցանես : 'Դափնիք քո թացեալ են յարտասուաց նոցա , և յաղթութիւնք քո գնեալ ընչիւք նոցա և արեամբ : Հոռ մուլէ , ժամէ արդ տալոյ դոցա հանգիստ . պարտ է քեզ ներել դոցա կեալ , որոց հարք վասն քո զկեանս իւրեանց փոխանակեցին : 'Դադարեա 'ի կոտորածէ մարդկան , դադարեա մանաւանդ 'ի կարծելոյ ըսու զկամս դից կոտորածիւքդ : 'Ի՛նք ընդ բարեկենդանութիւն և եթ կամին ընդ մարդկան . առաջնապարզ և նոցին շնորհ եղև դարն ոսկեղինիկ , և յակմբահոյլ 'ի ժողով դիցն յԱլիմարս ոչ առ այլ ինչ ընկալաւ : Եթենաս զծիցանակ , բայց զի արարիչ եղև նա ձիթենուց : Ս'ի ոք 'ի դից ամտի , Վռնոս , թագաւորեաց յԻտալիս . և յուշ լիցի քեզ՝ թէ որպէս նա թագաւորեաց . նմանօղ լեր նմին , և մի ևս ըզդիսն զրպարտեր անմահս՝ թէ հրառայիցեն նախ ճիրս արեանց :

'Դու կարծես՝ թէ չկարիցեն հռովմայեցիք կալ առանց պատերազմի . ցոյց ինձ ապա զազգ մի , որոյ յաբհաւիրս մարտի իցէ հաստատու-

Թիւն . աղէ ասա ինձ , իւ կորեան ազգք՝ որոց
 հետք իսկ չերևին 'ի վերայ երկրի : Ս'ի թէ
 պատերազմաւ հէքն և թշուառ թեքէ պահեաց
 զմեծութիւն իւր . ապաքէն յաղթեաց նա եօ .
 թանկեցունց թաղաւորացն Մքգոյեայ , այլ յաղ
 թութիւննորա եղևնմա 'ի կործանումն : Ս'ի թէ
 պատերազմաւ նախնիքն քո տրովացիք պահեցին
 զիշխանութիւն իւրեանց յԱսիա : Պատերազմ
 ախտ է պետութեանց . և բազում այն է՝ զի որք
 նովաւ ախտակրին , ընկճին ընդ նովաւ : Մքբայդ
 հովմայ իշխանակից իմ , աղաչեմ զքեզ 'ի դիմաց
 ամենայն ժողովրդեանս՝ որք զարիւն իւրեանց ոչ
 ինայեցին հեղուլ վասն քո . ներեա , ժամ տուր
 արեանցն վերստին խաղալոյ ընդ երակունսն ցա
 մաքեալս : Այլ որ , որ յարձակի 'ի մեզ . շատ լի
 ցին աշխարհակալութիւնք քո մեծամեծք . զհետ
 լիցուք յարդարել զբարեկենդանութիւն ազգաց ,
 զորս բազկաւ քով նուաճեցեր : Մւանդ , հանդերձ
 ամենայն ջանիւք չբաւեմ ես 'ի պատուհասել
 զանիրաւութիւնս , և 'ի սիրիւել զտառապեալս .
 ձեռն տուր ինձ յազնուականս պաշտօն : Շրջեա
 ցուք 'ի միասին ընդ սահմանս մեր ընդարձակեալս
 քոյով քաջութեամբ . և իբրև սրբեսցուք զամե
 նայն արտասուս , լցցուք զամենայն կարօտութիւն ,
 և չմնացէ որ թշուառ յաշխարհիս մերում ,
 յայնժամ լիցի քեզ ընդարձակել և ևս զսահ
 մանս սորա :

Եւ 'ի դադարել նորա 'ի խօսելոյ , մնչէր

Հռոմուլոս . ամբոխն աղաղակէր , և զօրքն առ
 հասարակ 'ի գութ շարժէին : Այլ իբրև պատ-
 րաստէր Հռոմուլոս 'ի պատասխանել , 'ի դիմացն
 իսկ տալով գուշակել՝ զի չկամէր շնորհել զխա-
 ղաղութիւն , փութացաւ անդէն ժողովուրդն ,
 և խոնեալ զնովաւ՝ չեթող նմա բարբառել : Այս-
 նայք և ծերք , հանդերձ մանրերամ մանկաւով ,
 բազկատարածք առ նա 'ի ծունկս անկեալ աղա-
 ղակէին . Ասաղաղութիւն , խաղաղութիւն , տաւր
 մեզ աստուածորդիդ զխաղաղութիւն . զայդ և եթ
 խնդրեմք 'ի քէն շնորհ , առ զինչա մեր եթէ
 կամիս , այլ շնորհեա մեզ զխաղաղութիւն : Ասկ
 Տատիոս այլ յայլմէ լեալ , գոչէր արտասուօք .
 Տացի ձեզ , որդեակք իմ , տացի ձեզ խաղաղու-
 թիւն . խոստանամ ձեզ զայդ : Այնդրեցի զայն 'ի
 Հռոմուլեայ՝ յաղերս ածեալ զգութ և զբարեկա-
 մութիւն , և պահանջեմ զայն արդ 'ի նմանէ որպէս
 գահակից հաւասար 'ի բարձ և յիշխանութիւն :
 Այլ եթէ ժխտեսցէ ինձ զայն , ո՛հ հոովմայեցիք ,
 երթայց առաջի ձեր , երթիցուք զկայ առնու-
 առ դրան քաղաքիս . անդ սպասեսցուք նմա հան-
 դերձ բանակաւն . և անկեալ տարածեալ յեր-
 կիր , տեսցուք թէ իշխեսցեն անողորմքն կոխել-
 ընդ ոտիւք զթագաւոր իւրեանց , զմարս և ըզ-
 մանկունս :

() այն բան՝ զօրքն ամենայն զաղաղակ բարձեալ ,
 ասէին . Ա՛ի երբէք , մի երբէք : Այլ իւրաքանչիւր
 դք 'ի զօրաց անտի զէնընկէց լեալ , իւրաքանչիւր դք

խառն ընդ ամբոխին 'ի ծունկս անկեալ, և գիրկս արկեալ մօր իւրում կամ որդւոյ, աղաղակէր ընդ նոսին. | Սաղազութիւն: | Իսկ ամեհչոյն Հռոմուլէայ ստիպեալ զայն առաջին նուագ 'ի կեանս իւրում տեղի տալ, Թագոյց զսրտմտութիւն իւր, և խոժոռ գիմօք շնորհեալ զդուլ զինուց, մեկնեցաւ շտապաւ յապարանս իւր: | Նային զհետ նորա միշտ Թիկնապահք նորին, անուանեալքն | Երագունք, անձնապահք նորա անմեկինք:

Ըստ այն ինչ մեկնեցաւ 'ի ժողովոյ անտի, զմթերեալ 'ի սրտին զցասումն ժայթքեալ կուտէր անէծս 'ի վերայ Տատիոսի. և 'ի ցասման անդ նորին սայթաքեաց ինչ 'ի բերանոյ նորա աղիտից մեծաց պատճառ, զի ասէր. | 'Ինչև ցերբ ծերդ այդ դժպհի արկցէ խոչ ընդ ոտն փառաց իմոց. չիք որ ուրեմն բարեկամ ինձ, որ զերծուսցէ զիս 'ի դմանէ: | Ըստ եղեռնաւոր բանի կարի իսկ լողք եղէն Թիկնապահքն | Երագունք:

Հերսիլիա զհետ չողաւ հօրն, բայց Վուման ոչ իշխեաց զհետ երթալ Հերսիլէայ. այլ յեց 'ի սիւն մի, ակնկոր մտայոյզ համեմատելով զառաքինութիւնան Տատիոսի ընդ մոլեգնութիւնս այնորիկ՝ որում հանդերձեալն էր փեսայանալ, ընկզմեալ կայր 'ի խորհուրդս մտաց 'ի խորինս: | Պատեաւ առ նա Տատիոս, և ձգեալ առ նա զձեռն իւր՝ ասէ. Փեսայդ Հռոմուլէայ, և դու ևս կամիս պատերազմել ընդ իս: | Ինչ այս բան յարտասուս հարաւ Վուման, և անկեալ առ ոտս

բարևոյ արքային , գոչեր . Ո՛հայր իմ , չիշխեմ
հայել 'ի դէմն քո . ներեա

Ի վերայ էած ծերունին . Վերեմ քեզ զամե-
նայն , եթէ խոստանաս դու սիրել զիս մինչև 'ի
սպառ : Ստարեցեր դու զհաճոյս քո գաղտ յի-
նէն , և զինամուծիւնն անհաճոյ սաբինացւոցս
արարեր . ոչ կարծեմ թէ արդոյ ծերունոյն Տուլ-
լոսի տուեալ իցէ քեզ զխորհուրդդ զայդ . այլ
եթէ բարեբաստ այդուիկ կայցէ քեզ լինել :
պարտ է ամենեցուն մեզ հաւանել ընդ այդ :
Սամէի , Վրամն , ես ինքն լինել քեզ 'ի հայր .
այլ հռոմուլ զբախտս զայս ժառանգեաց , և ես
չկարեմ թանգուղել՝ զի նախանձիմ ընդ նա :
Ո՛հ , եթէ երբէք ոչ լցցէ նա քաջ զպարտս գո-
րովոյ , եթէ սիրտ նորա ոչ զգայցէ լիով զյարգ
յորջորջանացն՝ որ ինձ քաղցր յոյժ պատրաստէր ,
Վրամն , տարածեալ կայ միշտ գիրկ իմ հայրենի
ընդունել զքեզ . և հատիտս շորհապարտ քեզ
լիցի , եթէ դու 'ի սփոփիչ քեզ զնա ընտրեսցես :

Եւ զայս ասացեալ , 'ի բաց եկաց . և Վրամն
կայր անշարժ , տագնապեալ 'ի խղճէ և 'ի սիրոյ ,
և 'ի յոյզս անդ սրտին յուսայր գտանել խաղա-
ղութիւն առ հերսիլեայ : Վիմեաց յապարանս
հռոմուլեայ , և տեսեալ զհանդերձանս հարաւ-
նեացն , լի եղև ինդութեամբ . այլ ինդու-
ծիւնն այն ոչ էր անտխեղծ , սուղ ինչ երկիւղի
մարթէր եղձանել զայն : Սոսեցաւ ընդ սիրու-
հւոյն , և լուաւ զմայլմամբ 'ի բերանոյ նորա՝ զի

սիրելի էր նմա . այլ զմայլումն այն չկարաց փա-
րատել 'ի սրտէ նորա զարհաւիրսն պակուցանս-
ղականս : Հայէր 'ի Հերսիլիա , և գտանէր յաչս
նորա զսէր , այլ ոչ ևս զխաղաղութիւն . տագ-
նապէր , յուղէր , յեղյեղէր ստէպ 'ի մտի՝ զի առ
վաղիւ էր նմա օր բարեբաստութեան . այլ 'ի խորս
սրտին բառնայր բողոք , զի բարեբաստութիւն
հեռի էր 'ի նմանէ , և յաւելոյր նմա կշտամբանս :
Օ ուր ջանայր Նուան անբասիր զանձն առնել ,
և տարապարտ համարել զկշտամբանսն . սիրտ
նորա ժխտէր միշտ զպատճառս , զորս միտք նորա
ածէին :

Ար ուրեմն ընկձեալ 'ի հոգոց , ահաբեկեալ
յերկիւղէ , հաշեալ 'ի սիրոյ , դիմեաց յան-
տառն Նգերեայ , ուր եգիտ երբեմն զսիրուհին :
Յանկայր տեսանել զվայրսն սիրելիս իւր , յուշ
ածէր զտեսիլն խորհրդաւոր՝ զոր ետես անդ .
յուսայր զի 'ի գնալ իւր յուխտ 'ի մեհեան անդր
Լթենասայ , շնորհէր նմա դիցուհին զխաղա-
ղութիւն՝ որում կարօտէրն յոյժ :

()րն տարաժամէր . նորա յառաջ խաղացեալ
այն ինչ եհաս 'ի մուտս անտառին , լուաւ ճիչ
ողբական . թուէր նմա ծանօթ օրհասականն
այն բարբառ , և սուսեր 'ի ձեռին դիմեաց առ
հեծութիւնսն . . . Եւ ահա , հիլ տեսիլ անակըն-
կալ , տեսանէր զՏատիոս կիսամահ անկեալ ընդ
սուսերբք չորից յելուզակաց : Վոչեաց մեծա-
ձայն , և զերկուս յեղեռնագործաց անտի արկ

տապաստ . այլքն զարհուրեալք փախեանն 'ի բաց :
 Բայց Տատիոս կարեվէր հարեալ զնէր , և գուն-
 դագունդ հոսէր արիւնն 'ի վիրաց անտի , և հէք
 ծերունւոյն վայրկեան ինչ սուղ մնայր ապրանաց :
 Վիրկիս էարկ նմա՝ Ղրւմն ողբալով . զննէր զվէրսն ,
 զօճիս պատառէր , և զհոսումն արեանն դադարե-
 ցուցեալ , և զբարեգութ արքայն 'ի վեր առեալ ,
 կամէր ածել զնա 'ի Հոովմ :

Բայց Տատիոս . Ս'ի որդեակ իմ , առէ , մի .
 անօգուտ են ինձ ամենայն ինտմք , զի ահա
 մեռանիմ : Վոհանամ զդից , 'զի շնորհեն ինձ
 աւանդել 'ի ձեռս քո զշունչ իմ յետին : Ս'ե-
 ռանիմ ես , 'Ղրւմն , 'ի ձեռաց Հռոմուլեայ .
 ծանօթք էին ինձ սպանողքն թիկնապահք
 նորա Լքրագունք . և 'ի հարկանելն զիս՝ ա-
 սէին . Ըհա երախայրիք խաղաղութեանն՝ զոր
 հայթայթեցեր հոովմայեցուց : Ս'եր քոյին ընդ
 Հերսիլիա և իննամութիւն ընդ իմնում ստա-
 նողի , խափանեն զքեզ 'ի վրէժխնդրութենէ
 մահուն իմոյ . այլ ինձ կարեորագոյն ևս ինդիր
 է 'ի քէն : Իտղում որք զդուստր իմ միակ .
 'Ղրւմն , չեն նորա ծնօղք , և ոչ պատասպարան
 բաց 'ի քէն : Ընուակամութիւն նորա և իրա-
 ւունք ժառանգելոյ զաթու սաբինաց՝ առնեն
 զնա յանցաւոր յաչա Հռոմուլեայ . եթէ ոչ դու
 պաշտպանեացես զնա , կորուստ նմա 'ի վերայ
 կայ : Տ'ուր ինձ ապա երդումն , որդեակ սիրելի ,
 պահ ունել կենաց դատերն իմոյ , գոլ նմա պաշտ-

պան և պատսպարան , և լինել նմա փոխանակ եղբոր : Մէնդ ; յուսայի զի կոչէր նա զքեզ այլ ազգ , յառաջնմէ իսկ 'ի ժամէ՝ յորում տեսի զքեզ՝ 'ի մտի եղեալ էր տալ զնա քեզ՝ 'ի հարսնութիւն , և նստուցանել զքեզ յաթոռ իմ , և կատարել 'ի միջի ձերում զնշխարեալ կեանս իմ առանց այլ իրիք մեծարանաց անուան , բայց հայրակոչի՝ ձէնջ լինելոյ : (Յոյս անուշակ՝ կարի վաղ 'ի դերեւ եւմարթէր նմա անդորրագոյն զբախտ իմ գործել , եթէ տակաւին պատրէր զիս : Ո՛հ , գէթ մի զչնորհս զայս ժխտեր ինձ , գթա՛ 'ի ծերունիս մերձ 'ի մահ , որ ազգական եղև քոյին և բարեկամ , և մտերիմ Տուլլոսի և հօր քո : Փարիմ՝ զծնգովք քոյին , Վրամա , լեր պաշտպան դրստերն իմում . խոստացիր ինձ՝ պահ ունել կենաց նորա , և ինձամ . . .

Եւ մինչ դեռ բանքն՝ 'ի բերան նորա կային , փրղձ կեալ Վրամայ արտասուօք՝ 'ի վերայ էած . Երդնում քեզ՝ 'ի ստուերս մօր իմոյ և Տուլլոսի՝ կատարել զառաջին զկանս քո . Տատիա լիցի ինձ հարսն , կեցից և մեռայց վասն նորա , հազորդ ամենայն վտանգաց նորա եղէց , և ատեցից մինչև 'ի սպառ զազգատոհմ քոյոյ սպանողիդ : Որում Տատիոս ետ պատասխանի հրձուանօք . Ոչ ինչ երկբայութիւն էր ինձ ընդ այդ . Եկ՝ 'ի գիրկս իմ առաքինի պատանեակ . մեռանիմ ես գոհ , վստահ ընդ երդումն քո : Եւ զայս իբրև ասաց , հրաման ետ Վրամայ փակել զարտեանունս իւր , և մեռաւ . և Վրամա նուազեալ անկաւ զմարմնով նորա :

ՆՈՒՄԱՆ ՊՈՄՊԻԼԻՈՍ



Գ Ի Ր Ք Ե Օ Թ Ն Ե Ր Ո Ր Կ

ՆԱԽԱԳՐՈՒԹԻՒՆ ԵՑԹՆԵՐՈՐԳ ԳՐՈՑ

Նուժայի ամէլ զգիակն Տատիսի 'ի Հուլիժ, և սուգ մեծ
դստեր արքային : Կամի նա ընուլ զխոստումն՝ զոր ետ բնիկ
արքային , և Հռոմուլոս խափանէ զնա : Հերսիլիա գայ առ
նա , և ոչ արտասուգքն և ոչ սպառնայեցք կարէ գրգռեցու-
ցանել զնա : Յուզարկաւորութիւն Տատիսի , և մահ՝ գստեր
նորա Տատեայ : Նշկահել սաբինացւոց , և խուժագուժ ըզ-
գուշութիւն Հռոմուլեայ : Նուժա նուիրէ զանձն 'ի վերայ
ժողովրդեան իւրոյ , և աքսորի 'ի Հուլիժայ : Հանգիպումն
նորա ընդ Վոնգեայ :

ՆՈՒՄԸ ՊՈՍՊՈՒԼԻՈՍ

Գ Ի Ր Ք Է .

Ընդ ինչ գիշերոյ զտխուր զերկնաւ ածեալ քօղ, 'ի միտս իւր գայր Վրումն : Տեսիլ արիւնտա թաթառ գիսկանն Տատիոսի սարսուռ ցուրտ յաւելեալ զնովաւ , յուչ ածէր նմա զերդումն զոր երդուաւ : Վա անգիղջ ընդ այն և անտրրտունջ, խորհէր 'ի լրումն պարտուց իւրոց առ թագաւորն բարեւաւ : Եւ զի մի գուցէ բառնայց ցեն զդի նորա 'ի մեկնել իւր անտի վայրիկ մի , ստանձնեալ 'ի յուս՝ գայր դանդաղաբայլ 'ի քաղաքն : Հասեալ յառաջին պահս , ձայն ետ տա բինացւոյ զօրականին . և աւանդեալ նոցա զբեռնըն , պատուէր ետ ածել զայն մեծարանօք յապարանսն աղբունի առ Տատիա : Իսկ ինքն ճեպեալ յառաջեաց առ 'ի պատրաստել զսիրտ հէք իշխանուհւոյն առ գոյժն սոսկալի :

Իայց օրիորդն հայրատէր , աւանդ , ծփեալ 'ի հոգս ընդ յամել հօրն 'ի դարձ , գուշակէր իմն

զաղէտսն : Սիայնակ առ լոյս ճրագին գործելով զձորձ ծիրանի սիրելագունին 'ի Թագաւորս , Թողոյր ստէպ զվաստակն , և յոգւոց հանելով դիտէր զժամն՝ որ յետ մեկնելայ հօրն անցեալ էին : Վուշակութիւնք կուռ զհետ միմեանց աղետաւորք զարհուրեցուցանէին զնա , և արհաւիրք 'ի խորս սրտի նորա սողոսկէին . սահեալ 'ի ձեռանէ նորա անկանէր ին , և աչք նորա տխուրք պչնուին մտայոյզք ընդ երկիր :

Եւ ահա յեղակարծում յանդիման եղև նմա Վրամա . սուգ 'ի դէմն նորա նկարեալ , ողբք նորա , և ձորձք արինաշաղախք յաճախէին առ հասարակ զարհաւիրս օրիորդին : Յարեաւ նա սրտաթունդ , և չիշխէր հարցանել ինչ ցրիւցազնն . իսկ նա հեկեկելով ասէ . Վուսոր Տատիոսի , ժամ է արիութեան սրտի , և անդըրդուելի համբերութեանն՝ յոր սիրտ քո սովորեալ է . հարկ է ինձ զխստագոյն տալ նմա զհարուած . այլ յուշ լիցի քեզ , զի առ 'ի համբերել աղետից Թշուառ կենցաղոյս՝ տուեալ են մեզ 'ի դիցն անմահից առաքինութիւն և բարեկամութիւն :

Եւ զոյգ ընդ բանիցն և ահա հասին սարինացիք՝ բարձեալ բերելով զդիակն Թագաւորին իւրեանց : Տատեայ ճիչ բարձեալ , դիմեալ զեղաւ զմարմնովն հայրենի , և անկաւ նուաղեալ : Հասին 'ի վերայ նորա , և դարձուցին զնա 'ի զգաստութիւն . նորա զխարխափեալ աչսն պշուցեալ 'ի

Տատիս՝ հայեր 'ի մեծաբաց վէրս նորա , և ոչ կաթիլ մի արտասուաց ցողէր . լեզու նորա՝ ի քիսնն կցեալ , և ոչ բարբառ մի ողբոց արտաբերէր . բեռն ահագին ընկձէր զսիրտ նորա , և ինքն արձանացեալ կայր անթարթ աչօք և անշարժ , ոչ արտա սուք յաչս նորա , և ոչ առևտուր շնչոյ 'ի ուրն գունս :

Ի համր վշտաց անտի ահաբեկեալ՝ Վրամայ , ետ 'ի բաց բառնալ զդիակնն արքունի . յայնժամ օրիորդին աղիողորմ բարձեալ կական , ուղիս ար տասուաց ի ջուցանէր : Վրամա պատահեալ յու սոյն , և ոչ ինչ երկմտեալ՝ զի արտասուօքն այ նուհետև սփոփեսցի օրիորդն , եթող զնա 'ի ձեռս կանանց , և չոգաւ հրաման տալ՝ զի զդիակնն արքունի լուացեալ անուշահոտ գինեօք , հանգուսցեն զայն 'ի մահիձս ծիրանիս . և կա ցոյց պահապանս շուրջ զարքունեօքն : Եւ հատուցեալ զտխրագին սպաս իւր , պատրաստէր առ դժուարագոյնն քան զամենայն , յայտ առնել Հռոմուլեայ՝ զի ոչ ևս կարէր փեսայանալ նմա :

Ո՛հ , քանի՛օն 'ի նմա յուզէին կիրք 'ի գնալ նորա յապարանս արքային . առաջի կայր նմա կորուսանել 'ի սպառ զսիրուհին , զոր ոչ ոք բառնալ 'ի նմանէ կարօղ էր բաց յիւրմէ . առաջի կայր նմա հրաժարել ինքնին 'ի նմանէ , և իւրովի նմա զհրաժեշտն յայտ առնել , երևել յաչս նորա դրժող , և ընդ դառնակսկիծ կորստեանն բերել զամենայն նախատիկս յեղամտութեան :

Սասանեցուցանէր պատկերն այն դժպէտի վառա-
քինութիւնն նորա . այլ առաքինութիւնն զօրա-
ցեալ կալաւ զինքնիշխան պետութիւնն : Իս-
տուերք Տուլլոսի և Տատրոսի առննթերակացք
նմին՝ քաջալերէին զնա . աղդ առնէին նմա զի
կարեւոր էր նուէրն այն , և զի նախատինք էին
նմա խնամեալ ընդ սպանողի բնիկ տեառն իւրոյ
և ընդ թշնամեոյ ազգատոհմին իւրում , և յանձն
առնուլ զհարսանիս երդմնազանցութեամբ և չա-
րագոյժ հմայիւք :

Հասեալ ապա եմուտ յարքունիս Հռոմուլեայ .
և էր թագաւորն 'ի ճաշ , և ոստանիկք շուրջ
զնովաւ . հոգք տիրատեսիլք 'ի ճակատուն , տալ-
նապ և ազէտք 'ի դէմն նորա նկարեալք , ար-
ժանահաս պատուհասի յանցուածոյն կարա-
պետք : Իրազեկ իսկ էր Հռոմուլ սպանութեան
գահակցին , և խիթայր թէ գուցէ կասկած լիցի
զիւրմէ . և տանջեալ յերկիւղէ անտի յոյժ ա-
ռուել քան 'ի խղճէ շարեայն , կայր 'ի տխուր
լուծեան . որում և դրանիկք նմանօզք լինէին :
Հերսիլիս յոտին կացեալ առ արքայի , զթաղ-
ծութիւն նորա փարատել ջանայր դաշնակաւոր
քնարաւն զզիցահօրն նուագելով զյաղթութիւն
ընդդէմ Տիտանանց :

Այ առանց հառաչմնաց կարաց 'Իրումս յան-
դիման լինել Հռոմուլեայ . տեսիլ սպանողին
Տատրոսի ազդէր 'ի նա սոսկումն , զոր չկարէր
նա ծածկել : Սակայն դուն գործէր , զաչս 'ի

խանարհ ունէր, որպէս եթէ ինքն իսկ էր մեղաւարտ . և գիտելով զի և ոչ յանցուածք արքայից կարեն ազատ առնել 'ի մեծարանաց զհարատակս, խօսեցաւ առ թագաւորն և ասէ .

Նոռնույն, սպանին ազիրասք զգահակից քո . ահանատեա իսկ եղէ անկաճնեղջ նորա ընդ հարուածովք չորից յեղուզակաց : Տապառտ արկի զերկուս 'ի նոցանէ, այլքն խոյս ետուն 'ի բաց, և գուցէ մնացեն անպատու հաս մինչև հասցէ նոցա դիցն վրէժխնդրութիւն : Այ ինչ զանխուլ է 'ի քէն արիւնակից ազգականութիւն իմ ընդ արքային սարխնացոյ . այլ թերևս զանխուլ իցեն կաթողին մեծարանքն, որով մեծարէի զառարխութիւնս նորա : Արկորին այսքիկ կցորդութիւնք ածեն 'ի վերայ իմ պարտս մեծաւ մեծս և գժուարինս յայժ . այլ ես յուսամ ըսու զամենայն : Արքայդ Նոռնույ, պաշտելի է ինձ Ներսիիիա, և կեանք իսկ ոչ ինչ թու ինկնձ առանց նորա . այլ խոստացայ ես Տապառտի և երզուայ 'ի շունչ վախճանին՝ առնուլ զգուսար նորա ինձ 'ի հարանութիւն, և չկարեմ որժեւ երգեմնս ինձ : Դամ 'ի հատուցանել քեզ զխոստումն քո, գամ 'ի հրաժարել 'ի միակ սիրելոյ իմնէ, և խնդրել 'ի քէն հրաման զի հէք և թշուառ կեցից մնչ 'ի սպտա :

Այսպէս խօսեցաւ Դուան, և աչք իւր ընդ երկիր բեռեռեոյ կային : Աստուղ հարաւ Նոռմուլոս, և եկաց վարիկ մի անդարարատ . կար-

կեալ կայր և Հերսիլիա , և սահէր անկաներ քնարն 'ի ձեռաց նորա : Իսկ ոստանիկք անշարժք կային մնային յայտնելոյ Հռոմուլեայ զմիտս իւր , առ 'ի խնդակից կամ տրամակից լինելոյ ընդ նմա :

Եւ ապա ուր ուրեմն յարուցեալ արքայն մեծասատ , և զայրագին ակնարկեալ 'ի Վրոմն , ասէ . Պատանի դու , ծանօթ է ինձ մահ իշխանակցին իմոյ , և ետու իսկ հրամանս պատուհասելոյ զսպանօղս նորա : Արչափ իսկ սիրելի լեալ իցէ քեզ Տատիոս , թող 'ի թագաւոր քոյին զհոգ խնդրելոյ զվրէժ սպանութեան նորին : Վիտեմ ես պատուհասել զոճիրս , այլ նուաճել զփառամոլութիւն նմանեացն 'Վրոմն' ոչ ևս . արգելում քեզ մի զդուստր արքային սաբինացւոց առնուլ կնութեան . իրաւունք նորա 'ի ժառանգութիւն գահուն հայրենի կասկածելի են ինձ . տաց ես նմա զայլ դք 'ի փեսայութիւն : Իսկ զնախատինս մերժելոյ քո զգուստր իմ , զաւակն և եթ արխեան չհամարեցի իւր 'ի թրչնամանս . ներեմ քեզ զայն՝ հայեցեալ 'ի տիս քոյին , 'ի խաիրն անբաւ ընդ մէջ մեր , և մանաւանդ 'ի քաջութիւն քոյին՝ որալ եղեր զօրացն իմոց պիտանի :

Եւ զայտոսիկ ասացեալ՝ թոնազբօսելով զգայրոյթ իւր , եւ առանց մնալոյ լսել զպատասխանի Վրոմնայ : Այլ տարփաւորն հէք խօսել ընդ Հերսիլեայ , այլ խորխտ Վնազոնին ակնարկեալ 'ի նա արհամարհանօք , անց զնովաւ անբար-

բառ , և հաս զհետ հօր իւրոյ հանդերձ զօրակա նօքն :

Խորոխտունն այն և արհամարհանք Հերսիլիայ հարին կարեվէր զսիրտ Նուանյ , այլ դիւրագոյն պատրաստեցին նմա զգառնակսկիծ նուէրն :

Սայրացեալ ընդ Հռոմուլ , ցասուցեալ ընդ դուստր նորա , ոգի 'ի բռին առ 'ի կալ հաւատարիմ ընդ բնիկ տեառն իւրում , արիագոյն և խաղաղագոյն փութայր յարքունիս առ հատիս :

Եւ հասեալ առ նա , ասէ . Վուստր լաւագունին 'ի թագաւորս , ներեա ինձ զի 'ի վիշտս քո և յարտասուս զհարսանեաց ընդ քեզ խօսիմ : Հայր քոյին 'ի մեռանելն իւրում 'ի հաւատարմութիւն իմ զքեզ արար ապաստան . և անձն նորին վեհ միտթարեցաւ ընդ երդումն՝ զոր ետունմա առնուլ զքեզ ինձ 'ի հարսնութիւն : Երգելու ինձ զայս Հռոմուլոս . բայց Հռոմուլիայ չեն ինչ աստանօր իրաւունք : Սաբինացիք ծնեալ եմք երկաքանչիւր , հարտակք արքային Սաբինիոյ . հնազանդել նմա առ կենդանութեամբն՝ անհրաժեշտ պարտք էին մեր . իսկ հնազանդել նմա յետ մահուն՝ սրբազնագոյն ևս պարտք : Եւ ծածկեմ 'ի քէն , զի սիրէի յոյժ զՀերսիլիա . այլ յետ սպանութեան հօր քո՝ լաւ իցէ ինձ պքսոր և պատուհաս ընդ քեզ , քան թագաւորել ընդ դրստեր սպանողին : Եթէ այս քեզ բաւական իցէ , պատրաստ լեր խիզախել ընդ իս ընդդէմ սպանալեացն Հռոմուլիայ . պատրաստ լեր տեսաւ

նեղ վառեալ 'ի խարոյց հօր քո զԺաՏ Հիմնեալայ
քեզ 'ի հարսանիս :

Իսկ օրիորդն , որ 'ի բազմաց հետե կրէր 'ի սրտի
զանխուլ զչարաբաաստիկ սէրն ընդ դիւցազինն ,
զարմայմամբ և գորովանօք լուաւ զբանս նորա .
և շառագունեալ ետ պատասխանի . լիցի որպէս
և հաճոյ թուի քեզ : Եւ երդուաւ նմա ' յուսմա .
և առաւել վստահացեալ յանձն իւր սպասնա-
լեօքն հոռմուլեայ քան ամենայն ձգամբքն՝ զոր
արարեալ էր ընդ անձին , զհետ լինէր այնու-
հետե յուղարկաւորութեան բարւոյ արքային :

Եւ ինչ այգն 'ի գիշերոյն մերկանայր , հան-
դերձէր ' յուսմա 'ի չու գնդաւ միով սաբինացոց՝
հարկանել փայտ 'ի լերինա վասն խարուկին . և
սփոթիէր սիրտ նորա թախծեալ բարեխնամ յան-
ձանձանօքն , զոր ոչ յայդ ոք վստահանայր : Եւ յԼ
'ի չու առնելն՝ ընդ առաջ եղև նմա Հերսիլիա ,
և խնդրէր խօսել գազտ ընդ նմա : Եւ ևս էր նա
խրոխտն այն ' մնազոն , որոյ արհամարհոտ հայե-
ցուած իուղազաւետ յամօթ առնէր զԺարհեան
յառել 'ի գեզ նորա . ոչ ևս էր նա գիւցազինն
օրիորդ , որոյ բազուկ աննկուն տապաստ արկ
զթշնամիս բազումն՝ խաճանել զփոշի : Եւ յԼ էր
նա տարիաճու յուսահատ , որոյ ծնօտք սկօտա
ցեալք յարասառաց , և աչք նուաղեալք 'ի լա-
ւոյ , տակաւին փայլեալ նշագէին ընդ անկումն որ
ծածկէրն գնտա . վարպ նորա և հանդերձք ան-
յարգարք , և երաչխեալք վշտայն՝ ստուերայոու-

ցիւք գեղոյ նորա՝ յաւելուին 'ի նա շնորհս իմն
խանգազասելի :

Խօսի օրիորդն ընդ դիւցազինն , և ասէ .
' Ելումն , տեսանես ահաւասիկ ցիր վայր ած ճը-
գեաց զիս սէր . գամ ինդրել զքեզ յարքունիս
քո , գամ աղերսաւոր՝ ընդունել թերևս 'ի քէն
զմերժումն : Ա՛հ , եթէ գիտելիր դու զգոռադու
թիւն շերտի՛եայ , 'ի միա առնուիր քանի սիրելի
իցես նմա . 'ի միա առնուիր . . . այլ դու գիտես
իսկ քաջ , ո՛ սպաշարհ , չկամիմ ցայդ վայր խո-
նարհել և ասել քեզ զայն . չկամիմ խօսել ինչ
զինէն , այլ զքէն միայն : Ղանաչեմ զքեզ՝ Ելումն ,
և գիտեմ իսկ աներկբայ , զի արգել հրամանի
հօր իմոյ փութացուսցէ զքեզ 'ի հարսանիս ընդ
դատեր Տատիոսի . այլ դու չև ևս ճանաչես զհայր
իմ , եթէ կարծես թէ ներեացէ քեզ զայդ :
' Եր 'ի մօի , զի 'ի պահուն՝ յորում իշխեացես
ստունգանել հրամանի նորա , ընդ տապալա-
նուիրակացն անկցի գլուխ քոյին : Այ ինչ երկ
բայիմ զի այս երկիւղ ոչ կասեցուսցէ զքեզ . այլ
ոչ միայնակ կարցես դու , արիւն Տատեայ ընդ
քոյումդ խառնեցի : Եւ համարիցին թէ Տա-
տիոս , որոյ այդպէս սիրելի է քեզ յիշատակ , ոչ
'ի ծունկս անկեալ պաղատիցի առ քեզ՝ փրկել
զգուսար իւր 'ի մահուանէ : Յերզմեցուցանել
նորա զքեզ առնուլ զգուսար իւր քեզ կնութեան ,
համարէր տալ նմա զքեզ պաշտարան , և յապա-
հովել զնա յամենայն վտանգաց . բայց եթէ

հարսանիքդ այդ ածեն զնովաւ դատակնիք մա-
հու, եթէ հաւատարմութիւն քո ածէ զնա 'ի
կորուստ, յանցանես ընդդէմ մտաց հօր նորա,
և եղեուն ընդդէմ դատեր նորին գործիցես:

Այլ յաւելում ինչ զանձնէ, ո՛ր ապաշնորհ, զանձ-
նէ՛ զոր համարէի թէ սիրիցես, զանձնէ՛ յորմէ-
ոչ ինայեցեր զարիւն քոյին: Այնչ զժբաղդու-
թեանս իմում, զի չկարացի ես առնել ինչ վասն
քո. այլ այնքան եմ առ քեզ շնորհապարտ, զի
զնոսին իսկ զերսխտիս քո համարիմ գրաւականս
անլոյծ սիրոյ քո ընդ իս: Այո, վասն Հերսի-
լեայ առաքինացար դու, Վրամա, և եղեր դիւց-
ազն. նմա ետուր զասպարն երկնաուաք, որ զնա
կացոյց անպարտելի. զնորին պահեցեր դու զկեա-
նըս, արկեալ զքեզ առաջի գեղարդեանն | և ոն-
դեայ: Վեզ վասն փառաց իմոց, քեզ և վասն
կենաց գտանիմ շնորհապարտ. և դու կամիցիս
լքանել զիս, յետ պարտական զիս կացուցանե-
լոյ սիրել զքեզ: Առ ինչ ապա կեցուցեր զիս,
առ ինչ գտար դու յաչս իմ վեհ և սիրելի քան
զամենայն դիւցազունս: Այս, տուր ինձ պա-
տասխանի. միթէ դժպհի եղէ քեզ. իցէ՞ ինչ
քո բողոք զինէն, ո՞չ բաւական ցուցի քեզ սէր:
Ահ, ներեա դոտեր Հռոմուլեայ, այնմ՝ որ ոչն
երբէք ցածոյց զաչս առ թագաւորս տարփաւորս
իւր. ներեա զի զնախընծայ բոց սիրոյս ծածկեցի
'ի քէն. ծածկեցի այո, այլ բուռն էր ինձ այն
քան թէ քեզ. և բռնութիւն՝ զոր ընդ սիրտ իմ

առնէի՝ պատուհասէր լիով զգողողութիւն իմ :
 Եւ արդ տէս ցիր վայր գողողութիւնն այն ցած-
 նու . առ ոտս քո ահա կամ, արտասուեմ՝ի ծուն
 կրս քո . խոնարհեցո զաչս քո՝ Եւան , հայեաց
 ՚ի Հերսիլիա , և կշտամբեա համարձակ զգողո-
 զութիւն նորա :

Իսկ Եւանայ հեղձամղձուկ լեալ, չիշխէր հայել
 ՚ի դէմն Հերսիլեայ . զի ՚ի լուր և եթ բարբառոյ
 նորա գտանէր նուազեալ : Տեսանէր առ ոտս իւր
 զոր սիրէրն առաւել քան զկեանս իւր , և զբողո-
 րանուէր սիրոյ նորա առ ինքն լսէր զստեպ խոս-
 տովանութիւն . և ՚ի խօսել օրիորդին՝ լուծանէին
 տակաւ խորհուրդք դիւցազինն , որպէս որ զե-
 րամբ կուտակեալ ձիւնք ՚ի ծագել զնորօք ճառա-
 գայթից արեգական : Եւան զգօնն այն պատանի
 սկսանէր ախորժել զաղերսաբանութիւն Հերսի-
 լեայ . սիրտ նորա սիրաբորբոք խանդաղատեալ
 և համոզեալ ՚ի յետին բանից արքայադատերն՝
 մինչ հանդերձէրն տեղի տալ նմա , և ահա ծե-
 րունին Եւտիոս զօրավար սաբինացոյ հասեալ
 անդր՝ խափան եղև հրապուրանացն : Օլաւկո
 Պոմպիլեայ , ասէ լուրջ և տխուր , սաբինացիքս
 վշտագին զբէն հարցանեն . և որբացեալք ՚ի հօ-
 րէն իւրեանց , զժառանգաւոր առաքինութեանցն
 նորա խնդրեն . եկ իշխանդ , եկ մխիթարել զի-
 րաւացի սուգ նոցա՝ խոստանալով սիրել զնոսա
 որպէս սիրէրն զնոսա Տատիոս , և երզումն նոցա
 տալով օգնել և պաշտպանել արժանաւոր դատեր
 լաւագունին ՚ի թագաւորս :

Այլ ընդ բանիցն հնչէր առ դուրս պաշտօտանն աղաղակ և հեծութիւն բազմութեան ժողովրդեանն , և ՚ի իրառնաձայն հառաջանոն լսելի լի նէր անուն՝ Վրամայ , զի գոչէին . Եկեացէ հասցէ առաքինին՝ Վրամա , երեւեցի դիւցազնն մերազնեայ , բարեկամն մեր , նշխար իշխանացն մերոց , և միակ յոյս թշուառացելոյ ազգիս : Այլ՝ Վրամա , եկ ցուցանել մեզ զվերջին կամս բարեգութ մերոյ արքայի . տեսցես դու զմեզ նահատակեալս ՚ի կատարումն այնոցիկ :

Չոյզ ընդ բանիցն և աղաղակն , և արտասուք յ՝ ետիտոսի՝ որ անդր հասեալ կայր , և արիւնն Տաստիտի՝ որով տակաւին պատմուձանն Վրամայ թացեալ էր , յինքն զդիւցազնն դարձուցին մինչ դեռ ահա մերձ էր ՚ի մոռացումն անձին , և գոչեաց . Հերսիլիա Հերսիլիա , սիրեմ զքեզ , և յոյժ առաւել քան զկեանս իմ . այլ պարտք իմ առաւել քան զքեզ սիրելի են ինձ : Վիք՝ որ յառեալ հային յիս , ժողովուրդս՝ որում պարտիմ ընծայել օրինակ բարեաց , սիրտ իմ՝ զոր չկարեմ խաբել , որոտան ինձ զօրէնս հաւատարիմ կալոյ յերդման իմում՝ զոր ետու . կոչեցի այնմ վկայ զստուերս մօր իմոյ . որչափ և դառն իցէ ինձ զոհս , սակայն մատուցից զայն . մահառիթ լիցի ինձ այն , սակայն . . .

Հայնժամ Հերսիլեայ զայրազին ընդմիջեալ զբանսն , ասէ . Այ , ո՛ անողորմ , ոչ լիցի քեզ այն մահառիթ . յայլ որ զցատումն հօր իմոյ շր-

Ջեջից, ցուցից նան զզոհն արժանի՝ի սպանդ . իսկ դու կեցցես, կեցցես դու առ ՚ի կրեւ Երկարագոյն զպատուհաս եղեռան քո, և առ ՚ի տալ ինձ պարայ և պատեհ ՚ի յագուրդ արդար վրէժինդբու թեան իմոյ : Սիչխես, ո՛հ հաւատադրուժ, անցանել ՚զուխտիւղ՝ զոր Տատիտս ՚ի քէն յափշտակեաց . և առ ոտն կոխես զերդումն, զոր ինձ ետուր : Ինդրեցի ինչ ես զայն ՚ի քէն, ո՛հ ապաշնորհ, որ ընդ կերպարանօք առաքինութեան ծածկես զփառանդ իղձս քո թագաւորելոյ սաբինաց, և յափշտակելոյ զաթոռ հօր իմոյ : Երկիր՝ի դժնդակ բախտէն՝ որ սպանայ քեզ, զարհուրեաց ՚ի չարեացն՝ որոց ձայնատուր լինիս . մի՛ ամի կայցիս խուսել յայնցանէ : Համբաւ և եթ չոտմուլեայ շուրջ պատեցէ զքեզ ամենայն ուրեք թշնամեօք . թափառական հարածեպ արտրեպ ՚ի քարշ ածիցես զաղէտս քո և զպատիր առաքինութիւն ընդ ազգս Ետալիոյ, որք մերժեցեն զքեզ ՚ի գրկաց իւրեանց : Սարատանջ ՚ի կեղեքիչ խղձէ մտաց ընդ մահ հարսնոր և ընդ լբումն սիրուհւոյդ, ողբասցես յարժամ զոճիր յեղանութեան քո . կարօտացիս դու չերսիլեայ, տարածեցես առ նա զբազուկս քո աղերսաւորս . բայց չերսիլիս և ևս այնու գրգռեցի ՚ի հարածել զքեզ : Յորդակ իցի շունչ ՚ի ոնգունս իմ, բոց ՚ի ձեռին հետու մուտ եղէց քեզ . և եթէ լբումն ՚ի քէն վիցի ինձ մահաբիթ, ստուերք իմ իջցեն զումարեցին

ընդ ձիւաղս դժոխոց անողորմն՝ յաւելուլ զարհաւիրս տանջանաց քոյ :

Եւ զայս ասացեալ՝ եթող զՆյումնա . իսկ նորա ամաչեցեալ ընդ կիրս իւր՝ չիշխէր զաչա՝ ի վեր ամբառնալ հայել ՚ի Սեփոս . և երթայր ՚ի սփոփել զսաբինացիս : Բայց երկուցեալ ՚ի սարառնալեացն Հերսիլեայ, և կասկածեալ թէ գուցէ եղեռն ինչ գործեսցէ Հռոմուլոս, պատուէր ետ ծերունւոյ զօրավարին՝ պահ ունել զօրօք յապարանս Տատեայ . և ինքն գնդաւ միով խաղաց գնաց կողոպտել ՚ի լերանց զմայրիս նուիրականս Վիբելեայ, և զհացիս՝ որ տաշեալ ՚ի տիգաբունս՝ արբենան յարիւն մարդկեղէն, զբարձրաբերձ կաղամախիս և զբուրեան եղևնիս : Հնչէր անտառն ՚ի խիտ առ խիտ հարուածս կացնաց . տխուր նոճիք կործան ընդ հովիտն անկեալ, և բարտիք տապալէին ճարձատմամբ Պախդեայ սիրելիք, և ցանկալիք հովուաց սարոցք : Եւ կապտեալ ՚ի դալարագեղ կողերց բունք նոցա ոստախիտք թաւալէին զափամբք Տիբերի, ուր ոչ ինչ հեռի ՚ի քաղաքէն ամբառնայր խարոյկն փայտակոյտ՝ որ յաճին զգիական Տատիոսի լուծանելոց էր :

Ի վաղիւ անդր իշխանք սաբինացւոց բարձեալ բերին զգիսկնն զարդարեալ արքունի ծիրանեօք : Վունդ պատերազմիկ մանկուոյ հազարք գնային առաջի, գլխիվայր զգէնան բերելով, կորազլուիք դանդաղաքայլք ՚ի տխուր նուագ սաստ

կաձայն փողոյ : Տատիա անմխիթար 'ի սգատե-
սակ համակեալ 'ի քող , և նոձիւ պօսկեալ ,
ցանէր զդագաղօքն ծագիկս թացեալս արտա-
սուօք իւրովք : Հանգոյն նմին և 'լուսնս զգե-
ցեալ հանդերձ սգոյ , դեղեւելոյ գնացից նորա
օժանդակէր , և սփոփէր զնա արտասուակցորդ
կարեկցութեամբ , և զգուշանայր նմա յարկա-
ծից յուսահատութեան . և հնչէր դաշտն 'ի
ճիչ և 'ի կական խոնելոցն զնորօք ազգովին սա-
բինացոց : Եւ մանաւանդ ծերունին Սեփոս ,
'ի վաթսուն ամաց հետէ բարեկամ և կենակից
իւրոյ արքային , բախէր զկուրծս իւր , փետէր
զայլին , և անկեալ յերկիր բարբառէր . Տէր
իմ և արքայ , ընտրեալդ 'ի թագաւորս , առ այս
ուրեմն անողորմն Պարկա ինայեաց յիս , զի տե-
սից զէջս քո 'ի շիրիմ , զի կորուսից զբարեկամ
իմ և զհայր : Ո՛վ Տատիէ , տեսի զքեզ 'ի ման-
կութենէ իմմէ դիմնագրաւեալ բազում անգամ
'ի մահ . տեսի զքեզ շուրջ պատեալ 'ի թշնա-
մեաց միշտ յազթական , միշտ անմահ . և արդ
'ի մէջ ժողովրդեան քո , 'ի մէջ որդւոց քոց ,
տեսանեմ զքեզ հարեալ 'ի համազգեաց . սիրտ քո
ստոպնջական թշուառաց հարաւ յապաշնորհաց , և
ոչ փրկեցին զքեզ դէք . թողին դէք կորուսանել
զպատկեր բարերարութեան իւրեանց յերկիր :
Ո՛վ Տատիէ , սուղ քան զամենեւին՝ որ որքան
զքեզ աստ՝ մնայ ինձ ողբալ . սուղ քան զամենեւին
լիցի ինձ կեալ յետ տեսանելոյ զմահ քոյին :

Օյստսիկ յ'ետիոս բարբառէր տղբս . և ժողովուրդն ամենայն , որ կայր անդ 'ի լուր , աշխարհեճ կականաւ զնոյնս կրկնէր :

Այդաւ ապա դիակնն 'ի փայտակոտին , և զենան զոճք . և եհեղ 'Առմա յերկիր ամանս գինւոյ երկուս լիուլի , և այլս երկուս լի կաթամբ , և այլս արիւնալիցս կրկին , հեղումն հաճոյական 'ի քառութիւն ուրուաց : Այս ապա կոչեաց բարձրաձայն զհոգի Տատիոսի , և դարձուցեալ զերես իւր ' խճարհեցոյց զՔահն , հուր եհար 'ի փայտակոյտ անդր : Աոցածաւալ ընդ մայրիսն ամբառնայր հուր . սաստկանայր աղաղակ ողբոց ամբոխին , և զօրքն ամբառնային 'ի վեր զասպարս իւրեանց . բայց 'Առմա լուի հրամայեաց . և երկիւղածութեամբ 'ի տժգոյն դէմս Տատիոսի անհարկեալ , որ չեւս 'ի բոցոյն էր գրաւեալ , գոչեաց և առէ . Ս'վ արդարագոյնդ 'ի Թագաւորս , խոստացայ 'ի շունչ վախճանիդ ' փեսայանալ քեզ , երդուայ 'ի պաշտպանութիւն դստեր քոյին կեալ . աւատիկ կամ 'ի կատարել զերդումն իմ : Այարոյկս այս լիցի մեզ բազին . 'ի վերայ սրբոց սեղանոյս , յանդիման ստուերաց քոց , առաջի ժողովրդեանս՝ որ տղբայ զքեզ , 'ի նշոյլ ջահիցս եղերականաց , ակն յանդիման դիցն՝ ահաւորաց առ ուխտադրութս , խոստանամ Տատեայ : Այո , ո՛ սաբինացիք , պատուհասեսցեն զիս դիք վրէժխնդիրք , և դուք ընդ նոսա և ամենայն բարեկամք Տատիոսի , եթէ երբէք 'ի

կեանս իմ Թողից 'ի Թշուառութեան զարժանաւոր հարանն՝ զոր ետ ինձ Տատիաս . արին լաւագունին 'ի Թագաւորս 'ի վերայ իմ , եթէ վերջացայց երբէք 'ի հատուցանելոյ արքայազին դատերն որ ինչ պարտիմ հօր նորա :

Եւ զայս ասացեալ՝ ետ աջ 'ի յաջ օրիորդին , և կից ընդ նմա կամէր կարկառել զերկաքանչիւր 'ի խարոյկն . բայց Տատիա ոչ ևս կարէր կալ յուտին , դեղւէր , կարկամէր , և քիրտն ցուրտ հեղոյր 'ի դիմաց . լեզու նորա ընդ քիւնն կցեալ չկարէր և ոչ մի յօղել բարբառ . շրթունք նորա կապուտակեալ պրկէին և ձգտէին դժնէատեսիլ . անկանէր յերկիր , և Թաւալէր և ճգունս ընդ վայր գործէր : Ի զուր 'Երամ և սաբինացիք օգնէին նմա , ահագին ճիւղք փչեաց նա զոգի :

Ետ զուրդն ամենայն խուլեցաւ ընդ տեսին , նշանակք Թունիցն յայտնեցան , հնչեաց գուժկան , և քրթմնջիւն աղօտաձայն ընթանայք հանգոյն հողմոյ մրկի՝ որ սկսանիցի յուղել զալիս : Օ օրքն և քաղաքացիք հայէին ընդ միմեանրս , ցատումն փայլատակէր 'ի դէմն նոցա , և զայրոյթ 'ի սիրտ նոցա բորբոքէր . և անէծք 'ի վերայ Հռոմուլեայ և Հերսիլեայ տեղային : Հընչեաց ապա միաբարբառ աղաղակ , և խոնեալ սաբինացիք առ հասարակ շուրջ զ'Երամայիւ , գօչէին . Արէժխնդրութիւն , վրէժխնդրութիւն Տատիոսի և դատերն , սպանան երկաքանչիւր 'ի Հռոմուլեայ . ա՛ճ զվեղ ընդդէմ խուժաղուժ

արքային, բնութիւն և կրօնք հրամային : Վի մեսցութ պշտմ իսկ ՚ի Հոովմ, կործանեսցութ զքաղաքն անգարիշտ և աղիտաբեր միշտ սարինացւոցս :

Իսկ առաքինին՝ Վրումն շուրջ պատեալ և բրնադատեալ ՚ի յուսահատ ամբոխէն, գրգռեալ ՚ի տեսիլ դժնդակ մահաւ օրիորդին, զայրագնեալ յիրաւացի արհաւրաց՝ զոր ազգէ եղեռն ՚ի սիրտ ամբիծ, ոչ ևս էած զմտաւ՝ զի դից զԹաքաւորս անկ է պատուհասել, և զնախայարձակ Թափ կրիցն ոչ կարացեալ սանձահարել, դիմեաց ՚ի Հոովմ սաբինացւովքն կատաղի անբոխիւ : Բայց խորագիտին Հոռնուլեաց յառաջագոյն գուշակեալ էր զվտանգն : Վաջ գիտելով զի և ընդդէմ սաստիցն իւրոց սպառնալեաց՝ կատարելոց էր Վրումն զուխտ իւր, գրգռեալ յանողորմն հերթիլեայ, և առ ՚ի ինդրել զվրէժ դատերն և զարհամարհանաց իշխանութեան իւրոյ, տուեալ էր խտնել մահագեղ սաստիկ ՚ի գոյզն ինչ կերակրիկն զոր Տատեայ առեալ էր : Բայտէս ոճիրը զոճիրս ծնանին, և անօրէնութիւն յեղեռնաւորագոյն ևս միէ յանօրէնութիւն :

Հոռնուլոս, որ կասկածէրն զապատամբութենէ, ոչ կամեցաւ զնալ յեղբրական ՚ի հանդէսն՝ առ ապահովելոյ զՀոովմ : Բնութեանեալ էին դրունք, և պարիսպք պատեալ զօրօք : Բնբազոյն ևս պատնէշ ընդդէմ սպատամբացն հնարաւորեալ էր խուժագուժ արքային, յափշտա-

կեալ 'ի տանց զկանայս զմանկունս և զծերս սա-
բինացւոց՝ որոց ոչ էր կարացեալ զնալ 'ի յուզալ
կաւորութիւն արքային իւրեանց , և 'ի վերայ
պարսպացն կացուցեալ էր զնոսա 'ի պատարարու-
թիւն զօրաց իւրոց :

Հասին սաբինացիք կատաղաբար գոչելով
վրէժխնդրութիւն , և զգեղարդունան ճօճելով-
այլ զկայ առին սոսկացեալք 'ի տեսանելն զծե-
րունիս իւրեանց զմարս և զտղայս , ընդ որս
հարկ էր թափ անցանել նետիցն առ 'ի հար-
կանել զզօրս Հրոմուլեայ : Առութիւն խորին
փոխանակեաց յանկարծ ընդ ամբոխի աղաղա-
կին . հայէին ընդ միմեանս կարկամեալք բերա-
նաբացեալք բազիզք ձգելովք , և անկանելին զհնք
'ի ձեռաց նոցա :

Անդէն և անդ զքատաղացաւ խոհական պատու
նին . հասու եղև յաճախութեան չարեացն՝ որ
զհետ գային յանդգնութեան , հառաչեաց ընդ
վտանգն՝ յոր արկանէր զժողովուրդն անպարտ .
և ընթացեալ ընդ ռազմն զօրացն , գոչէր . Ա՛խ
ևս վրէժխնդրութիւն , զինուորակիցք խճ. կարօ
ժանրագին լիցի ձեզ այն . ինայեցէք 'ի հպտ
ձեր և յորդիս , արբազնագոյն քան զվրէժխն-
դրութիւն թագաւորացդ ձերոց են պարտքս այս :
Ա՛յն՝ կամիցիք հայրստաբանք լինել և որդեսպանք
առ սէր հասխտի . և ընդից զծերակոյս բազ-
մութիւնդ և զտղաժ երամ մանկուոյդ մատուցա-
նիցէք 'ի սպանդ , իջուցանել զնոսա 'ի դժոխս :

առնուին զխաղաղութիւն . և առեալ մեկուսի զՍետիոս , և գիրկս արկեալ նմա , ասէ . Մարեկամ պանծալի , սրբեա զարտասուս քո . աքսորս այս , որ փրկէ զագգ իմ , կարևոր է յանդորր սրտի իմոյ : Ի՞բը իցէ ինձ հայել միւսանգամ յերեսս հռոմուլեայ , իբը հանդուրժել ՚ի տեսիլ խուժա դուժն հերսիլեայ՝ որոյ զայրոյթ գործակից էր աներկբայապէս եղեռանն՝ ընդ որ ահա հառաչեցաք : Ի՛հ , Սետիէ , բժշկեցաւ սիրտ իմ՝ ՚ի դժոխ ըմբեր կրից անտի՝ որ ապականէր զկեանս իմ . այլ տակաւին ընդ երկար ելցէ ՚ի վիրաց իմոց շարաւ : Սիրեցեալդ իմ , դառնագոյն յաղէտս և դժնգակագոյն ՚ի չարիս , է ամաչել ընդ այն՝ որ քան զամենայն ինչ սիրելի եղև մեզ : Վերեսս ինձ զարտասուս , զոր հեղում զայս վերջին նուագ առ սիրոյ . այսուհետև առ զեղջ արտասուեցից : Յանձն առնեմ քեզ , սիրեցեալդ իմ Սետիէ , ժողովել զաճիւնս արքային մերոյ և զգաստեր նորին զհէքի . հանգիցեն ՚ի միասին ՚ի վերայ շիրմի մօր իմոյ ընդ աճիւնս Տուլլոսի : Տուր ինձ խոստումն՝ ածել զայնոսիկ քեզէն , և մի վստահել յայլ ոք զինամն՝ վասն որոյ նախանձիմն ընդ քեզ . մնա խաղաղութեամբ զինուորակից իմ , երկայնաւուրս տացեն դիք ծերունւոյդ : () մտաւած , զի դու միայն մնաս սաբինացւոց . թագաւոր նոցա ոչ ևս է , հատիա մեռաւ , և Վրոմա հեռի ՚ի նոցանէ կեցցէ . քեզ մնայ պիտիել զորբացեալսն : Բեզ յանձն առնեմ զնոսա , բարեկամդ

իմ մեծարոյ , և յուսամ շնորհս երբեմն ունել
քեզ զբարեացն , զոր ընկալցին 'ի քէն :

Ի զուր Ս' ետիտա զՏետ նորա երթայր , կցորդ
լինել բախտի նորա . գարձաւ դիւցազնն և ասէ .
Խորհեաց 'ի ժազովուրգզ , միշտ անտես լեալ :
Եւ զայս ասացեալ սրացաւ 'ի բաց , դէմ եղեալ
'ի Ս' արսա ընդ նոյն ճանապարհ , ընդ որ յառաջ
քան զամիտս ինչ անցեալն էր սպառազէն 'ի զրահս
բազմափայլս , առաջնորդելով զորացն սաքինա-
ցւոց , արբեցեալ սիրով , ցանկացեալ դիւցազնա-
բար շահատակութեան , քաջայոյս ժամանելոյ
փառք 'ի բարեբաատութիւն : Եւ հաս նա փա-
ռացն , այլ դառնայր ընդ նոյն տեղիս միայնակ
պքսորական և վշտալից , խոյս տալով յերեսաց
արքային՝ որում ծառայեալն , ամաչեցեալ ընդ
այն՝ զոր ուզով չափ սիրեաց , և ստիպեալ խընդ
րել իւր ապաստանս յաղջի՝ զոր յաղթահարեաց :

Ի յաղաց գնաց ել 'ի սահմանացն Հոռումլեայ ,
և թուէր նմա թեթեւացեալ յահագին բեզանէ :
Եւ հասեալ մերձ 'ի Ս' իտելիս , եմուտ 'ի հովիտ
մեծ՝ ուր հոսէր վտակ ականաւկիտ ամենաճիր յու-
ռենեաց և 'ի կաղամախից . և երթեալ ընդ եզր
վտակին , եհաս առ ստորոտով բլրի միջ 'ի քար-
այր խորին : Եւ 'ի խոխոջանաց աղբերականն
ձգեալ , ուստի բղխէր վտակն խաղաղաւէտ ,
եմուտ անզր 'ի ներքս . և ահա , հիացումն մեծ ,
տեսանէ անդ պատանի զօրական ծածկեալ առի-
ծենեաւ և ընկողմանեալ զլախտիւն 'ի նիւրհ :

Հայի նկատէ և ճանաչէ զնա, զի էր քաջն Վեհնդ՝ զոր երթայրն խնդրել 'ի Սարսս, զայն՝ զորոյ զփորձ քաջութեանն առեալ էր, և մնայր նմա զբարեկամութեանն ևս առնուլ զփորձ :

Օարթեաւ Վեհնդ. և իբրև ետես զՎրումն, դիմեաց գիրկս արկ նմա. և գորովանօք համբուրեալ ընդ միմեանս դիւցազունքն երկօքին. Ս'վ բարեկամ, ասեն ցմիմեանս միաբարբառ, 'ի խնդիր քո դիմեալ գայի : Եւ յաւել Վրումն. Վո՞ւ 'ի Հռովմ : Պատասխանի ետ Վեհնդ զուարթ և համարձակ. Վո՞յ, 'ի Հռովմ՝ գայի աքսորական և անապաւէն՝ ապաստանել առ յաղթողդ իմ : Յայնժամ գոչեաց Վրումն. Վ՛հ, մի ևս զյաղթութենէ բանք, բարեկամութիւն անցցէ 'ի հանդէս : Ի՞նչուի իմն այնպէս բախտին կամք՝ պնդել և ևս զգօղ սիրոյ մերոյ ընդ միմեանս, նամնաւիշտս զմեզ յարդարեալ : Վքսորական և ես հանգոյն քեզ, գայի խնդրել առ քեւ ապաստան : Յիշիցես իսկ որ ինչ արարի ես վասն խուժադուժ բռնաւորին Հռոմուլեայ, միայնակ ինձէն փրկեալ զնա և զբանակ նորս. և արդ նա ինքն փոխարէն վաստակոցն իմոց ետ դաւաճանել զազգահանն իմ և զթափաւոր, և դեղով զղուստր նորս սպանանել. և եթէ իշխէի ես երևել 'ի Հռովմ, հարկ էր արեամբ զքաղաքն ողողանել, և կամ մատուցանել տապարաց զգլուխ իմ : Վհա արդարութիւն թագաւորաց, այսպէս ահա հատուցանեն նոքա վարձս ընդ վաստակոց :

Կրկնեալ անդրէն | Լոնդեայ ասէ . Եւրմա , ծառայեցի ես հասարակաց պետութեան , և տեսեր դու զպատերազմել իմ դիմագրաւեալ 'ի վերայ նորա . և թերևս յիշիցես զհրդեհ բանակին հռովմայեցւոց և զառումն քաղաքին Մէքսենտեայ . պատերազմունք ևեթ տրեքանեան լերանցն յիշատակին 'ի Սարսից : Եւ իբրև կրուեցաւ ուխտ խաղաղութեան , և դարձան զօրքն 'ի տունս իւրեանց , գոռոզ ծերակոյտն՝ որոյ զօրավար կացուցեալն էր զիս՝ կոչեաց զիս յատեան առ 'ի տալ համար զզօրավարութեան իմոյ : Ինկեցին նախատանօք զծերունին Սոփանոր յիշխանութենէ . և զիս արտասահման արարին իբր պատրեալ 'ի դաւոյ Հռոմուլեայ , և արկեալ ըզզօրս 'ի դարան՝ զոր դու ինձ գործեցեր : Եւ յսքան է , սիրեցեալդ իմ , արդարութիւն հասարակաց պետութեան . նա աւանիկ այսքան է արդարութիւն մարդկան . ապաշնորհք են առ հասարակ , և անարժանք սիրոյ : Եւ այց սակայն պարտ է բարերարել նոցա առ 'ի հաճոյս դից , և 'ի գոհութիւն սրտից մերոց :

Եւրմա ասէ . Եւ լցաք մեք զպարտս մեր , հեղաք զարիւն մեր 'ի վերայ հայրենեաց . իսկ նոքա մերժեն զմեզ , և ազատ կացուցանեն՝ կեալ այսուհետև վասն մեր : Եւ 'ի Լոնդիէ , եկ ընդ իս յանապատ ուրեք Մպենեանց . ձլեցուք զկոշտ , մշակեսցուք զերկիր . յոյժ առաւել շնորհընկալ գտցի սա մեզ քան զմարդիկ . կեց-

ցուք հեռի՛ի նոցանէ, և բարեկամութիւն պատ-
րաստեսցէ մեզ բերկրանս արժանաւորս վեհից
և եթ հոգւոց : Այլ ՚ի բարբառեւն զայստիկ՝ բոց
աստուածային փայլէր յաչա նորա : Իսկ Աւոն-
դեայ անկեալ զպարանոցաւ նորա, արտասուէր
առ ցնծութեան սրտին և ասէր . Այո, եկից
զհետ քո, և ոչ ևս թողից զքեզ, զսիրտ և ըզ
կեանս իմ նուիրեալ քեզ : Ատոնացան կեանք իմ
ընդերկար ՚ի սիրոյ . ժամ է այսուհետև կեալ
վասն բարեկամութեան : Յայնժամ գոչեաց
Սումն . Բաբէ, դու զսիրոյ բարբառիս, և գի-
տիցես զտառապանս նորին . և չիցէ որ ՚ի մահ-
կանացուաց՝ որոյ կեանք լեալ իցեն զերծ յաղմկէ
դժոխքներ աստուածոյն : Այլ զաղէտս՝ զորս
հասոյց նա ինձ, և դու ևս պատմեա ինձ զաղէ-
տըս քո ի՞վ բարեկամ . քանզի գիտեմ քաջ, զի
ոչ է ինձ մտրթ կեալ առանց բարեկամի :

Այլ մտադիւրութեամբ քաջն Աւոնդ ունին
դնէր պատմութեան նորա, որ ինչ ՚ի ծննդենէ
մինչև ցայնժամ անցեալ էին ընդ նմա անցք .
Այլ գիւրադորով սիրտ նորա զմայլեալ ընդ ան-
կէղծ և ընդ ցածուն յեղանակ պատմութեանն,
ևս քան զևս յարեցաւ յարժանաւոր բարեկամն
զոր ընտրեաց . արտասուէր նա ընդ մահ հուլ-
լոսի և ընդ արքային սաբինացուց, սոսկայր ընդ
վայրկեանութիւն հռոմուլեայ, և երանէր զՍումն
վասն կարելոյ նորա յաղթել կրիցն որ ընդ եղեւ-
նաւորին հերսիլեայ, և ասէր .

Ս չտագին յոյժ լեալ իցէ քեզ յաղթել ան-
 ձին , ո՛վ բարեկամ . հարկ լեալ է քեզ ընտրել
 ընդ սէր և ընդ առաքինութիւն , և նախամեծար
 արարեալ զառաքինութիւն՝ գտանիս հալածեալ
 ՚ի Նոովմայ , թախառական փախստեաց անապա-
 ւէն , բարձեալ բերելով յանձին զնեան կեղեքիչ
 սրտի քո : Այլ աղէ աստ ինձ . եթէ ապախա-
 արարեալ էր քո զուխտիւդ , և զաճիւն Տատիոսի
 առ ոտն կոխեալ , և փեսայացեալ Նոմուլեայ ,
 կարծիցես թէ վայելէիր ՚ի բարեբաստութեան .
 ոչ այգպէս . այլ թախիժք խղձի մտաց տանջէին
 զքեզ , և փեսայդ Նոմուլեայ , ժառանգ թա-
 գաւորութեան , և տէր սիրուհւոյդ , աւաղելի
 ևս գտանէիր և չարատանջ քան զառաքինին
 Վրամն հալածեալ : () փորձ առեալ գիտեմ , ո՛վ
 սիրեցեալդ իմ՝ Վրամն . երկինք , որ պատրաստե-
 ցին մեզ զբարեկամութիւնս զայս , նմանալիչտս
 զմեզ արարին հանգոյն սրտից մերոց . զամենայն
 ինչ փոխանակեցի ես ընդ պարտեաց իմոց : Արու-
 սի մեծութիւնս բազումն , այլ այն ամենայն ոչ
 արժեն վրազազութիւն իմ և զանդորր սրտի՝ զոր
 յանձին բերեմ : Առբք է սիրտ իմ որպէս զվր-
 տակդ ականակիտ . այս առաջին բարեբաստու-
 թիւն : Իսկ երկրորդ՝ վիճակել բարեկամի սի-
 բելոյ , և ահա գտի զայն : Ի՞նչ արդ անցիցն ,
 որ անցին ընդ իս . յանկարճ կարեկից լինէիր ընդ
 նոսին , որպէս եղէ ես ՚ի լուր քոյոցդ :

{ Յայնժամ վերատին՝ Վրամն գիրկս էարկ զսիրե-
 լեաւն , և զիւցազնն մնորսիկ սկսաւ պատմել այսպէս :

ՆՈՒՄԱՆ ՊՈՄՊԻԼԻՈՍ



ԳԻՐԳՆԻՅԵՐՈՐԿ

ՆԱԽԱԳԻՐՈՒԹԻՒՆ ՈՒԹԵՐՈՐԴ ԳՐՈՑ

Լևոնդ պատմէ Նուամյի զիրս մանկութեան իւրոյ , և զգորով առ Միրտալէ մայր իւր . զտարփանան ընդ կամիլլայ , և որպէս փոխանակեաց զայնոսիկ ընդ առաքինութեան . և որ ինչ մայր նորա Միրտալէ 'ի մահուն ծանոյց նմա : Յանկայ 'Նուամ գնալ ընդ Լևոնդեայ 'ի նախնին նորա 'ի հիւզ . մոլորին ընդ Սպենեան լերինս , և հանգիսի 'Նուամ ծերունւոյ ումեմըն . որ հանդերձ զստերն երկիր պագանէր հրոյ :

ՆՈՒՄԸ ՊՈՄՊԻԼԻՈՍ

Գ Ի Ր Ք Ը .

Ի լերանցամէջս Վպենեանց ծնայ ես՝ ի Սարսս .
աղքատ էր մայր իմ և ցաւագար , և այլ ինչ ոչ
գոյր նորա՝ բայց միայն երամակ մի խաշին , հիւղ
փոքրիկ և պարտէզ : Եւ կոչէր նա Սիրտալէ .
և յետ ամսոյ ինչ ծնանելոյ իմոյ՝ այրի մնացեալ
՝ ի հօրէ իմմէ , սիրէր նա զիս որպէս բնաւո-
րեալն է մայր սիրել զորդի որբ ՝ ի հօրէ :

Նշդստին ՝ ի մատաղ տիոց ծածկեալ ՝ ի գայլե-
նւոյ՝ զոր Սիրտալէայ յարմարեալ էր ինձ ՝ ի ըզ-
գեստ , և զինեալ ՝ ի տէգ փոքրիկ՝ զոր գիտէի
իսկ ճօճել և արձակել , արածէի զխաշինս մօր
իմոյ , ունելով ընդ իս շունս երկու ահարկուս ՝ ի
պահ հօտին և հովուիս : Այ երկնչէի ՝ ի գազա-
նաց ամեհեաց . այլ մանաւանդ ցանկայի հանդէս
առնել դեռակիրթ քաջութեան իմոյ ընդդէմ
նոցա : Սողոսէի ընդ ժայուս ընդ կարի իսկ սե-
պացեալս . անցանէի ՝ ի լող ընդ ուղիս ընդ կարի

իսկ սրբնութացս , հասանել զհետ ուլից այծեմանց , և բառնալ 'ի բունոց զձագս աղանեաց վայրի 'ի գագաթանց մայրեաց , առ 'ի պէտս մօր իմոյ : Վանգի դիւրէին ինձ ամենայն դժուարիք , յածել զմտաւ զի մարթէր փափկիկ որսոցն երկարել զկեանս նորա կամ տալ նմա առողջ ջութիւն . և քան զթագաւոր աշխարհակալ երջանիկ զանձն համարէի յածել զբռամբ զձագան :

Ինչ երեկս ածէի զհօտն 'ի հիւղ մեր յարդա ծածուկ , և խայտայր սիրտ իմ ցուցանելով մօր իմում 'ի հեռուստ զաղանիսն և զուր՝ զորս ածէի յաղթանակաւ : Բայց մայր իմ յանդիմանէր զիս քաղցրութեամբ , և սպառնայր զբողանօք՝ ոչ ևս թողուլ ինձ երթալ ուրեք , մեր ժէր իսկ երբէք երբէք զպարգևս իմ , և ոչ ընդունէր զայնոսիկ՝ մինչև առնոյր յինէն խոստմունս բազմապատիկս ոչ ևս արկանելոյ զանձնս 'ի վտանգ : Եւ ասէր ցիս . Երդեակ իմ սիրելի , որպէս չկարեմ զհետ քո ընդ լեառնդ գալ . ոչ ևս լինէր ինձ երկնչել 'ի վտանգաց , եթէ ընդ քեզ 'ի նոսին գտանէի . այլ տկար , ախտակիր , արգելեալ կամ ցաւովք 'ի հիւղս յայս , որ լայնատարր ինձ թուի յոյժ ընդ մեկնել քո աստի , և սիրտ իմ և միտք թռանին զհետ քո : () մտաւ անձ զարհաւիրս իմ . մերթ տեսանեմ զքեզ սողոսկեալ 'ի սուր ծայր սոճւոյ , և ծառն ողջոյն թուի ինձ տկար առ 'ի բառնալ զքեզ . և մերթ ընդ յորձանս ուզխից անցանելով՝ սայթաքէ ոտն

քո ընդ վէմ ողորկ , անկանխ բազկատարած , և
 փրփրադէզ ալիքն ընկուզանեն գբեզ : Շատ
 իցէ քեզ , սիրեցեալ որդեակ , պահպանել զՏօղ .
 կաթն խաշանց մերոց և ունդք պարտիզիս բա-
 ւականք են մեզ 'ի կերակուր . մի անգաւակեր
 զեղինս և զտատրակս 'ի սիրելեաց իւրեանց յոր
 դեկաց . գուցէ կինձք և վարազք անգաւակես-
 ցեն և նոքա զիս : Մ՛հ , գէթ 'ի խշտիս անգութ
 գազանացս խոստացիր ինձ չմտանել , ուր ծած-
 կեն զկորիւնս իւրեանց . երդուիր ինձ և ևոնդիէ
 որդեակ , եթէ ոչ առ սէր անձին , գէթ առ
 սէր մօր քո . խորհեաց զի քեւ կեամ . խորհեաց
 զի 'ի տարածամել քո վայրիկ մի 'ի դարձ , գտա-
 նես զմայր քո ոգեսպառ 'ի հոգոց և 'ի վշտաց :

Մայրս բարբառէր ագ իս Սիրտայէ . քա-
 ջարերէի զնա գգուանօք , և խոստանայի նմա
 խոյս տալ 'ի վտանգաց՝ յորոց կասկածէրն : Իսկ
 նորա ողջագուրեալ զիս , հարցանէր որ ինչ այն
 օր անցք անցեալ էին ընդ իս , և ինքն զիրս ման-
 կութեան իւրոյ պատմէր ինձ յառնուլ մեր կե-
 րակուր . և արագ անցանէր ժամ ընթրեացն 'ի
 քաղցր խօսակցութիւնն : Բարեգութ մայրիկն
 իմ նախ քան զինեւն 'ի քուն՝ պատրաստէր ինձ
 զպաշար վագուին , և դարձեալ վերստին յորդու-
 րէր զիս 'ի զգուշութիւն , գիրկս բազում ան-
 գամ արկեալ ինձ . գգուէր և զշունս իմ հաւա-
 տարիան , ապսպարեալ իմն զիս 'ի պահ նոցին և
 'ի պաշտպանութիւն :

Ը ինական կենցաղ զարթոյց յիս վաղ գկորով .
 'ի տիս տղայութեան՝ գտայ ես հասեալ յար-
 բունս և հուժկու . 'ի հնգեառառնամենի ոչ ևս
 ահարկու էին ինձ արջք և վարազք . ներկաներ
 նիզակ իմ յարիւն նոցա , և ծածկէի ես զայն 'ի
 Ս'իրտալեայ : Ը ունք իմ , որք սրահպանէին զիս
 'ի մանկութեան , ծերացեալ էին և անկեալ յու-
 ժոյ . և ես այնուհետև պաշտպանէի նոցա : Իրա-
 ղաղ երջանիկ 'ի պահ հօտին խոյ՝ նուագէի
 սրնգաւ , կամ հետամուտ լինէի բնակչաց անտա-
 ուին : Սէ ինչ ցանկալի էր ինձ , ոչ ինչ սիրելի ,
 բայց միայն մայր իմ : Ս իշտ էր ինձ միայն , զի
 անզօր և գայթ 'ի գայթ առողջութիւն նորա օր-
 րստօրէ ևս քան զևս տկարանայր յամաց :

Ի միում յաւուրց բազմեալ կայի 'ի կատար
 ժայռի միոյ , ուստի գահավիժէին սահանք ան-
 դրնդախոր ընդ ինև ահագին խոխոջանօք , և տեսի
 յանկարծ եղջերու հարեալ նետիւ՝ զի փախ-
 չէր ճապաղելով զարիւն , և եկն անկանել 'ի
 հեղեղատ անդր՝ որ 'ի կարկաջահոս քարավա-
 զիցն գետահետեալ գնայր : Եւ ահա երևեցաւ
 օրիորդ Մնացոն , արկեալ զիւրեաւ առիւծենի ,
 կապարձ 'ի յուս , աղեղն 'ի ձեռին , մտրակ 'ի
 կուշտ առնելով թեթևընթաց երիվարի՝ որ սը-
 րանայր զհետ նետահար եղջերուին : Մնահասու
 կան էր գեղ նորա . վարսք երկայնաձիգ սեաւք
 գեղածփեալ զուսովքն , և արիութիւն և եռանդն
 փայլէին յաչս նորա՝ ոչ ինչ զքաղցրութիւն դիմաց

նորա այլայլեալ : Ալ մինչ դեռ ակնկառոյց 'ի նա զմայլեալ կայի կաթողին , և ահա խեռ երիվարին վազեալ 'ի յուղին , և 'ի յորձանաց անտի մղեալ տանէր . 'ի զուր վերելեալն ջանայր վարել զնա յայնկոյս , ալիք փրփրադէզք յետս ընդ կրունկն մղէին զնա : Առուսեաց ձին 'ի ներքուստ , և ընդ ուղ խըն թաւալէր . և օրիորդն ջրասոյղ անհետանայր :

Անդոստ նոյն հետայն յալիս , հետազօտէի ընդ երկար փրկել զնա , մինչև բուռն հարեալ զերկայնաձիգ վարսիցն՝ ձգեցի զնա յեզր անզգայեալ : Ալ ոչ կարացեալ դարձուցանել զնա 'ի զգայութիւն , ածի զնա 'ի հիւղ մեր , ուր խնամօք մօր իմոյ ուր ուրեմն եբաց նա զաչա իւր : Աւանդ , աչքն այնոքիկ գեղեցիկք և քաղցրահայեացք վառեցին յիս հուր անշիջանելի : Հայելի 'ի գեղ նորա գերաշխարհիկ , զոր խանդաղատելի ևս գործէր տժգոյն դեղնութիւն . և յոյզք և աղմուկք կրէին յիս անծանօթք : Աայց թէպէտ և աղմկեալ ոչ յագէի 'ի տեսանելոյ զնա , և ոչ կարէի 'ի բաց կալ 'ի նմանէ : Ալ իբրև լուծան շրթ թունք նորա , և սկսաւ շնորհակալ լինել ինձ , շառագունեալ թոթովէի . եհարց նա զանուն իմ , և հարկ եղև մօր իմոյ տալ նմա զպատասխանին :

Սա մն ինչ անդ առ մեզ հանգուցեալ Ամազոնն գեղանի , պատրաստէր ապա զնալ՝ առանց յայտնելոյ մեզ թէ ո՞ր էր : Ատոյց մօր իմում՝ դրամս ոսկիս , այլ մեք վշտանայաք ընդունել . զբաց

զայն , և յեռա առեալ զդրամնն , հան 'ի պարա նոցէ իւրմէ զքառամանեակն մեծագին , և եղ զայն 'ի պարանոց Սիրտալեայ . և ակնարկեալ յիս շնորհապարտ խանդաղատանօք , մերկացաւ զառիւծենին՝ զոր կրէր զհանդերձիւքն ծիրանօք , և մատոյց ինձ ասելով . Սեճն Մկիդէս կրէր զսա , և ետ հաւուն իմում 'ի պարգև փախարէն հիւրընկալութեան նորա . զնոյն և ես հանգոյն Հերակլեայ պարգևեմ իմումն կենսաւ առիդ . և եթէ ոչ սխալէ գուշակութիւնս իմ , մորթս ահաւոր՝ զոր զաւակն Վիոսի արկ զանձամբ՝ ոչ 'ի ձեռս անարժանս անցանէ : Այլ զայս առացեալ , գիրկս էարկ մօր իմում , ակնարկեաց յիս քաղցր և ցածուն հայեցիւք , արգել զիս 'ի գնալոյ զհետ իւր , և սրացաւ 'ի բաց :

Հայէաք ընդ միմեանս ես և մայր իմ . արկածք և եթ նորա տային մեզ հաւատալ , զի չէր նա մի 'ի դից : Արկեալ զարմացմամբ և ապշութեամբ նկատէի զառիւծենին դեռ ևս թաց յողողմանէն . ցանկալի ևս թուէր ինձ այն՝ վասն զ՝ մազոնին ծածկելոյ զթիկունս , քան աստուածորդոյ զիւց ազինն կրելոյ զայն զիւրեալ : Արապարանք նորա և շարժմունք և գնացք տպաւորեալ կային 'ի միտս իմ , խօսք նորա հնչէին յականջս իմ . զայն առաջին նուազ 'ի կեանս իմ ցնորեալ և տարտամ 'ի լուր մօր իմոյ , թագուցանէի 'ի նմանէ զկիրո՛ որ կրէին յիս :

Ի վաղիւ անդր ընդ ծագել արևու դարձայ .

ընդ խաչն իմ՝ ի ժայռ անդր՝ ի ջրվէժ, արկեալ զինև զառիժենին պանծալի : (Յորմէ հեռէ հարաւ սիրտ իմ յայն՝ զօրութիւն նոր հեզաւ յիս և արիութիւն աննկուն, միանգամայն և հուր վառեցաւ յիս ծախիչ. որոյ և ևս արծարծանէր բոց ի դառնալ իմում՝ ի վայր անդր՝ ուր զգեղանին տեսի զ՝ մագոն : Աջեալ յեզր հեղեղատին, խնդրէի զտեղին՝ ուրաճօր կեցուցի զնա . քաղցր էր ինձ բազմել ի դալարուոյն, ուր հանգուցի զնա կիսամեռ : Հառաչէի, տազնապէի, հայէի շուրջ զինև . և լերինքն և սահանք և տեսարանն գեղեցիկ՝ որ երբեմն զուարճացուցանէին զիս, ոչ ևս ձգէին զաչս իմ յիւրեանս . ամայիք ինձ թուէին ժայռքն, և զարհուրելի միայնութիւնն : Այլ ևս հոգ էր ինձ զխաշանց իմոց, դժպհի թուէր ինձ սրինգ իմ, և մռառցայ զնիզակ . սակայն չկարէի մեկնել ի վայրացն, որ ցանկալի էին տխրութեան սրտի խնայ :

Ի դառնալ իմում առ մայր իմ՝ ոչ ևս քաղցրանայր ինձ խաղաղութիւնն, զոր առ նմն գտանէի . երկայն թուէին ինձ ժամք, զորս անցուցանէի ի հիւղի անդ . հազիւ պատասխանէի հարցուածոց նորա . հնարս հնարէի առ ի տալ նմա խօսել զօրիորդէն անծանօթէ, իսկ ես ոչ իշխէի խօսել զնմանէ . մանեակն, զոր կրէր Ա՛րտայէ ի պարանոցին, ձգէր զաչս իմ յինքն անդադար . գիրկս ստէպ արկանէի մօր իմում, առ ի կարօղ լինելոյ համբուրել զմանեակն :

Ընցին աւուրք երեք . և այգուն այգուն դաւնայի 'ի ջրվէժ անդր , և անդ մնայի ցմուտս աւրեու ակնկառոյց 'ի կողմն լերինն՝ ուստի Ըմազոնն եկն ինձ յերևան . և ահա 'ի չորրորդումն աւուր դառնայր նա անդրէն , զինեալ որպէս զառաջինն , և հեծեալ 'ի ձի ոսկեսար . և 'ի տեսանելն զիս 'ի վերայ ժայռին , շառագունեցան երեսք նորա : Սրացայ առ նա . էջ նա ընդոտտ յերիվարէն , և ապսպարեալ զայն 'ի բուն մի ծառոյ՝ նստաւ 'ի միում ուրեք 'ի վիմի , և հրաւիրեալ զիս 'ի նիտտ . Հովուիկ քաջ , ասէ , ոչ ինչ երկմտէի գտանել զքեզ աստ . առ քեզ իսկ եկի : Դու կեցուցեր զիս , ինձ զկեանս քո պարտ է երանաւետել . և առ այս իսկ գամ : Ըստ ինձ համարձակ , զինչ պէտք իցեն քեզ առ 'ի բարեբաստութիւն . իմ իմիք կարօտի մայր քո . գիտաջիր զի շնորհապարտ եմ՝ յոյժ առ քեզ , և հաւասար շնորհապարտութեանս իմոյ է յիս կար :

Ըջք 'ի խոնարհ , ետու պատասխանի . Ո՛վ դու , զոր չգիտեմ զինչ անուանել , դու որ ազգես յիս պատկառանս՝ որպիսի առ դիս և եթ կրի յիս , որ արժան համարեցար յիշել զՏովիւս , և որ յանձն առեր այց առնել նմա . անհ , մեծ է բարութիւն քոյին քան զվաստակս՝ զոր ես քեզ մատուցի . այսուհետև ես քեզ շնորհապարտ գտանիմ : Դու հարցանես՝ թէ զինչ պէտք իցեն ինձ առ 'ի բարեբաստութիւն . մինչ չև իմ տեսեալ զքեզ , ոչ ինչ պէտք էին ինձ : Ըչ ինչ պակասէ մեզ , ինձ և

մօր իմում. է մեր խրճիթ առ 'ի պատարու թիւն 'ի մնասակարութեանց օդոց, պարտէզ առ 'ի կերակուր, և խաշն առ 'ի զգեստ : Վնամ իսկ ստէպ 'ի գիւղս մերձակայս վաճառել զասրն յաւերեալ քան զպէտս մեր, և ածեմ մօր իմում արծաթ՝ որ մեզ չէ ինչ պիտոյ, այլ տամք զայն մտադիւր կարօտելոց ծերունեաց՝ որ երբէք երբէք գան առ մեզ 'ի խնդիր հիւրընկալութեան : Չիք քեզ ապա այլով իւիք բարեբաստիկ զկեանս իմ յարդարել, բայց դովին իսկ զոր առնեսդ. զի չիք յաւուրս կենաց իմոց բարեբաստագոյն քան զայս օր :

Սպտեցաւ Մնացոնն 'ի լսել զայն, և ասէ . Վաջ է . և զի տեսեան և եթ իմում կարօտիս, եկից երբէք երբէք քեզ 'ի յայց . երախտիք իսկ քոյին պարտ առնեն ինձ զայս . այլ ոչ ասացից քեզ՝ թէ ո՛ր իցեմ . շատ լիցի քեզ գիտել զի Վամիլլա կոչիմ . և որ ինչ իսկ լեալ իցեն գաղտնիք ծննդեան իմոյ, լեր աներկբայ զի քաղցր է Վամիլլայ շնորհապարտ վասն կենացն իւրոց գուր և տնդեայ :

Եւ զյետինս զայսոսիկ գորովական ձայնիւ ասացեալ զբանս, յարեաւ, ելոյծ զերիվարն 'ի ծառոյն, և յուս նորին աշտանակեալ՝ ակնարկեաց յիս, և եղև անտես : Իսկ ես խելայեղեալ կայի 'ի խնդութենէ . գորովն՝ զոր եցոյց առ իս, ակնարկել նորա յիս 'ի մեկնելն իւրում, և խօստումն գարձի նորա այլ յայլմէ առնէին զիս, և բորբոքէր սիրտ իմ . կրկնէի ստէպ զանունն Վա-

միլլա , կամէի ուսուցանել զայն արձագանդաց
 լերանցն շուրջանակի , և քանդակել զայն 'ի
 կեղևս ամենայն ծառոց : Ամբիլլա և եթ ըսյր
 զսիրտ իմ , ոչ ևս ինչ տեսանէի ընդ տիեզերս
 բաց 'ի Ամբիլլայ : Այ տրտմութիւն կրէր յիս
 այնուհետև , և ոչ տաղտուկ . անապատքն այ-
 նորիկ էին ինձ վայրք ցանկալիք . մայրիքն և
 ժայռք և սահանք թուէին ինձ նորահրաշք , զա-
 մենայն ինչ գեղեցկացուցանէր ինձ սէր : Առեւ
 իմն ինձ ընութեանն զամենայն գեղեցկութիւնս
 իւր ժողովեալ յանապատ անդր 'ի չքնաղ , եր-
 կրնչէի թէ գուցէ որ յափշտակէր զայն յինէն ,
 և կամէի զայն անմատոցց այլոց առ հասարակ
 մահկանացուաց : Աեղածիծաղ ևս թուէր ինձ
 հիւզն իմ , առաւելագոյն ցածութեամբ գնայի
 առ մայր իմ , քաղցրագոյնք էին գրկախառնու-
 թիւնք մեր , և խօսակցութիւնք ևս քան զևս
 սիրելի և գորովական :

Ամբիլլա եկաց 'ի խոստմանն , և յետ երկուց
 աւուրց դարձաւ անդրէն . ո՛հ , քանի արագ ան-
 ցին վայրկեանքն՝ յորս եկաց նա ընդ իս . բազում
 անգամ եկն 'ի շրթունս իմ , փոքր միւս ևս՝ և կա-
 մէի յայտնել զսէր իմ , այլ 'ի շրթունս անդ բանք
 իմ զկայ առնուին . 'ի հայել իմում 'ի նա , կա-
 մէի բարբառել . և իբրև հայեր նա յիս , պատ-
 կառանք կապէին զլեզու իմ : Օտրհանապատ
 այնուհետև Ամբիլլա գայր 'ի ջրվէժն . և առանց
 յայտնելոյ նմա զի սիրելի ես զնա , և առանց լե-

լոյ 'ի նմանէ զառհաւատչեայ փոխադարձ սիրոյ ,
խօսակցեալք ընդ միմեանս որպէս տարիաւորք :
Սինչեւ մեկնեալք 'ի միմեանց՝ ժամադիր լի-
նէաք դարձեալ տեսանելոյ զմիմեանս . և երկա-
քանչիւր կանխեալք քան զժամադրութիւնն :
Վանին խնդութիւն էր մեզ 'ի դառնալն առ մի
մեանս , քանի բերկրանօք պատմեալք իրերաց
զխորհուրդս մեր . զինէն և եթ բարբառէր ինձ
կամիլլա , և զկամիլլայ և եթ բարբառէի ես
առ նա . զրուցատրութիւնքս այսոքիկ բերկրալիք
նոյնք էին հանապազ , և նորանորք մեզ հանապազ
թուէին :

Ոչ ինչ թագուցանէր կամիլլա յինէն , բայց
միայն զազգ իւր . Օ ի փոյթ է քեզ , ասէր , զազ-
նուականութենէ իմնէ . շատ է զի զգործով սրտի
իմոյ դու գրաւես բովանդակ : Եւ հնարէր ևս
սիրելին իմ կամիլլա կրթել և զարդարել զոգի
իմ . ուսեալ էր նորա , և ուսուցանէր զիս . պատ-
մէր ինձ զթագաւորութիւն (Յանոսի , զարշա-
ւանս Ղրղոնաւորդաց , և զպաշարմունս թե-
բայ և զՏրովադայ . և վարժէր զիս 'ի տաղս Հե-
սիողեայ և Հովերի : Վանին քաջ ուսանէի զգաս
իմ . ամենայն որ ինչ 'ի շրթանց նորա ելանէր ,
տարաւորէր 'ի միտս իմ . և ոչ ևս մոռանայի որ
ինչ միանգամ ասէր ինձ կամիլլա : Օ մայլէի 'ի
լուր նորա , վառէի 'ի լսել գբաջութիւնս Ղքիլ
լեայ , և 'ի նկարագրել Հովերի զ'ստղիկն՝ գե-
ղեցկագոյն քան զնա թուէր ինձ կամիլլա :

Այսպէս անցանէին կեանք իմ. զտիւ 'ի սէր անցուցանէի, և զերեկոյս 'ի գորով սրդիականս . զի տարփանք Վամիլլայ ոչ միայն ոչ եղկացուցանէին 'ի սիրտ իմ զսէր Սիրտալեայ, այլ և ևս արծարծանէին : Այ բաժանէր սիրտ իմ ընդ Սիրտալէ և ընդ Վամիլլայ, այլ երկաքանչիւր գրաւէին զայն բովանդակ . 'ի զիցն արդեօք բարեբարութենէ այսպէս տնօրինեալ, սասակագոյն իսկ սիրոյ յաւելուլ զզօրութիւն այլոց առաքինութեանց առ հասարակ 'ի սիրտ մեր, եթէ միայն իցէ սէր առաքինի :

Բարեբաստութիւն իմ ոչ ընդերկար տևեաց . անց օր մի, և ոչ ևս երևէր Վամիլլայ . 'ի վաղիւ անդր ոգեսպառ 'ի հոգոյ՝ մնայի հառաչանօք գալլատեան նորա . և ահա եհաս, այլ գոյն երեսաց նորա հատեալ էր, և ասէ . Արեցեալք իմ, բարեբաստութեանս մերոյ եհաս վախճան . ողբք առաջի կան մեզ ընդ կարճատև կենակցութեանս : Յարդ թագուցի 'ի քէն զազգ իմ, թէ գուցէ երկուցեալ 'ի մեծութենէ նորին՝ չիշխէիք 'ի սէր իմ . և քաղցր էր ինձ սէր քոյին, առանց գիտելոյ քո զազգ իմ . այլ արդ ժամ է ինձ յայա նելոյ քեզ զայն, զի գուստր եմ արքայազն ըստ արկածից բախաի :

Օ այն իբրև լուայ, քիրան ցուբտ էջ ընդ մարմին իմ . ծունկք իմ կթուցեալ և ընդ միմեանա բաբախէին, և լեզու իմ կարկամեալ՝ չկարէի յօղել և ոչ բառ մի : Այ կալեալ Վամիլլայ գձե

ուանէ իմնէ, նստոյց զիս առ իւր . և փարատեալ զերկիւղ իմ, ասէ . « Դուստր եմ արքային վեստացւոց . սուղ է ճանապարհն՝ որ աստի՛ի Անկիլիա քաղաք թագաւորութեան նորա . զգթօսանս պատճառեալ որսոց՝ գայի առ քեզ զօրհանապազ, յուսով ընդերկար վայելից բարերաստութեան . այլ դուստր եմ միամօր հօր իմնմ և ժառանգ թագաւորութեան նորա : Ամենայն թագաւորք Խալիոյ խնդրեն զիս՝ ի հարսնութիւն . և մանաւանդ երկու՝ ի նոցանէ սպանան ի վերայ մեր պատերազմ, եթէ ոչ վաղ արարից զընտրութիւնն : Ա՛ի ի նոցանէ է արքայն Արոկաց, որոյ սահմանք կիցք են մերոցս, և ազգ նորա ոսոխ մերոցս լեալ միշտ : Հարսանիք իմ ընդ որդւոց նորա լուեցուցեն յաւերժ ըզպատերազմունս ի միջի մերում, և կացուցեն զպետութիւն մեր հզօր : (Իկնք քաղաքավարութեան և բանին և մարդասիրութեան նպատեն արքայորդայն, որ ի մատաղ տիոց շրջի ընդ կողիս Ալլադայ՝ դաստիարակ եւեթ զգօն ընդ նմա, ուսանել և կրթիլ յարուեստ մեծ թագաւորելոյ . և դասնայ նա արդ առ հայր իւր :

Աստի նորին ահաւոր է Տեյեմաս արքայ սալենատացոց : Օրութիւն նորա և մեծութիւնք և ազնուականութիւն տոհմի, զի Տեյեմայք և Անտիոպ նախահարք են նորա, նախամեծար զնա կացուցանեն քան զարքայորդին իշխան Արոկաց : Այլ մեզ ոչ ինչ է երկիւղ ի սալենատացոց,

որ հեռի են՝ ի մէնջ՝ անջրպետեալք յազգաց բազմաց . և հրեշտակք Տէլեմասայ դժուարաւ կարացեն յաղթել արքային Սարկաց , որ ինքնին իսկ եկեալ է յարքունիս հօր իմոյ՝ խնդրել զիս ՚ի հարսնութիւն : Յերկաքանչիւրոցն հաւասար է ինձ վիշտ , զի ոչ ևս եղէց ազատ սիրելոյ զքեզ ՚ի սպառ : Լ՛յլ դու Լ՛ւնդիէ , գիտես քաջ զորդիական պարտս . ծերունի է հայր իմ , և տկար ՚ի պաշտպանել անձին յերեսաց թշնամեաց . ստիպէ զիս յընտրութիւնն , երզմնեցուցանէ զիս յալիս իւր՝ մի գրգռել պատերազմ , որ ածեալ ձգեսցէ աղէտս ՚ի վերայ իւր և ՚ի վերայ ամենայն ժողովրդեանն : () Ինչ առնել իցէ ինձ . լեր ինձ խորհրդակից :

Ետու նմա պատասխանի . Կամիլլա , զի տոհմ քոյին և իշխանութիւն ոչ ինչ աւելի մեծարոյ առնեն ինձ զքեզ քան զանուն և եթ քոյին , սիրտ՝ որ գիտէ սիրել , փոխանակէ ընդ սիրոյ զամենայն . այլ սիրտ առաքինի փոխանակէ զսէր ընդ իւրոցն պարտուց : Լ՛քիութիւն իմ քաջ վստահ առնէ զիս պահ ունել աշխարհիդ , և բախտիւս այսուիկ զինեալ , և զնեմեան առիւծուն առ կեալ զինև զմորթ՝ վանել քաջ ՚ի պարտպաց ձերոց զմարտկացին զսալեմտացին և զամենայն ազգս Ետալիոյ . այլ թէպէտ և գտանիցիմ վեհազոյն քան զամենայն դիւցազունս , և հաւատարիցեմ Լ՛կիդեայ , սակայն իշխեցից առնուլ զքեզ ինձ ՚ի հարսնութիւն . քաւ լիցի ինձ , չկարեմ եր-

մէք ժառանգել զքեզ : Եւ գոչէի արտասուօք . դու դուստր ես արքայի , իսկ ես հովիւ հէք : Եւս՞ զ անմտութեանս իմեւմ , զի . . . ով Կամիլ լա , քանի ծանր լիցի ինձ տոյժս :

Եւ մի թէ թեթեազոյն իմն լիցի , յաւել Կամիլլա . կարծիցե՞ս թէ սիրտ իմ թաղծեալ նուազ քան զքոյդ վշտանայցէ : Եւ լէ ինձ տակաւին նշոյլ ինչ յուսոյ . ճանաչեմ ես զարքայն Կարոկաց , ոչ զԿամիլլա՝ այլ զսահմանս նորա խընդդէ նա՝ ՚ի ժառանգութիւն որդւոյ իւրոյ : Իսօսեցայց ընդ նմա յայտնապէս , երդուայց թողուլ ՚ի նա զթագաւորութիւն իմ՝ ՚ի մեռանել հօրն իմոյ՝ եթէ թողուցու նա ազատ զընտրութիւն իմ , և պաշտպանեսցէ մեզ յերեսաց Տէլեմասայ : Եւ յոյս իշխանութեան ՚ի վերայ ազգացն երկոցունց յանկուսցէ զսիրտ նորա փառամօլ , և բարեբաստիկ զանձն իմ համարեցայց ՚ի փոխանակել զթագ ընդ քաղցր իրաւունս սիրելոյ զքեզ Եւնդիկ :

Օ ուր ջանացայ շրջել զնա՝ ՚ի խորհրդոց անտի , մեկնեցաւ նա յինէն , ՚ի մտի եղեալ դիմագրաւել յամենայն վտանգս : Եւ նայի վշտագին դէտակին կայեալ անժոյժ դարձի սիրուհւոյն իմոյ . և դարձաւ նա յետ երկց աւուրց զուարթադէմ , և ժպիտ ՚ի շրթունս նորա , գոչելով . Բարեբաստիկք լիցուք մեք , բարեբաստիկք լիցուք . խօսեցայ ընդ արքային Կարոկաց , և յայտնեցի նմա աներկիւղ զի սիրտ իմ ընդ քեզ է . կարեկից եղև

ընդ մտերմութիւն իմ, և նուէր թագի հաւանեցոյց զնա՝ ի նպատ մեր : Ա իւր զառաջարկութիւն արքային . որդի նորա որ գայր՝ ի կղզեացն Ալլալադայ ընդ դաստիարակի իւրում միայնակ , մեռեալ է ի Արեւոտե . և զի ուղևորէր յանձանութս , ոչ ոք գիտէ զմահ նորա : Աստիարակ արքայորդւոյն յետ զրելոյ զգոյժ մահուն առ հայր նորատառապեալ , չև ևս իշխե երևել առաջի նորա՝ զկայ առեալ ի Ալմատիա : Ասգաւորն ողբայ զորդեակ իւր , այլ առաւել վիշտ է նմա ընդ կորուստ ինամութեանն՝ որ մատուցանէր խաղաղութիւն ժողովրդեան նորա , և ընդարձակէր զասհմանս նորա կրկնապատիկ : Արումն փառասիրութեան նորա սիրտեսցէ զվիշտ նորա . այլ զի մի ի Տելեմաս անցցէ թագաւորութիւն իմ , այս ևեթ մնան նմա հնարք : Ալ ոք յարքունեաց նորա ճանաչէ զարքայորդին մեկնեալ անտի ի սկզբնաբոյս հասակի . և մինչ դեռ համարին զսակենդանի , և սպասեն նմա հանապազ , արքայն Արոկաց ընկալցի զքեզ փոխանակ նորա յորդեգիրս :

Աորհուրդ ետ թագաւորն մեկնել զնալ քեզ ի Ալմատիա , յարել ի դաստիարակ արքայորդոյն , ածել առ նա զմատանի արքային և զհրովարտակ . և ապա դառնալ ընդ նմա , և ընկալցի զքեզ թագաւորն որպէս զորդի իւր , և ժողովուրդն պատրեալ համարեսցի զքեզ որդի նորա , և եղէց քեզ ի հարսնութիւն , և լիցիս

դու բարեբաստիկ , և խաղաղութիւն երկոցունց ազգաց և բարօրութիւն քո և հանգիստ իմ եղիցին արգասիք անմեղանչական կեղծեացս , որ առանց վնասելոյ ումեք՝ այսքան տնօրինէ բարիս :

Մհա այսոցիկ քեզ գամ աւետաբեր . լիցուք մեք ՚ի միասին , Վ ևռնդիէ . Թագաւորեսցես դու ՚ի վերայ երկուց ազգաց , կացցուք անմեկինք ՚ի միմեանց . բախտ և սէր ՚ի միասին գեղեցկանըսեհ յօրինեսցեն զկեանս մեր : Մղէ դու ընդէր ոչ բերկրիս , ընդէր ոչ ՚ի գոհութիւն զիցն երկիր պագանես . առ ինչ անշարժ , առ ինչ տրտմագին զառհաւատչեայ բարօրութեանս մերոյ ընդունիս . զինչ այլ վիշտ աղմկէ զքեզ . . . յինչ խորհիս . . .

Իսկ ես ետու պատասխանի . Ի մայր իմ : Հարկ է ինձ կամ զքեզ կորուսանել , կամ զկենսաւ տուն իմ տեսանել մեռեալ առ վշտին . դու ինքն լեր դատաւոր , դու որ հանդերձեայն էիր փոխաւ նակել զսէր մեր ընդ խաղաղութեան հօր քո . օրէն իցէ ինձ Թողուլ քանել զ՝ իրտայէ , օրէն իցէ ինձ բառնալ ՚ի նմանէ զմիակ պատասպարանն՝ որ մնայ նմա : Ինդմիջեաց զբանս իմ Վամիլլա . Մյլ ցցուք զնա ամենայն բարեօք : Իսկ ես ասեմ . Մյլ բառնաս դու ՚ի նմանէ զորդի նորա , այլ բռնադատես զորդին՝ ոչ ևս ունել զնա ՚ի մայր իւր . խորհել ևեթ յայն՝ սոսկումն է ինձ : շիք , սիրեցեալդ իմ Վամիլլա , չիք իսկ Թագաւորութիւն և ոչ բարեբաստութիւն ինչ յաշխարհի՝ որ արժիցէ զինաստս զայս գերագոյն ՚ի պար

գւերս բնութեան , և նախամեծար 'ի բերկրանա սրտից մերոց : Չկարեմ զիմաստս զայս մերժել 'ի սրտէ իմմէ , և ոչ կեղծել իսկ զմերժումն զայն :

Եւ ոչ աստ զից ատնու եղևոն , զոր լիցի ինձ գործել յանուանելն թագաւոր Սարգսց . այլ , պատրանք դժպատեհ , հասգանդեցին ինձ խաբկանօք ազգք , և եղէց թագաւոր խաբուսիկ : Եւ , եթէ օրինաւորացն իսկ արքայից ծանուցեան պարտք , և տացեն համարս դից զբարեացն՝ զորոց անխոյթ արարին , և զչարեաց՝ զորս ոչ արգելին , քանի ահագին քան զնոցայն պահանջեացի յինէն համար , որ անհրաման 'ի գիցն անցեալ կացից յաթոմ՝ իբր գողացեալ զթագաւորութիւն , և սպաս մեծարանաց յետնոյն 'ի սառկէն կշտամբեցէ զխաբէութիւն իմ : Սի . ո՛վ կամիլլա , մի լիցի ինձ այս . պատուականազոյն ես դու ինձ քան զամենայն բարութիւնս , վկայեն ինձ երկինք և սիրտ իմ՝ զի տաց ես ըզկեանս իմ առ 'ի ժառանգել զքեզ օր մի . այլ բարեբառտութիւնս այս մեծ՝ յոր 'ի խորհելն և եթ զմայլին միտք իմ , ոչ ևս լիցի ինձ բարեբառտութիւն՝ եթէ խիղճ մտաց իմոց չիցէ խաղաղ : Յաջողութիւն 'ի դէպ եկեալ առաքինութեան , ոչ է մարթ զբերկրանաց ինչ առնուլ զճաշակ առանց խաղաղութեան՝ զոր նայն և եթ տայ : Բազմեալ ընդ քեզ գահակից , գտայց 'ի գահոյս անդ թշուառ տանջեալ 'ի խղճէ . լաւ ևս իցէ ինձ թշուառութիւն 'ի բախտէ : Թող զիս յանա-

պատի աստ . լի է սա քե , և լիցի ինձ կեալ 'ի ամա : Այցից զքեզ աստ յաւերժ , այլ զքեզ և եթ լացից , անկորուստ ժառանգելով զառաքինութիւն : Անա խաղաղութեամբ , Աամիլլա . դարձիր յարքունիս հօր քո , մոռա զհէքս . և բերկրութիւն , զոր կրէ անձն վեհ 'ի ընու զպարտըս իւր , մեղմեացէ զկարեկցութիւն քո ընդ թշուառութիւն իմ :

Այլ 'ի բարբառեմն իմում զայսոսիկ՝ զաչս 'ի խոնարհ ունէի առ 'ի ծածկել զարտասուս իմ . իսկ Աամիլլա մտադիւրութեամբ ունկն դնէր բանից իմոց՝ պշուցեալ յիս . լուռ եկաց նա ընդ երկար , և ապա կալեալ զձեռանէ իմմէ պնդապէս , ասէ . Աիրեմ զքեզ Ա ևոնդիէ , և առաքինութիւն քոյին լրումն առնէ անչափ և յաւերժական սիրոյն՝ զոր դու յիս ազդեցեր . այլ հաւանիմ քեզ , և այժմէն հրաժարիմ 'ի քէն : Այս , հրաժարիմ 'ի քէն . այլ դարձեալ վերըստին խոստանամ և երդնում ածել ընդ իս 'ի գերեզման զսէրն՝ որ կցորդեացն զմեզ , և զպատկեր քոյին բերել անջինջ տպաւորեալ 'ի տխուր յիմումն սրտի՝ ցորչափ սա բաբախէ . և եթէ ընկձեցայց 'ի վշտաց սորին , որպէս մաղթեմն 'ի դից , առ քեզ շունչ իմ յետին ուղերձեցի :

Այլ զայս ասացեալ եթող զիս . և ընդոտտ 'ի ձի աշտանակեալ , և զողջոյնն հրաժարական փղձկեալ ձայնիւ երիցս կրկնեալ՝ առ իս զբազուկ սըն տարածանելով , մեկնեցաւ . և դառնայր հայ-

էր արտասուալից աչօք 'ի ժայռն , 'ի ջրվէժն ,
'ի տեղին՝ ուր յաճախ 'ի միասին բազմէսք , և
Թուէր նոցին իսկ տալ ողջոյն հրաժարական :
Եւ ապա զայն վերջին նուագ անհարկեալ յիս
գորովանօք և տրտմութեամբ , եղև անտես : . .
Եւ ոչ ևս յաղետալի օրէ անտի և այսր տեսի
զՎամիլլա ո՛ր բարեկամ :

Եւսաց և զկայ էառ , և վտակք կրկին իջանէին
յաչացն , ընկճեալ ոգի նորա յահագին բեռանէ
վշտացն : Վարեցաւ զնովաւ՝ Եւմա , և դիւցազուն
քրն երկոքին կային գիրկընդիսառն անբարբառ .
և ապա ուր ուրեմն | ևննդ բուռն արարեալ ան
ձին , զհառաչանան ընկրկեալ , զհեծութիւնսն
հեղձուցեալ , և յառաջ ածեալ զբանսն , ասէ .

Վամէի Թագուցանել 'ի մօրէ իմմէ զգոհն ,
զոր վասն նորա արարի . զի գորովոյ նորա ընդ իս
յաւելուլ այլ ևս ոչ էր կար , այլ լինէր ինձ յա
ճախել նմա վիշտս : Օ ամենայն ջան 'ի գործ
առնէի առ 'ի ծածկել զվիշտ իմ . անցուցանէի
զաւուրս ցերեկ 'ի լաց 'ի նմին ժայռի 'ի նոյն տե
ղիս , ուր տեսեալն էր իմ զՎամիլլա . իսկ 'ի
դառնալ իմում 'ի հիւղ՝ զուարթութիւն կեղծա
ւորէի , յարդարեալ զդէմն իմ . և եթէ երբէք
չյաջողէր ինձ Թագուցանել զտրտմութիւն իմ
'ի սրատես մայրենի աչաց , հնարէի այլ ինչ
արկածս ոչ յոյժ տրտմականս Սիրտալեայ , և
յորոց մարթ էր նմա սփոփել զիս :

Եւնցին այսպէս ամիսք երկու , և ոչ ընդունէի

զրոյց ինչ զՎասիլիայ, և ոչ մեղմանայր վիշտ իմ քան զօրն զառաջին՝ յորում եհաս ինձ : Մէսղ միւս ևս ընդ հուպ յաւելաւ ինձ վիշտ . զի անկաւ մայր իմ՝ ի մահիւն : Օւամենայն բանջար ախտաբոյժ զըջակայ լերանց մատուցի ՚ի փորձ, այլ հասեալ էր ժամ նորա : Օգաց նա զի մերձ էր ՚ի մեռանել, և կոչեցեալ զիս առ ինքն նուազ ձայնիւ, ասաց զբանս զայսոսիկ՝ որ տակաւին թուին հնչել յունկն իմ : Պատրեցի զքեզ, լևոն դիէ, չեմ ես մայր քոյին . ՚ի մահիւն մահու խընդրեմ ՚ի քէն թողութիւն պատրանացս, որ քաղցրացուցին ինձ զկեանս իմ : Փախուցեալ յերեսաց պելիզնացուց՝ որ պատերազմէին յայնժամ ընդ մեզ, թողի զհիւզ իմ, հասի յեզր Մտերնեայ գետոյ ՚ի գիւղն Մէիա՝ այն ինչ թողեալ այրեացաւեր ՚ի բարբարոսացն . և ՚ի նշխարս զարհուրականս հրդեհին և կոտորածոյ, ՚ի զրահանս դիականց տեսի զքեզ յորրանս Կունատեալ արիւնաշաղախ հարեալ ՚ի սրոյ՝ որ տակաւին ՚ի կողս քո կայր : Վթացայ ՚ի Կեղ քոյին, եդի զձեռն իմ ՚ի սիրտ քո, և զգացի զի դեռ ևս բաբախէր . բարձեալ բերի զքեզ որրանօքդ, ողջացուցի զվէրս քո, խնամեցի զաղկաղկ տիս քոյին, դու մայրակոչ ինձ եղեր, և չկարացի ես երբէք հրաժարել ՚ի քաղցր անուանէն . երկնչէի թէ գուցէ ՚ի յայտնել իմում քեզ՝ զի չէիր իմ որդի ; թողուիր զիս : Մէի ՚ի միտս իմ : Չգիտեմ ըզծնօղս դորա, և ոչ նոքա աւելի ինչ կարիցէն սիրել

զդա . Թողից զդա 'ի պատրանսն , որ առանց
Թշուառացուցանելոյ զկեանս դորա՝ սփոփէ զիմս :
Ըստըիկ եզեն պատճառք խաբէութեանս իմոյ ,
ներեա տկարութեանս իմում . այնպէս սիրէիր
դու զիս , սիրեցեալ որդեակ , զի դու ինքնին
անհնարին ինձ առնէիր զյայտնութիւնն՝ որ
զրկէր զիս 'ի սիրոյ պատի քումմէ :

Օ այս իբրև լուայ , գիրկս արկի նմա , և
Թացի զնա արտասուօք . և ասէ ցիս . Սիրեցեալ
որդեակ , հարկ է մեզ արդ մեկնել 'ի միմեանց .
զազարեա յարտասուաց՝ որ դառնագոյն զհրա-
ժեշտ իմ գործեն . խորհեաց 'ի սփոփանս քո ,
զի դու միայն բարեբաստիկ արարեր զիս . խոր-
հեաց զի քև միայն երկարեցան կեանք իմ : Ը-
հանգ , չգիտեմ եթէ անցցէ քոյդ խաղաղաւետ .
ցորչափ կէի ես , երկնչէի թէ գուցէ մայր քո բը-
նիկ եկեալ բառնայր զքեզ յինէն . այլ արդ մինչ
մեռանիմս , ցանկալի է ինձ աւանդել զքեզ նմին :
Ը՛ր զքարս զայս պատուական , յորում քանդա-
կեալ կան տառք ինձ անծանօթք . 'ի պարանոցի
քում գտի զդա 'ի փրկելն զքեզ , և ծածկեցի 'ի
քէն ցարդ . յանկարծ յայտնէր դա քեզ զմայրն
բարեբաստիկ , որ 'ի ծոցի իւրում կրեաց զքեզ :
Ը՛հ , եթէ տեսցես դու զնա , ասա դու նմին՝ քանի
նախանձիմ ընդ բախտ նորա . ասա դու նմա , զի
գորով իմ արժանի զիս Թերևս այնմ յարդարէր .
և Թողէք ինձ երկաքանչիւր , զի կոչեցի զքեզ
որդի իմ : Ս՛նա խաղաղութեամբ որդեակ իմ ,

և թճղ ինձ զայս վերջին նուագ զքաղցր անունդ . մատիր եկ առ իս , ձեռք քոյին կափուսցեն զաչս իմ , և մինչ չև զյետին տուեալ շունչ՝ կոչեցայց միւսանգամ՝ ՚ի քէն մայր :

Ո՛վ մայր իմ , գոչեցի ես յայնժամ , մայր սիրելի . ես որդի քոյին եմ , և եղէց մինչև ցմահ . ՚ի զուր . . : Եւ յնա ոչ ևս էր կենդանի , մահ անողորմ առեալ էր զաւարն : Ոչ նկարագրեմ քեզ , յումա , զսուգ իմ . զի նմանավիշտք են սիրտք մեր , և չև ևս մոռացօնք լեալ են քեզ որ ինչ ՚ի մահուն Տուլլեայ կրեալ վիշտք : Վիզի խարոյկ դուզնաքեայ , ուր դիակն Սիրտայեայ դարձաւ յաճիւն . Ժողովեցի զմոխիրն՝ ՚ի սափոր ձեռակերտեալ յինէն , և թաղեցի զայն ՚ի շիրիմ հողաբլուր՝ զոր կանգնեցի ոչ ինչ հեռի ՚ի բնակութենէ իմմէ . և ՚ի վիմին , զոր ածի զշիրման , եդի արձանագիր . Եստ հանգչի Սիրտայե . հիւրդ մայրասէր խորհեաց ՚ի սա , և հեղ արտօսր : Խցի ապա զխուց իմ , և թողեալ զայն ընդ պահպանութեամբ : Յաւերժ հարսանց , և զհօտ իմ լքեալ , մեկնեցայ ՚ի լերանցն , և դիմեցի մղեալ բռնի ՚ի մայրաքաղաք վեստացոց : Եւ հասեալ ՚ի Վինկիլիա , գիտացի զի չքնաղագեղն Վամիլլա յետ ընդերկար հակառակ կալոյ հօրն՝ յանձն առեալ էր լինել կնութեան արքային սա լենտացոց , և մտեալ ընդ հրեշտակս նորա ՚ի նաւ : Հարաւ սիրտ իմ կարեւլէր ընդ գոյժն , որպէս թէ անակնկալ էին ինձ իրքն . դարձայ

վազ ընդ փոյթ յ՝ պենեան լեանս . և թափառեալ այսր անդր՝ ոչ ուրեք դէմ եղեալ, հասի ՚ի բանակն Սարսից ՚ի պահու՝ յորում ընտրելին զօրավար : Տեսիլ բանակին զարթոյց յիս զեռանդն փառաց, եղի ՚ի մտի կորնչել կամ կալ դիւցազն . արկի զանձն յառաջ՝ ՚ի վէգ եկեալ վասն զօրավարութեան, և դէպք ՚ի բարի ելին ինձ : Վիտես իսկ զրպէս ՚ի մարտի անդ առաքի նացայ . և ահա այս ինձ հատուցաւ մրցանակ :

Եւ վախճանեաց Լեոնդ զբանս իւր . բայց Վրամն ՚ի լուր պատմելոցն կարկեալ կայր անշարժ պշուցեալ ՚ի նա . և ամենայն կիրք ՚ի խօսել դիւցազինն մարսկի ՚ի վեր երևեալք, ներգործէին ՚ի յոգևոջ սաբինացւոյ դիւցազինն . ՚ի նկալազրել Լեոնդեայ զմանկութիւն իւր և ՚ի մանրապատում առնել զմայրասէր գորովանս իւր, զուարթանային դէմք Վրամայ ՚ի ժպիտ քաղցր . և ՚ի խօսել Լեոնդեայ զՎամիլլայ և զտարփանաց իւրոց, հոսէին յաչաց Վրամայ արտասուք :

Խոնարհէր արեգակն ՚ի ծոց (ձետեայ), և բաբեկամքն երկոքին խորհուրդ կալան կալ զգիշերն զայն յայրի անդ : Ելին քաղել միրգս ինչ ՚ի հովտին, և դարձեալ անտի մնային քնոյ : Յայն ժամասէ Վրամն . հասաք իսկ ուր դէմ եղեալն էր երկաքանչիւրոցս, զի գտաք զմիմեանս . խորհեսցուք առ վաղիւ՝ ուր հաճոյ իցէ գնալ : Եւ իսկ ՚ի սրտի իմում՝ ուղևորել ընդ Ելլադա, գիտել զբարս աղգաց, և յաւելուլ գիտութեամբն

յիմնաստուծիւն և յառաքինուծիւն : Եւ ընդ իս
 ասէ . Եւ թէ սիրէին մարդիկ զառաքինուծիւն
 սիրելիդ իմ , օգուտ էր գիտել զայնոսիկ , և
 յաւելուի՝ թէ շրջեսցուք ընդ աշխարհ , լինել
 ըւազոյնս 'ի դառնալ մերում : Եւ զինչ լիցի
 մեզ տեսանել Եւ յլլադա , զինչ իսկ այլ ամենայն
 ուրեք . Թագաւորուծիւնս , ուր ստրուկք հաւ
 զանդին և բռնաւորք հրամայեն . հասարակա
 պետուծիւնս պառակտեալս , ուր քաղաքացիք
 յառհաւատչեայ ազատուծեան իւրեանց խող
 խողեն զմիմեանս . արս աւագս հալածեալ վա
 րեալ պքսորեալ , որոց դառնազոյն քան զկո
 րուստ հայրենեայն է կորուստ փառացն՝ զոր ա
 ռաւել քան զհայրենիս իւրեանց սիրէին . իմաս
 տասէրս պանծացեալս յիմնաստուծիւն , որ յու
 զեն հանապազ զկեանս իւրեանց 'ի խնդիրս մտ
 տիս՝ զորոց ինքեանք իսկ երկբային : Եւ զի մի
 մի թուիցեմ . ազգս հարստահարեալս , զառաքի
 նուծիւն անտես լեալ , զփառամոլուծիւն կամ
 զնափառուծիւն տիրապետեալ 'ի մարդիկ՝ որ
 առաւել թուին զարմանալիք : Եւ զինչ օգուտ
 լիցի մեզ , Եւումն , յուղևորուծենէս . Թերևս
 ախտաւորագոյնք անտի դարձ արասցուք : Եւ զ
 անդր 'ի բաց . ոչ էր մարթ արարչապետին տիե
 ղերաց հարկ 'ի վերայ զնել մարդկան առ իմաս
 տուծիւն շրջել ընդ աշխարհ , սպառել զգեղեց
 կազոյն կէս կենացն 'ի ստացուած առաքինու
 թեանց վասն անհաւաստի ծերուծեան . իւ

ըսքանչիւր ումեք 'ի մէնջ տուեալ է 'ի ծնէ մա-
տեան և դատաւոր խիղճ մտաց մերոց . խաղա-
ղութեամբ ընդ սմա կեցցուք , և գտանիմք ամե-
նագէտք :

Նյումա ասէ . Վաջ է , մի մեկնեսցուք ապա
յաւալիոյ , դարձցուք 'ի լերինս քո , երթիցուք
բնակել 'ի հիւզ քոյին և գտանել զհօտ քո :
Սչակեցից ես զերկիր քո , արածեցից զխաշն քո ,
ողբացից ընդ քեզ 'ի վերայ գերեզմանին Սիր-
տալեայ , խօսեցայց ընդ քեզ հանապազօր զյա-
միլլայ 'ի ջրվէժն վաղ իսկ ծանօթ ինձ . և փո-
խանակ մայրենի գորովոյ՝ որ երանաւետերն զա-
ւուրս քո յապաստանի աստ , բարեկամութիւն
սփոփիչ քաղցրացուցէ զվիշտս քո : Նշ 'ի լսել
զայն Սևնդեայ՝ զիրկս արկեալ փարեցաւ զնո-
վաւ , և յուղի անկան երկոքեան 'ի միասին . և
անցեալք ընդ երկայնութիւն աշխարհին յիւրաց,
և ընդ Տոլոն գետ սրընթաց , մտին յանտառս
արբենկացւոց , և հասին յԱպենեան լեռն :

Բայց դիւցազունքն երկոքին , որոց պարէնք
էին որսք իւրեանց , մոլորեցան հետամուտք զհետ
անտառաբնակ էրէոց : Ընցին ընդ քարաժայռս
ափափայս , խորամուխ եղեն յանտառախիտս , և
տեսին ապա հովիտ մի զուարճալի՝ շուրջ պա-
տեալ յանմատոյց լերանց , յորոց աղբիւրք բա-
զումք բղխեալ ուռզանէին զհովիտն : Թամիք ,
բարտիք և սարոյք ամբառնային յեզերս վտակաց
խառն ընդ ձիթենիս , ընդ կնձնիս պսակեալս ող

կուզաբեր ուռուիք, և ընդ այլ պտղաւէտ ծառա :
 Ղալարի խիտ և ծաղկաւէտ յօրինէր ամենայն
 ուրեք գորգս կիտուածոյս : Անդ ամենայն ինչ
 ազգէր խաղաղութիւն և առատութիւն, յտակը
 էին անդ օգբ և վտակք ականակիտք . և ոչ
 այլ ինչ լսելի լինէր անդ՝ բայց կարկաջ արեաց և
 դայլայլիկ թռչնոց, որ ճախր առեալ ընդ սաղար
 թրս ծառոց թուէին նախանձընդդէմ միմեանց
 հռչակել զբարեկենդանութիւնն՝ յոր վայելէին :
 Բարեկամք երկոքին հարեալք ՚ի գեղ վայ-
 րացն, փութացան իջին ՚ի հովիտն . գնային ընդ
 այն և զարմանային, և վայելէին ՚ի բերկրութիւն
 սուրբ՝ որ քան յերկնից շնորհեալ ՚ի տեսիլ չքնա-
 ղագեղ բնութեան . և ընդ գնացս յորդագունի
 վտակին հետեւեալ, ոչ ուրեք հետս գտանէին մար-
 դոյ : Աչ հասին ՚ի տեղի ուրեք՝ ուր յերկուս վտակն
 բաժանէր . և ժամադրեալ ՚ի նոյն տեղի դառնալ
 գտանել զմիմեանս, մեկնեցան գնալ ընդ երկա-
 քանչիւր առաջս գետոյն : Առնդեայ ձիգ ըն-
 թացեալ, ոչ այլ ինչ եզիտ՝ բաց միայն ծառա-
 ստան և ծաղկունս և միրգս . իսկ Ղումն բարե-
 բաստագոյն գտեալ՝ նշմարէր ՚ի հեռուստ խաչինս
 ճարտիւաւորս անշուն և անհովիւ մերձ յանտա-
 ոակ ուրեք սարդէնեաց : Ամուտ անդր յամրա-
 քայլ, և դիտեալ և հետազօտեալ ետես ընդ
 կամարաձև յասկաւ վայրի օրիորդ սպիտակա-
 զգեաց նստեալ ՚ի բազմոց դալարի . և թուէր ըն-
 թեռնուլ ուշիւ մատեան մի՝ զոր ունէր ՚ի վերայ

Ծնագոյն : Արարք նորա խարտեաչք անկեալք
 զուսովք նորա և զերեսօք ամբառնային մեղմիկ
 'ի զեփիւռ , և երևէր դէմք նորա չքնաղազեղ՝
 որպիսի չիք լեալ երբէք . և զգեղեցկութիւն
 նորա 'ի բնէ պայծառացուցանէին պարզութիւն
 և անկեղծութիւն նկարեալ 'ի կերպարանս նորա :
 Արեւք նորա քաղցր և զուարթ զանդորր բարե-
 բաստիկ և զխաղաղութիւն առաքինութեան 'ի
 յայտ ածէին . գերաշխարհիկ իմն էր 'ի նմա , որ
 'ի բաց մերժէր զամենայն պատկեր զգայական ,
 և ամբիժ և զմայլական իմաստիւք ընդր զՏոգի .
 չազգէր երբէք տարփանս , այլ մեծարանս իմն
 սուրբս և գորով եռանդուն քան զտարփանս իսկ :

Ի տեսիլ նորին զկայ էառ՝ Նումա , ոչ ևս այլ
 այլեալ և աղմկեալ . ոչ յաճախէր բաբախիւն
 սրտի նորա , այլ բերկրութիւն իմն զգայր նա
 քաղցր՝ որ ոչինչ զմիտան զառածանէր , և հեռի
 էին 'ի նմանէ խորհուրդք սիրոյ : Այ ևս դիցուհի
 զՏօլուուհին կարծէր . զգայութիւնք նորա խաղա-
 ղաւէտք և հիացեալք՝ ոչ ինչ կուտակէին նմա
 զիրան . այլ զիսկն ևեթ զնոցին տեսեալ , նկա-
 տէր յօրիորդն անծանօթ զգեղեցկազոյնն 'ի մահ-
 կանացուաց , արդեօք և զառաքինագոյն : Առիկ
 մնջիկ մտեալ ընդ թփուտան , մատեաւ առ նա .
 դիտէր զմատեանն՝ որ 'ի վերայ ծնագոց նորա
 կայր , այլ տառք նորա անծանօթք էին նմա . և
 ընկրկեալ զգուշութեամբ , յետկուսէ սաղարթա-
 խիտ թփոցն կայր 'ի թագստեան : Այ ահա

գայր ծերունի ոմն պատկառելի, յեց՛ի ցուպ իւր
 ՚ի բազմոստ . սպիտակավարսիւք գլուխ նորա
 ծածկեալ, և մորուք երկայն ընդ կուրծան իջա-
 նէր, և ՚ի խորշոմն դիմացն բերէր կերպարան
 իմն վեհ՝ զոր աղէտք և ամբ ոչ էին եղծեալ : Եւ
 ասէ ցհովուուհին . « Եւստր իմ, ահա արեն խո-
 նարհի, երթիցուք ընուլ զպատուէրս աստուածայ-
 ին օրինաց : Յոսն եկաց հովուուհին, և մեծա-
 վայելուչ տիպ դիտակի նորա երևէր Վումայ :
 Եկանողիք նորա կապուտակք հայէին ՚ի հայրն,
 և կարկառէր առ նա զուարթութեամբ զբազուկ
 իւր . և ծերոյն յեցեալ ՚ի բազուկ նորին, դառնայր
 դանդաղաբայլ ՚ի հիւղ մի կառուցեալ ՚ի խորս
 անտառին :

Եւ ևս իշխեալ Վումայ գնալ զհետ նոցա, դի-
 տէր զամենայն շարժմունս նոցա : Եւ ւազան նոքա
 զձեռս իւրեանց յաղբեր ականակիտ ջրոյ, և
 մտին ՚ի հիւղ անդր . բայց ծերունին ել անտի
 ընդ հուպ փոխեալ զձե իւր, ընդ պճղնաւոր
 պատմուճանին հանգուչն իմն զգեցեալ պարեգօտ,
 և երփնագոյն ածեալ ընդ մէջս կամար, և զդէմ
 սրն սքօղեալ կիսովին : Բարձեալ բերէր անօթ
 պղնձի, յորում բորբոքէր հուր բոցածաւալ . և
 հանգոյց զայն երկիւղածութեամբ ՚ի սրբատաշ
 վիմի : Օհետ գայր և դուստր նորա, բերելով
 խունկս անուշոնս և արմատս և տրցակ ցամաք
 ոստոց : Երկաբանչիւր ՚ի գուռն իջեալ՝ արկին
 գնուէրս իւրեանց ՚ի հուր, արծարծեալ զբոցն

գործեօք ոսկեղինօք , և ասացեալ աղօթս 'ի բարբառ անծանօթ :

{ Զարուցեալ ապա ծերունին , նովին երկիւղածուծեամբ 'ի բաց տարաւ զանօթն . և օրիորդն հովուուհի ժողովեալ զխաշինս իւր ցրուեալս ընդ արօտ , աճ զնոսս 'ի փարախ ցանկապատ , և դարձաւ առ հայր իւր : | Կէ՛ լրումն լի եղեալ զարմացմամբ և ինդուծեամբ , դառնայր փուծապէս առ | և ոնդ :



ՆՈՒՄԱ ՊՈՄՊԻԼԻՈՍ



Գ Ի Ր Ք Ի Ն Ն Ե Ր Ո Ր Դ

ՆԱԽԱԴՐՈՒԹԻՒՆ ԻՆՆԵՐՈՐԴ ԳՐՈՑ

Նուժա և Լևոնդ հիւրընկալեալ 'ի Ժերունւոյն , սքանչա-
նան ընդ դուստր նորա Անայիս , և տրամուծեամբ մեկնին 'ի
խրճԹէ անտի : Լևոնդեայ դարձ 'ի նախնին իւր արարեալ 'ի
հիւզ , գտանէ զՎամիլլա . հրճուանք երկոցունց տարփաւո-
րացն : Վամիլլա պատմէ զարկածս իւր , և հարսնանայ Լևոն-
դեայ . և մեկնեալ ընդ Նուժայ դառնան առ Ժերունին : Նու-
ժա , առ 'ի փրկել զԱնայիս և զհայր նորա 'ի ձեռաց աւազա-
կաց , վիրաւորի : Վէպք Զրադաշտի , և ճանաչել Լևոնդեայ
զհայր իւր :

ՆՈՒՄԸ ՊՈՄՊՈՒԼԻՈՍ

Գ Ի Ր Ք Թ .

Մումայ հասեալ փութանակի առ բարեկամ
իւր , պատմեաց նմա որ ինչ ետեսն . և առաջ
նորդեալ նմա 'ի հիւղ անդր , հասանեն բաղխեն
զդուռնն : Վայ հովուուհին , և 'ի բանալ զդուրնն'
'ի տեսիլ նոցին խռովի : Լճոնդիոս ասէ . Ս'ի
երկնչիր , արք խաղաղութեան եմք . լեր մեզ
ասպնջական , վաղիւ 'ի ծագել այգուն գնասցուք
զճանապարհ մեր , գոհացեալք զդից վասն բա-
րերարութեան քո : Օայն լուեալ օրիորդին ,
փութացաւ յառաջ քան զնոսա՝ ազդ առնել
հօրն , որ 'ի խորս անդ խրճթին նստեալ կայր 'ի
բազմոց փսիաթեայ , և 'ի ձեռին նորա աղեկատն
և իլ թողեալ 'ի դստերէն : Լթուք քանի մի
անհարթք , սեղան խարխուլ , պնակք փայտե-
ղէնք կախեալք զունկանցն , և առնութեք նոցին
քնար երեսեայ . այսոքիկ էին ամենայն կահք և
մեծութիւնք անփառունակ սնակին :

Ինչ տեսանել ծերունւոյն զհիւրան՝ յարեալ ել ընդ առաջ նոցա , և հրաւիրեաց զնոսա՝ հան զիստ առնուլ . և ասէ ցղուստր իւր . Ենայիս , պատրաստեա ջուր եղկ , և սպասաւորեա հիւրոցդ որ ինչ իցէ մեր լաւագոյն : Եւ օրիորդն պարկեշտ հնազանդեալ՝ արծարծեաց զջուր՝ ի վառարանի , չոգաւ խնդրեաց անօթ պղնձի , ելից զայն ջրով , և ընթացաւ ՚ի պարտէզ մինչդեռ բոցն փարէր զպղնձեան : Եւ դարձաւ անդէն բերելով խաղող և ձիթապտուղ և այլ միւրզս , խորիսխ մեղու և ծաղկունս՝ զորս խառն ընդ միւրսս եղ ՚ի սեղանի . ած և բաժակս հացեայս , և անօթ խեցեղէն լցեալ ՚ի գինի նոր , և ՚ի կոնք մեծ փայտեայ հեղեալ ջուր եղկ , եբեր զայն առ հայր իւր : Եւ ծերունւոյն լուացեալ զուս նոցա , թէպէտ և հրաժարէին , բազմեցաւ ընդ նոսա ՚ի սեղան :

Հագիւ երկոքին դիւցազունքն կարէին բացատրել ծերունւոյն զչնորհակալիս իւրեանց առ յոջ զրս սրտիցն . և Երուան ակնկառոյց յԵնայիս՝ պքանչանայր ընդ գեղ նորա , ընդ բնական շնորհսրն , ընդ բարեձեւութիւն ախորժ և անձիգն . և մեծաւանդ ընդ գութ նորա հայրասէր , և ընդ ցանկալի պարզմտութիւնն՝ ար և ՚ի դուզնաքեայս իսկ ՚ի նորին գործս երևէր , առանց խնդրելոց նորա ցուցանել զայն և յակամայս իսկ նորին : Եւ երանի , ասէր ընդ միտս իւր Երուան , որում այսպիսի ոք իցէ քոյր . քանզի ակնածութիւն

Նորա՝ յերեւոյց օրհորդին ոչ ներէր նախ այլ իղձս :
 |սկ | և զնոյ ընդ ծերունւոյն առաւել պարապէր
 քան ընդ դասերն . իղձք իմն ներքինք՝ իւր իսկ
 անգիտելիք՝ ձգէին զնա՝ ի սէր նորին . ալիք նորա ,
 դէմք պատկառելի՝ յորում տպաւորեալ երեւէին
 թշուառութիւն ընդ առաքինութեան , և վսեմ
 ծանրութիւն առանց իրիք խատութեան , ազդէին
 ՚ի | և զնոյ մեծարանս խտն ընդ սիրոյ : | Կն-
 կառոյց և ծերունին իսկ կայր ՚ի նա նուազեալ
 աջօքն , նկատէր զնա և դարձեալ հայէր յ| Կայ-
 իս , և թուէր համեմատել զախպս դիմաց նոցա :
 | Ը ՚ի նկատել անդ՝ յուլոց հանէր . և միրզն՝ որ
 ՚ի ձեռին նորա՝ անկանէր , աչք նորա ընտին ար-
 տասուօք , և բարեգութ ծերունին սրբէր զար-
 տասուան առ ՚ի նկատել և ևս զդիւցազնն մար-
 տիկ :

| Կայիս , որ դիտէրն միշտ զհայր իւր , զգաց
 զյոյզս սրտի նորա . և վարկուցեալ զայն արգա-
 տիս տխուր յիշատակաց , առ զքնարն փարատել
 զտրտմութիւն . և փափկիկ մատամբքն յարմա-
 րեալ անդէն զլարս քնարին , քաղցր և խանդա-
 ղատելի ձայնիւն նուագէր : | Եւմա և | և զնոյ և
 ծերունին իսկ զմայլէին ՚ի լուրն : | Ը երգեաց
 նա զաշխարհս ՚ի հրամանէ | Եւմա ՚ի զոյ ա-
 ծեալ , զարեգակն ՚ի փշմանէ նորին ծագեալ ՚ի
 բեղնաւորութիւն երկրի , բերել հունձս և ծառս
 զբանջար և զբոյսս ախտաբոյժս : | Ը զստեղծումն
 նուագեաց զմարդոյ անմեղ ՚ի բնէ և անմահ , և

զանկումն նորին 'ի բարեբաստիկ կենացն և զապականումն 'ի խարամանույ չարեացն արարչէ որ են ընդ տիեզերս . զի ոստին այն ազգի մարդկան , գոյակից իրմզդի , ապականեաց զալբերանն բարեբաստութեան՝ խառնեալ չարիս անհամար ընդ բարերարութիւնս գերագունի էին , և հեղ ընդ երկիր ախտս ընդ ցաւոց . և զի օրէնսդիր առաքեցաւ 'ի յերկնից՝ մարտնչել ընդ խարամանոցն և յաղթահարել զնա , առ 'ի կանգնել զանկումն մարդկութեանս , ածել զմարդիկ 'ի ճշմարիտ կրօնս , և կենդանացուցանել 'ի սիրտ նորա զբողբոջ առաքինութեան՝ որ խամբեալն էր յանօրէնութենէ :

Իստանօր ծերունոյն ակնարկեալ յԱնայիս , և լռեաց նա զանուն օրէնսդրին : Հայէին ընդ միմեանս 'Եւման և Եւոնդ զարեացեալք ընդ սքանչելիսն՝ զորս երգէր , և յորոց ինչ ինչ համաձայնք էին կրօնիցն իւրեանց . այլ սիրտք նոցա շարժէին մանաւանդ ընդ սիրելի պարզութիւնն և ընդ գերիխնատ խրատան բարոյականս՝ զորս Ինայիս յեռոյր 'ի վէպսն : Չայն նորա գողտրիկ , զգօնութիւն և ամօթխածութիւն յաճախէին զգեղ նորա . թուէր 'Եւման պերապիտ խեալ 'ի բնակարանս դից , և լսել 'ի շրթանց Իթեւասայ խորհուրդս նորահրաշ :

Իպա հիւրոցն 'ի քուն եղեալ , 'ի վաղիւ անդր ընդ առաւօտն պատրաստէին ուղւոյ լինել . այլ յօժարութիւն իմն և սիրելութիւն գաղտ ցան .

կալի առնէր նոցա զհիւզն զայն , դառն էր նոցա մեկնեւ անտի , և հաճոյ կեալ նոցա անդ : Օ նոյն և Մնայիս և հայր նորա ցանկային . փութացաւ Մնայիս 'ի պարտէզն քաղել պտուղս և բերել առ Վուամ , և ծերունին ստիպէր զ Վունդ տանել ընդ իւր գինի 'ի տկի . և երկաքանչիւր ցուցանէին հիւրոցն զճանապարհս դիւրինս , և աղաչէին զնոսա դառնալ անդրէն 'ի հովիտ անդր : Եւ խոստացան նոցա զայն Վուամ և Վունդ , և անկան յուղի՝ ընկճեալ սիրտք նոցա 'ի հեծութեանց : Երկաքանչիւր անբարբառ դարձուցանէին ստէպ զաչս իւրեանց 'ի հիւզ անդր տրրամութեամբ , և զմտաւ ածէին 'ի լուութեան որ ինչ տեսեալն էր նոցա և որ ինչ լուեալ : Արօնքն անծանօթք՝ զօրոյ երգէր Մնայիս զխորհուրդս և աղօթքն առ հրոյն 'ի բարբառ սրբազան՝ յուզէին զմիտս նոցա և աղմկէին զուշ և զուրուշ . զարմանայր Վունդ զծածուկ իմն սիրելութենէն՝ զոր կրէր ընդ անծանօթին , որ ոչն թուէր ծնեալ յ՝տալիս . իսկ Վուամ զսիրելութենէն ընդ օրիորդին , որ խանդաղատագոյն քան զտարփանս էր : Եւ ապա ուր ուրեմն Վուամ լուծեալ զլուութիւն , խորհուրդ 'ի մէջ էարկ՝ դառնալ բնակել ընդ օրիորդին : Օ նոյն և Վունդ ցանկայր , բայց կամէր զնախնին տեսանել միւսանգամ զհիւզ , և ողբալ անդրէն զգերեզմանաւն Սիրտալեայ : Ա՛ծարոյ էին Վումայ իղձք նորա . և 'ի յոյզս սրտի երկաքանչիւրոցն նորոգէին տխուր յիշա-

տակը .] Լոնդ բարբառէր զՎամիլլայ, իսկ՝ Վուան
 համեմատէր զՇերսիլիա ընդ պարկեշտն Վնայիս .
 և առ գուժ գորովոյ տրտմութեան լային երկա-
 քանչիւր , և զմիմեանս մխիթարէին : Ո՛ր սքան-
 չելիք բարեկամութեան , որ ամօքէ զաղէտս կա-
 րեկցութեամբ , և որ 'ի վշտաց իսկ յառաջ բերէ
 բերկրանս :

Օ աւուրս երիս ուղևորեալ նոցա , և ահա
 ետես] Լոնդ զհիւղիւր , և 'ի տեսիլ նորին ըզ-
 կայ առեալ նուաղեցաւ : Վստ օգնեալ 'ի Վուանյ՝
 յառաջ խաղայր , և ծառք իւրաքանչիւր և վայրք
 և որ ինչ իրք անդ ծանօթք՝ ածէին 'ի միտս նորա
 քաղցր յիշատակ : Վստ ուրեմն զբօսնոցր ընդ
 Սիրտալեայ , անդ լսէր զխրատս նորա , և այլուր
 դարձեալ մշակէր ծաղկունս՝ ընծայել նմա զայնու-
 սիկ . և ամենայն ինչ յիշեցուցանէր նմա զաւուրս
 գորովանաց և բարեբաստութեան : Վսք նորա
 արտասուալիցք չկարէին տեսանել որ ինչ յաճա-
 խրն տեսեալ էր նոցա . օղք , զորս շնչէրն , հեղ-
 ձամղձուկ առնէին զնա . ընկձէին զգայարանք նորա
 'ի զգացմանց , ճնիէր սիրտ նորա , և սակայն քաղց-
 րութիւն իմն գաղտնածածուկ զգայր 'ի տրրտ-
 մութենէն :

Հասեալ 'ի դրունս անդր , եդ ծունր , համ-
 բուրեաց զերկիր , և ամբարձեալ զձեռս իւր՝
 մատոյց զաղօթս զայս դիցն դաշտականաց . Ող-
 ջոյն ընդ ձեզ յաւերժ հարսունք և պարիկք , որք
 իմասնսրկեցիք ինձ 'ի մանկութեան իմում , և

զորս դարձեալ տեսանեմ ցնծութեամբ, ողջոյց ընդ ձեզ. ընկալարուք այժմէն զաղօթս՝ զոր 'ի բոլոր սրտէ ձեզ մատուցանեմ, և ապա հանից ձեզ մասն 'ի նուիրաց կաթին՝ զոր զգերեզմանաւ մօքն իմոյ հեղից: Այլ յեա աղօթիցն յարուցեալ եմուտ 'ի հիւզն. և յապուշ եղև 'ի գտանել անդ զամենայն որպէս և թողեալն էր, զամենայն ինչ 'ի կարգի, զամենայն ինչ յիւրում տեղւոջ. տեսանէր զգեղարդունս իւր զառաջինս, զգործիս մշակութեան, և զառաջին սրինգն՝ որով երգեալն էր զՎրամիլլա. ետես զսրինգն զայն, և համբուրեաց խանդաղանօք: Բայց թողեալ զամենայն, դիմեաց 'ի գերեզման անդր Սիրտալեայ, և եգիտ զայն դալար ծաղկամբք զարդարեալ. և բազումք այլ ևս թառամեալք յայտ առնէին, զի ձեռն երկիւղած նորանորս հանապազօր մատուցանէր անդր ծաղկունս: Առնդեայ անդանոր 'ի ծուր անկեալ, թանայր արտասուօք ըզխիտ դալարին՝ որ զգերեզմանաւն էր բուսեալ, և օրհնէր զձեռնն անծանօթ՝ որ զարդարէրն զնա: Իսկ Վրամա լռիկ մնլիկ առնութեք բարեկամին աղօթէր, կարեկից լեալ նմին:

Այլեալ ապա Առնդեայ զձեռանէ նորա, յորջորջելով զՎրամիլլա, ձգէ զնա 'ի ժայռն կոյս և 'ի ջրվէժն՝ որոյ սիրելի էր նմա յիշատակ: Փութացաւ հաս անդր, և նախ քան զամենայն ետես զՎրամիլլա բազմեալ 'ի ժայռին: Այլ ձայն բարձեալ դիմեաց 'ի վերայ նորա. և Վրամիլլայ

դարձուցեալ 'ի նա զգլուխ իւր , նուաղեցան երկաքանձիւր մինչ չև հասեալ առ միմեանս : Ահաս նոցա՝ յումա յօգնութիւն , և զգաստացոյց զնոսա . և այն ինչ բացան աչք նոցա , յածէին 'ի խնդիր միմեանց . և ասէ | Լոնդ . Նշմարտիւ դու ինքն իցես , զոր լացի այսքան ընդ երկար . դիք անմահք , եթէ երազք իցեն որ ինչ տեսանեմն , տուք ինձ մեռանել 'ի քուն : Իսկ յամիլլայ գիրկս արկեալ նմա խանդաղանօք , զհաւաստիսն տայր ասելով . Ըյո՛ ես ինքն եմ , տարփաւոր քոյին հաւատարիմ , զոր ոչ ևս ինչ բաժանել 'ի քէն կարէ . եղէց ընդ քեզ միշտ , ընդ իշխեցօղջ սրտիս , ընդ փրկիչդ կենաց իմոց՝ զոր քեզ միայնոյ պահեցի : Այլ փարեալ զնովաւ՝ դարձեալ ասէր . Այս ինքն եմ , մի ըր . և չպտէր գորովանօք , և 'ի ժպտել անդ ինքն ևս լայր . սակայն յարտասուալից դէմն իւր բերէր զցնծութիւն և զբարեբաստութիւն . զօրէն ոսկեգոյն ամպոց՝ որ անձրևէն հեզիկ 'ի ծաղկունս , և արեգակն աղօտացեալ 'ի նոցունց՝ սփռէ թափանցիկ զճառագայթս իւր , և ճաճանչէ ընդ մարգարտատիպ շիթս անձրևաց ցօղեալս 'ի նոցունց :

Արդ և խնդութեան գրաւեալ զառաջին վայր կեանս նոցա , էած ապա | Լոնդիոս զսիրելին իւր զԱմիլլայ 'ի տեղի անդր՝ ուր երբեմն խօսակցէին տարփանօք , և ասէ . Ըստանօր լուայ , աստ պատմեցեր ինձ զամենայն անցս քո . խօսեանց 'ի լուր բարեկամիս իմոյ , գիտակ է նա ամենայն

գաղտնեաց մերոց , գիտէ նա զսիրտ իմ ոչ ինչ ընդհատ յինէն ինքեանէ , և դու ինքնին յայտնեսցես նմա զքոյդ 'ի ճանաչել զառաքինութիւնս նորա : Յայնժամ Սամիլլա ակնարկեաց քաղցր 'ի 'Երուսա . և բազմեալ 'ի մէջ երկուց դիւցազանցն , սկսաւ պատմել զանցս իւր՝ զոր ցանկային անժոյժ 'ի լսել .

Հաշտք էին ընդ իս դիք , և զերծուցին զիս 'ի հարսանեաց որ դժպհի էր ինձ առաւել քան զմահ : Հնազանդեցայ հօր իմում , առ 'ի փրկել զնա 'ի պատերազմէ՝ որում ոչն կարէր յաղթել : Ընթայն Սարոկաց դարձաւ յաշխարհ իւր , և մեկնեցայ ես ընդ հրեշտակս Տելեմասայ 'ի նաւ մի սալէնտացի՝ զոր արքային յղեալ էր վասն իմ : Եւ յետ , սիրեցեալդ իմ՝ Լուսիէ , որ ինչ յայնժամ յուզէին 'ի միտս իմ խորհուրդք . սիրտք մեր քաջ հասու լինին իրերաց , և չեն կարօտ լսելոյ զամենայն որ ինչ 'ի նոսա կրին :

Սինչ դեռ հողմուռոյց առագաստիւք դէմ եւ դեալ 'ի ծովափունս Սալէնտեայ նաւէաք , և ահա 'ի բարձանց Սետինեայ ամպք թանձրախիտք գումարեալ զմեօք՝ ծածկեցին զերկին և զարև յաչաց մերոց : Ե զթայազերծք առ հասարակ եւոյեան զաւակք յարուցին փրփրադէզ զալիս , և գիշեր ահարկու ծածկեաց զծով . փայլատակունք խաղային ընդ ամպս , շանթք հողմք և կոհակք յանդիման աչաց տային նկատել մեզ զմահ : Ոչ յայլ ինչ խորհէի յայնժամ , բայց 'ի

քեզ | Լոնդոնի . օրհնէի զգիս , գոհանայի զմերը կէն , աւետէի անձին զազատութիւն 'ի Տելեմա սայ , և ակնկալեալ մնայի բեկանելոյ և եթ նաւուն : Հասին արկածքն . զօրագլուխք և զօրք և նաւաստիք ընկան , և ես ինքն արբի զգաուն ալիս , այլ ոչ կորուսի զարիութիւն և զկօրով : 'Վարձայ 'ի վեր 'ի մկանունս ալեաց , և բուռն հարեալ 'ի բեկոր մի նաւուն , խրախուսեցի 'ի յոյս պահելոյ զկեանս իմ վասն քո : } էջ 'ի փայտըն ծովածուփ , խաղալիկ հողմաց և ալեաց , պատեալ աննշոյլ խաւարաւ , անկեալ 'ի ժանիս մահու , ասէի ցիս . Վաջալերեաց , մեռանել հասանէ քեզ , կամ կեալ սիրելոյ քում | Լոնդեայ :

Մերոյն արդեօք աստուածուհի հսկէր 'ի վերաց իմ . հանդարտեաց ծովն տակաւ , ալիք զալիս մղեալ վարէին 'ի ծովեզր զփայտն՝ զոր պինդ ունէի , մինչև տեսի զցամաք , և ելի անգր անաշխատ . և 'ի ծունր անկեալ՝ գոհացայ զգից , վասն փրկելոյ նոցա զիս 'ի մահուանէ , ևս առաւել վասն զերծուցանելոյ 'ի ձեռաց Տելեմասայ : Շուրջ հայեցեալ՝ տեսանէի լերինս բարձրաբերձս . և մի ոմն 'ի մշակաց ծանոց ինձ , զի էի յԱլպուլիս առ ոտս հռչակաւոր 'Վարգանեայ լերին : Եւ էած զիս նա 'ի խրճիթ իւր , և զաւարս երիս հանգուցեալ անդ՝ զօրացայ : 'Վրաւ մօք ինչ ոսկւոյ , որ էին առ իս , ստացայ աղեղն և նեատ , և վարձատրեցի զմշակն :

Եւ միայնակ անօգնական , յաղեղն իմ և եթ ապաստան , խորհեցայ դառնալ յԱպենեան 'ի լեառն 'ի հիւղ քոյին : Երկայն էր ճանապարհն , և անծանօթ ինձ շաւիղք . այլ 'ի նպատակ ուղևորութեանս իմոյ 'ի քեզ ուշ եղեալ , խրախուսէի աներկիւղ յամենայնէ : Ենկայ յուղի անառաջնորդ անընկեր , գիշերագնաց լեալ առ 'ի կարձեւ զճանապարհն , անցեալ ընդ գետս , սողակեալ ընդ ափափայտ , և ձայնատուր լեալ գազանաց ամեհեաց : Օ անստառախիտս մանաւանդ հետազօտէի նսեմաստուերս և զանապատս ամայիս , զի մի գուցէ ճանաչէր որ զիս , կամ սալենտացի որ զերծեալ և ինքն 'ի նաւաբեկութենէն՝ պատահէր ինձ : Եւ չէր ինչ տարապարտ երկիւղն իմ . զի 'ի կիցս սահմանացն սամնեցւոց և փրենտանացւոց , մինչ ելանէի ընդ այգն յայրէ ուստեք՝ ուր զգիշերն կացեալ էի , լուայ զձայն արանց բազմաց , և հարաւ յունկն իմ անուն Սամիլայ : Սասանեալ թագեայ 'ի քարայրին , և ուշ եղեալ 'ի լուր , զբազմաց 'ի զօրականէն՝ որ էին 'ի նաւի անդ՝ ծանեայ զբարբառ , որք խօսէին ընդ միմեանս զմահուանէ իմմէ , և անտէրունչք 'ի տար աշխարհ՝ մտաբերէին յաւազակութիւն :

Ոգեսպառ կայի յերկիւղէ 'ի լուր բանիցն , որպէս յորժամ սիրամարդ երկչոտ ծածկեալ 'ի թփուտս տեսանէ զվոհմակ սովալլուկ շանց մերձ անցեալ Սնայի անցանելոյ զօրականին , և ելեալ յայ-

բէն՝ անկայ՝ ի ծունր , աղաղակեցի և ասեմ . Ս՛վ
 աստուածուհիդ բարեգորով սրտից Մստղիկ , դու
 փրկեցեր զիս յալեաց . այլ զի՛նչ օգուտ ինձ ՚ի
 բարերարութենէ քումմէ , ցորչափ հեռի կամ
 յայնմանէ՝ զոր սիրեաց անձն իմ : Ս՛վ չքնաղա-
 գեղդ ՚ի դիցուհիս , յիշեա՛ զարտասուս՝ զոր ետ քեզ
 սէր հեղուլ . անկցի գութ ՚ի սիրտ քո ընդ վիշտս՝
 որոց փորձ իսկ ես : Ս՛ւղղեա զգնացս իմ առ սի-
 րելին իմ , ցից ինձ զճանապարհ՝ ընդ որ պարտ է
 ինձ գնալ : Վշխոյ դից և մարդկան , եթէ լսելի
 լիցին քեզ աղօթք իմ , խոստանամ այո և ուխ-
 տեմ կանգնել քեզ բագին ՚ի տեղւոջ՝ յորում տե-
 սից դարձեալ զ] և ճոնդ , և գեղեցկագոյնն ՚ի խոյից
 նորա նուիրեսցի քեզ ՚ի զոհ :

Ս , լ ՚ի կատարել աղօթից իմոց՝ զոյգ աղանեսաց
 թուուցեալ ընդ օդս , եկին իջին առաջի իմ : Մ
 ւետաւոր էր ինձ նշանն . տեսի զհաւա Մստղկան ,
 և զհետ եկի նոցա վստահութեամբ : Մնմեկինք ՚ի
 միմեանց աղանիքն երկոքին՝ մերթ սրաթուիք
 լինէին ընդ երկիր , և մերթ զկայ առնուին ՚ի դա-
 լարւոջ ճարահաւորք . այլ ոչ երբէք անտես լինէին
 յաչաց իմոց : Օ աւուրս ինն ուղևորեալ , տեսի
 ապա ՚ի հեռուստ զհիւղ քոյին , և ՚ի տանիս անդ
 հանգեան աղանիքն . գրգային , վու վուս ար-
 կանէին , և թուիչս առեալ՝ անտես լինէին :

Օ մտաւ ան] և ճոնդիէ , ՚ի միտ առ զցնծութիւն
 իմ . գոհանայի զդիցուհւոյն , գոհանայի զաղա-
 նեացն , և բողորից շնորհս ունէի դից : Մ յա-

անդ, հասեալ 'ի հիւղ քոյին' 'ի զուր աչք իմ խնդրէին զքեզ, 'ի զուր զքեզ ձայնէի. ընթաւ նայի շուրջ զհիւղիւդ, և ոչ այլ ինչ տեսանէի՝ բայց անայիս : Տեսի ապա շիրիմ մի, ծանեայ յարձանագրէն՝ զի Ս'իրտայէ անդ հանգչէր : Ա՛հ սիրելիդ իմ, փոքր միւս և ու ընկձեալ էր իմ 'ի յետին հարուածոյ աստի : Վոչէի արտասուօք . շիք այլ և ս ինձ յոյս, շրջի նա անշուշտ զհետ իմ, 'ի Սայէնտին խնդրէ զիս, ուր զնաւարեկութիւն իմ լուիցէ, և սուգ մահառիթ հարցէ զնա :

Օ այս խորհէի, և զայս հանապազօր կրկնէի, և զօրհանապազ շուրջ ընթանայի ընդ լեառն 'ի յոյս գտանելոյ զքեզ : Աթէ կեայ տակաւին, ասէի ընդ միտս իմ, դարձցի այսրէն աներկբայ . դարձցի 'ի շիրիմ մօր իւրոյ, 'ի նախկին ապաստան սիրոյ մերոյ . թէպէտ թագաւոր, թէպէտ և գերի, ընդ առնուլ վայրիկ մի պարսպ՝ դարձցի այսրէն . ոչ անծանօթ է ինձ Ա՛ւոնդ, 'ի վայրս ցանկալիս երկիւղածութեան նորա պարտ է սպասել աներկեան դարձի նորա :

Սովին յուսով զկայ առի 'ի հիւղի քում, ժողովեցի զխաշինս քո, և խնամ կարայ զքոյոցդ առ հասարակ : Խնամքս այսօրիկ սիրելիք ամուքէին զտաղտուկ իմ. քաղցր էր ինձ չունել աւելի ինչ քան զքոյսդ, քաղցր էր ինձ չխորհել յայլ ինչ՝ բայց 'ի հատուցանել քեզ 'ի դարձին քում զքոյսդ անկորուստ : Հանապազօր ածէի զիս

շինս քո յարօտ , զօր ամենայն զարդարէի ծաղկամբք զչիրիմ մօր քո , կոչէի զստուերս նորին ցանկալիս , և խնդրէի 'ի նմանէ ածել զքեզ առ իս : | Այլի եղեն սղօթք իմ . և ահա տեսանեմ զքեզ , | և ճնդիէ . և ամենայն վիշտք իմ սպառին :

{ Յայսվայր Վամիլլա . իսկ | և ճնդ գիրկս էարկ նմա , և երկիւզածն՝ Վրամա կառուցեալ բազին հողակցատ դալարազգեսաց , ընթացաւ յանդեսոյ՝ ընտրել զխոյն ուխտեալ Մտղկան 'ի Վամիլլայ : Մ'ծ զայն 'ի բազին , և երեքեան 'ի միասին ծուներ եղեալ՝ կատարեցին զգոհն : Վարձան սպա 'ի հիւղ անդր . և 'ի վաղիւ անդր բարենշան առուրն՝ տարփաւորք երկոքին ծաղկապսակք չոգան 'ի գեղեզման Սիրտալեայ . և առաջնորդէր նոցա Վրամա , այն որ 'ի մանկութենէ ուսեալ գիտեք զպաշտամունս քրմութեան . եղեն ուրուաց սլխարս երկու թխատիպս , և գառինս չորս խնամակալուն իւրում՝ Վեմետրեայ : Վարդաց զնա , և մաղթէր 'ի նմանէ՝ օրհնել 'ի բարձանց երկնից զհարսանիսն Վամիլլայ ընդ | և ճնդեայ . և կցորդեալ զնոցին աջ ընդ աջ , զուգեաց զնսա յանուն Վեմետրեայ և Սիրտալեայ . և ծախեալ 'ի պատիւ նոցա բողորանուէր զողջակէզան , ընդ երկուս ամուսինսն դառնայր նուագելով երգ հարսանեկան : Մարտողութիւն պարզ և ցանկալի , յոյժ աննման բազմավրդով և տխրական հարսանեաց սղբայազանց . խանդաղատելի հազ

ամփք , որոց դիք ևեթ են վկայք , երայխաւոր՝ առաքինութիւն , և արարողապետ՝ բարեկամութիւն :

Ինարեքաստութիւն երկոցունց ամուսնացն յուշ ածէր՝ Եւուայ զհովիտն գեղեցիկ . Ենայիս ևեթ էր ՚ի շրթունս նորա , հովուուհին ևեթ ՚ի խորհուրդս . և անխռով տայր նա զանձն ՚ի զգացումն յայն , այլազգ ինչ ՚ի տարփանաց սիրոյ համարեալ զայն : () Ի այնպէս աննաման էր սէր նորա ընդ Ենայիս ՚ի տարփանացն . Հերսիլեայ , և այնպէս ՚ի կրից անտի թշուառացեալ էր , զի ընդ յիշատակ ևեթ տարփանաց զգողանի հարեալ , բարեկամութիւն անուանէր զանհրաժեշտ բերումն իւր առ օրիորդն :

Եւ պարապեալ զաւուրս ինչ ՚ի ցածութիւն նորասէր ամուսնացն , ապա խորհուրդ առաջի արարնոցա՝ Եւումա՝ ուղևորել ՚ի հովիտն ցանկալի : Եպտեցաւ Եւումա . իսկ Եւումա շառագունեալ , յիշեցոյց նմա անդէն զխոստումն նորա առ ծերունին . և հաւանեցաւ մտադիւր դիւցազնն մարսիկ , և ոչ Եւամիլլա կարէր բաժանել ՚ի նմանէ : Եւան որոյ երեքեան ՚ի միասին զինեալք անկան յուղի , և խօսակցութեամբ ամբէկին զտաժանաւոր ուղևոյն զտաղտուկ : Եւ կանխէր Եւումա յառաջէր անժոյժ քան զամուսինանս երկոսին . և տակաւ ճեպեալ ՚ի գնացս , ՚ի նշնարել զհիւղն ՚ի հեռուստ՝ շտապէր և ևս զքայլն , ՚ի դից ուստեք անշուշտ առաջնորդեալ : () Ի ընդ

հասանել 'ի հովիտն՝ լսէր ճիշտ աղաղակի . սրտացաւ ետես զծերունին անկեալ 'ի ձեռս աւազակաց բազմաց , որք ձգէին զնա 'ի քարշ ընդ փողին , և զառսեր թերաքամեալ 'ի վերայ նորա ունէին . և անդ 'ի բացեայ զդուտը նորա զՎնայիս յափըշտակէին , որ արտասուալից մաքառէր շրջապատեալ յայլոց աւազակաց : Օ ինչ առնել էր 'Երուանայ . օրիորդն և հայր նորա 'ի հաւասար կային վտանգի . զո՞ յերկոցունցն պարտ էր նման փրկել , ո՞ւմ նախ ժամանել յօգնութիւն : Տկարագունին : Յարձակեցաւ նա 'ի վերայ ապիրատիցն , որ առաւել բռնանային 'ի ծերունին . հարզերիս 'ի նոցանէ , և անկեալ 'ի վերայ այլոցն՝ վանեաց զնուա զայրագին , և ձայն եբարձ առ 'ի ձգել յինքն զայլ՝ որ յափըշտակէին զՎնայիս : 'Իմեցին աւազակքն 'ի ձայն աղաղակին , և գումարեցան առ հասարակ ընդդէմ 'Երուանայ : Յայնժամ ոգի էառ 'Երուան , զի նման միայնոյ 'ի վերայ կայր վտանգ , և չէր ինչ նման վտանգն ահարկու : Խոյս ետ Վնայիս առ հայր իւր . և 'Երուան պատսպարեալ անձամբ իւրով զերկաքանչիւր , ժուժկալէր միայնակ ընդդէմ գնդի աւազակացն : Հոսէին 'ի նոցանէ առուք արեան ընդ հարուածովք նորին . իսկ նորայն ներկանէր արիւն զգրահան : Երբ 'ի թշնամեաց նորա տապաստ անկեալ՝ խաճին զփռչի . այլ մնացեալքն մերձ էին ընկճել զգիւցսզնն : Եւ մինչ գեռ զայթ 'ի գայթի կայր արին 'Երուան մերձ

'ի նուաձեւ, օրոտընդոտտ 'ի վերայ ապիրատիցն էջ լախտ | Լոնդեայ : Իսկ Լյամիլլայ ծանուցեալ զնոսա զի էին զօրք սալենտացիք զերծեալք 'ի նաւաբեկութենէն, սպան նետահար զորս և կարաց : Եւ հայր իսկ օրիորդին յարուցեալ յափշտակեաց զսուսեր միոյ 'ի Թշնամեաց, և պաշտպանէր նովաւ զպաշտպանս իւր : Ընդակքին առ հասարակ սպանան . Ընայիս գիրկս էարկ հօրն, և 'ի շնորհապարտ արտասուաց նոցա Թազան Լյուման և | Լոնդ :

Իայց Լյուման վիրաւորեալ էր . աշխատութիւն և պատերազմ երկար, արիւնն հոսեալ 'ի նմանէ, և յերկիւղէ կորուսանելոյ զԸնայիս, անցք յեղակարծ 'ի ինդութիւն տեսանելոյ զնա փրկեալ իւրե, պարտասեցուցին զնա 'ի սպառ : Ըծաւ 'ի հիւղն, և շուրջ եղեն զնովաւ ամենեքին առ 'ի խնաման . ծերունին և | Լոնդ զննեցին զվերս նորա, և պատեցին : Սատեաւ և բարեգութ օրիորդն, և սեղմէր մեղմով զձեռն Լյումայ, և ասէր . Դու կեցուցեր զիս, և զհայրն իմ յառաջ քան զիս . երկօցունց կենաց գտանիմ քեզ շնորհապարտ : Սպեղանի երկնային եղեն դիւցազնինն բանք նորա . ոչ ևս կարէր պատասխանել, այլ աչք նորա բերկրալից դարձան յԸնայիս, և բացատրէին գորովանօք որ ինչ չկարէին շրթունք նորա արտաբերել :

Հաստօյրք էին վերք Լյումայ, Թէպէտ և ոչ մահացուք, և կարօտէր ժամանակի բժշկու-

Թիւն նոցա : Մնայիս և հայր նորա , Վամիլլա և այր նորա , առ մահիճն նորա կային միշտ . և Կութ բարեկամութեան՝ որ ընդ ծերունին և ընդ դիւցազնն մարտիկ՝ օր ըստ օրէ յաւելոյր : Յանկայր | և ընդ գիտել զազգ և զպայման սիրելոյն , ցանկայր և Վումա լսել զիրս հօր սիրուհոյն . և ՚ի միում աւուրց , մինչդեռ ամենեքեան էին առ հիւանդին , աղաչեցին զնա դիւցազունքն երկոքեան ՚ի միասին պատմել զիրս իւր . և ծերունին ամբարձեալ զաչս իւր յերկինս , սկիզբն արար այսպէս .

Նմեալ եմ ես յաշխարհին բակտրիացոց . արիւն նախնի Թագաւորացն Պարսից խաղայ ընդ երակս իմ , և անուն իմ հռչակաւոր յՄսիս՝ հասեալ իցէ Թերևս յունկն ձեր , զի կոչիմ ՝ յարգաշտ :

Ի լսել զանունն զայն՝ Վումա և | և ընդ և Վամիլլա հայէին ընդ միմեանս հիացմամբ , և դարձուցին զաչս իւրեանց լի մեծարանօք ՚ի ծերունին : Իսկ օրիորդն քաղցրիկ տեսեալ զմեծարանս նոցա , զուարթ ՚ի ժպիտ եցոյց նոցա զշնորհակալիս իւր :

Եւ յառաջ ածեալ ծերունւոյն զբանս իւր , ասէ . հայր իմ հալածեալ յաթոռոյ յերեսաց արքային ասորեստանեայց , շրջեցաւ աղերսաւոր ՚ի դրունս Թագաւորաց Մսիոյ , և ոչ եթող ինձ ՚ի ժառանգութիւն՝ բայց զփորձ Թշուառութեան և զիրաւունս իւր ՚ի Թագաւորութիւն Պարսից :

խորհրդայ փորձ փորձել, զբռամբ ածել զայն . զօրաժողով եղէ, դարձայ յաշխարհ անդր՝ ուր իշխեսցին հարբ իմ . գտի զՊարսս՝ ի բարեբաստութեան ընդ ինքնակալութեամբ իմաստնոյն Փիւղայ արքային նինուէացւոց, որ թագաւորէր անդ արդարութեամբ այրն մեծ : Տեսի զի չէր մարթ ժողովրդեան իմոյ լաւագունի վիճակել բախտի՝ ի փոխել զտէր իւր, և անգէն հրաժարեցի ՚ի խորհրդոց իմոց . եղեոն համարեցայ աղակել զբարեբաստութիւն ազգի միոյ վասն մնտտի իրաւանց՝ որ ինձ և եթ պատկանէր, և ոչ կարացի հաւանել խողխողելոյ բիւրաւորաց առ ՚ի յաջորդել թագաւորի, զորոյ առաքինութեամբքն ոչ կարէի գերազանցել : Ըրձակեցի զզօրս իմ, թագուցի զազգ իմ ճարտարանօք, նուաճեցի զխլրտումն փառասիրութեան՝ յորմէ չիք որ ազատ, թէպէտ և յամբժագունիցն որ իցէ . և անձնատուր լեալ բոլորանուէր ՚ի խելամտութիւն բնութեան, ընտրեցի լինել իմաստուն քան թագաւոր :

Ըրջեցայ ընդ Միա առ հասարակ, ինդրեցի առ Իրաքմանս, առ Ղենս, առ իմաստասէրս հնդիկս զիմաստութիւնն՝ որումտարփայի, և գտի ամենայն ուրեք սիրելի մարդկան զնապաշտութիւն քան զճշմարտութիւն : Ղճմարտութիւն, որոյ ամենայն գեղ ՚ի պարզութեանն է, ոչ շլացուցանէ զմիտս որպէս զմոլորութիւն . և յուսահատեալ ՚ի գտաւ նելոյ զայն յերկրի, ցանկայի մեռանել :

Ս) Ե՛ծն Մըրամազգ 'ի սարաւանդեալ գահոյից իւրոց ակնարկեաց յիս 'ի ստորև , և ծագեաց 'ի սիրտ իմ զձառագայթ լուսոյ՝ յորում բնակէ : Օ) ամն քսան պարապեցի յանապատի 'ի խորհել , և խելամուտ եղէ՝ զի մի ևեթ պարտի գոլ աստուած , և զի նորա տուեալ է ինձ հոգի՝ որ երկարակեաց պարտի գոլ աներկբայապէս քան զմարմին իմ , առ ընդունելոյ վարձս կամ պատուհաս : Սիրտ իմ ազգեաց ինձ զի բարի է աստուած , և զի չարեացն՝ զորս տեսանէի յերկրի՝ չմարթէր նորին գոլ արարած , այլ չարի ուրուք՝ թշնամոյ մարդկան և աստուծոյ : Մտեցի զնա , և պաշտէի զարարիչն իմ . և պաշտէի զաս'ի գեղեցկագոյնն յարարածս իւր , պայծառ նշանակ զօրութեան նորա և փառաց , և մանաւանդ բարերարութեան : Տեսի զի արեգակն բուսուցանէր զցորեան 'ի հունձս Սկիւթացոց և Վարսից և Մսորոց և ամենայն ազգաց երկրի այլակրօնից . և 'ի միտ առի , զի աստուած՝ ներող 'ի վերքան զամենայն միտս և մարդասէր՝ երկայնամտէ առ զրպարտիչս իւր , ներէ տկարաց , և պատուհասէ զհալածիչս :

Ս ստահ 'ի ճշմարտութիւնս յայսոսիկ յաւիտենականս , խորհեցայ զի կարի յոյժ մեծամեծք էին բարիքն , և ոչ ինձ ևեթ անկաւորք 'ի վայելլս . և պարտ անձին վարկայ քարոզել զայնոսիկ : Վարձայ յանապատէ , և ասացի ցազգս . Սիրեցէք զաստուած , սիրեցէք զմիմեանս . պաշ-

տեցէք զարարիչն ձեր յարեգակն՝ Չահ աշխարհի ,
 և 'ի հուր՝ հոգի ամենայնի . լերուք սուրբք 'ի
 խորհուրդս 'ի բանս և 'ի գործս . բարի արարէք
 ամենայն մարդեան , ևս և այլադէնից . կեցջիք
 և մեռջիք հաւատարիմք տերանց ձերոց , և հա
 տուցէք նոցա զհարկս անարտունջ . գործեցէք զեր
 կիր , զի այս է ծառայել աստուծոյ . և զգոյշ լերուք
 մի առնել ինչ , ընդ որ երկբայիք թէ բարի իցէ
 կամ չար : Այս էր վարդապետութեանս ինոյ օրի
 նակ , զոր քարոզեցի յափանց Աբրատայ մինչե
 ց'նդոս : Ազգք և ազինք հաւատային 'ի լուր բանից
 ինոց , և յաճախէին օրրստօրէ ինձ աշակերտք . և
 եթէ զինուորել կամեցեալ էր իմ զնոսս , կարէի
 նուաճել զԱսիա . այլ մարդասիրութիւն հզօրա
 գոյն էր 'ի սրտի իմում քան զսէր օրինաց իմոց . մեղ
 ժեալ իսկ էր իմ 'ի բաց զիղձս տեսանելոյ տի
 րեալ զօրէնս իմ , եթէ կարօտէին ճապաղեաց
 արեան : Արուէի զաշակերտս իմ , վարէի զնոսս
 'ի բաց , ասելով . Սիրեցէք զխաղաղութիւն ,
 կացէք 'ի տունս ձեր . աստուածն , զոր քարոզեմ ,
 չհրամայէ ձեզ տալ զկեանս ձեր վասն իմ :

Այր յաշակերտս իմ օրիորդ մի Աբսանէ անուն ,
 որ ոչ կամեցաւ մեկնել յինէն , թէպէտ և ուժ
 զին թախանձէի զնա : Արտասուք յաչաց իմոց
 դեռ ևս քամին 'ի յիշել իմում զցանկալի անունն :
 Աբսանէ սիրէր զ⁽¹⁾ քաղաշտ առաւել քան զօ
 րէնսդիր , և զհետ իմ ամենայն ուրեք գայր .
 լէր ինձ զմայլմամբ . հոգի նորա յաչսն էր , և

բարեբաստութիւնն նկարեալ 'ի դէմն նորա ,
 Եթէ երբէք լռէի , և կամ աղօտ ինչ ահպ եթէ
 մնայլ 'ի ճակատ իմ թուէր արկանել , Աքսանէ
 տրտում քան զիս գտանէր . շիշխէր հարցանել
 ինձ , այլ բարեգորով և ցաւագին հայեցուածք
 նորա ցուցանէին ինձ զվիշտ նորա : Եղաչէի զնա
 հանապազօր , մի գինի իմ գալ . իսկ նա ասէր .
 Հայր իմ , 'ի վերայ օրինաց քոց ցանկամ մեռա-
 նել , թող ինձ կեալ վասն քո . որչափ տեսանեմ
 զքեզ , և որչափ լսեմ 'ի քէն , յաւելում 'ի սէր
 պատուծոյն քո : Երկնչիմ զի կրեսցես դու հա-
 լածանս , և վշտակից կամիմ լինել ընդ քեզ .
 քա՛ւ լիցի , ոչ թողցէ զքեզ Աքսանէ մինչև գրտ-
 ցես դու զհարսն սահմանեալ քեզ յԱրամազդայ :
 Յանկառ տեսանել զնա , կամիմ աղախնել բա-
 րեբաստիկ օրիորդին՝ որ գորովանօքն իւրովք և
 ինամովք , և զբարեկենդանութիւն քոյին յար-
 դարելով , հաղորդ լիցի բարերարութեանցն՝ որոց
 շնորհապարտ գտանի աշխարհ :

Եւ յնքան սէր նորա և այնպիսի հաստատութիւն
 զարթոյց 'ի սիրտ իմ զգացումն , որ թուէր ինձ
 անգիտելի . և հարանացուցի զնա ինձ : (Իհնեաց
 Արամազդ 'ի բարձանց գահոյից իւրոց զբաղցր
 զօդ մեր , և 'ի շնորհել ինձ կին առաքինի և ա-
 մուսնասէր՝ վարձատրեաց զամենայն որ ինչ վասն
 իւր արարեալ էր իմ : Եւ յլ , աւանդ , աւուրք բա-
 րեբաստութեան իմոյ ոչ ընդերկար տւեցին :
 Այսպէ մեք ընդ Աքսանեայ 'ի Պարսս . և աշա-

կերտք իմ, որոց զմոզութեան կալեալ էր զանուն, ցրուեալք յիւրաքանչիւր կայս՝ պաշտէին զկրակ, զործէին զերկիր, և ուղղէին զառաքինութիւն :

(Բ)իւղէս արքայ նինուէացոց ներէր նոցա, որպէս և ամենայն թագաւորք մեծամեծք. և փակէր զաչա առ կրօնս՝ որ ոչ ածէին զհպատակս իւր ոչ յապստամբութիւն և ոչ ՚ի զեղծումն :

(Գ) յլ զգօն արքայն հասեալ յալիս ծերութեան, հատոյց զհարկ բնութեանն, և եթող զաթոռն ՚ի Սարդանաբաղ՝ որդի իւր : (Դ) շուառ արքայորդին ՚ի տարաժամ հասակի թագաւորեալ, և շուրջ պատեալ և հրապուրեալ ՚ի շողջորթից, եթող ՚ի նոսա զերասանակ պետութեանն, մոռացաւ զխրատան հայրենիա զժողովուրդ իւր և զպարտս, ընկլաւ խորատոյզ ՚ի չարաչար շուայտութիւնս :

(Ե) Յօութիւնք՝ որ ապականեցին զարքունիս նորա, հասին և ՚ի Վինուէ, և անտի ընդ ամենայն սահմանս ինքնակաղութեանն ճարակեցան :

(Զ) Ետ զերկեամ թագաւորութեան նորա, մայրաքաղաք նորա և մարդք առ հասարակ էին զառածեալ յապականութիւն : (Է) Թագաւորն խաղալիկ լեալ պաշտօնէից իւրոց, ստրուկ ներքինեաց, բռնաւոր ՚ի վերայ ժողովրդեան, ոչ ևս յիշէր զի ոչ առ ՚ի ստորագրել և եթ հրովարտակս անողորմս թագաւորէր, ոչ առ ՚ի հրամայել հարկապահան ջութիւնս, և ոչ առ ՚ի յագեցուցանել անպարտ արեամբ ժողովրդեան իւրոյ զվատթար հաճոյս իւր և զանարգ շողջորթս :

Մենայն ինչ 'ի վաճառ ելանէր 'ի Վիտուէ . պատիւ և աւագութիւն և արդարութիւն այնուցիկ էր պահեալ, որք առաւելագոյն հատուցանէին զինս . կանայք պոռնիկք իշխէին պետութեանն, հրամայէին ընդ ծաղր զուեր գաւառաց, և պարծանս համարէին գրաւել 'ի ինջոյս ուրիշ զինչս բիւրաւոր տանց : Վոխարարք վատք և անողորմք, թնամիք աշխարհին և ժողովրդեանն, արհամարհոք տերանց իւրեանց և անձանց, 'ի վաճառ հանէին հրապարակաւ զհամբաւ իւրեանց, վաճառէին անպատկառ զժառանգութիւնս որբոց և զազատութիւն անմեղին : Ստանբազմոք պանծային 'ի մեղկատիրութիւն, դատաւորք ոչ ևս ամաչէին ընդ անիրաւութիւն . յամենայն կարգս քաղաքայնոց յախշտակութիւն 'ի փառս էր . և ռամիկն չքաւորեալ 'ի հարկաց, զոչ աւագանւոյն իշխանաց դատաւորաց և սարքահաց իսկ թագաւորին, ռամիկն հարստահարեալ առ ոտն կոխեալ՝ կարկառէր յերկինս զձեռն անղերսաւորս :

Սեղկութիւն և անգթութիւն կցորդին գրեթէ միշտ : Սարդանաբաղ ընկզմեալ 'ի դարչաղծութիւնս, յարոյց հալածանս ընդդէմ մեզաց . կորակոր դարձեալ նա 'ի պատելոյալմէ, և համարեալ զարթոցեալս զգիտ իւր, դիւրին ևս վարկախնդրել զվրէժ նոցա սպանութեամբք, քան առաքինութեամբք հաշտ առնել զխոտս : Հրամայեաց բնալինջ առնել մինչև զվելջին յաշակեր .

տաց խոնց , խոստացաւ քանքարս տասն ոսկւոյ՝ որում կենդանւոյն զիս 'ի ձեռս իւր մատնէր , և դատապարտեաց զիս անդատին 'ի տանջանս նորանշանս :

Եւ այնհետայն սուր և հուր աւերեցին զքնակութիւնս մոգաց , տունք նոցա ճարակ եղեն բոցոյ , և արիւնք նոցա յապաւէնս նոցա հեղան : Խուժադուժ զօրք Սարգանաբաղայ , որոց այնքան վատութեամբ ընդ թշնամիան սրտերազմեալ էր , լի նախանձու ընդդէմ քաղաքայնոցն իւրեանց ցուցան : Սուսեր 'ի ձեռին զհետ մտին սակաւուց փախստէիցն մոգաց , խողխողեցին առ հատարակ զորս ըմբռնեցինն , զենին զմայր առ դստեր՝ բռնաբարեալ զնոսա նախ . և զամենայն օրէն համարէին չարիս , 'ի նախանձ դիցն իւրեանց գործելով :

Փախչէի ես կնաւ իմով . բազում անգամ խորհուրդդ 'ի մտի եղև ինձ , գնալ յանդիման լինել Սարգանաբաղայ , առ 'ի զրաւ առնել հալածանացն . բայց անողորմ բռնաւորին դատապարտեալ էր զամենայն զմոգս , և մահ իմոջ զոք կեցուցանէր : Եւ դարձեալ զի Սքանէ կրէր յարգանդի զգրաւական ամբիժ սիրոյ մերոյ , և հայրակոչն լինելոյ իղձ՝ ցանկալի առնէր ինձ զկեանս : Քաջալերեալ 'ի կնոջէ իմմէ , խրախուսեալ յարիւթեանէ նորա , թափառական ընդ անապատս , անոք անօգնական , և յաճախ իսկ սովալլուկք , անցաք ընդ Վարսա ընդ Սոգդիս ընդ Ռակ-

տրիս , հանապազ 'ի վտանգի անկանելոյ 'ի ձեռս
հալածչաց , և մերժեալք միշտ կամ մասնեալք
յայնցանէ՝ առ որս խնդրէաք ապաստան : ԸՆԼ
յայնքան 'ի վտանգս մինչ հարստահարէին զմեզ
չարիք , զմտաւ ածեալ զի վասն ճշմարտութեան
կրէաք զայն ամենայն , քաղցրանային վիշտք մեր .
վշտաց իւրաքանչիւր նորանոր հատուցմունս նկա-
տէաք հանդերձեալս , զօրացուցանէր զմեզ յոյս ,
և սէր յաւելոյր մեզ սփոփանս :

ԸՆԹԱՄՈՒԼԻ լեալ ապա յանապատս ԸՆԴՐՔԻՅ ,
մտաք յայր մի խորին՝ ուր էր 'ի միջի շիրիմ , վէմ
նորա թաւալեալ , և 'ի ներքս անդ շիրմին գոյր
և ոչ ինչ : ԸՆԿՅԵ ԹԻԹԵՂՆ օսկի դիպաւ աչաց
խնոց . և առեալ զայն , յաղօտ նշոյլ՝ որ յայր անդր
մտանէր՝ ընթերցայ գրեալ 'ի տառս մեհենականս .

ՕՐԱԴԱՂՏ , աւանդեսջիր աստ զմատեան սրբոց
օրինացն զՕՆՆՈՒԿԻ կեշտն , զոր ազդեցու-
թեամբն ԸՆԴՐԱՄԱՂԳԱՅ գրեցեր : ԸԼ ԵՍ ՀԱ-
սեալ է ժամանակն , յորում զաստուածազդեցիկդ
այդ մատեան ծանիցեն մահկանացուք , և կրօնք
քոյին տակաւին ընդերկար հալածեսցի 'ի ժողս-
վրդոց . քայց միւս այլ օրէնսդիր համանուն քոյ-
ին ծնցի 'ի լրումն սահմանեալ ժամանակին , և
առաջնորդեալ 'ի յայր պար՝ գտցէ զմատեանդ
սուրբ . և ցուցեալ զայն ԸՆԿԻՅ , կացուցէ 'ի վա-
հոյս կանոն ազգաց և ազանց : ԸՆԿԻՅ զու կատա-
րեցեր զպաշտօն քո . լեր արդ դիմագրաւ մորկաց
ծովու , երթ խնդրեա քեզ յարեմուտս խաղա-

ղաւէտ հայրենիս, ուր անուն քոյին անծանօթ գերծուոցէ զքեզ 'ի հալածչաց : Այսպէս կամի Արամազդ . հնազանդ լեր և անտրճունջ :

Բնութեցայ երկիցս զբանս զայստսիկ, և զիտացի աներկբայ՝ զի 'ի հրեշտակէ դրոշմեալ էին : Եղի դարձեալ երկիւղածութեամբ զտախտակն ոսկի 'ի շիրիմանդր, և աւանդեցի անդ ընդ նմին զմատեանն սուրբ՝ յորում էին օրէնք աստուածայինք . և փակեալ զշիրիմն վիման՝ որ թաւալեալն կայր, և խոնարհեալ երկիր պագի Արամազդայ : Եւ օրհնեցի զանուն նորա, և ելեալ յայրէն՝ դէմ եղի 'ի մեծափարթամն Տիրոս . անտի ընդ սիրելոյն իմում Աքսանեայ ելեալ 'ի նաւ, զնայի ապաստանել առ ազգս հիւրասերս Ելլադայ և Իբերիոյ : Բայց նաւ մեր վարեալ 'ի մրկէ ընդ Հանդրին անդունդս, եկն խրբեցաւ 'ի ծովեզերս փրենտացոց : Արդացի առ Արամազդ, և փրկեաց զհարսն իմ . ածի զնա 'ի վերայ բազկաց իմոց 'ի շէն մի Վարսից, ուր գտի ասանջակնութիւն . և անդ սիրեցեալն իմ Աքսանէ, ո՛հ, տկար և նուաղեալ և պարտասեալ 'ի տառապանացն ընդ ծով, ըմբռնեցաւ յերկանց, և արար զիս հայր ուստեր միոյ և դատեր միանգամայն : Եւ որհուրդ կալաք բնակել 'ի Վարսրս . և ընդ ականց ոմանց գոհարաց, որ միայն մնացեալ էին ինձ 'ի նախնի մեծութեանց իմոց, ստացայ տնակ մի գեղջուկ :

Սինչեւ առաջի կայր մեզ բարեբաստու-

Թիւն , մինչդեռ առաջի կայր մեզ վայելել յանդորր , 'ի պաշտել զաստուած մեր և 'ի դաստիարակել զորդիս , և ահա պելիիգնացիք անողորմք , որ պատերազմ տային յայնժամ ընդ մարտիկս , հասեալ 'ի գիւղ մեր՝ յաճիւն դարձուցին զայն : Եւ յարձակեալ 'ի խրճիթ մեր , ուր կայի ես յանկողնի ընդ Աքսանեայ և ընդ երկուսին որդեակս մեր , խողխողեցին անագորունքն զկին իմ և զուստրիկ . ոչ արտասուք , ոչ աղաղակ և ոչ ճիգն կարացին պաշտպանել նոցա : () զստրիկ իմ և եթեցուցի ծածկեալ զնա ընդ ինև . յանձն ընկալայ զամենայն հարուածս , զորս վագերքն այնքիկ կամէին տալ նմա : Եւ նովաւ հանդերձ փախըստեայ ընդ հրդեհն և ընդ դիակոյտ , շաւիղ յարենէ իմմէ Թողլով զհետ իմ , հասի 'ի հովիտ այսր . ուր ձեռք իմ կառուցին զխրճիթս զայս , և ուր անուցի զքատրիկն իմ սիրելի զԱնայիս , զմիակ և զվերջին մխիթարուԹիւն ուԹանաամեայ աղետից իմոց : Ահաւասիկ վասն որոյ ցանկամեկեալ . առաքինուԹիւնք նորա և տիպք կերպարանաց յուշ ածեն ինձ հանապազ զԱքսանէ :

Եւ զայս ասացեալ , անկաւ ծերունին զպարանոցաւ դատերն : Աայց Աւոնդ ընդ լուր վիպացն 'ի փղձուկ հարեալ , կայաւ զձեռանէ ծերոյն , սեղմէր զայն . և արտասուալից և խանդաղատելի աչօք հայեցեալ 'ի նա , ասէ . Աւոնդ , և յորում գեղջ կորուսեր զորդեակն քո : Աերունին ասէ . Աւոնդ առ եզր Ատերնեայ գետոյ : Աւոնդիտ

ասէ . Եւ թէ որդեակն քո այն , զոր ողբաս , կրէր յուլան զմրուխտ քանդակեալ : Այո , ասէ ծերունին զարմացմամբ . մայր նորա կախեալ էր զայն զպարանոցէ որդեկին , և անուն Արամազդայ 'ի նմա քանդակեալ 'ի տառս պարսիկս . . . : Այս գոչեաց յայնժամ Աւոնդ , դիմեալ 'ի գիրկս նորա . Այլ ապա գիրկս անկ զորդեկաւ քով , նոյն ինքն իսկ եմ բարեբաստիկ որդեակ քոյին . ահա զմրուխտն քանդակեալ : Վտայ ես կիսամեռ յԱլէիա , 'ի ծոցի իմում կրեմ զսպի սուսերին՝ որով հարին զիս պելիզնացիք : Յօրէ անտի տեսանեւոյ իմոյ զքեզ , խայտայր սիրտ իմ . ազապատանք և բերումն սրտի ինքնաշարժ զգացուցանէին ինձ 'ի քէն ընկալեալ զկեանս :

Այս և ծերունին բարբառել կարէր . ծանեալ զգոհար աննն քանդակեալ , ընթերցաւ 'ի նմա զանուն Արմզդի . փարեցաւ թե ապարժակ զորդւոյն , համբուրէր զնա , և շնչապատ 'ի ինդու-թենէն՝ յոգիս ապաստան կայր :

ՆՈՒՄԱ ՊՈՄՊԻԼԻՈՍ



ԳԻՐԻՔ ՏԱՍՆԵՐՈՐԴ

ՆԱԽԱԴՐՈՒԹԻՒՆ ՏՅԱՆԵՐՈՐԴ ԳՐՈՑ

Արմուկէք 'ի Հռովմ', և բախա Նումայ : Լևոնդիոս խնդրէ 'ի հօրէ իւրմէ զԱնայիս 'ի կնուծիւն բարեկամին իւրում . Զբազաշտ ոչ հաւանի ընդ այն : Ճառ Նումայ, և համոզել զԶրազաշա : Մերձ 'ի հարսանիսն հասանեն հրեշտակք հռովմայեցիք գուժել զաղէտս Հռովմայ, զճարակել սրած ուծեան, զմահ Հռովմալէայ, և աւետել զքնորուծիւն Նումայ : Նումա չառնու յանձն թագաւորել . Անայիս ջանայ համոզել զնա . Նումայ կայ անողորբի :

ՆՈՒՄԸ ՊՈՍՊԻԼԻՈՍ

Գ Ի Բ Ք Ժ .

Ըրհաւիրք յայնժամ և աղմուկք էին 'ի Հռովմ. սաբինացիք յուսահատեալք մահուամբն Տատիոսի և պքտորանօքն 'Երմայ, առ զարհուրանաց և եթ մարդախոշոշ բռնաւորին հնազանդէին : Վարչէին և 'ի Հերսիլեայ, համարելով զնա չարեացապարտ սոսկալի մահուն Տատիայ : Պառակտեալք ևս քան զևս 'ի հռովմայեցոց, և երկաքանչիւր կողմանք զմիմեանց կասկածեալ, և ոչ զմթերեալ 'ի սրտի ոխն թագուցեալ, կազմ և պատրաստ կային հանապազ 'ի խողխողել զմիմեանս : Կասկած և թշնամութիւն յամենայն իսկ 'ի տունս տիրէին . և եթէ չէր խոհականն Սեպտիոս, քաղաքական պատերազմի յաճիւն դարձուցեալ էր զՀռովմ :

Հռոմուլոս անձնատուր 'ի զայրոյթ դառն, որ յաւազանին եղեռնաւոր զխղճի մտաց ունի զտեղի, առ 'ի նուաճել զժողովուրդ իւր՝ յաւելոյր 'ի

վերայ նորա հարկս, հեղոյր զարիւն ազնուա-
կանաց, և ահարկութեամբ և եթ իշխէր: Իսկ
Ներսիլիա, դուստր կարի իսկ հարազատ նորին,
պարարէր ՚ի թունից նախանձու և կատաղու-
թեան: Եւ ինչ երկբայեալ զի յայլմէ ումեքէ ոտ-
խէ գրաւեալ էր սիրտ Վումայ, յղէր զօր հանա-
պազ պատուիրակս անծանօթս յամենայն ազգս
Իտալիոյ, հետազօտել զոսոխն, առնուլ զրոյցս
զՎումայ, սպառնալ զգէնսն հայրենիս ընդդէմ
թագաւորաց՝ որ տայցեն նմա ապաստան, և գինս
հատանել զլիտց նոցա:

Յայնմ ժամանակի ամրացեալ Վումա խաղա-
ղաւէտ ՚ի խորս Լպենեանց ընդ հաւատարիմ
բարեկամն, արտասուէր առ ցնծութեան՝ շնոր-
հապարտ առ Սրազաշտ և առ Լեոնդ, և
կցորդէր հրճուանաց նոցա՝ տեսանելով զերջանկի
հօրն ողջագուրել զորդին իւր: Իսկ բարեգորով
ծերունին ոչ յագենայր ՚ի տեսանելոյ ՚ի լսելոյ և
՚ի գիրկս արկանելոյ որդւոյն, և ասէր. Վատի
ուրեմն զքեզ որդեակ իմ, տեսանեմ ուրեմն ըզ-
քեզ. ա՛հ, ես ոչ խաբէի. յառաջնմէ օրէ գալլաւ
տեան քո ՚ի հիւզ իմ՝ կապեցաւ ոգի իմ ընդ
քեզ անհրաժեշտ բերութեմբ, ծանեաւ զքեզ ան-
դրստին սիրտ իմ. քանի քաղցր է ինձ ակնարկել ՚ի
քեզ, քանի գեղեցիկ ես, քանի վեհ. եկ արդ
՚ի գիրկս իմ, եկ լեր ինձ արդ հայրակոչ, զի զա-
մենայն գգուանս մանկութեան քո պարտիս դու
ինձ:

Իսկ Վեռնի արտասուէր Լեթ . և Վամիլլա լուռ Լեթ կացեալ լսէր : Բայա առեալ Վեռնի դեպ զձեռանէ հարսինն , ած զնա առ Օրա դաշտ , և ասէ . Բհաւասիկ , հայր իմ , զոր սիրեաց անձն իմ . ահաւասիկ որ գրաւեաց զսիրտ իմ . կորուսաք զմիմեանս ընդ երկար , այլ յաջողեաց մեզ ապա գոլ ամուսինս : Սաստիկ էր յոյժ սէր մեր ընդ միմեանս . բայց Լեթէ գիտէաք Լեթ առաջի կայր մեզ բախտ գտանելոյ զհայրդ իմ , ահ , մի երկբայիցիս՝ զի մնայաք ժամուս այսմիկ , որպէս զի օրհնութեամբ քով զհարսանիս մեր կատարէաք . Լեթ մեզ զբարեբաստութիւն մեր , և յաւել մեզ զայն հաճութեամբդ քով : Եւ զոյգ ընդ բանին եդ ծունր Վամիլլա . սիրտ նորա բաբախէր , աչք նորա ցածուն , գլուխ խոնարհեալ , երեսք կարմրապէղ , և հազիւ իշխէր նա հայել պատկառանօք ՚ի Օրադաշտ , և մնայր անձկանօք կոչելոյ նորա զինքն դուստր . ոչ երբէք այնքան լեալ էր ՚ի նմա իղձ երեւելոյ գեղեցիկ , և ոչ յաչս սիրեցելոյն իւրոյ Վեռնի , և անմոռունչ կացեալ՝ Լեթէր իմն ասել ծերունւոյն , մի ՚ի դէմն իւր հայել՝ այլ ՚ի սիրտն արժանաւոր նմին :

Հայնժամ յարուցեալ զնա ծերունւոյն , ասէ . Վատրիկ իմ , գեր ՚ի վերոյ քան զվիշտս իմ պատահէ ինձ բարեբաստութիւն . միակ կորուսի որդեակ , և գեղեցկանսեհս ինձ այս օր երկուս պարգևէ :

Այս զայս ստացեալ գիրկս էարկ գեղանւոյն
 Ամիլիայ . և խանդաղատելի տեսարանին լրումն
 արար | և ընդ պատմութեամբ արկածիցն իւրոց -
 և սրտեռանդն կարեկցութիւն ծերունւոյն և
 դատեր նորա ընդ այնոսիկ՝ յաւել զզգացումնն
 ազդեալ՝ ի բնութենէ՝ ի սիրտ նոցա : Անդակից
 լինէր նոցա և՛ լումն . և ՚ի ծանօթս գալ օրիորդ
 դին՝ զի էր քոյր | և ընդեայ , գեղեցկազոյն ևս
 թուէր յաչս նորա . նորանոր առաքինութիւնս
 հանապազ նկատէր ՚ի նմա , և անդադար զնմանէ
 խօսէր ընդ բարեկամին . և բարեկամութեանն
 և եթ անուն ոչ ևս թուէր նմա բաւական :

Իբրև հաստատէր նա տակաւ յառողջութիւն ,
 ելանէր ընդ առաւօտս ՚ի զբօսնուլ . և երթայր
 միշտ ՚ի վայրս՝ ուր Անայիս զհօտն արածէր , և
 ինքն իսկ հովուէր՝ առ ՚ի կալ ընդ օրիորդին :
 Այս մինչ | և ընդ և Ամիլիայ ելանէին յորս վանն
 ծերունւոյն , ինքն զանցս իւր պատմէր օրիորդին ,
 և լսէր հրճուանօք զմտածութիւնս նորա և ըզ-
 խորհուրդս , զարմացեալ ընդ հանձար նորա և
 ընդ իմաստութիւն յայնմ ՚ի մատաղ հասակի .
 և վարժէր առ նմա հանապազօր ՚ի խոհականու-
 թիւն և յառաքինութիւն : Երթ եղեգունս
 յիրեարս յարեալ մոմով , նուագէր նոքօք , և
 կցորդէր սրնգան գողտրիկ ձայնի հովուութեան .
 և յաճախ ևս յեղյեղէր զտաղս և զերգս ուս-
 եալս ՚ի նմանէ : Այնչ խորհէր նա ՚ի սէր , այլ
 ախորժագոյն ինչ զգայր ՚ի սրտի և մեղմագոյն :

Ինդ ծագել այգուն , կանխէր առ նա . ոչ խայտայր 'ի տեսիլ նորա , այլ կարօտէր տեսոյ նորին . ոչ այլայլէր յերեսաց նորա , այլ նովաւ և եթ էր բարեբաստիկ : Հեռի 'ի նմանէ գտանէր անդգայեալ , հեռի 'ի նմանէ ոչ ևս կեայր : Ըյսպէս արեւադէմն Արիտիա իրանդակաթ անկանի թառամեալ և նուաղեալ 'ի մեկնելն 'ի նմանէ Լպոյնի . իսկ 'ի ծագել անդրէն լուսաճաճանչ դիցն , ամբառնայ զգլուխ իւր 'ի վեր , և զդէմն 'ի յաստոյն հաստատեալ տունջեան՝ շրջի զստեղամբն իւրով ընդ շրջագայել նորին , և ակնկառոյց 'ի նա կայ մինչև յընկղմել նորա 'ի ծոց իտեայ :

Իսկ պարկեշտն Լնայիս , որոյ ոչ 'ի սիրտ իւր և ոչ 'ի լումայն էին ինչ պատճառք երկիւղի , անձնատուր լինէր 'ի բերումն անդր՝ որ ձգէրն զնա : Արեւը զազատիչ իւր և զկեցուցիչ հօրն իւրոյ . շնորհընկալ գոհութիւն պարտ անձին վարկանէր զայն , և առաքինութիւնք՝ լումայ ցանկալի զայն առնէին : Վաղցր էր նմա խօսակցել ընդ համբակին վարժելոյ առ ոտս հուլլեայ զզարմանալեաց բնութեան , զընթացից աստեղաց , զայլ և այլ ազգաց և զտեսչութեանց , զկրօնից՝ որ ամենայն ուրեք զանազանին , և զբարոյական օրինաց՝ որ առ ամենայն ուրեք նոյն են : Արկաքանչիւր հաստատուն 'ի կրօնս իւրեանց՝ մեկնէին զայն և պաշտպանէին . և անմիաբանք 'ի պաշտօն , միաբանք էին 'ի պարտս . հաշտք էին սիրտք նոցա 'ի

Հակառակել մտացն . և 'Ղումայ' որ ոչն յագէր 'ի զարմանալոյ ընդ ներհուն իմաստութիւն օրի որդին , օքրստօրէ յաւելուին մեծարանք առ նա :

Աւնդիոս նախ իրազել եղև ըղձից նոցա առ միմեանս , և ցանկայր յոյժ խնամութեան բարեկամին իւրոյ : Ամիում աւուրց եհարց ցնա , և ասէ . Աիրեն դու գքոյր իմ , ասա ինձ համարձակ . Իսկ 'Ղումա շառագունեալ այլայլէր : Յաւել Աւնդիոս . Եւ ընդէր ամաչես , 'ի դից անտի բնաւորեցաւ 'ի մեզ սէր առ 'ի սփոփանս վշտաց մերոց և առ 'ի վարձ առաքինութեանց : Եթէ սիրտ քո լուծեալ իցէ 'ի սպառ յանարժան կապանացն Հերսիլեայ , եթէ սիրես դու զԱնայիս' որչափ սիրէ զբեզ Աւնդ , ընկալայց զնա քեզ 'ի հօրէ իմմէ . խօսեաց , ասա ինձ միայն' թէ կամիս բարեբաստիկ գքոյր իմ կացուցանել , և հաւատացից բանի քում որպէս դիցն մերոց պատգաւ մաց : Այտ պատասխանի 'Ղումա . Աիրեցեալդ իմ , անուն Հերսիլեայ տակաւին զդողանի տայ ինձ հարկանել , իսկ Անայիս աներկեան առնէ զիս . զգացումն , զոր քոյր քոյին ազդէ յիս , յոյժ աննման է այնմ' որ թշուառ և հէք զիս կացուցանէ : Տեսանեմ հանապազօր զԱնայիս , կամ ընդ նմա անմեկին , և ոչ 'ի միտս իմ անկանի խօսել ընդ նմա զսիրոյ և զհարսանեաց . այլ խելամուտ եմ , բարեկամ , զի եթէ բարեբաստութեան մարթիցէ բնականալ յերկրի' լիցի նա բնականից ամուսնոյ քեռ քո :

Օ այն իբրև լուաւ | ևոնդ, գիրկս էարկնմա .
 և առեալ զձեռանէ նորա, ած զնա առ Օ քա-
 դաշտ : Այ ինչ երկմտէր ընդ հաւանութիւն
 նորա, և խնդրեաց 'ի նմանէ զՆայիս 'ի հարս-
 նութիւն բարեկամին իւրում և կեցուցչի նորա,
 և որ քան զամենայն մարդիկ սիրելին էր իւր և
 մեծարոյ : Այ քանի ապշութիւն եղև նմա և
 վիշտ, իբրև ետես զի Օ քադաշտ լուեալ նմա
 լուրջ և անժպիտ՝ տխուր ետ պատասխանի . (Ար-
 դեակ իմ, սիրեմ ես զՂումա, նորին պարգևք են
 կեանք իմ, և օրհնեցից զօրն՝ յորում լիցի ինձ
 փոխարինել պարգևաց նորա . բայց դուստր իմ
 զմոզաց պաշտէ զդեն, որոց գտանիմ ես դեն-
 պետ . և օրհնք՝ զորս քարոզեմ՝ արգելուն զխը-
 նամութիւն ընդ կուսպաշտս : Այ ինչ զանխու-
 է 'ի քէն, զի 'ի վերայ օրինացս այսոցիկ սրբոց
 զամենայն ինչ փոխանակեցի, զպատիւ զգանձս և
 զհանգիստ, և զամենայն ինչ զօհեցի նոցա . և
 կամիցիս զի մերձ 'ի վախճան կենաց իմոց, 'ի
 պահու՝ յորում առաջի կայ ինձ ընդունել զվարձս
 վաստակոց, կորուսից զայն ստունգանելով օրի-
 նացն՝ զորս ես ինքն ուսուցի :

Այ ընդմիջեալ | ևոնդեայ սրտառուչս իմն
 ասէ . Ապերախտութիւն ուրեմն ուսուցեր :
 Օ քադաշտ ասէ . Այ, որդեակ իմ, այլ խոհե-
 մութիւն . ոչ կամեցայ զի ոք 'ի մոզաց արկցէ
 զանձն 'ի վտանգ ուրացութեան, այլադեն ածեալ
 կին . կալայ զառաջս իշխանութեան սիրոյ, և

զքնաւոր յօժարութեան դիւբագորով սրտի 'ի խորհել զօրէն սիրելոյն : 'Նուստր իմ սիրեացէ զՂուամ, ընկալցի զհաւատս նորա, թողցէ ըզկրօնս մեր, և ես վասն այսր ամենայնի առաջի մեծին Ղրամազդայ գտայց մեղապարտ : Շատ իսկ վիշտ է ինձ զի որդի իմ, զաւակն () քաղաշտայ, դաստիարակեալ 'ի կռապաշտից հեռի յինէն, պաշտէ այլ ինչ դէն, և ոչ զհայրենին . կամիմ գէթ զդուստր իմ պահել աստուծոյ, վասն որոյ այսչափ ինչ կրեցի . կամիմ 'ի բաց կացուցանել զՂնայիս 'ի վտանգէ թողոյ զնա : Սրչափ մեծարոյ է 'Ղուամ, այնչափ մեծագոյն է վտանգըն . ահ, ոչ հալածանք և ոչ դահիճք սասանեցուցանեն զհաւատս, այլ օրինակ առաքինութեան յայլադէն 'ի կրօնս :

'Նարձեալ զի և դժպհի են տակաւին կրօնք իմ առ ամենայն ազգս . և 'Ղուամ ատելի բորուամն լիցի Նտալիոյ յածել իւր 'ի կնութիւն հարսն մոգակրօն, գուցէ և դուստր իմ ոչ այնպէս սիրելի լիցի նմա . . . 'Ներեա ինձ, 'Ղուամ, եթէ թշնամանեմ և տրտմեցուցանեմ զքեզ . առաւելազանց արդեօք թուեսցի քեզ նախանձայուզութիւն իմ, և թուեսցայց քեզ ապաշտորհ . այլ ես հաւատամ 'ի կրօնս իմ, սիրեմ զդուստր իմ, չկարեմ արկանել զնա 'ի վտանգ անհաւատութեան, կամ բերելոյ քեզ յօժիտ զատելութիւն ազգի բո :

Նւ լռեաց ծերունին 'ի խօսելոյ . և Ն կոնդ

կարկետը կայր , զաչս՝ ի վայր արկեալ տխրագին , զի ոչ կարէր զօրաւորագոյնս ընդդէմ ծերունւոյն ածել պատճառս : Իսկ Վուսն մտադիւրագոյնս լուեալ զամենայն , և զուարթ ՚ի նա ակնարկեալ , ասէ .

Օ քաղաշտ , յորմէ հետէ ծնեալ եմ , դիք՝ զորս պաշտեմն՝ ցուցին առ իս զզօրութիւնս իւրեանց . սիրեմ զնոսա , երկնչիմ ՚ի նոցանէ , և լաւ համարիմ մեռանել՝ քան յուրաստ ՚ի նոցանէ կալ : Եւ քաւ լիցի ինձ անարգել զայլս ՚ի կրօնից , որ ընդ տիեզերս . եթէ դիք ներեն այնոցիկ , իբր խրտագոյն քան զգիսն գտանիցիմ : Կորիցեն արքարիւնահեղք , որք զօրէն Սարդանաբաղայ սուր ՚ի ձեռին հալածեն զայնոսիկ՝ որք ոչ ըստ նոցա խորհին , առաջի եղեալ նոցա մահ և զաղանդ , և յաճախեն վկայս ընդ ոճիրս իւրեանց , որոց մարթէր բարերարութեամբքն առնել եկամուտս : Եւ թշուառ մահկանացուացս է անկ ըզվրէժ դիցն խնդրել , և ստանձնել զհոգ նոցին . մըջիւնք ՚ի յանգի ոչ սպանանեն զմիմեանս վասն տեառն անդոյն , այլ ժառանգեն ՚ի խաղաղութեան զբարիսն՝ զոր ՚ի նմանէ ունին : Կերագոյն ՚ի կատարելութիւնս դիցն է բարութիւն . և թըշնամիք նոցին չարագոյնք՝ են հալածիչք , զի կապտեն ՚ի նոցանէ զքաղցրագոյն բերկրանս ներելոյ տկարաց :

Եւ յս են կրօնք իմ , ո՞ Օ քաղաշտ . քեզ արդ անկ է դատել , թէ հաւատք դատերն քո լիցի՞

առ իս 'ի վտանգի : Ս'եծարեցից ես զկրօնս նորա ,
 և մեծարեսցէ նա զիմս . պաշտեսցէ նա զՂրա-
 մնազդ , և պաշտեցից ես զՎ'իոս : Լ՝յԼԼ՝քրամնազդ
 և Վ'իոս զնոյն մեզ պատուիրեն . սիրել զքեզ ,
 յարգել զալիս քո , զԹալ 'ի միմեանս , սիրութիւն
 զԹշուառս , զայսոսիկ պատուիրէ աստուածն քո ,
 զայսոսիկ և իմն ինձ հրամայէ : Սիրտք երկաքան-
 չիւրոցս , 'ի հնազանդել նոցին , սերտադոյնք կը-
 ցորդեսցին . և խառնեսցին յիրեարս որպէս
 վտակք կրկին ահանակիտք , որոց աղբերակունք
 այլևայլք իցեն , և ջուրք նոցա զուգախառնեալք :

Համարիս զի ատելի եղէց ազգին իմում , զմե-
 զակրօնս ածեալ ինձ կին : Իմ այսուհետև չիք
 ազգ , և ոչ հայրենիք . կորուսի զՏուլլոս , կորուսի
 զՏատիա , և աշխարհ ինձ արդ տահմանի 'ի
 խրճիթ . Օրադաշտայ . սիրտ իմ վկայէ ինձ ,
 զի չեղէց երբէք ատելի : Տարածեա ինձ հայր
 զգիրկս քո , ընկալ զիս քեզ յորդի . շնորհեա ինձ
 'ի միում վայրկեան ժամանակի զամենայն , որ
 ինչ 'ի պարագայս ամաց բարձին յինէն դիք .
 տո՛ւր ինձ զՂնայիս , և երկայնաւուրս քեզ պատ-
 րաստեսցուք : Եցցուք խաղաղութեամբ 'ի
 հովտի աստ , ուր որդիք ուստեր քո և դստեր
 բնակեցուսցեն զաղթական՝ որ դարուց 'ի դարս
 օրհնեսցէ զՕրադաշտայ անուն ցանկալի : Հըս-
 կեսցես դու 'ի նորածին ազգատոհմի քում , գու-
 րովեսցի նա զքե , և քե լիցի բարեբաստիկ :
 Վուստր , որ ծնանիցի ինձ , կոչեսցի Ոքսանէ .

և անունն այն ցանկալի քեզ՝ քաղցրագոյն գործեցեց զգգուանն նորա . հարբ և որդիք , փեսայք և հարսուհիք , առ ՚ի սէր և եթ քոյին կեցցուք . և զօրհանապազ ընդ առաւօտս արգաստոհմք երկաքանչիւր ՚ի միասին գումարեալ սպասեսցուք յառնելոյ քո նովին բերկրութեամբ և մեծարաւ նօք , որով աշակերտք քոյին դէտակն ունին ծագելոյ աստեղն տունջեան :

Եւ զայդ ընդ բանիցն ծուներ եղ՝ Ղումա . իսկ ծերունին ՚ի գութ շարժեալ տակաւին կամէր ընդդէմ կալ , բայց Լևոնդ ՚ի վերայ էած . Ղա կեցոյց զքեզ , դա ինքն զերծոյց զՆայիս : Յայն՝ ժամ ասէ ծերունին . Բարեդ է , լիցի նմա Ղնայիս ՚ի վարձ , և Ղումա լիցի ինձ յորդի : Օ այն իբրև լուա Ղումա , ձայն բարձեալ՝ դիմեաց անկաւ զպարանոցաւ ծերունոյն , և ոչ կարէր բերել զհրճուանսն , և ոչ զչնորհակալիսն յայտ ասնել : Ղամէր և Լևոնդեայ գիրկս արկանել , այլ նորա փութացեալ էր ՚ի խնդիր քեռն իւրոյ . և ՚ի դառնալ նորա ընդ նմա , յաւել ծերունին . Ղուստր , ահա փեսայն քո , ետու զքեզ կեցուցին քում . յետ ութ աւուրց կատարեսցին հարսանիք ձեր : Յիս և եթ պատուհաս մեծին Ղրամազդայ , եթ է չիցեն նմա հաճոյ հարսանիքդ ձեր : Եւ զայս ասացեալ , ողջագուրեաց զաջ դատերն և զՂումայ պնդապէս ՚ի սիրտ իւր :

Յաճոյց Ղնայիս ՚ի պատկառանաց զաչս իւր , և ապա քաղցր ՚ի ժպիտ տիրացոյց զխոստումն՝

զոր հօրն իւրոյ տուեալ էր զհարսնութենէն :

Ի յուհետեւ բարեբաստիկն՝ Վուան և արժանաւոր բարեկամ նորին և գեղանին Վամիլլա ոչ յայլ ինչ պարապէին , բայց ՚ի պատրաստութիւն հարսանեացն : Ի ևնդիոս ընդ Վամիլլայ չոգան հարկանել փայտ ՚ի լեռնէն , որպէս զի կառուացէ իւր Վուան բնակարան մերձ ՚ի հիւղ ծերունոցն : Եւ կառոյց զայն Վուան ընդ արևելք , որպէս զի հարսնն բարեպաշտն կարացէ հանապազօր ընդ զարթնուն ուղերձել մաղթանա առ աստղն տունջենային . և պատսպարեաց զայն մորթովք գազանաց և խիտ առ խիտ ոստովք , անթափանց ՚ի ճառագայթից արեգական յանձրէ և ՚ի ցրտոյ : Եւ ՚ի ներքս անդ որ ինչ մարթերն ՚ի դիւրութիւն և ՚ի բերկրանս՝ հնարաւորեաց , այնու ճարտարութեամբ և կիրթ ախորժակօք զարդարեալ զայն , որ սիրոյ և եթ մարթէին գոլ արգասիք : Եւր առ բնակարանաւն պարտէզ , զոր Վուանայ այնպէս ճահաւորեալ՝ զի յաամիկն վայրենի կամարաձև , ընդ որով տեսեալն էր նախ զԿայիս , ՚ի միջավայր պարտիզին անկանէր : Եւ ՚ի վտակէ անտի արար ջրադարձ , որ ընդ մէջ ծաղկանց սողոսկէր . և ծառք պտղաբերք անդ ինքնաբոյսք պիտանի զպարտէզն առնէին , և ցանկ դալարագեղ պատսպարէր զայն յայծեմանց՝ որոց մարթէր ճարակել ՚ի մատաղատունկս :

Ի Կայիս ՚ի վերայ կայր վաստակոցն , և ՚ի տե-

սիլ նորին զօրանայր՝ Ելուան, և կամէր միայնակ կատարել նա զվաստակն . բայց Եամիլլա և Լևոնդ եկին օգնել նմա բռնի : Եմենեքեան մնային անձկանօք լրանալոյ առ վաղիւ աւուրցն սահմանելոց՝ ի ծերունւոյն, վաղ զամենայն վաստակն կատարեալ : Եամիլլայ զմարգս շրջակայս կապտեալ ՚ի ծաղկանց, և հիւսեալ պատրաստեալ էր պսակս, և բոլորիւք ծաղկանց զարգարեալ զխրճիթն : Երևն ծածկեցաւ յալիս, և վերադարձ նորին ծագելոց էր ՚ի բարեբաստութիւն տարփաւորացն երկոցունց . և ահա ընդ երեկս ՚ի պահուն, յորում ժողովեալ ամենեքին ՚ի խրճիթ (Օրագաշտայ՝ բազմէին ՚ի սակաւապէտ ընթրիան, բախիւն դրան լսելի եղև : Եգդողանի հարաւ Ելուան, իրագգաց իմն լեալ պատանին զգայուն : Եարեաւ նախ Լևոնդ զարմացմամբ, և առեալ զլախտն՝ ընթացաւ ՚ի դուռնն . ոչ թշնամիք հասեալ էին, այլ ծերունի պատկառելի հանդերձ երկոքումք զօրականօք խնդրէր ասանջականութիւն : Եւ հիւրընկալեալ զնոսա Լևոնդեայ ած ՚ի ներքս : Են ինչ ՚ի նշոյլ կանթեղին՝ որ լուսաւորէր զխրճիթն՝ փայլեցին դէմք նորա, ձայն եբարձ՝ Ելուան հիացմամբ, և դիմեաց գիրկս էարկ ծերունւոյն . Եսև ինքն իցես, Եետիէ, մտերիմդ Տատիոսի և հօր իմոյ, միակ զօրաւիգն և յետին պատսպարան Եարինաց :

Եսպուշ հարաւ Եետիոս՝ ծանուցեալ զԵլու-

մա , և չհաւատայր նուազելոց աչացն իւրոց . և
 ասէ . Տէր իմ և բարեկամ , գտի ուրեմն զքեզ՝
 զոր ընդ ամենայն Խտալիա խնդրէի : Եւ , Թոյլ
 տուր ինձ , զի մինչ չև զսպաս մեծարանաց մատու
 ցեալ՝ բազուկք իմ դողդոջք փարեացին զքե
 միւսանգամ , և սիրտ իմ վայելեացէ 'ի յետին
 վայրկեանս՝ յորս օրէն է ինձ բարեկամ զքեզ
 անուանել : Եւ զոյգ ընդ բանիցն հաւատարիմն
 Ետտիոս գգուէր ստեպ և ողջագուրէր զՄրամա :
 Եւ ասպա դարձեալ առ զօրականն երկուսին ուղե
 կիցս իւր , ասէ . Եւ յիշուի , պատահեցաք
 խնդրոյ մերում , գտաք զարքայն մեր : Եւ այնժամ
 հռովմայեցիքն երկոքեան ընդ Ետտիոսի ծունր
 կրկնեալ մեծարանօք , ասենց յՄրամա . Եւ զձոյն
 ընդ քեզ արքայդ հռովմայ : Եւ ի Մրամայ բռնա
 դատեալ զնոսա յոտն կալ , ասէ . Եւ ինչ խօսիք ,
 չեմ ես Թագաւոր ձեր , և ոչ արժանի և ոչ ցան
 կացօղ Թագաւորութեան : Եւ կրկնեալ անդրէն
 Ետտիոսի ասէ . Թագաւոր ես , և Թագաւոր
 ըստ գեղեցիկ և ըստ օրինաւորազոյն իրաւանց .
 Ժողովուրդն միաբարբառ ընտրեաց զքեզ . հռով
 մայեցիք և սաբինացիք պատրաստեալք 'ի հե
 ղուլ զարիւնս միմեանց առ 'ի տալ յաջորդ հա
 մուլեայ , ոչ գտին զայլ ոք՝ բայց միայն զՄրամա
 'ի ճահ երկաքանչիւրոցն ազգաց . անուն և եթ
 քոյին ցածոյց զվայրոյթ և միաբանեաց զնոսա :
 Թագաւորեցեր , Մրամա . Ժողովուրդ քոյին քեզ
 անկնկալեալ մնայ :

Հիացեալ Վրասայ միանգամայն և տրտմեալ, բազմեցոյց զպատգամաւորսն 'ի սեղանս () քաղաշտայ, և խնդրեաց պատմել զանցս իրացն զմեծամեծս. և զօրավարն ծերունի հնազանդեալ՝ ասէ .

Ի լրումն հասեալ էին չարիք մեր. Հռոմու լոս դժպհի լեալ սաբինացւոց, և ատելի ժողովրդեան իսկ իւրում, տայր հեծել Հռովմայ ընդ քաւազանաւ երկաթեաւ. ոչ ևս աշխարհակալ մշտայաղթ զթշնամեաց և եթ աշխարհին ճապաղէր զարին, այլ բռնաւոր ամեհի՝ որոյ խուժադուժ քաղաքավարութիւն հարստահարէր զժողովուրդն առ 'ի նուաճել զնա, և ընդ դուռնաբեայ պատճառանաց հեղոյր զարին պատրուկաց : Ոճիւր զոճիրս այսպէս զհետ իւրեանց առեալ ձգեն. և իբրև շաղախի որ 'ի նոսին, կապտի յամենայն առաքինութեանց, և բնակեն 'ի նմա ամենայն յոռութիւնք :

() այրացան յայնժամ դիք, և զաստուածասաստ վրէժխնդրութիւն իւրեանց ցուցին սուկալի հարուածովք. սրածութիւն անմարդի արար զՀռովմ, ժանտախտին այնորիկ ոչ երբէք այնպիսեօք ճարակեալ արկածիւք. հուր ծախիչ տոչորէր զկուրծս և զընդերս. աչք հրացայտք և արիւննուշտք հազիւ 'ի կապիճս իւրեանց թաւայէին. բերան վիրալից բուրէր նեխ ժանտ. լեզու աղտեղի և թանձրամաճ 'ի քիմն կցեալ հեղձամիճուկ զախտակրեայն առնէր, ջիւք կար-

կամեալք , անդամք 'ի սարսուռ հարեալք , և ցուրտ մահուն տակաւ ընդ մարմինն ծաւալեալ , չկարէր շիջուցանել զբոցն փաղաղիչ՝ որ զոսկերնն ծախէր : Այ բաւէին տունք առ հէք ճարակս աստին , և լցան նոքօք պողոտայք հրապարակք և մեհեանք դից . անդ էր տեսանել զախտացելոց բազմութիւն յոգիս ապաստան , փախրտ տեայս 'ի մահճացն կիսամերկս , փախստեայս 'ի թերափիցն իւրեանց , աղերսաւորս 'ի ինչդրել ջուր : Հոսէին զանձինս 'ի Տիբեր , թաւալէին յաղբիւրս և 'ի տիղմ . ոչ ումք լսէին , ըմպէին անբոյժք 'ի ծարաւոյ , և 'ի մէջ արեաց փչէին զոգի : Արագըր զօգ բարեկամութեան , զգացումն բնութեան , 'ի մոռացօնս անկեալ ամենայն , և ամենայն ինչ անծանօթ . որդի թափառական առ ցաւոց՝ հրաժարէր 'ի հայրենի գրկաց . եղբայր յեղբօրէ խորշեալ ահիւ վարակման աստին , և մայր օրհասական թողեալ լքեալ յառնէ 'ի տառապանս մահուն , ալք շրջեալ , զատամունսն կրճտելով , մերժէր կարկամ բազկօք զաղկաղկ մանկիկն՝ որ լայր և ձեռն կարկառէր առ ցամաքեալ ստինսն մայրենիս : Արիակ յամենեսին էր զգացումն , ցաւ . ամենայն ուրեք վիշտ , ամենայն ուրեք մահ . մանուկն և երիտասարդ և ծեր մատնեալք առ հասարակ 'ի կորուստ և կործան անկեալք : Աորբոքէին անշէջ խարոյկք փայտակոյտք , և նորոգէին անդադար . և բազմութիւնն նոցին ամբաւ չբաւէր դիականցն , և վէճք զայն .

ցանէ լինէին . և կառուցողաց նոցին հարկ լինէր պատերազմաւ անդանօր տեղի ազգականացն իւրեանց գտանել :

Հռոմուլեաց ընդ կորուստ զօրականին վշտացեալ , հրամայեաց զո՛հ աշխարհաժողով յեղտիւրս Վեւերայ 'ի հաշտութիւն դից : Սաղովուրդն առ հասարակ , կամ մանաւանդ դոյզն մնացորդ ժողովրդեանն գումարեցաւ անդր . կա տարողապետք և քուրմք և քաղաքացիք տժգոյնք և նիհարք մատեան յառաջ հիւանդօքայլ 'ի բազին անդր , և զօրքն անգրահք մերձենային յամրաշարժք՝ յեցեալք 'ի գեղարդունս իւրեանց , հազիւ զաչս 'ի վեր յարժուէնշան անդր իւրաքանչիւր գնդացն կարէին ամբառնալ : Անայք և ծերք յեցք 'ի ցուպ՝ զձեռանէ կալեալ մանկանցն , նեցուկք տկարք՝ 'ի միասին ընդ նոսա գլուրեալ անկանէին : Արիտասարդք , ծերք , հիւանդք և գեռաբոյժք անկանէին 'ի քարշ քան թէ գնային . ոչ որ զօրէր ճիկ հանել . և ազգն հռովմէական հզօր , ազգն ահարկու Ատալիոյ , թուէր գունդ իմն ճիւղաց՝ զորս վհուկ թեօաղացի վերակոչէ 'ի դժոխոց :

Հեղան քառութիւնք , զենան զո՛հք , և քրրմապետն զննեալ զփորոտին՝ յոգւոց եհան ընդ հմայսն . ել աստուածարեալ յեռտանին սուրբ , յուզէր յաւիւն դիւցական , աչք նորա փայլակնացայտ , բերան փրփրերախ , բազուկք ձգտեալք , գլուխ վեր 'ի վայր խոնարհեալ , հերք քրտ-

մենեալք և ընդ պատկն սարդենի՝ ի վեր դիզացեալք, ՚ի զուր աստուածամարտ մայքառէր . պարտեցաւ յոսոխէն, և նուաճեալ տեղի ետ խթամին . և զայսոսիկ հեւալով ետ պատգամս . () յազովուրդ հռովմայ, ոճիր սոսկալի անպատուհաս՝ իջոյց ՚ի գլուխ քո զցասումն աստուածասատ . եթէ ոչ ոճիրն այն քաւեսցի, ցորչափ եղեռնաւորքն տեսցեն զլոյս, մի ակն կազցիս դիցն հաշտութեան : Արապեացի ախտն ժանտ ՚ի պարխսպս քո, ցորչափ արիւնն անպարտ . . .

Եւ մինչդեռ բանքն ՚ի բերան նորա կային, խոժոռ ՚ի նա ակնարկեաց հռոմուլ, և հեղձաւ մզձուկ արար զնա ահ : Եւ ահա մթացան երկինք, արեգակն նսեմացեալ, և խաւար թանձրանկ ծածկեաց զերկիր, ճայթեցին խիտ ընդ խիտ ամպրոպք . թուէր տարերաց խառն ՚ի խուռն տալ պատերազմ, և էից առ հասարակ ՚ի համապարփակն անդրէն խորասուզել ՚ի վիհ :

Խամիկն ահիւ և դողութեամբ ՚ի ծուռ անկեալ առ դիւն պազատէր, առաջի աչաց նկատելով զմահ : Եւ յետ սուղ ինչ պահու ցածեաւ մրրիկն, փարատեցաւ մութն, փայլեաց արեգակն անամպ, դարձաւ կապուտակն երկնից ՚ի տեսիլ, հանդարտեցին օդք, հուպ ընդ հուպ և սիրտք : Հայէին ընդ միմեանս հռովմայեցիք, և ծանօթս տային միմեանց . հռոմուլ միայն չերևէր ՚ի միջի, և ընդ վայր խնդրէին զնա թիկնապահքն և դրանիկք . Երագունքն ասպետք,

հաւատարմանդոյնք արքայի՝ որ անպատու հաս զնոսին կացուցեալ էր , սպառնային ընդդէմ պատրկաց՝ ամբաստանեալ զնոսա՝ ի սպանութիւն թագաւորին : Ա՛յնչդեռ ռամիկն պատրաստէր ՚ի պաշտարանութիւն ազնուականաց , և ճապաղիք արեան ՚ի վերայ կային , և ահա Արոկուլ՝ զոր տեսանէքք , մի ՚ի հռովմայեցւոց անտի պատկառելեաց աւագութեամբն և հասակաւ , և մանաւանդ խոտակրօն առաքինութեամբ , յառաջ մատեաւ , և ճարտար խաբէութեամբ ցածոյց զսիրտս , ասելով . յազարեցէք , ո՛հ հռովմայեցիք , ՚ի ինդրելոյ զՀռոմուլ . տեսի ես , իմովք իսկ աչօք տեսի զհայր նորա զԱ՛րէս իջեալ յերկիր , և յարիւնսթաթաւ ՚ի կառս յափշտակեալ զնա . և լուայ զբարբառ թագաւորին , որ ասէր ցիս . Արոկուլէ , ՚ի լրումն հասին փառք իմ , յազթեցի , յաղթանակեցի , կառուցի քաղաք՝ որ տիրեսցէ ընդ տիեզերս , լցի զամենայն զպարտս իմ , և արգաստուածն զօրութեանց յաւերժականացն իւրոց հազարք զիս առնէ փառաց : Ատմեա գու զայս հռովմայեցւոյ . ասա ցնոսա , զի Ա՛րէս և Հռոմուլ՝ առաջնորդեսցեն միշտ բանակաց նոցա . և զի կարգասցեն առ իս յայտմ հետէ , կոչելով զիս կուիրինոս :

Այ՛ ՚ի իստեւն զայստօիկ Արոկուլեայ , ցածեաւ ազմուկն : Այ իշխեսցին Արագունքն երկմտել ընդ դիւցական առասպելն զթագաւորէն , զոր սիրէին . և ժողովուրդն մտադիւր զերծեալ ՚ի բռու-

նաւորէն , լաւ համարեցաւ տալ նաև յերկինս կայեան , քան ինդրել և պատուհասել զայնտիկ՝ որք ազատեցին 'ի նմանէ զերկիր : Լ՝յլ հարկ էր ընտրել զոք յաջորդ Հռոմուլեայ , և 'ի զուր Հերսիլ լիա ինդրէր թագաւորել . սաբինացիք գրգռեալք ընդդէմ՝ նորա , սպառնացան դառնալ 'ի Կորա , եթէ դուստրն Հռոմուլեայ ամբառնայր յաթոռ . և հռովմայեցիք իսկ ամօթ համարէին անձանց՝ հնազանդել կնոջ : Հերսիլիա յերկաքանչիւրոցն իսկ մերժեալ 'ի ժողովրդոց , մեկնեցաւ 'ի հռովմայ՝ սպառնալով դառնալ անդրէն զօրօք . և ժողովուրդն դարձեալ 'ի մի վայր գումարեցաւ , ընտրել իւր թագաւոր :

Ի այց ազգն այն թշուառ , փոքր միւս ևս , և դարձեալ անձամբ զանձն մատնէր 'ի կոտորած : Հռովմայեցիք հռովմայեցի զոք ինդրէին 'ի թագաւոր , իսկ սաբինացիք զսաբինացի . զի ասէին սոքա , թէ յետ Տատիոսի մեռանելոյ՝ թողաք մեք խաղաղութեամբ թագաւորել Հռոմուլեայ , և ժամէ արդ՝ զի 'ի մերոց քաղաքայնոցս որ թագաւորեսցէ : Այ պարտութեամբ նուաճեցաք ընդ ձեզք . բարեկամք ձեր եմք և եղբարք , և ոչ երբէք եղաք մեք ձեզ ստրուկք : Այ ազնուականութեամբ , ոչ արիութեամբ , և ոչ առաքինութեամբ ստորև ինչ քան զձեզ գտանիմք . աստրա տին ապա 'ի բաց դիցուք որ ինչ իրաւանց հաւասարութեան և դոյզն ինչ գործէ վնաս :

Ս՝ ինչդեռ սաբինացիք զայստիկ բարբառեալ

ընթանային 'ի զէն, ազդեալ յայնժամ 'ի դիցն՝
գոչեցի. | ռւարուք ինձ ո՛ ժողովուրդք. երկաքան
չիւր խնդրէք թագաւոր, և խնդրէք ընտրել զայն
'ի ձէնջ. երկաքանչիւր թողէք միմեանց զկէս
իրաւանցն՝ զոր պահանջէք. որ ոք յերկաքանչիւ
բոցդ ընտրել կամիցի զթագաւորն, 'ի միւսմէն
ընտրեսցէ զնա : | Ընտրեցէք ձեզ թագաւոր, ո՛
հռովմայեցիք, այլ 'ի սաբինացւոց զոք. և կամ
լիցին սաբինացիք ընտրոյն տէր, այլ ընտրեսցեն
'ի ձէնջ զոք :

Հաճոյ թուեցաւ խրատն իմ, և խաղաղու
թիւն եղև անդրէն. միաբանեցին ազգք երկա
քանչիւր, և թողաւ ընտրութիւնն 'ի հռովմայե
ցիս՝ ընտրել զոք 'ի սաբինացւոց. և ամենեքին
միաբարբառ ընտրեցին զարդարակորովն զՎրամա :
| Ըլուր անուանն ազգք երկաքանչիւր մոռացան
զատելութիւն, և խնդակից լինէին միմեանց. և
գիրկս արկեալ իրերաց, զաղաղակ ցնծութեան
արտասուախառն հարկանէին, թէ դարձցի ու
րեմն դարն ոսկեղինիկ՝ թագաւորութիւն Վր
տրեայ, և իշխեսցէ մեզ՝ Վրամա :

Նոյնիս խունկ 'ի բազինս, վտակօրէն արիւն
զոհիցն գնայր, հնչէին առ հասարակ մեհեանք
'ի շնորհակալիս, և գոհութիւնք առ դիս ըն
թանային վասն ամենայն բարեացն անկալեաց :
Շնորհեցին դիք զխնդրուածսն. դադարեաց
սրածութիւն, և հողմն կենդանարար էած առող
ջութիւն. ցողեաց ցող բարերար 'ի յոյս երկրա.

գործին կրկնապատիկ հնձոց . գիրք և մտորդիկ , երկինք և երկիր թուէին զուարթացեալ ընդ թագաւորել առաքինութեան :

Հրամայեցան վազվազակի պատգամաւորք . խնդրեցի և ես լինել ընդ նոսա : (Ս)ուեաք 'ի Վորա , ուր յուսայաքն գտանել զքեզ . և ոչ զրոյց ինչ անդանօր զքէն եղև մեզ ունել : Վարձաք 'ի սահմանս Սարսից , ուր կարծէի 'ի բարեկամութենէ | Լնդեայ ձգեալ զքեզ . այլ ոչ առաւել յաջողեցին մեզ անդ արշաւանք : Վնայաք ապա խնդրել զքեզ 'ի հռէական լերինս հռչակաւորս քաջութեամբք քով և մտորասիրութեամբք , և առաջնորդեցին մեզ այսր գիրք : Այլ սրգ սրբայդ Հոովնայ , ազգք երկօրին գէտակն կալեալ սպասեն քեզ , 'ի քեզ միայն յուսացեալ են . վայրկեանք իւրաքանչիւր , որ անցանեն , գողօնք են սիրոյ մերոյ և հատարակաց բարեբաստութեան :

Այս իբրև լուեաց Սեախոս 'ի խօսելոյ , հայեցաւ 'ի նա Վրումս քաղցր 'ի ժպիտ , և հանգազ տութեամբ ասէ . | անց , որ բարեկամ , ժամանակ մտորութեանս ինց՝ յորում իշխանասիրութիւն և սնագոռութիւն և սէր խօլական ազմկէին զկեանս իմ : Սարթեր ինձ շանալ 'ի ճաճանջ թագի , յորժամ բորբոքեալ սիրովն Հերսիլեայ՝ յարձակէի աւր 'ի ձեռին արժանի լինել նմա դիմադրաւ 'ի պատերազմունս . յորժամ կտրացեալ մեծութեամբ՝ գուն գործէի վարժել յա-

րուեալս արեանհեղութեան մարդկան , և զարմանայի ընդ Հոռոնլ՝ որչափ առաւել աղէտս 'ի նմանէ տեսանէի գործեալ : Ընկաւ քօզ 'ի գինաց խնց , բացան աչք իմ , և գոհութիւն դից՝ որք ոչ բքին դիս , և թշուառութեանս խնամ՝ որ խրատեացն զիս . գոհութիւն մտերիմ բարեկամութեան և սուրբ սիրոյ՝ որ քաջալերեն զիս . միտք իմ և սիրտ լուսաւորեալ , ոչ ևս մեծարին ինչ՝ բայց որ արգօն է , և ոչ ևս սիրեն ինչ՝ բայց որ արժանին է սիրոյ , առաքինութիւն և խաղաղութիւն :

Ոչ իսկ 'ի ձահ լիցի ինձ ունել զաթոռ Հոռոնլեայ , ժողովարդ նորս խրոխտ և պատերազմող հազիւ նուաճէր ընդ ձեռամբ թագաւորի աստուածօրդուոյ և զօրավարի մեծի . իսկ ես մահկանացուի հօր որդի , գարշիմ 'ի պատերազմէ , ատեամ զարուեսան նենգաւոր պառակտելոյ զազգս սահմանակիցս՝ առ 'ի յաղթել նոցա , զինուորելոյ զպիարն ընդգէմ հզօրին՝ առ 'ի նուաճել զերկաքանչիւր , և համարելոյ ժառանգութիւն իմ՝ որ ինչ մարթ իցէ ինձ յախշտակել : Ս'ի , Ս'ետիէ . աշխարհակալի ումբ անկ է ձեզ թագաւորել . 'ի զուր իցէ ինձ նախրել բզկեանս իմ 'ի բարեբաւտութիւն հոսկմայեցուոց . անգոմնեացեն նոքա զթագաւոր խաղաղասէր , որ ոչ յայլ ինչ սրբապեցի՝ բայց 'ի կրօնս և յօրէնս և 'ի հոգս մշակութեան :

Ս'ետիէ , իմ զայս պսպէս հաստատութեամբ

եղեալ է 'ի մտի . լցի զպարտս իմ առ հայրենիս , հեղի զարիւն իմ վասն նորա , փրկեցի զսաբինա զիս՝ զպքոր յանձն առեալ , զպաշտօն իմ կատարեցի , և ոչ այլ ինչ խնդրեմ արդ փոխարէն՝ բայց կալ և մնալ յաքորանս իմ : Այլ ևս կամիմ կոխել 'ի Հռովմ , ցանկալի է ինձ հովիտս առաւել յոյժ քան զՎապիտոյ , և կամիմ կեալ աստ ընդ հօր իմում , ընդ բարեկամի , ընդ քեռ և ընդ արժանաւոր հարսին : Բարեբաստիկ և աներկեւան կեցից ես աստ քան զՀռոմուլ Արագունս իւր 'ի Թիկնապահս : Հիւզս այս հանգստագոյն է ինձ և գեղածիժաղ քան զարքունիս Թագաւորաց ձերոց . աստ զաւուրս իմ անցուցից սրբութեամբ և խաղաղութեամբ 'ի պաշտօն դից , և 'ի բարեբաստութիւն հօրն իմոյ և հարսին , և բարեբաստիկ առ նոսա գտայց . և յօրհաս մահօս չիցէ ինձ պարտ զբիւրաւորաց մարդկան տալ դից զհամար , եթէ ոչ կարացից զնոցայն յարդարել բարեկենդանութիւն , որ գրեթէ անհնարին իսկ է մարդոյ մահացուի :

Այնժամ Վնայիս 'ի վերայ ածեալ համարձակաձայն , ասէ . Բայց տացես դու համար , Վրումա , 'ի փոխանակել քո զազգս երկուս ընդ սիրոյ իմում և ընդ սիրոյ հանգստեան : Կարծիցեն ուրեմն զի երկինք վասն քո և եթ ետուն քեզ զայդքան առաքինութիւնս . կարծիցեն հաճոյ լինել աստուծոյ 'ի կեալ քո վասն անձին և եթ : Ան գերաբուն առ ոչինչ համարի զմտածու .

Թիւն անգործ . խնդրէ նա զժիր առաքինու-
 Թիւն , և յառնէ լաւէ պահանջեսցէ համար
 զաւուրց իւրաքանչիւր՝ զորս առանց բարեգոր-
 ծութեան իցէ նորա անցուցեալ . զի որ արարն
 զաշխարհ , ոչ սիրէ զոք՝ բայց որ ՚ի բարեբաս-
 աութիւն աշխարհի վաստակիցին :

Վառ զչիւցազն զոք պատերազմող համարիս
 ՚ի ճահ հռովմայեցւոց քան զԹագաւոր խաղա-
 ղասէք : Այլ որչափ պատերազմասէր է ազգն ,
 այնչափ առաւել կարօտի զգօն Թագաւորի՝ որ
 նուաճեալ ՚ի չափու կալցի զխեռութիւն նոցա ,
 և ցածուցէ արդարութեամբ զպատերազմական
 աշխոյժս նորին՝ որ զառաճանի ՚ի վայրենու-
 Թիւն : շիք ոք , չիք ուրեք Թագաւոր այնպիսի
 բաց ՚ի քէն , Վրոմն . երկիւղածութիւն քո ՚ի
 դից և խաղաղասիրութիւն պարտ առնեն քեզ
 իշխել ժողովրդեան , որոյ կարևորագոյն են ա-
 ռաքինութիւնքդ այդոքիկ :

Այլ ևս ինչ պարտ անձին վարկանիս առնել
 վասն հայրենեաց քոց , զի դիմապրաւեցեր վասն
 նոցին ՚ի պատերազմ : Այլ աղէ , զինչ աւելի
 գործեցեր դու քան զսինքրոր զօրականն . և վկայ
 զքեզ ինքն կոչեմ , վասն հռովմայ եթէ վասն
 հերսիլեայ եզեր զկեանս քո ՚ի կշիռ : Աթէ
 հեղեալ իսկ էր քո զարիւնդ ՚ի վերայ հայրե-
 նեաց , ցորչափ շիթ մի մնայ ՚ի քեզ , այն իսկ նու-
 ցին է անկ . ոչ է մարթ ընուլ բովանդակ զպարտս
 առ հայրենիս , բարերար է նա միշտ առ մեզ :

Ս'ի ինչ մնայ ինձ յաւելուլ առ քեզ . եթէ վասն վարելոյ ընդ Մնայիս կենցաղ նսեմ, և վասն տարապարտ հալածանաց կրօնիցս իմեց մերժես զթագաւորութիւն, այժմէն իսկ հրաժարեմ'ի քէն . որպէս զի մի յամենայն կեանս իմ կշտամբեցայց'ի խղճէ մտաց' խառփան եղեալ բարեբաստութեան երկուց ազգաց, և զրկեալ զնոսա'ի բարւոյ թագաւորէ՝ քան զպ գեղեցկագոյն ինչ չկարեն երկինք պարգևել երկրի: Վառնասոյին ինձ կեանք իմ'ի թախիծս յայսա սիկ մտաց, և աղօտացի յիս բոց խանդակաթ սիրոյն՝ զոր դու յիս վառեցեր: Ը առ լիցի քեզ ասել, Վումա . գիտեմ ես զպարտս իմ և զքոյս . եթէ չառնուս դու յանձն պիտանի լինել մարդկան, զինև անկցի պատուհանս:

Օ այտոսիկ Մնայիս բարբառեցաւ, և Օ բա դաշտ և Ս և ընդ յաւելին պատապարան լինել բանից նորա . միայն Վամիլլա կուսակից գտաւ Վումայ: Յայնժամ Ս'ետիոս և հրեշտակքն հռովմայեցիք անկեալ առ ոտս նորա, արկանէին աղերս յոգնաթախանձ առ 'ի հաճեղել զմիտս նորա և ողորել զսիրտ . այլ'ի զուր: Վանդի նա իբրև զժայռ, յոր բաղխեալ խորտակին ալիք, կայր մնայր անդրդուելի: Յամուսեալ քաղցրութեանք ընդդէմ աղերսանացն և փաստից, և գիրկս արկեալ ծերունւոյն Ս'ետեայ, ասէր . Հայր իմ, եթէ սիրես զիս, մի ևս խօսիր զթագաւորութենէ՝ որ դժպհի է ինձ քան զգերեզ-

ման . կամիմ մեռանել 'ի հովտիս , կամիմ կեալ
'ի հիւղիս : Ա՛զատ ծնեալ եմ , և վայելեցից յի-
րաւունս ընութեան ամենայն մարդոյ , բնակել
ուր հաճոյ իցէ նմա , և ուր քաղցրագոյն ան-
ցուցանիցէ զաւուրս : Ա՛ռսամ զի և ոչ ընդդէմ
կամաց դիցն այսուիկ գործիցեմ . այլ եթէ և այս
հասանէին ինձ արկածք , լաւագոյն համարէի ողո-
քել զնոսա յամենայն կեանս իմ և զէնննկէց զնոսա
առնել , քան ածել թագ 'ի գլուխ՝ յորմէ գարչիմ
և մերժիմ : Ա՛յտի ապա գիտասջիր , Ա՛ետիէ , զի ըն-
դունայն են աղերսանք քո և յաւելուն ինձ վիշտս ,
իննայեա զիս յայդցանէ : Ա՛կ հանգիր և դու 'ի
հիւղիս , ոչ ընդ արքայի քում , այլ ընդ բարե-
կամի : Ա՛ղիւ 'ի ծագել այգուն՝ դարձցիս տալ
հոովմայեցւոց պատգամ , զի եթէ սիրեն զ՛լումա ,
յառհաւատչեայ սիրոյ իւրեանց թողցեն զնա
յաննչան կեանսն 'ի բարեբաստութեան :

Ա՛լ զայս ասացեալ , ել 'ի բաց . 'ի զուր զհետ
նորա ձայնէր Ա՛նայիս , զայն առաջին նուագ չուաւ
՛լումա ձայնի սիրուհւոյն : Ա՛ողան հրեշտակքն
տրտմութեամբ զիշերել 'ի խրճիթ նորին նորա-
կերտ . և ՛կամիլայ պաշտպանեալ ընդ երկար
ընդդէմ օրիորդին զխորհուրդ ՛լումայ , մեկնե-
ցաւ 'ի հանգիստ ընդ սիրելւոյն իւրում Ա՛ւոն-
դեայ . և մնացին Ա՛րադաշտ ընդ դատեր իւրում ,
խորհել 'ի կատարումն մեծի գործոյն :

ՆՈՒՄԱ ՊՈՄՊԻԼԻՈՍ



ԳԻՐԳ ՄԵՏԱՍԱՆԵՐՈՐԴ

ՆԱԽԱԴՐՈՒԹԻՒՆ ՄԵՏԱՍԱՆԵՐՈՐԴ ԳՐՈՑ

Յայտնին 'Նումայ ստուերք Տատիոսի : Անայիս խոյս տայ 'ի նմանէ հանգերձ հարան : Յուսահատել Նումայ , և հնազանդեալ գիցն՝ յանձն առնուլ զԹագաւորութիւն : Լեոնդեայ գիսել 'ի խնդիրքեա իւրոյ : Հասանել 'ի Նումայ 'ի Հռովմ , և որ ինչ անդէն 'ի սկզբան արար : Երթ նորա յանտառն Եգերեայ , և խօսակցութիւն ընդ յաւերժհարսինն յընտրութիւն պաշտօնէիցն իւրոց և վասն պատերազմի և քաղաքավարութեան և կարգաց քաղաքաժողով ընկերութեան և օրինաց և կրօնից : Վարդ տեսչութեանն Նումայ :

ՆՈՒՄԸ. ԳՈՄԳԻԼԻՈՍ

Գ Ի Ր Ք ԺԱ.

Երևանյ խոյս տուեալ 'ի խորս իւրոյ իրձ'թին ,
չկարէր փակել զչա իւր 'ի քուն . ամենայն բանք
Լ'նայիտի դառնային 'ի միտս նորա , և ասէր 'ի
մտի . Սպառնացաւ նա հրաժարել յինէն , եթէ
առ ակեր նորա վերջացայց 'ի պարտուցն ինոց առ
հայրենիս՝ ստունգանեալ գից : Լ'գէտք անհնա-
րին , եթէ անհաճոյ յաչ անմահից՝ միանգամայն
և սիրուհւոյն ինոց գտայց Լ'նայիտի : Լ'ը եթէ
յանձն առից զթագ , որպիսի ինչ զհանգէս սկրզ
բան թագաւորութեանս ինոց կացուսցեն հարաւ
նիք ընդ մոգակրօն օրիորդին . 'ի մտի եզեալ է իմ
թագաւորել կրօնիք , և անգէն 'ի սկզբան գա-
հակից ինձ կալայց զոստին կրօնիցս իմոց : Սու-
կացի ժողովուրդն 'ի տեսանելն զնա յաթու
իմ . և հանդերձ ամենայն առաքինութեամբքն
ատելի լիցի նա ամենեցուն : Ս'ի , մի լիցի ինձ
արկանել զնա յայն վտանգ . քաւ և մի լիցի ինձ

փոխանակել զսէր ընդ սնտոի յուսոյ բարոյք տես-
չութեան Հռովմայ : Յարդ զոհեցի զկեանս իմ
այլոց . ժամէ արդ կեալ վասն իմ :

Լնդուստ և թախիծք դառնացուցանելոյ
զազգն , և երկիւղ բարկացուցանելոյ զզիս , սա-
սանեցուցանէին զհաստատութիւն մտաքն՝ Լու-
մայ : Տատանեալ՝ ի յոյզս խորհրդոցն հակառա-
կաց , ձգեալ այսր՝ ի սիրոյ և անդր՝ ի գթու-
թենէ՝ ՚ի տարակուսի կայր , և ոչ կարէր վճռել
ինչ՝ ի միտս իւր . հանգոյն ծառոյ , որ հարեալ
տապարաւ՝ կայ՝ ՚ի կործանումն առ դոյզն ինչ ցրն-
ցիւն , և սպառնայ յամենայն կողմանս տապա-
լումն :

Լսյգն՝ ՚ի յերփնունակ՝ ՚ի կառս իւր ուրախայս՝
այն ինչ զդրունս բանայր տունջեան , Լումա
պարտասեալ՝ ետ զանձն քնոյ : Լը՝ ՚ի քաղցր
սփոփանս անդ՝ ստուերք ծերունոյ ծածկեալ
արիւնաշաղախ գրգռեկաւ եկին կացին յանդի-
ման նորա : Լումայ յարհաւրաց անտի քստմնե-
ցան հերքն . այլ իբրև ծանեալ՝ զի էր նա Տա-
տիոս , ոգի առեալ՝ ասէ . Ո՛վ հայր իմ , ո՛վ թա-
գաւոր իմ , ո՞ հարկ արար քեզ մեկնել յԱլի-
սեայ . առ ինչ արեամբ շաղախեալ են ձորձք քո
անշուշտ ՚ի նշանակ արիւնհեղութեանն Հռու-
մուլեայ : Օ՞ ինչ հրամայես , խօսեաց ուրուդ
ահարկու և ցանկալի . երդուեալ՝ Լումայ հնա-
զանդել քեզ :

Յայնժամ ստուերն մեծասատ բարբառով

ասէ . Երթ ապա 'ի Հոռով, հրամանն է քեզ 'ի դից թագաւորել . պատգամաբեր նոցին 'ի նսեմաստուեր օթեանաց անտի գաւ առ քեզ , չեւս յեկիւսեան բնակեալ 'ի դաշտս : Օ ի զգուգ նաքէից բարեգործութեանցն իմոց մինչև ընկալեալ զվարձս , զչարեացն՝ զորս ոչ արգելի՝ կրեմ 'ի Սինովայ զպատուհաս : Պարտ է ինձ կալ և մնալ 'ի Տարտարոսն մինչև ժողովուրդն հոռովեական կացցէ բարեբաստագոյն քան զամենայն ազգս . լեր դու , Վումա , ինձ ազատարար : Եւ զայս ասացեալ , անհետ ստուերքն եղեն : Վիրկս արկանէր Վումա ունել զնա . այլ զթեթեւ փարէր զհողմով , որ 'ի գիշեր անդր վաղվաղակի կորեալ :

Օ արթեալ Վումա , և քիրտն ցուրտ հոսեր 'ի մարմնոյ նորա . ծունր եղ , երկիր եպագ դիցն անմահից , և քաւութիւնս արար գինեալ՝ հեղեալ 'ի հուր : Եւ 'ի ծագել արեգական՝ դիմէր առ Մնայիս փարատել 'ի նմանէ զաղմուկն . այլ 'ի զուր խնդրէր զնա , 'ի զուր ձայնէր զՄնայիս . Մնայիս ոչ ևս նմա տայր պատասխանի : Վումայ խռովեալ 'ի լուութենէն , եմուտ 'ի դադար անդր . Օ քաղաշտայ , և էին խշտիքն ամայի . տախտակ ևեթ եգիտ անդ գրեալ , և ընթեռնոյր 'ի նմա այսպէս .

ԱՆԱՅԻՍ ԱՌ ՆՈՒՄԱ

Սեհնիմ 'ի քէն , և ոչ ևս տեսցես զիս . ցոր-
չափ առ քեզ եղէց , կամ մերժեսցես դու զա-
թոռն՝ զոր տայ քեզ աստուած 'ի բարեբաասու-
թիւն ազգաց երկոցունց , և լիցի անընդունելի
ինձ նուէրդ . և կամ բազմեսցիս 'ի նմա , զահա-
կից քեզ ունելով զիս , և լիցիս անհաճոյ ժողո՞
վրդոցդ : Յօգուտ քոյին և 'ի փառս՝ պարտ է
ինձ փախչել յերեսաց քոց , Վումն . և փախ-
չել այսօր իսկ , յաւուր՝ յորում . . . Մտասուք
իմ թաննան զգիրս . մնա խաղաղութեամբ՝ Վումն ,
երթ թագաւորել , լեր բարեբաստ՝ թէ հնար
իցէ քեզ , այլ մի մոռանար զՆայիս : Յուչ լիցի
քեզ , զի յաղքատին իմումն յարկի հոգացայց
միշտ զքէն . յուսամ զի օրհնեսցի անուն քո , և
ցնծացայց 'ի լուրն , թշուառութեամբ իմով տտա-
ցեալ զփառս՝ յոր դու վայելեսցես , զբարեբաասու-
թիւն ժողովրդեան քո , և զհաւատիս կելոյ 'ի
սիրտ քո 'ի սպառ :

Երկիցս ընթերցաւ Վումն զգիրն , և չկարէր
հեղուկ շիթ մի արտասուաց՝ ընկճեալ 'ի յեղա-
կարծ մորմոքմանէն : Այ ողբայր , ոչ գանգատէր ,
հայէր 'ի գիրն անթաց աչօք և ապշեալ : Մ. յս-
պէս ճնճղուկ դարձաւոր՝ բերելով ձագուցն ձա-
րակ , ոչ ևս զբոյն իւր գտեալ՝ զկայ. առնու ան-

շարժ 'ի կողեր , արկանէ զճարակն 'ի կտցէն , և ակնկառոյց կայ 'ի տեղին՝ ուր ձագուցն էր բոյն ցանկալեաց :

Եւ ապա ուր ուրեմն վտակք կրկին իջանէին յաչացն սփոփիչք՝ Եւամայ , և հետ ընդ հետ հեկեկանօք յոգւօց ելանէր . Ընայիս Ընայիս , գոչէր սրտառուչ , իմն Ընայիս զիմորդ թողեր զիս . կարծիցէն թէ կարիցեմ կեալ յետ կորուսանելոյ զքեզ . կարծիցէն թէ ոչ ընդ ամենայն աշխարհ զհետ քո ընթանայցեմ մինչև գտից զքեզ իմն Ընայիս : Ըւա՛ղ , յաւուր հարսանեաց մերոց լքեր զիս , զանց զհիւղիւս արարեալ՝ որ գեղեցկազարդ մնայր ընդունել զքեզ , և ոչ կասեցին առ սովաւ գնացք քո , և կարացեր . . . Ո՛հ , յուսահատու թիւն ընկճէ զիս . . . ()՛ն անդր , 'ի բաց կացցէ յինէն այսուհետև իմաստութիւն , կորիցեն փառք և առաքինութիւն , և ամենայն որ ինչ ոչ կարացին ընկրկել զԸնայիս : Կարչիմ՝ 'ի կենաց , զի ոչ կարեմ կեալ նմա . անմիտ այսուհետև գտայց , զի զմիտս իմ յափշտակեաց Ընայիս :

Եւ զոյգ ընդ բանիցն անկեալ թաւալէր 'ի փօշուղ . զիմեցին 'ի ճիչ նօրա Կամիլլա և Լևոնդ . աւա՛ղ , անգիտանային երկաքանչիւր զմեկնել Օրադաշտայ և դստերն : Եւ 'ի տեսաւ նե՛ն Եւամայ զնոսա , ձայն բարձեալ գուժէր . Սեկնեցաւ գնաց , ոչ ևս լիցի մեզ տեսանել զնա : Հարցանէր զնա Կամիլլա , և նա զնոյն վերստին կրկնէր՝ թէ մեկնեցաւ գնաց : Հայեցաւ Լևոնդ

'ի տախտակն , և ետես 'ի միւս կողմն նորին հրա-
ժարական ողջոյնս գորովականս գրեալ առ Վրումն
'ի ծերունւոյն , և յաւելեալ . Օ ի ոչ էր քեզ
մարթ ընտիր առնել ընդ հայր քոյին և ընդ բա-
րեկամ , գուժ սրտի իմոյ խնայեաց 'ի քեզ և 'ի
բազմավիշտ մարտէն զերծոյց զքեզ : Հարկ եղև
ինձ թողուլ զքեզ , որդեակ իմ . այլ չզօրէի
երբէք թողուլ , եթէ չէր ինձ յոյս աներկեւան
տեսանելոյ զքեզ դարձեալ :

Եւ իբրև զյետինն զայն լուաւ Վրումն զբան ,
դիմեաց էառ զտախտակն , ընթեռնոյր և դար-
ձեալ ընթեռնոյր զայն , և սփոփէր այնուիկ յու-
սահատութիւն նորա : Ոգբակից լինէր նմա
Լևոնդ , քաջալերէր զնոսա Վամիլլա , և ծերու-
նին Սետիոս հասեալ 'ի վերայ գիրկս եղևա-
քանչիւրոցն արկանէր դիւցազանց , և յանձն առ-
նոյր թողուլ զամենայն և գնալ 'ի խնդիր Օրա
դաշտայ : Վամէր և Վրումն գնալ նոյնժամայն .
ոչ ևս խորհէր 'ի թագաւորութիւն , այլ հասա-
նել զհետ սիրուհւոյն՝ մինչև հեռացեալ էր նորա :
Եւ ընդ անկանել նորա յուղի , և ահա շանթք
'ի վերուստ սպառնալիցք անկանէին բարկա-
ճայթք առ ոտս նորա , և բարբառ որոտընդոստ
'ի հրացայտ ամպոյ լսելի լինէր . Վրումն , յուշ-
լիցի քեզ Տատիոս : Եւ զարհուրեալ Վրումայ ,
զկայ էառ . և ամաչէր ընդ փոխանակել սիրոյ
զպարտս իւր , և անկեալ տարածեալ ընդ երկիր
ժամն ձիգս մաղթէր թողութիւն յուրուէն

Տատիոսի . և յարուցեալ խաղաղագոյն դիմօք ,
ասէ ցպատգամաւորս . Մհաւասիկ կամ Թագաւոր
ձեր , ածէք զիս առ ժողովուրդն իմ :

Իբրև զայն լուան Ստեփոս և ընկերք նորա ,
ոչ իշխեին յայտնել զխնդութիւն իւրեանց , տե-
սանելով թէ քանի ծանր էր նմա հրատարել
յորդձից անտի՝ որ առաւել քան զկեանս իւր սի-
բելի էր նմա . այլ խնդակից և եթ լեալ միմեանց
լուելայն , պատրաստէին ածել ՚ի Հռովմ զայն՝
որում ամենեքին սպասէին որպէս դիցն իւրեանց
և փրկչի : Իսկ Սեռնդեայ յորդորեալ զբարե-
կամն ՚ի չու , վշտանայր զի չմարթէր ուղեկից
լինել նմա , զհետ հօրն իւրոյ և քեռ գնալով ՚ի
խնդիր . և Սամիլլա պատրաստէր գնալ ընդ նմա .
Վիթիս էպրկ նա բազում անգամ Մրումայ , և
խոստանայր և երդնոյր դառնալ առ նա՝ յետ շրբ
ջելոյ զամիսս երիս զհետ Օրադաշտայ : Իւ-
մեկնեալ Մրումայ ՚ի սիրուհւոյն և ՚ի բարեկա-
մէն միանգամայն , դիմէր տխուր ՚ի Հռովմ ,
գնալ բազմել յաթոռ՝ որ ոչն սփոփէր զսիրտ
նորա :

Չու արար , առաջնորդեալ ՚ի հրեշտակացն .
և անցեալ ընդ Մպենեան լեառն , ել ՚ի կառս՝ որ
մնայր նմա ՚ի սահմանագլուխս . անց փութանակի
ընդ երկիրն , և ետես ՚ի հեռուստ զբարձրաբերձ
պարխապս Հռովմայ : Պահակապանք ՚ի նոսա
ազգք կրկին , զօր հանապազ մնային գալստեան
արքային իւրեանց . և իբրև տեսին զկառս նորա ,

աղաղակ բազմաձայն մինչև յերկինս ամբառնայր :
 Ահաւասիկ արքայն մեր , ահաւասիկ դիւցազն
 և հայր մեր , ահա սիրելին դից , փրկիչն Հոռվ
 մայ : Աննայք , մանկունք , ծերք , և զօրքն առ
 հասարակ խուժեցին ընդ դրունս , ծածկեցին
 զղաշտն , և դիմէին ընդ առաջ՝ Առմայ . կէսք
 ծաղկունս բարձեալ բերէին , այլք ոստս ձիթե-
 նւոյ . կէսք ամբառնային զայնոսիկ՝ ի տեսիլ նորին ,
 այլք առ ոտս նորա արկանէին , խոնեալ զկառօք
 նորա և կասեցուցեալ զանիւս նորա : Հոռվմայե-
 ցին և սաբինացի զնոյն խնդութիւն ունէին ,
 և հաւասար էր նոցա իղձ , և մի երկաքանչիւրոց
 ազգացն սիրտ :

Աջ՝ Առմա ՚ի կառացն , և յամենայն բերանոց
 հնչէին օրհնութիւնք , և համբուրից ձեռաց նորա
 և քղանցից ոչ լինէր վախճան : Ա՛ի ևս թողուր
 զմեզ , ասէին հառաչմամբ , լեր միշտ ընդ մեզ .
 դէք շնորհեն մեզ հայր , կացցէ նա միշտ ընդ
 որդիս իւր : Իսկ՝ Առմա արտասուօք տարածանէր
 զձեռս իւր առ նոսա , և առ փղձուկ սրտին չկա-
 րէր բարբառել . բայց լուութիւն նորա և կեր-
 պարան և արտասուք խոստանային զամենայն՝
 որ ինչ ժողովուրդն ցանկայր : (Յառաջ մատչէր
 Առմա հանդարտաբայլ , խափանեալ ՚ի ցնծու-
 թենէ և ՚ի միահամուռ բարբառոյ ժողովրդեանն՝
 որ ևս քան զևս յաճախէր : Ա՛յսպէս լաւագոյ-
 նրն ՚ի թագաւորս , շուրջ պատեալ ՚ի խոանէ
 հպատակացն , և խառն ընդ նոսա եմուտ ՚ի

Հուլիմ, յոյժ առաւել վեհ երևեալ քան զաշխարհակալ 'ի յաղթական կառս բազմեալ և շուրջ պատեալ 'ի գերեաց :

Իբրև եհաս նա 'ի հրապարակ քաղաքին, ըզգեցուցին նմա զգարդս արքունահանս, և առաջ նորդեալ ածին զնա 'ի Վապիտո՛լ ուր կամէր նա գոհութիւնս դիցն մատուցանել : յիսէին խունիք անուշունք, ճապաղէր արիւն զոհիցն, և ընդերք նոցա հմայէին բարեբաստութիւն : Եւ եղեալ 'Վրամայ զգաւազան իւր և զթագ 'ի բագնին Վիայ, աղօթեաց և ասէ . Օ աւակդ Սատուր նեայ, եթէ 'ի խոան հոսվնայեցւոցս՝ որ պաղատանս ընդ իս քեզ մատուցանեն՝ իցէ ոք առաւելագոյն քան զիս վառեալ տեհչիւ բարեբաստութեան ժողովրդեանս, ցոյց ինձ, և եղից զթագս 'ի գլուխ նորա : Իսկ եթէ այսպէս քեզ կամք իցեն՝ զի ես զայն կրեցից, յիշեա զաղօթս իմ և յաւուր յորումանցից զօրինօք արդարութեան, կամ ոչ լուայց աղքատին, կամ ոտնհար եղէց թըշուառին, տապալեացեն զիս շանթիք քոյին 'ի գահոյից՝ յոր գնամ բազմել : Վայմնաւս այսուիկ ընդունիմ զայն, հայրդ անմահից և մահկանացուաց . ցանկալի է ինձ շնորհ քո այդ քան ըզյաղթութիւնս ընդդէմ թշնամեաց :

Եւ իբրև լուեաց յաղօթիցն, յաճախեցին աղաղակք ցնծութեան . և զրաւ եղև զոհիցն մատուցման, զեղեալ ամենեցուն 'ի հրճուանս : Եւ յելանտէն Վրամայ 'ի մեհենէն՝ անգեղք եր-

կոտասան ընդ աջմէ նորա թռուցեալ մինչև յարքունիս անդր ուղեկից լինէին ընդ նմա :

Եւ հրաման ետ արքայն նորապսակ բանալ զգանձս Հռոմուլեայ, և զկէս նոցին բաշխեաց ժողովրդեան, զմնացորդսն պահեալ գեղջից : Եղծ և արգել անդարձ զԵրագունս զթիկնապահաց գունդ ասարկու, և ասէ. Մաւականք են ինձ 'ի թիկնապահս մեծարանք և սէր ժողովրդեան իմոյ . զմին իշխանութեամբ իմով, և զմիւսն առաքինութեամբ ձգեցից յանձն : Երագունքն ինձ չեն ինչ պիտոյ, դարձցին 'ի քաղաքացիս . երկու 'ի նոցանէ դաւաճանեցին զՏատիոս, զնոսա 'ի ձեզ առնեմ ասրաստանս ո՛ սաբինացիք . սուսեր արդարութեանս իմոյ իցիւ զնոցին և եթ չհողոյր յամենայն աւուրս թագաւորութեան իմոյ զարիւն մեղապարտ . յանկարժ ժողովուրդ իմ առաքինի ինայէր զիս 'ի դժնդակագունէն 'ի պարտս իմ :

Եւ կատարեալ 'ի սկզբան անդ թագաւորութեանն զերկոսին զկարևորագոյն պարտս թագաւորի, ինամել զաղքատն և պատուհասել զմեղապարտ, խոյս ետ յապարանս իւր և եկաց անդ զաւուրս բազումն, առնուլ ճշգրիտ զհամար զօրաց աշխարհին և զգանձուց, և մանաւանդ զհարկաց՝ զորս մարթէրն բառնալ . և խորհէր ընդ երկար 'ի փոփոխմունս կարևորս : Եւ մինչ չև ձեռն արկեալ 'ի գործ, կամեցաւ գնալ յանտառն Եգեբեայ, կարդալ յօգնութիւն զթե-

նաս, և ողբալ անդ զԿնայիս անտես համարձակ :
 Եւ 'ի Հռովմայ, և մեկնեալ յիւրոցն՝ եմեռտ
 միայնակ յանտառն դիցանուէր, և եհաս 'ի կա-
 մարն դալարագեղ՝ ընդ որով նախ ետես զդուստ-
 րնն Հռոմուլեայ 'ի քուն : Ի տեսիլ վայրացն՝
 ուր էր Լիւսզոնն այն, սօսափիւն զոսկերօքն
 գայր, բաբախէր ուժգին սիրտ նորա, և զօրու-
 թիւն նորա նուազէր : Փութացաւ խոյս ետ 'ի
 տեղւոջն, այլ ոչ կարաց առանց հառաչանաց
 խուսել. այսքան տպաւորագոյնք են հետք նախ-
 ընծայ սիրոյն :

Տեղի տուեալ 'ի դալարագեղ յարկէն՝ նստաւ
 առ ծառով միով, հանդարտել 'ի յուզմանէ ոգ-
 ւոցն : Եւ իբրև յինքն եկն, ետ զանձն 'ի քաղ-
 ցրր տիրութիւնն՝ որ տայ անխռով հեղուլ ար-
 տասուս . յիշէր զաւուրսն զառաջինս, որ է զի
 ածեն վիշտս, այլ սիրելի են միշտ զգայուն սրտի :
 () մտաւ ածէր զնախկին երթ իւր 'ի Հռովմ,
 զերազն՝ զոր առ աղբերքն Պանայ ետես, զյա-
 ւերժահարսնն Լագերիա՝ յոր ոչ կարէր հայել,
 և զխրատս իմաստութեան՝ զորս 'ի նմանէ ըն-
 կալաւ . զտարփանսն ընդ Հերսիլիա զաղբիւրս
 աղետիցն իւրոց . զսէր իւր ընդ Կնայիս՝ որոյ ա-
 նուն և եթ սփոփէր զնա, ընդ Կնայիս՝ զոր կո-
 րոյսն, այլ պատկեր սիրուհոյն զհետ նորա ա-
 մենայն ուրեք գնայր, և պահէր զսիրտ նորա 'ի
 վտանգաց՝ որ տակաւին սպառնային նմա, և 'ի
 խորս սրտի նորա թողոյր զքաղցր յիշատակ ընդ

յուսոյ՝ որ սիոփերն զնա՝ ի վշաց և խրախուսէր
յառաքինութիւն :

Վումն հանդարտեալ՝ ի սպառ՝ յարեաւ, և եր
թայր ընդ ճանապարհն՝ որ ածէր ի մեհեանս
անդր Վթենասայ . այլ մտորեալ յուղոյն՝ գտաւ
ի խորս թանձրախիտ մայրեաց անտառին, և
եհաս յաղբիւր ջրոյ կենդանւոյ՝ որ բղխէր ի
բլրակի ուրեք, որում սարոյք հովանի առնէին
բարձրաբերձք : Սէ խաշին երբէք և ոչ հովուի
պղտորեալ էր զականակիտ ալիս զբացակայ աղ-
բերն . ոչ թուչուն առ ի բուժել զճարաւ, և ոչ
ուղէչ երբէք անդր անկեալ, վէտս վէտս զմկանունս
նորին ճօճեալ էր և ծուփս ի նմն գործեալ :
() առք՝ որ զնովան կային, ընդ միմեանս թեա-
պարեալ գործէին շուրջանակի թաւ ամուր ան-
թափանց . թուփք անհամար, վարդենիք ան-
թիւք վայրենիք զափամբք սողբերն բուսեալք՝
լնուին զխրամատս բնոյ ծառոց : Սայրն այն անշը-
շունջ և խաղաղաւէտ առ ի խորհուրդս սուրբս
թուէր նուիրական . այսպիսի արդեօք էր վայրն
անտառին Վարդափեայ, ուր յանդուզնն Վիտէոն
հաս ի վերայ դատերն Սատոնաւ . այսպիսի ան-
շուշտ էր ապաստանն, ուր Վեբէ իջանէր յերկ-
նից՝ հանդէս առնել գեղոյ իւրոյ առ տարփա-
ւորն իւր Նադիմիոն :

Վումն յուշի կալաւ զվայրն զայն առանձին,
և եդ ի մտի յաճախել անդր : Նա մատուցեալ
յաղբերակունան անդր, և խոնարհեալ ճաշակել

ափոյ ջուր , 'ի մատուցանել զայն 'ի շրթունս և
 ահա բարբառ մեծասաստ . Ո՞ր հրամանաւ ,
 մահկանացուդ ժպիրհ , իշխես ճաշակել յաղբե-
 րէդ : Վառեալ 'լուան , և թօթափեալ զալիսն
 'ի ձեռանէ , ետ պատասխանի դողութեամբ .
 'Վերեա անգիտութեանս իմում , ով յաւերժա-
 հարմն . ոչ գիտէի՞ զի քեզ աղբիւրս իցէ նուի-
 րական . պարտ էր ինձ 'ի գեղոյ ալեացն գուշա-
 կել զայն : Վրկնեաց բարբառն հեզագոյն . 'Վե-
 րեմ' բուժել քեզ 'ի դմա զծարաւ . սիրելի միշտ
 եղեր դու ինձ 'լուան , և 'ի բազմաց հետէ ակն
 կալեալ մնայի քեզ աստ . յուշ լիցի քեզ յաւեր-
 ժահարմնն լքերիս , զոր խորհրդական քեզ
 եցոյց 'Վեմետրէ . աստանօր օթեանս է նորին :
 Սուիցես դու բարբառոյ իմոյ , այլ ոչ տեսցես զիս ,
 և մի անցցես դու այսր քան զթաւ ամուրդ .
 այսպէս գիցուհոյն է հրաման : 'Վարձիր յաղ-
 բիւր այսր 'ի կարօտել քո խրատուց , եկ 'ի պատ-
 մել զօրէնս քո ինձ՝ մինչ չև զայնուիկ հաստա-
 տեալ . մատիր այսր յայտնել ինձ զխորհուրդս
 քո և զերկիւղ և զյոյս : Տաց քեզ խրատս , ա-
 ռանց բռնադատելոյ զքեզ 'ի նոյնս . խորհրդակից
 քեզ եղէց , և ոչ պատգամատու : 'Վու զիս հար-
 ցանիցես որպէս զգիցուհի , և ես խօսեցայց առ
 քեզ որպէս սիրելի : Ն'րթ խաղաղութեամբ ,
 'լուան . մնամ քեզ աստ յետ աւուրց երկց :
 Սուեաց բարբառն , և 'լուան տակաւին կայր
 անդ ընդերկար 'ի հիացման . և ապա լի ցնծու-

Թեամբ շնորհապարտ սրտիւ ծուներ եղեալ, երկրրպագեալ դիցուհւոյն, ոչ դադարէր ՚ի գոհանալոյ զյգեերեայ, մնողթանս առ նա կողկողագին հեզայր, համարձակէր հարցուածս դարձեալ մատուցանել նմա. այլ ոչ ևս բարբառն այն պատասխանէր: Յակճիւս կայր, ունին դնէր, այլ ՚ի զուր. ոչ ևս ինչ լսելի լինէր յանտառին՝ բայց միայն ակտորժ և հեզիկ շրջին տերևոց շարժելոց ՚ի զեփիւռ: Հայէր դիտէր շուրջանակի, այլ ոչ ինչ տեսանէր բաց ՚ի Թանճրախիտ ծառոց: Եւ առ երկիւղածութեան ոչ ևս իշխեալ ՚ի վայր անդր սուրբ լինել խորամուխ, մեկնէր ակամայ յաղբերէ անտի. և վստահութիւն առեալ ընդ դիցն օգնականութիւն առ ՚ի տեսչութիւն ինքնակալութեանն, լի խրախուսանօք դառնայր ՚ի Հռովմ:

Ընդստին ՚ի ժամէ անտի սկսաւ նա պատրաստել զկարևոր մատունս օրէնսդրութեանն, զոր խորհէր յաւերժհարսինն ՚ի քննութիւն մատուցանել. և վաստակն այն երկայն և տաժանաւոր սթափեցոյց զնա ՚ի վշտացն, զորս ներգործէր ՚ի նմա սէր: Վիտիէր երբէք երբէք յուսով դարձի օրիորդին, ակն ունելով փոխարէն վաստակոցն ընդունել զշնորհն զայն ՚ի դից. և այս ցանկալի ևս առնէր նմա զբարեբաստութիւն ժողովրդեան իւրոյ:

Ընցին աւուրքն երեք՝ զորս յաւերժահարսինն էր տահմանեալ, և զարձաւ Վրամա յաղբիւր

անդր . կարդաց զլազերիա , և լուաւ բարբառ .
 Վո՛հ իցես Նուան , կարացեր զժողովրդեան քո
 յարդարել զբարեբաստութիւն : Ատ պատաս-
 խանի . Մա՛ղ , դիւրին իմն թուի այն . այլ ՚ի
 բազմել յաթոռ , չարիք և եթ առձեռն պատրաստ
 կան թագաւորի ՚ի գործել : Մա՛յլ զգ ՚ի տեսե-
 լոցս տուաւ ինձ համար տեսչութեան իրաց աշ-
 խարհիս . կամէի բառնալ զգեղծմունս ՚ի բաց ,
 և կարևորս ինձ զայնոսիկ ցուցին , և զգժնդակա
 գունից չարեաց առաջի եդին ինձ երկիւղ . որոց
 մարթէրն ձեռնտու լինել ինձ ՚ի բարեբարու-
 թիւն , ցանկան կալոյ և մնալոյ չարեաց : Ամար
 տութիւն խուսէ յերեսաց խնոց , շուրջ պատեն
 զիս խաբեբայք : Ասակածանք զնոցանէ իրաւացիք
 հարկ առնեն ինձ գործել ինձէն զամենայն . և
 երկար և տաժանաւոր լինի ինձ կատարումն խոր-
 հրրդոց կարի իսկ բարեաց : Ա՛յ արդեօք և ևս
 ծանրասցի բեռնս այս ՚ի վերայ տկարութեանս
 իմոյ , և այնու և եթ լիցի ինձ գերազանցել քան
 զթագաւոր յուր , զի գտայց առաջին ՚ի հեծել
 ընդ չարիս՝ զորս չկարիցեմ խախննել :

Արկնեալ անդրէն յաւերժահարման ասէ .
 Ախալես Նուան , լի մոլորութեամբք են բանք
 քո , հանգոյն բարեսէր որերոյ՝ որ յամենայն
 ինչ ձեռնարկեն առ ՚ի հատանել ըղձից իւրեանց ,
 և դոյզն ինչ խոչ ձեռնթափ առնէ զնոսա : Աթէ
 դիւրին ինչ էր բարւոք թագաւորել , զինչ փառք
 էին թագաւորաց մեծամեծաց : Հնարեսցին

խակ պատրել զքեզ, լարեցցեն իսկ որոգայթս զքե . մարդահաճուծիւն մնափառուծիւն խորամանկուծիւն և հրապոյրք ցանկուծեան դարձնակալք են գահոյից . 'ի դիմակս խաբուսիկս դէտակն 'ի սիրտ թագաւորի ինդրեն նոքա պարտապ տիրելոյ նմա ընդ մեղեանալ շորին : Ա՛նձնատիրուծիւն սոց նոցա հսկել անքուն . և եթէ վայրիկ մի 'ի քուն լիցի թագաւոր , հասանէ նմա պարտուծիւն : Ա՛յլ թշնամիքդ այդոքիկ վտանգաւորք ընդ գախ 'ի յայտ՝ ոչ ևս են ահարկուք . լիցի ապա գլխաւորագոյն պարապումն քո և կտրեարագոյն փոյթ 'ի ճանաչել զնոսա : Ա՛րք պատեալ պաշարեն զքե , որք զամենայն ինչ առ ձեռն պատրաստ քեզ ցուցանեն , որք զստորժակս քո հրապուրեն , որք միշտ համախոհքն իցեն քեզ , նոքա թշնամիք քո են : Ա՛րեւջիր զնոսա 'ի բաց , Ա՛րւմա . ոչ յարքունեաց քոց որոց հասցէ նոցա գոլ անմարդի , այլ 'ի սրտէ քումնէ և 'ի խորհրդակցուծենէ . արհամարհեա զնոսա , և մի երկնչիր յայտ առնել նոցա զարհամարհանս քո : Ա՛յսպէս թերևս յաջողեսցի քեզ զարհուրեցուցանել զաջորդուծիւն նմանեաց նոցին :

Ի՛այց զգոյշ լեր , մի յամենեսին զարհամարհանս քո տարածանել . կտակածդ այդ և կարծիք չար զհանուրք՝ անիրաւ է և բազմախտանդ : զի սոց անխտիր զո որ և իցէ յառաջ մատուցանել 'ի բարձ և յաւագուծիւն . ուստի ծնանին ամենայն չարիք : Ի՛նչպէտ և թագաւոր իցես , ոչ

աւելի ինչ եւ քան զմարդ . սէր առաքինութեան որ 'ի քեզդ է , մարթի գու և յայլ : Ս'եծարես ջիր ապա զմարդիկ , մեծարես ջիր և զամանս յու տանիկ մարդկանէ . զի են իսկ 'ի նոսա առաքինասէրք հայրենասէրք և աիրասէրք : Առկան ինքեանք , այլ ժողովուրդն խօսի զնոցանէ . ոչ թեկն ածեն զաւագութեան , այլ ազգն ինքնին մատուցանէ նոցա զայն : Ս'ի երկնջիր լինել համախոհ ընդ ժողովրդեան , մի ամօթ համարիր ելանել 'ի խնդիր որոց ոչն գան առ քեզ . ոչ նուատասցին այդուիկ փառք քոյին , բարձրացուցես դու զնոսա առանց խոնարհելոյ . և բանիւ միով , և 'ի ցոյց ինչ սիրոյ՝ որ ոչ ինչ դժուարին է բարեգութ սրտի , յաւելցես կրկնապատիկ զհանձար նոցա և զառաքինութիւն , ևս առաւել զսէր նոցա ընդ քեզ : Ս'հ , զի գեղեցիկ է տեսանել զթագաւոր անամբարհաւաճ յաթոռ իւր 'ի կենակցելն ընդ այնոսիկ , որ նեցուկ են նորին : Ա իցի նա ահարկու չարաց , խիստ առ մարդահաճոյս , այլ բարեկամ բարեաց , և հեզութեամբն իւրով իբր այն թէ ասիցէ . հաւասարս ինձ համարիմ զնմանեալս ինձ սրտիւք :

Արկնեալ անդրէն Վումայ , ասէ . Վաղցր է ինձ և սիրելի մեծարել զայնպիսիս , և զամենայն փոյթ 'ի մէջ առից խնդրել զնոսին և գտանել . բայց օգնականութեամբ իսկ նոցա կարիցեմ բարերարել ընդերկար : Վաղավուրդ իմ սովորեալ

'ի հայթայթել զկեանս իւր աւագակութեամբ մարտի, թշուառ զանձն վարկանի 'ի խաղաղութեան, գրգռի անգործութեամբ, խռովի և վայրենանայ: Մզգք կրկին են 'ի նմա, յաճախազոյնս հակառակք իրերայ, զորս ոչ է ինձ մարթ միաբանել՝ բայց միայն իմաստուն օրինօք. վաստակս այս մեծ ինդրէ երկայն մտածութիւն. կարևոր է ինձ խաղաղութիւն և պարապ, և ամենուտ սպառնալիք ինձ 'ի վերայ կան: Վոռոզն Հերսիլիա յարուցանէ 'ի վերայ իմ զՎտալիա առ հասարակ, և ընդ հուպ հասցէ նա պաշարել զպարիսպս իմ: Մզգք նուաճեալք խորհին թօթափել զլուծ. ժողովուրդն յաւեր կայ, կեղեքեալ 'ի հարկայ ընդ հոռմուլեալ՝ ոչ ևս կարէ հատուցանել զայնոսիկ. պատերազմ լրումն արասցէ կորստեան իմում. իսկ առ 'ի խափանել զայն և պառակտել զթշնամիս՝ ինդրի արուեստ անընդելական ինձ, այն որ քաղաքավարութիւնն կոչի, և 'ի վեր է քան զմիտս իմ, և դժպհի սրտի իմում: Օ ինչ պարտ իցէ ինձ առնել, իբր զայժմուս բառնալ զչարիս, իբր զառաջիկայսն խափանել:

Արկնեալ անդրէն յգերեայ ասէ. Վումա, հաստատուն և անսխալ ճմարտութիւն, յոր թագաւորաց մանաւանդ պարտ է զակն պիշունել, ուսուցանէ յաղթող ամենայնի զառաքինութիւն զարիութիւն և զհանձար. երեքումբքն ևս ճոխանաս բարեմասնութեամբք, մնայ և եթ

քեզ 'ի կիր արկանել զայդոսիկ : Խորհեցուք արդ 'ի մօտալուտն զտանգ : Կարևորագոյն քեզ պէտք են իաղաղութեան , պատրաստեանց ապա 'ի պատերազմ . պատուէրս այս ժամանակակից է աշխարհի : Հռոմուլ եթող քեզ բանակ մեծ , և զօրավարս քաջս և հմուտս պատերազմի . յարգեսցիր զնոսս և մեծարեսցիր , և կալ 'ի պատուի 'ի վեր քան զամենայն կարգս զկարգ պաշտպանողաց հայրենեաց : Արչափ ատելի է պատերազմ , այնչափ առաւել պարտ է սիրել ըզզօրականն . զինուորակիցս քեզ կոչեսցիր զնոսս , առատաձեռնեան նոցա զմեծարանաց անուանս և զօրէնս պատուոյ . ոչ արծաթ , այլ պատիւ խրախուսեսցէ զնոսս . մեծութիւնք մեղկեն զզօրականն : Յուշ լիցին քեզ , Վուամ , զօրքն կամպանիացիք , զորս Վ ևոնդ եղծ անախատ . զեղիութիւն եղև նոցա պատճառ կորստեան : Ըն 'ի մերժել զայն 'ի զօրաց քոց , արտաքսեսցիր նախ յարբունեացդ . օրինակ իշխանի բաւական է առ ամենայն , և զիւրագոյն յոյժ մարթ է ուսուցանել գործովք : Վեր անպաճոյճ 'ի հանդերձս , սակաւապէտ 'ի կերակուր , արհամարհեա առաջի ամենեցուն զմեղկութիւն , և տեսցես զմանկտին հռովմայեցի առ հասարակ հետևող առաքինութեանց արքային իւրեանց :

Ըյլ ոչ բաւեսցեն առաքինութիւնք առանց իրիստ հրահանգաց . թէպէտ և յազնուականաց որ իցէ հարիւրապետ , հնազանդեսցի հազարա-

պետին իւրում որպէս զյետին զինաւոր . ոչ ինչ ընդհատ և հազարապետն կացցէ հպատակ զօրավարին : Ուստի լեզէոնաց քոց , զի որ կրէ սուր յազգեր՝ պարտի մեծարել զայր անզէն . զի պարտ է զինուորի գոլ առիւծ առ թշնամիս , և դասն առ քաղաքացիս . զի քաղաքացին և զօրականն եղբարք են , մին պահ ունի հայրենի տան , միւսն պարապէ 'ի յանձանձանս ընտանեաց , և հայ թայթէ զպարէն իւր և զպաշտպանողաց իւրոց :

Եւ յսպիսի լիցի քեզ բանակ . և եթէ յանձնեացես դու զայն քաջի զօրավարի , և պատնէջք ամուրք իցեն քո , և զինարանք սպառազէնք , ժառանգեացես դիւրաւ զխաղաղութիւն , պահեացես զայն առանց կարօտելոյ հնարից քաղաքավարութեան՝ որ պատսպարանն է տկարաց , և պատրուակ չարաց : Ոչ միշտ յաջողէ յանկուցանել բանիւք զմարդիկ , իսկ գործովք յաջողէ անվրէպ անխաճելի գոլ նոցին : Որպաւոր եթէ արդար իցէ և հաւատարիմ , դժկամակ 'ի յարձակել , և կազմ 'ի դիմամարտ , ոչ երկիցէ նա 'ի դաւանաց 'ի կարի իսկ հաւատադրութիւն դրացեաց : Ու ստահութիւն շիթէ զխորամանկութիւն . է նա արծուի դիմամարտ օձի . 'ի զուր գալարի սղունն վատ , խոցանայ 'ի նա յամպոց բարձանց հաւն 'ի իայ , հարկանէ զնա դժնեայ կոցաւն , և ոչ ինչ 'ի յազթութիւն իւր խրոխտացեալ՝ դաւնայ առ վեհն աստուածոց :

Եւ քապա միշտ արդար առ սահմանակիցս քո :

և միշտ բաւական 'ի վանել զանիրաւութիւնս նոցա . . այսպէս ոչ միայն ոչ աղմկեսցեն զխաղաղութիւն քո , այլ և դաշնակցութեան քում լիցին հետամուտ . պատկառելի կացցէ Հուով՝ , և դու կարիցես յայնժամ յօգուտ 'ի կիր արկանել զանդորր պանծալի խաղաղութեան՝ առ 'ի տալ օրէնս ժողովրդեան : Այլ նախ քան զհաստատութիւն նոցին , արասցես դու քեզ օրինակ կարգաց միաբանութեան , և ապա առաջի արասցես զայն ժողովրդեան քում . յայնժամ լաւագոյնք յօրինաց յանդիման լիցին մտաց քոց , և ժողովուրդն ընկալցի զայնոսիկ մտադիւրութեամբ : Հուշ լիցի քեզ , զի մարդիկ ազատօրէն 'ի մի վայր եկեալ են 'ի քաղաքաժողով ընկերութիւն , առ 'ի գտանել զնպաստս կարևորս յապահովութիւն իւրեանց և առ 'ի պէտս և 'ի սփոփանս կենաց : Ա խելամտութենէ ճշմարտութեանս այսորիկ յառաջ գան ամենայն տարիք օրինաց :

Ախիկին արգասիք օրինաց քոց լիցին կեանք դիւրին և աներկեան , զոր երկրագործութեան է հայթայթել . վասն որոյ համարեսցիս պիտանեգոյն զգաս մշակաց , 'ի յարգի զնոսա կալցիս , յապահովեսցես զգոյս նոցա , օգնեսցես յաճումն նոցա , և արուեստին՝ որ կերակրէ զմարդիկ՝ մատուցես զարժանին պատիւ : Աջ բարգաւաճէ երկրագործութիւն առանց այլոց արուեստից . ծնանի նա զնոսին , և վարձատրէ : Ա իջիր դու նոցա պաշտպան , հրաւիրեսցիր զնոսա յաշխարհ

քո , և տեսցես զի արուեստք դիւրացուցեն ըզվաստակս մշակութեան , պարապեցուցեալ յայն և կերակրեալ անտի բազմութիւն յոյժ քաղաքայնոց : Եթէ դաշտք և բլուրք տացեն զարդիւնս իւրեանց , գտցին մշակք ճոխք արարովք՝ որոց կարօտ իցէ այլ երկիր . և աստի յառաջ քայցէ վաճառաշահ , որում օգնեսցես՝ թողլով զնա ազատ : Եւ յիշեսցիր միշտ , զի վաճառաշահ՝ որ տայ բարգաւաճել արուեստից՝ չկարէ ինքն բարգաւաճել , բայց ըստ բարգաւաճանաց մշակութեան :

Հաստահիմն կացուցեալ զերեսին զայսոսիկ խարխիս յաջողութեան պետութեանց , զմշակութիւն ասեմ և զարուեստս և զվաճառաշահ , պարապեսցես ապա՝ ի սահմանել զայլ օրէնս՝ որոց անխտիր ամենայն կարգք քաղաքայնոց հպատակ կացցեն : Եւ ազունք իցեն օրէնք քո թուով , որպէս զի ամենայն ժողովուրդն կարացցէ ուսանել զայնոսիկ . և հիմն նոցա իցէ մարդասիրութիւն , որ է առաջին և սրբազան քան զամենայն օրէնս , միայն ի բնութենէ տահմանեալ :

Սա կալեալ քեզ կանոն անսխալ , կացուցես զտկարն յակաստանի՝ ի բռնութենէ հզօրաց . և տացես նմա զօրավիզն ի կեանս , և վրէժինդիր յետ մահու : Եւ սահմանեսցես զիրաւունս առն ընդ կնոջ , հրամայեսցես նոցա միաբանութիւն հաւատարմութիւն և հեզութիւն . և թոյլ տացես նոցա զապահարզանս : Տացես հարց իշխանու-

Թիւն անսահման 'ի վերայ որդւոց . մի երկիցես
 Թէ գուցէ զեղծանիցին նովաւ . բազումք են որ
 դիք ապաշտօրհք , սակաւք հարք անողորմք :
 Շնորհեսցես պատրկազանց զքաղցր իրաւունս
 պատսպարան լինելոյ ռամկին , պաշտպանելոյ
 զնա և ճոխացուցանելոյ : Պատուհասեսցես ըզ-
 ստուծիւն և զապերախտուծիւն , և սպառնասցիս
 ամենայն յոռուծեանց : Օքաղաքայնոց առ հա-
 սարակ աներկեւան կացուսցես զպատիւ և զխա-
 ղաղուծիւն , մեծատանց զինչս , աղքատաց ըզ-
 նպաստս , և որքոց զպատսպարան :

Յայնժամ Վրամայ 'ի վերայ ածեալ , ասէ .
 Այ ինչ զկրօնից ինձ ասես , ո՞ յաւելրժահարան ,
 որոց առաւելապէս շնորհապարտ գտանիմ : Ըն-
 դրատին 'ի տղայուծենէ իմմէ խնամակալու եղև
 ինձ Վեմետրէ . նա խոստացաւ ինձ խրատտու
 զՎգերիա . և իբր զարժանի նմա կարիցեմ մա-
 տուցանել սպաս . կրօնիւք լիցի ինձ ածել 'ի քա-
 ղաքականուծիւն զժողովուրդ իմ , և զգօնացու-
 ցանել զվայրենի բարս նորա : Բարեպաշտու-
 Թիւն բարեգուծ առնէ զսիրտ . և պարտ է 'ի
 սէր դից յորդորել զմարդիկ , առ 'ի տալ նոցա
 սիրել զմիմեանս : Խորհիմ կացուցանել քրմա-
 պետս նորո , և սպասս զոհից առաւել մեծավայե-
 լուչս . կարգել տօնս՝ որոց հանդէս մեծաշուք
 ձգեսցէ զմարդիկ 'ի կրօնս , միաբանեսցէ վնոսա
 առաւել ևս ընդ միմեանս , և կացուսցէ եղբարս
 'ի մեհենի զայնոսիկ՝ որ քաղաքակիցք ևեթ են

միմեանց : Այլ և այլ ինչ խորհուրդ 'ի մտի իմում, ո՛ր յաւերժահարսն, զոր երկնչիմ յայտնել քեզ . այլ քանզի ծածկագէտդ ես, ոչ ինչ երկբայիմ զի ներեսցես ամբիժ դիտաւորութեան և աղիողորմ և խանդաղատելի կրից, որ տան ինձ 'ի խորհուրդն յայն մտաբերել :

Այդ 'ի սիրտ իմ տպաւորեալ բերեմ, Ագեւրիա, կրօնասէր մեծարանս առ դիս . և լաւ համարիմ մեռանել քան յուրաստ կալ 'ի նոցանէ և մեղանչել իւրք առ նոսա : Բայց է ինչ էակ քան զամենայն ինչ որ է 'ի վերայ երկրի կատարելագոյն և սիրելի և առաքինի, որ զդիս իմ ոչ պաշտէ . զնա կորուսի, և ողբամ զկորուստ նորա հաւնապագ, և առանց նորա ոչ անգորդ և ոչ բարեբաստութիւն քաղցրանան ինձ . և անուն նորա կոչի Անայիս : Անայիս, անուն ցանկալի, որ արտասուս գորովոյ և ցաւոց տայ ինձ հեղուլ 'ի յօղեղն իմում զայն, Անայիս մոզական զենին է պաշտօնեայ . միակ պաշտէ նա աստուած, և երկրպագէ նմա 'ի պատկերս նորին յարեգակն և 'ի հուր : Արեգակն և հուր են նոքին իսկ դիք մեր Ապոլոն և Հելիեստոս, զորս պարտ է և ինձ պաշտելկանգնեցից երկաքանչիւրոցն մեհեան : Այլ ոչ աստանօր զկայ առնուն իղձք իմ, այլ քաղցր է ինձ ընծայել հարկ իմն մեծարանաց և սիրոյ իմումն Անայիսի, և կացուցանել քրմուհիս չորս, որոց միայն իցէ պաշտօն պահել անշէջ զհուր սուրբ 'ի բազնին Աստեայ . հուրն այն միշտ կենդանանորոգ, հուր

սուրբ և անմահ , լիցի ժողովրդեան իմումնշա-
նակ բնութեան , իսկ ինձ նշանակ սիրոյ իմոյ :
Վրոնհիքն չորեքին եստեանք՝ լիցին կուսանք .
և առ 'ի մտանել 'ի պաշտօնն հարկ իցէ նոցա տալ
առհաւատչեայ զամբիծ և զանապական կենացն ,
որպիսի էրն Մնայիս : Հանգոյն նմին պաշտօն
մատուցեն հրոյ , յորոյ 'ի պահ կան . և 'ի յի-
շատակ նորին , զոր 'ի դէմն ածցեն ինձ , գեր 'ի
վերոյ զյարգ նոցա և զմեծարանս կացուցից , և
տաց նոցա ժառանգել պատիւ արքունի : Մին
ունիմ զի ներեսցես ինձ , ո՛ յաւերժահարսն , մա-
տուցանել զայս խանդակաթ սպաս սիրուհոյն
իմոյ , որում շնորհապարտ գտանիմ վասն գուզ-
նաքէլիցս՝ որ են 'ի յիս՝ առաքինութեանց , և զոր
ոչ ևս լիցի ինձ արդեօք տեսանել , այլ յիշատակ
նորա ցանկալի յաւերժ անմահ կացցէ 'ի սրտի
իմում :

Եւ 'ի լուել յաւերժահարսինն վայրիկ մի ,
տագնապէր ընդ այն՝ Մումն . այլ հուպ ընդ հուպ
դադարեաց տագնապ նորա 'ի կրկնել բարբառոյն՝
որ ասէր . Մքբայդ Հուովմայ , մեծարեմ գհաս-
տատութիւն մտաց քոց , և ակն ունիմ զի ընկալ-
ցիս զփոխարէնն . ոչ արգելում չպատուել քեզ
զՄնայիս , այլ երկնչիմ զի մի գուցէ առաւելա-
զանց ընծայեսցես դու նմա պատիւ , և զանցանի-
ցես 'ի սպաս կրօնից : Վաստիարակեցար դու 'ի
մեհենի . զգոյշ լեր , զի մի քրմաբար թագաւո-
րեսցես : Երկիւղածութիւն որչափ բարձրացու-

ցանկէ զայր՝ որ 'ի պատշաճ չափուն ունի զայն , նոյնչափ և նուաստացուցանէ զանցեալն ըստ չափ : Սիրտ բարեգորով դիւրաւ զառաժանի յայն . և աղէտք սիրոյ յաճախեն զվտանգն . պարտ է մտաց քոց խուսել 'ի վտանգէն՝ խելամուտ առնելով զքեզ , զի մարթ է թագաւորի երկիւղածի գոլ այր մեծ , այլ նանրահաւատ թագաւորի ոչ ևս :

Այլ յապերախտութիւն և 'ի մոռացոնս դից խրա տեմ զքեզ , քաւ լիցի , պատուեա զնոսա , Վրումն , քանգի և պարտիս իսկ . այլ պատուեա զնոսա , ծառայելով մարդկան : (Ժ)Նող ձախողակի երկիւղածութեան զճղճիմ սպասսդ , զորս նա ինքն հնարեցաւ . և պահեսջիր զպատուէրս կարևորս , զորս քեզ ուսուցանէ : (Ե) մանաւանդ գոհացող լեր զՎեմետրեայ . ընթարնդ անդաստանս՝ զգեցեալ զձե մշակի , խառնեաց 'ի պարս վաստակաւորաց 'ի դաշտի՝ որք զքեզ համարեսցին եղբայր վաստակակից . խօսեաց առ նոսա զօրինացն՝ Վրումայ . խելամուտ լեր զեղծմանց և դժնդակ հետեանաց նոցին . դատեա զայնոսիկ առ 'ի խրախուսել և զայլս 'ի դատումն , և ցանկա լսել պարսաւանս ինչ զայնցանէ քան զգովասանութիւնս բազումն : (Ը) այ արա 'ի հիւղ գեղջկին , լեր ականատեա կարօտութեանց նորին . գգուեա զմանուկ անձորձ՝ որ լայ առ մահիձն ախտակիր մօրն , և մխիթարեա զհայր նորա . յուսադիր լեր նոցա օգնականութեան յերկնուստ կամ յարքունուստ :

Եւ 'ի դառնալ քում յարքունիս, առաքեա նոցա հաց և ձորձս և ցորեանս առ 'ի սերմանել:

Եւ նա սպաս՝ զոր մարթ է քեզ մատուցանել 'Եմետրեայ . ընդ այս հաճեսցի նա առաւել քան ընդ արիւն բիւրուց երնջոյ . և զբարեպաշտութեանդ քո ընկալցիս ընդ հուպ զվարձս: Աստուծոյ հոգիս զերեսս երկրի, լցցին բնականութեամբ գիւղք և ականք . առատութիւն տիրեսցէ ընդ դաշտորայս, հօտք բազմահոյլք բառաչեսցեն ընդ դալարագեղ արօտս . հնչեսցեն հովիտք 'ի նուագս ցնծութեան, և հովիւք և մշակք ճոխք և խաղաղակէտք երանաւետեալք ինամովք քովք՝ ոչ հանգիցեն 'ի քուն՝ առանց մաղթելոյ 'ի դից պահել զբարեգութ արքայն իւրեանց:

Եւ 'ի բարբառել յաւերժհարսինն այսպէս, գոչեաց՝ Եւման 'ի խնդութենէն . Ս'վ դիք ինա մակալ, յորմէ ակն ունիմ՝ բարեբաստութեանս իմում և բարեբաստութեան ժողովրդեանս առ հասարակ . ո՞ր հարկ և ո՞ր ճակատագիր անողորմ խափանէ զերեսս քո յինէն . դու որ ընուս զիս պարզեօք բարերարութեանդ, դու որ այդպէս գորովանօք կարեկից լինիս ինձ, զո՞ւրկ մինչև 'ի սպառ թողուցուս զիս 'ի քաղցր բերկրանաց տեսանելոյ զբարերարդ իմ, և ծածկիցիս 'ի սպառ յաչաց իմոց 'ի քօղ անթափանց:

Եւ ինչեալ անդրէն բարբառոյն, ասէ . Ս'ի խընդրեր, Եւման, բառնալ զքօղն . կորուսանիցես դու զիս անդարձ . այլ եկ զհետ խրատուց իմոց,

և գուն գործեա յարդարել աներկեան զբարե-
բաստութիւն ժողովրդեան քո, և ես խոստա-
նամ քեզ և երդնում յիշխեցողն երկնից, զի յա-
ւուր՝ յորում լիցիս դու վեհ՝ ՚ի թագաւորս՝ ծա-
նիցես և տեսցես զյգերիս : Եւ զայս ասացեալ,
ոչ ևս պատասխանէր բարբառն, ոչ առ հար-
ցուածս և ոչ առ շնորհակալիս՝ Եւմայ :

Իսկ Եւմայ փութացեալ զյաւէրթհարսինն
յօգուտ արկանել զխրատս, դարձաւ յարքունիս
իւր՝ ՚ի խորհել. և ՚ի վաղիւ անդր պարապէր ՚ի
կացուցանել իւր ատեան խորհրդոյ : Եւ ընտրեաց
խորհրդականս իւր ՚ի պատրկազանց զհմուտս և
զառաքինիս, յաւելեալ ՚ի նոսա նոյնչափ և ՚ի ռամ-
կէն. և ՚ի զարմանալ ազնուականացն ընդ խառ-
նումն իւրեանց ընդ ռամկին, ասէ՝ Եւմայ . Եւ
ինչ դժպճի է ձեզ խառնուրդս այս ՚ի պատերազ-
մունս, խորհրդականք իմ. և արդ ինձ օգտակար
իսկ է յատենիս : Եւստ առաւել յոյժ զռամկէն
լիցի ինձ հոգ քան զազնուականաց . պարտ է
ապա զի գլխաւորք ռամկին պաշտպանեսցեն աստ
զիրաւունս իւրեանց : Սարտ է զի խորհրդա-
կանքդ այդոքիկ առաքինիք, որք ոչ կեան յար-
քունիս իմ, խօսեսցին ընդ իս համարձակ և խրա-
տութեամբ իսկ, որպէս ոչ են սովոր խորհրդա-
կանք դրանիկք . պարտ է զի յըմբռնել իմում ՚ի
պատրանս ամբարտաւանութեան կամ փաղաքշա-
նաց ընդդէմ՝ բարեբաստութեան ժողովրդեանս
իմոյ, ռամիկքդ այդոքիկ ասացենցիս . Եւքայդ

Հոովմայ, մի հաւատոր դոցա, զի ճանաչեմք մեք զԹշուառս :

() Գնականութեամբ ատենին, որում նախա-
գահ կացոյց զժերունին Ս՝ ետիոս, հնարէր
Վրոմա հնարս նախ քան զամենայն ՚ի շիջուցա-
նել զհեռ հոովմայեցւոց ընդ սաբինացիս, որ մի
այն բաւական էր եղծանել զբարեբաստութիւն
աշխարհին : Ալ առ ՚ի խառնել ընդ միմեանս
զազգան երկոսին, բաժանեաց զամենայն բնակիչս
Հոովմայ ՚ի ցեղս . և նոյնհետայն ցեղք իւրա-
քանչիւր, կազմեալք անխտիր ՚ի հոովմայեցւոց և
՚ի սաբինացւոց, ազատք ՚ի կուսակցութենէ՝ վա-
ռեցան ՚ի նոյն նախանձ հայրենեաց : Ալ արքայն
իմաստուն, ՚ի կացուցանել ընդդէմ ազգային
խրոխտանաց զնախանձ օգտի հասարակաց, ե-
տես անդէն խափանեալ զհերձուածս, և զազգան
զերկոսին ՚ի մի կացեալ :

Յայնժամ կառոյց մեհեան միաբանութեան,
և միւս այլ՝ հաւատարմութեան գթութեան և
արդարութեան . կարգեաց պաշտօն Տերմինեայ
դիցն սահմանաց՝ յառհաւատչեայ իւրաքանչիւր
ստացուածոց . և կանգնեաց բազին բարեկամու-
թեան հասարակաց, որ է գլուխ առաքինու-
թեանց և ծնօղ այլոցն ամենեցուն :

Ս՝ առեալ ՚ի սէր ժողովրդեան իւրոյ՝ յառնէր
վաղ քաջ ընդ առաւօտն, հետազօտել զաղբիւրս
չարեաց և խորհել զօգտակարս . և վաստակեալ
առանձինն մինչև ՚ի ժամ գումարելոյ ատենին,

անդ առաջի առնէր խոհականութեան բարեկամացն զտեսութիւնս մտաց իւրոց, կամ մանաւանդ զթելադրութիւնս սրտի իւրոյ . և վէճ'ի ներքս արկանէր զայնցանէ որպէս ոք 'ի խորհրդականաց : Լ՝յԼ 'ի չհաւանել մտաց իւրոց ընդ փաստս հակառակ կարծեաց, վճռէր որպէս ինքնակալ :

Այ վստահէր 'ի հանձար իւր առաջնորդական, և օրէնս իմն եղեալ էր անձին՝ որով դուն ուրեք վրիպէր . զի զորոց խորհէրն, ընդ նոսա զանձն իւր դասէր : Եթէ զմշակաց օրէնս տայր, ընդ մշակս զանձն համարեալ ասէր ընդ միտս իւր . Եթէ ես էի, զինչ խնդրէի 'ի թագաւորէ . յապահովել զինչս իմ, խնամել զսրարս իմ, և պաշտպանել ինձ ընդդէմ թշնամեաց և քաղաքայնոց հզօրաց : Լ՝ռ 'ի վայելել 'ի շնորհս յայտսիկ՝ արժան է, զի հանից նմա մասն ինչ 'ի հնձոց՝ զորս քրտունք իմ բերցեն . այլ պարտ է զի մնացէ ինձ բաւական առ 'ի կերակրել զկին իմ և զորդիս, և առ 'ի սերմանել անդրէն զերկիր իմ : Օ այստսիկ խորհեցեալ՝ Լումայ այսպէս, ձեռնարկէր ապա 'ի հրովարտակն . և երկրագործք գոհք գտանէին :

Եթէ պատերազմ նմա առաջարկէր ատեանն, խնդրէր համար ճիշդ զծախուց առ այն, և զօտիցն որ անտի : Եւ ապա 'ի հաշիւ ածէր որ ինչ մարթէրն նմա նովին արծաթով առնել, բաւալ առուս, զլիճս ցամաքեցուցանել, մշակել

զխոսպանս . և համեմատեալ զհաւաստիս զայսուսիկ շահս ընդ յաղթութեանն՝ որ միշտ էր կեղակարծ , շառագունանս սովին պարզ համեմատութեամբ ածէր այնոցիկ՝ որ ՚ի տարակուսի կային : Իսկ Սրմնառանց կշտամբելոյ զվրիպակ կարծիս նոցա , յաւելոյր և եթ . (Ստղում զճապաղիս մարդկայնոց արեանց , որոց քեր ՚ի վերոյ են արժանք քան զուկւոյ :

(Ս) մեծ մասն աւուրն պարապեալ ՚ի կարգաւորութիւն կարևորացս այսոսիկ և յառնել իրաւունս , սեղանակիցս ապա անպաճոյճ՝ ճաշուն իւրոյ առնէր զխոհականագոյնս և զծերագոյնս ՚ի խորհրդականացն : Եւ ապա երթայր յանծանօթս ածել նպաստս ումեք ՚ի թշուառաց . ոչ ՚ի հասարակաց գանձուց առեալ զպարգևսն , քանզի ինայէր յայնոսիկ արքայն առատաձեռն՝ և ս և առ ՚ի սփոփել զտառապեալս , այլ ասէր . Եւստղիկ զբօսանք իմ են , և ոչ է պարտ աշխարհին տուժել ընդ իմ : Եւ ծախէր ՚ի բարերարութիւնս յայսոսիկ զարծաթն սահմանեալ ՚ի թռչակ թիկնապահաց՝ որոց ոչ կարօտէր , ՚ի ռոճիկ սեղանոյ իւրոյ՝ որ սակաւապէտն էր , և ՚ի պէտս հանդերձից իւրոց՝ զորս ոչ ստէպ նորոգէր :

Եւսպէս զբաղումն բարեգորով մարդկան ըսթափեցուցանէր զնա ՚ի պաշտամանց թագաւորի . և զօրհանապաղ ընդ երեկս ՚ի կատարել զամենայն զպարտս իւր՝ երթայր տալ համար Եգերեայ զամենայն գործոց իւրոց , և խօսակցութեամբ առնուլ ՚ի նմանէ խրատս վասն վաղուին :

ՆՈՒՄԱ ՊՈՄՊԻԼԻՈՍ



ԳԻՐՔ ԵՐԿՈՏԱՍԱՆԵՐՈՐԴ

ՆԱԽԱԴՐՈՒԹԻՒՆ ԵՐԿՈՏԱՍԱՆԵՐՈՐԴ ԳՐՈՑ

Հերսիլիա գումարեալ ընդ թագաւորս բազումս, գայ պաշարել զՆումա 'ի Հռովմ: Հասանենն Վամիլլա և Լևոնդ, տծեալ գերի: Գիշերախառն ասպատակ Լևոնդեայ: Հասանեմարսից յօգնութիւն հռովմայեցւոց, և ճակատել բանակացն երկոցունց 'ի մարտ: Ետենաբանել Նումայ, և զէնընկէց առնել զԹշնամիս: Մահ հերսիլեայ, և խաղաղութիւն աշխարհին: Փակել Նումայ զմեհեան Յանոսի, և գտեալանգրէն զԼ'նայիս՝ տռնուլ զնս 'ի կնութիւն:

ՆՈՒՄԸ ԳՈՄԳԻԼԻՈՍ

Գ Ի Ր Ք Ժ Բ .

Լսեքան բազմահոգ խնամք և վաստակք առ 'ի յարդարել զբարեբաստութիւն հոռովմայեցւոց , գրեթէ ոչ ինչ սփոփէին զվիշտութագաւորին : Մտման , հեռի 'ի սիրուհոյն , ինքն ևեթ յամենայն ինքնակալութեան իւրում էր ողբալի : Լսու ձակեալ էր նորա առ ամենայն ազգս Ետալիոյ խնդրակս զՕրադաշտայ և զդատերէ նորին , և ոչ ուստեք առեալ զրոյց . քաջն Լևոնդ ոչ ևս դառնայր , և ժամանակն անցանէր : Լսեքայն ևեթ սգաւոր , 'ի մէջ ժողովրդեան՝ որ պաշտէրն զնա , ողբայր զսիրուհին իւր , կարօտէր բարեկամին իւրում , և զարհուրէր 'ի Հերսիլեայ :

Այ յամեաց Լմազոնն կատաղեալ յայտնել զզայրոյթ իւր . և ահա փոշի մրկեալ ելանէր դիզանայր յանկարծ յերեսաց Լատինի : Փարատեցաւ մռայն , և փայլատակէր նիզակախուռն սպառազինութիւն : Շշուկ խառնաձայն , ազաղակ զօրաց , խրխնջիւն երիվարաց , կոփիւն վա-

Հանաց գային և սաստկանային . հանգոյն հիւսիւ սայնոց սաստիկ հողմոց , որ 'ի խորոց անձաւաց յերկար մննչմամբ 'ի դուրս յարձակեալ , և մըր ըիկս և աւերածս զհետ ձգեալ , գան հասանեն՝ արմատախիլ զմայրիս առնելով և զժայռս :

Ինդ հուպ 'ի բարձանց պարսպացն Հռովմայ նշմարին բիւրք բիւրուց զօրաց : Ըռաջի նոցա Հըռուտուլք պարածածկեալք զրահիւք , զինեալք 'ի տէգս երկայնս՝ որոց ծայրք պողովատիկք կազմէին զուզմն առաջին : Իւաղային գային կուռ զմիմեամբք մածեալք , վահան ընդ վահան կցեալ , սաղաւարտք ընդ սաղաւարտս յարեալ , և ցցունք նոցա ծածանէին ընդ օդս որպէս որայք 'ի դաշտի : Տուրնոս զօրավար նոցա , խրոխտն Տուրնոս , Թոռն արժանաւոր դիւցազինն համանուան իւրոյ , խիզախէր հասանել մարտնչել ընդ զաւակըն տրովական . և հարեալ 'ի գեղ Հերսիլեայ , երդմամբ խոստանայր մատնել 'ի ձեռս նորա գերի զԼուան :

Օ հետ նոցա գային կամպանիացիք , գունդ տկար՝ այլ բազմամբոխ . և զօրավար նոցա նոյն ինքն Թագաւորն , զոր Լևոնդ կալաւ յԷքսենա :

Օ հետ նոցա Ըղսկացն գումարտակք , աղեղամբք և Թ զինեալք . և զօրավարէր նոցա քաջն Ըրիսբէ , որոյ զբօսանք էին կապել ընդ իրեարս զոյգս աղաւնեաց , և արձակեալ զնոսս 'ի Թուիչ՝ հատանել նետիւ զկապ նոցա , առանց մեղանչելոյ 'ի Թռչունան :

Վային խառն 'ի խուռն զՏեո Տիրպեցիք զի-
 նեալք լախտիւ, և մորթովք գազանաց ծած-
 կեալք: Ալք պարտեալ 'ի Հոռմուլեայ, առ 'ի
 խնդիր խաղաղութեան. հարկեցան թողուլ նմա
 կառուցանել 'ի մէջ աշխարհին իւրեանց ամրոց
 անառիկ, և պահակապանս 'ի նմա բնակեցու-
 ցանել հոռվմայեցիս. և որք 'ի վրէժխնդրութիւն
 նախատանացն գուն գործեալ տիրել ամրոցին, և
 'ի դերև ելեալ, կամէին զվրէժ քինու իւրեանց
 հանել ընդ Հուովմ: Այրենուոյ ազգին զօրա-
 վարէր վայրենագոյն ևս որ մարսիկ՝ ահարկուն
 լ'չլոն զաւակն Վակոսի, որ և ինքն բորբոքէր
 տարփմամբն Հերսիլեայ, և մաշէր նախանձու
 ընդ փառս Վեոնդեայ՝ զոր կարծէր 'ի Հուովմ
 առ Վրամայ. և էր նորա արգելեալ զօրացն՝ մի
 յարձակել յերկոսին ևս յոսոխան, անձին պա-
 հեալ զփառս մարտնչելոյ ընդ նոսա:

ՕՏեո ամենեցուն զային վեստացիք, որք
 ազեղամբ և եթ մարտնչին՝ պատսպարեալք յաս-
 պար 'ի սպիտակ. զրահք նոցա թուխք և մորուք
 ձաղկահերք արկանեն արհաւիրս: Աերունին
 Սեսապոս հայր Վամիլլայ թագաւորէր նոցա
 տակաւին. որ յետ կորստեան դստերն՝ անձնա-
 տուր լեալ 'ի նիզակակիցս իւր 'ի հիրպեցիս,
 հնազանդէր նոցա. և թէպէտ չէր ինչ նմա փոյթ
 զՀերսիլեայ, զինուորէր 'ի պատերազմն դրդեալ
 'ի նմանէ:

Լչրևելի 'ի մէջ բանակին, որպէս արմաւենի

'ի մէջ թփոց պատանեաց , ամբառնայր օրիորդն դուստր Հռոմուլեայ : Արէր նա 'ի գլուխ տաղաւարտ փայլուն՝ պատեալ 'ի պսակ ոսկի , յաջումն գեղարդունս կրկնակ , և 'ի ձախումն զապարն պարգև 'Վեմետրեայ՝ առհաւատչեայ անշուշտ յաղթութեան , զոր 'Մումայ իսկ թողեալ էր 'ի նա : Ըմագոնն այն խրոխտ հեծեալ 'ի կառս՝ զոր ձգէին ձիք սեաւք , գնայր գայր և սրանայր ընդ ուղմն առ հասարակ զօրացն , ումեմն զուարթերես , այլում սպառնանկատ , զերկչոտս խրախուսէր , զյանդգունս և ևս զրգուէր . և ցուցեալ զպատնէշս Հռովմայ , ասէր . Օ ի նուորակիցք իմ , ահա ստացուած իմ , ահաւասիկ ժառանգութիւն իմ . դարձուցէք զդա յիս , և հատուցից ձեզ զամենայն աշխարհակալութիւնս հօր իմոց : Աիրտ իմ և աջ , երդուեալ 'ի դիս , լիցին մրցանակ գլխոյ 'Մումայ :

Օ այն իբրև լուաւ ամեհին Լէլոն , դիւրագին յոյժ զմրցանակն զայն զմեծ բողոքէր : Բայց հուրնեայ ժպտելով ընդ խրոխտումն խուժադուժ մարտիկն , ակնարկեաց 'ի նա արհամարհանօք , և դարձեալ հայեցաւ սիրատարփ աչօք յօրիորդն արքայազն : Իսկ վոյսիկն Լըրիսբէոս անտես ըզհրապոյրսն արարեալ զսիգին Հերսիլեայ , պանծայր զի ինքն միտքն վասն փառաց մարտնչէր :

Տարածանէր 'ի դաշտին զօրն բազմամբոխ , մերձենայր գայր 'ի Հռովմ , և ոչ յոյժ 'ի բացեայ 'ի պարսպացն բանակ հարկանէր : Ըրհա-

Լիրք կալան զքաղաքն , և բնակիչք դաշտացն
 հանդերձ ընտանեօքն արտասուլիցք , բարձեալ
 բերելով՝ որ ինչ մարթերն նոցա զերծուցանել ,
 հասանէին անդր յամենայն կողմանց . ծերք և
 կանայք դիմէին 'ի մեհեանս , և տղայք սրտա-
 ուռչ կական բարձեալ ողբային . քաղաքացիք առ
 հասարակ 'ի զէն ընթանային , մինչև երկնչել
 զօրականին մնալ ապազէն . ժողովուրդն համօ-
 բէն զարհուրեալ յերեսաց բազմութեան թշնա-
 մեաց , ոչ յայլ ինչ յուսայր՝ բայց 'ի թագաւորն
 իւր :

Բայց Վրամն նախատես ամենայնի՝ անխուով
 'ի տեսիլ վտանգին կայր . ոչ պարէնք պակասէին
 նմա , ոչ զէնք , և ոչ գունդք քաջամարտիկք և
 յոգնախումբք : Սակայն ինայէր զնոսա յաշխա-
 տութենէ ընդունայն պահպանութեանց , ինա-
 մէր զզօրութիւն նոցա , հսկէր պիտոյից նոցա , և
 փարատէր զերկիւղ 'ի բնաւից : Ստահ 'ի նա-
 խահոգ զգուշութիւնս իւր , ոչ այլ ինչ հոգ էր
 նմա՝ բայց զի Վեռնդ ոչ էր անդ , և զի թշնամիք
 արգելուին զանտառն Եգերեայ : Եւ իբրև այս-
 պէս անօգնական 'ի խորհրդակցաց՝ խորհէր մի-
 այնակ 'ի գիշերին հնարս պառակտելոյ զբազմու-
 թիւն թշնամեաց , ազդ եղև նմա զի զօրականք
 երեք առ դրունս Հոովմայ ձեռքակալեալք՝ խըն-
 դրէին յանդիման լինել նմա . և հրաման ետ ա-
 ծել զնոսա առ ինքն : Եւ ընդ ակնարկելն 'ի
 նոսա՝ ծանեաւ զՎեռնդ , և դիմեալ գիրկս

էարկ նմա ձայնիւ ցնծութեան . (Վ՛ եղբայր իմ, տեսանեմ ուրեմն զքեզ վերստին . և ո՞ր է Վ՛նայ իս , ո՞ր կարիցեմ գտանել զնա , իցե՞ 'ի վերայ իմ դատակնիք ողբալոյ զնա մինչև 'ի սպառ :

Իսկ Վ՛ և ո՞նդ փարեալ զնովաւ խանդաղատաւ նօք , ասէ . Ի՛ դերև ելին ամենայն հետազօտութիւնք իմ . անցի ընդ ամենայն հարաւակողմն Խտալիոյ , և չեղև ինձ գտանել զհետս օրիորդին և զծերունւոյ հօր նորա : Վ՛ յլ լուայ զվտանգն՝ որ հասանէ քեզ , տեսի զազգս գումարեալ 'ի վերայ քո՝ գալ պաշարել զքեզ 'ի Նուվմ , և փութացայ յօգնութիւն քոյ : Վ՛ յոս գտանելոյ քեզ նիզակակիցս՝ համարձակեցոյց զիս զնալ առ Սարսս . իչխեցի կոչել զնոսա 'ի մի վայր , և ասեմ :

Վ՛ աղաքակիցք իմ , հրամայեցիք դուք ինձ զնալ տարազիր յաքսոր . այլ իղձք օգնելոյ ձեզ յազութեցին յիս երկիւղի յանդիման լինելոյ ձեզ ընդդէմ հրամանի ձերոյ : (Ի՛) Կպէտ բարեկամք և թէ թշնամիք իցէք հուվմայեցւոց , ահա դէպ ժամանակ ընկձելոյ զնոսա կամ յանկուցանելոյ 'ի ձեզ 'ի սպառ : Վ՛ ուստր անողորմ յելուզակին Նումուլեայ՝ որ եկն յարձակեցաւ 'ի յարկս մեր՝ յարուցանէ զազգս ընդդէմ Նուվմայ , և ընդդէմ արդարոյն Վումայ՝ որ հզօրագոյն պատսպաւրան եղև ձեզ պանծալի խաղաղութեանն : Ի՛ գումարել ձեր ընդ դատերն Նումուլեայ՝ զրժէք աշխարհական ուխտին , ապաշտորհք գտանիք և

Վերջացեալք 'ի լաու-թենէ : (I) Երևա օգտակար լիցի ձեզ պատերազմդ . բայց թերևս օգտակարագոյն առաքինութիւնդ ձեր յօգնելդ ' յուանայ : ' յուանա զերծեալ ձեօք 'ի վտանգէն՝ դարձուցէ 'ի ձեզ զ'էրոնկս , շնորհեսցէ ձեզ զպատիւ քաղաքացւոցն Հուվանայ , և կալցի զձեզ առ եղբարս : (II) արարն ընդ ձեզ արդարութիւն՝ և գթութիւն մինչ թշնամին ձեր էր , զինչ ոչ արասցէ ընդ ազատարարս իւր : (III) իշտ իսկ արդեօք , այլ առաւել ևս ատտ , իւլ մարտիկք , օգտակարագոյն կողմն գտանի առաքինութեան . սակայն ընտրեցէք , կամ յաւելուլ յամբօխ խուժադուժ ազգացն՝ որոց առաջնորդէ դուստր անողորմ ձերոյ թշնամւոյդ , վաղ իսկ շաղախեալ յոճիրս բազումն , և որ արդմիս զղաշոյն 'ի կողս հայրենեացն , և կամ դիմել յօգնութիւն արդարագունին և լաւագունին 'ի թագաւորս , զիւցազին՝ որ եղև ինձ յաղթող , և որ պաշտպան եկաց իրաւանց ձերոց 'ի կռել զուխտ խաղաղութեանն , յոր տակաւին կապեալ կայք :

(IV) Ինչ չև աւարտեալ իմ զբանս , և ահա ձայն բարձին ամենեքեան միաբարբառ . Հայպա դիմեսցուք յօգնութիւն ' յուանայ , և I և ոնդ կացցէ մեզ զօրավար : (V) Կայնժամ ասեմ . Վնաւ լիցի հայրենակիցք իմ բարեգու-թք , այլ յողողողք . որ սիրէքդ զիս , այլ տարագիր զիս արարիք . չկա բեմ զօրավարել ձեզ : (VI) արսկի ումեք պատիւդ այդ անկ է . իսկ ես , յորմէ հետէ թագաւա-

բեաց՝ Վրամն 'ի Հռովմ, եղէ Հռովմայեցի : Ի բեկանելն իմում դիցն օգնականութեամբ զկաղամանն՝ զոր 'ի վիճակ ընտրութեան զօրավարի սահմանեցիք , դրդուեցաւ ծառն այն 'ի զօրութենէ չորից ոսոխացն իմոցն՝ որ հզօրագոյնք արդեօք էին քան զիս . երկու 'ի նոցանէ , ի իգեր և Վենիսիոս , անկան 'ի պատերազմի . Լէլոն զօրավարէ հերպեւոց , իսկ ծերունին Սոփանոր ոչ ևս է . այլ կեայ տակաւին կորովին Լյատոր , հաւ բակն Լյոլոնի ցանկալի , այն որ 'ի տղայ տիոց եկաց նշանաւոր : Եթէ մանկութիւն նորա զձեզ երկմտեցուցանէ , պարծանք նորա գեր 'ի վերոյ քան զհասակն են , և մանկութիւն յաճախէ ըզպարծանս նորա . կորովին Լյատոր կացցէ ձեզ զօրավար , իվ մարտիկք . և Լյոլոն ինքնին , որումսիբելի է նա , առաջնորդեցէ բանակիդ ձերում : Իսկ ես փութամ ճեպիմ և չկարեմ մնալ չուոյ զօրականիդ , դիմեմ աւետել Վրամայ՝ զի Սարսք առաքինագոյնք յամենայն ժամանակի քան զամենայն ազգս գտանին :

Բարբառք բիւրաւորք կարձեցին զձառս իմ . պատանին Լյատոր դիմեաց 'ի գիրկս իմ , և իմ յանդիման կացուցեալ զնա Սարսից , կալայ զասպարն 'ի վեր՝ յորոյ վերայ կարդացին զնա զօրավար : Եւ զի փութայր նա հասանել քեզ յօգնութիւն , աճապարեցի ես կանխել քան զնա յափշտակել 'ի սաբինացւոց իսկ զպարծանս նախայարձակ շահատակելոյ 'ի վերայ քո :

Իբրև զայն լուաւ Վրումա, անկեալ զպարա-
նոցաւն Սևոնդեայ՝ ոչ ևս կարէր բաժանել ՚ի
նմանէ : Իսկ չքնաղաղեղն Վամիլլա հանեալ ըզ-
սաղաւարտն ՚ի գլխոյ իւրմէ, մատեաւ առ
Վրումա, և ասէ . Եւ ոչ իսկ ճանաչես զիս : Եւ
ձայն բարձեալ Վրումայ, կալաւ զձեռանէ նորա,
և համբուրէր զայն ստէպ և թանայր արտասուօք .
և մինչդեռ քաղցր բերկրանօք մերթ ՚ի Վամիլլա
և մերթ ՚ի Սևոնդ զաչան դարձուցանէր, յա-
ռաջ մատոյց Սևոնդ զպատանի զոմն մարտիկ,
որ զսոսեր իւր դնէր առ ոտս Վրումայ : Օար-
մացաւ թագաւորն . հայէր ՚ի նա, և տիպք կեր-
պարանաց պատանւոյն ոչ անծանօթք թուէին
նմա . այլ ոչ կարէր յիշել թէ ուր տեսեալ էր
իւր զնա : Յայնժամ Սևոնդիոս ասէ . Ոչ յիշի-
ցես զորդի արքային Վամպանիոյ, որ հրաժարեաց
՚ի զօրավարութենէ հայրենի բանակին՝ առ ՚ի
կալ հարիւրապետ ՚ի զօրս Հռոմուլեայ, և որ
ապա տուաւ Սարսից պատանդ խաղաղութեան :
Եւ արդ զի արքայն Վամպանիոյ դժեաց դա-
շինն, քեզ զորդի նորա աւանդեն Սարսք, գերի
զնա ածեմ՝ առ քեզ : Իսկ Վրումայ կարկառեալ
զաջ իւր առ արքայորդին, ասէ . Ոչ գերի, այլ
բարեկամ է դա իմ . և լիցի դա ինձ սիրելի,
թէպէտ և հայր դորա գումարեալ իցէ ընդ թա-
գաւորս՝ որ պաշարեն զիս ՚ի մայրաքաղաքիս :

Յայնժամ եհարց Սևոնդ զհանգամանս բանա-
կի միաբանելոցն, և անձկայր գործել ինչ ՚ի վա-

զիւ անդր գործ քաջութեան : Իսկ Վրուսայ զաչս 'ի վայր արկեալ յոգւոց հանէր , յիշեցուցանել լով նմա , զի առ Հերսիլեայ կայր վահանն սուրբ , առհաւատչեայ յաղթութեան կրողին զայն : Եւ յաւելոյր՝ թէ ցորչափ վահանն այն կայր 'ի ձեռին նորա , ոչ կամէր ինքն փորձել զբախտ պատերազմի : Եւ Լոնդեայ իսկ հաճոյ թուեցաւ խոհական զգուշութիւնն , և վախճան արար բանիցն՝ որ շառագունանս ածէին սիրելւոյն : Եւ ապա էած Վրուսա զՎամիլլա և զԼոնդ 'ի գեղեցկագոյն կողմն ապարանիցն . և զՎապիս յանձնեալ սպայից , լի խնդութեամբ մեկնեցաւ զնալ տալ զանձն քնոյ :

Յայնմ վայրի բարեկամութիւն թելադրեաց Եւ լոնդեայ խորհուրդ քաջայանդուզն . այլ ծածկէր զայն 'ի Վամիլլայ , թէ գուցէ չկամիցի դիմագրաւել ընդ իւր 'ի վտանգ : Եւ 'ի քուն լինել նորա՝ յարեաւ էարկ զիւրեւ զսուրճենին , և զինեալ լախտիւն՝ դիմէ հանդարտաբայլ 'ի մի 'ի դրանց քաղաքին , որ բացաւ առաջի նորա : Եւ այնակ 'ի դաշտին անհարկեալ շուրջանակի՝ ետես զբանակ թնամեաց , և զհուրս առաջապահիցն գրեթէ շիջեալ . դիտէր թէ ընդ որ կողմն մարթէր նմա մատչել անտեսաբար . այլ լուսին 'ի ճաճանչագեղ կառացն իւրոց սփռէր լոյս պայծառ : Եւ Լոնդ աստեղն գիշերոյ , և զայս մատոյց նմա աղօթս .

Եւ քեզ կարդամ , ով փեբէ , ստուերացո՛

զճառագայթս քո : Ղու ոչ երբէք ձեռնտու լի-
նիս եղեռան . ոչ աստ յանդուզն տարփաւոր զա-
ռիթ բաղձիցն խնդրէ յափշտակել , և ոչ մար-
տիկ 'ի փառասիրութենէ գրդեալ . քաւ լիցի ,
դիցուհիդ սիրող զգաստութեան . ազնուականա-
գոյն իղձք խրախուսեն զիս , սուրբ և անապակ
սէր բարեկամութեան : Ղնամ թափել զժա-
ռանգութիւն սիրելոյ իմոյ , գնամ քաւել զմեղս՝
զոր ետ նմն գործել Սէր , անողորմագոյնն 'ի
դից՝ որում զու ոսոխդ պարծիս գոլ : Ս՛վ դիցու-
հիդ , պատերազմս այս քո է և առաքինութեան :

Ս՛ինչ դեռ բանքն 'ի բերան նորա կային , և
ահա ամպք ածեալ զլուսնիւ՝ ծածկեցին զարծա-
թափայլ անիւ նորա : Ս տեսիլ բարեգուշակ նշա-
նին քաջալերեալ , դիմեաց դիւցազնն 'ի բանակ
անդր , հաս յառաջապահս . նոքա 'ի դիտակ
դիւցազինն հայեցեալ և 'ի լախտ , համարեցան
զնա զոք 'ի հիրպեցւոց անտի : Ղիտէր իսկ
Ս ևոնդ զբարբառ նոցա , և անցեալ զնոքօք անխա-
փան՝ միջամուխ եղև 'ի բանակն , ուր զօրականն
ծանրացեալ 'ի քնոյ և 'ի գինւոյ՝ նիրհէր խառն 'ի
խուռն տարածեալ առնթեր զինուցն և կա-
ռաց : Սարթէր նմա սրախողխող զբազումս 'ի
նոցանէ առնել , այլ անազդ էր մարտն , և չէր հնար
Ս ևոնդեայ մտաբերել 'ի նախճիրն :

Ս Է երկիւղ և ոչ զայրոյթ աղմկէր զնա . ետես
նա զՍէլոն տարածեալ ընդ երկիր , ասպար ընդ
գլխով , և տապար անհետեթ առնթեր . յու-

ղեալ տաղնապեալ յերազ անդոհական՝ Թոթո-
վէր նա զանուանս | Լոնդեայ և զՎրամայ անի-
ծիւք : Յայնժամ դիւցազնն անդէն զառաջինն
վերացուցեալ զլախտ իւր , ապա իբրև յինքն
եկն՝ ամփոփեաց զայն իսկոյն , և զտապար և եթ-
ամեհւոյն Մէլոնի եբարձ :

Ետես ապա զխորան Ներսիլեայ ամայի 'ի
պահապանաց , և եմուտ անդր աներկիւղ : Վեր-
հեր դուստրն Նուսուլեայ խոր 'ի քուն . բայց
| Լոնդեայ պատաղեալ 'ի ինդիր ասպարին քան
'ի տեսիլ արքայազն օրիորդին , դիտէր շուրջա-
նակի զգանձն անտես 'ի մթան : Եւ ահա ան-
ցին 'ի բաց ամպք յերեսաց լուսնի , և ճառա-
գայթք նորա դողդոջունք ցոլանային ընդ վա-
հանն ոսկի : Յափշտակեաց զայն | Լոնդ , և
ստանձեալ զաւարն ցանկալի և զտապարն Մէ-
լոնի , դարձաւ ընդ նոյն ճանապարհ , անց միւս-
անգամ ընդ բանակն , և 'ի բաց ել անխափան յա-
ռաջապահից անտի : Եւ մինչ դեռ աներկեան և
լի ինդուլթեամբ մատուցանէր գոհութիւնս Փե-
բեայ և Վիշերոյ և բնաւից իսկ դից , լսելի
լինէր յետկուսէ աղաղակ և շաչիւն զինուց , այն
ինչ արևածայրք արձակէին : Պակեալ | Լոնդ ,
լուաւ , հայեցաւ , ետես կին մի աղեղնաւոր փա-
խըստեայ յերեսաց ջոկատի միոյ Նուսուլեայ
որք երբէք երբէք ընկրկէին 'ի սպառնալեաց
նետից նորա :

Ուշ 'ի կուրծս անկաւ | Լոնդեայ մինչև

աչաց նորա ծանուցեալ զնա , զի էր ինքն իյամիլլա : 'Իյամեաց , կոչեաց զնա յանուանէ , հասառ նա , ետ 'ի ձեռս նորա զասպարն սուրբ , յառ ձակեցաւ 'ի Հռուտուլս , հար զնոսա տապարաւն և լախտիւ , դարձաւ առ սիրելին իւր , քաջալերեաց զնա , և թեւարկեալ զնովաւ՝ ած զնա մերձ 'ի պարխսպս քաղաքին , և դարձաւ անդրէն 'ի հարուածս որոց իշխեինն յառաջ մատչել : Լոյս պէս կինձ վայրենի հալածեալ 'ի յանդուգն վոհմակէ շանց , խուսէ և դառնայ ստեպ դարձադարձիւք հարկանել զյառաջամատոյցսն 'ի վոհմակէն :

Լ՛հարեկեալ Հռուտուլք ձայն ետուն զինուորակցացն . ընդոտ 'ի քնոյ զէն առին զօրքն , դիմեցին յամենայն կողմանց : Գունդ մի հիրպեցւոց յառաջ մատեաւ պաշարել զ՝ Լոնդ , և ջոկատ մի Ս ղլակաց փութայր հատանել զձանապարհ նորա 'ի քաղաքն : Օկայ էառ Լ Լոնդ առ իյամիլլայ՝ որ զնա ասպարաւն ոսկւով պատրսպարէր բռնի . և զՀռուտուլից և զհիրպեցւոց միահաղոյն զգէմ կալեալ , փոխեաց յանկարծ զձանապարհն , և շրջան առեալ՝ հաս 'ի Տիբեր : Յայնժամ աղաղակ ցնծութեան հարկանէին թշնամիքն , անշուշտ համարեալ զկորուստ նորա . պատեցին զնովաւ մահկաբար , և տակաւ մատչէին յառաջ՝ 'ի նեղ արկանել զփախրստեայս 'ի մէջ զինուցն և գետոյն : Լայց Լ Լոնդեայ այն ինչ 'ի գետափն հասեալ , թռոյց

կորովի բազկաւ զլախտն և զտապար յայնկոյս , և 'ի Թիկնամէջս իւր առեալ զՎամիլլա , և խրոխս 'ի Թշնամիսն աննարկեալ՝ որ ապշեալ կային , արկ զանճն յալիս անդր . և Թէպէտ սրբւրն(Թաց էր գեան , և Թէպէտ տեղային յետկուսէ նետք Վ ոլսկաց , հաս յայնկոյս , էառ ըզգէնս իւր , և դիմեալ գնայր 'ի Հոովմ :

Վ յն ինչ գերծեալ 'ի վտանգէն դիւցազն ամեհի խանդաղատեալ 'ի գորով , ասէ . Վերեա ինձ ով սիրեցեալդ իմ Վամիլլա , ներեա ինձ զի զմի ինչ զայս ծածկեցի 'ի քէն . այլ սէր քոյին պատուհասեաց զիս : Վրկի 'ի վտանգ անհրաման 'ի քէն զկեանս իմ , որ քո իսկ են . դու զիս դողացուցեր զքոյոցդ . քաւու(Թիւն յանցանաց իմոց եղև լիուլի : Վատասխմանի ետ Վամիլլա և ասէ . Վ կարծէիր , ո՛ր ապաշնորհ , Թէ կարէի ես մնալ դարձին քում . համարէիր Թէ շատնայր գու(Թ իմ ընդունայն արտասուօք : Օ օրականք նուազ քան զքեզ անողորմք ցուցին ինձ գլաւիղս քո , բացին առաջի իմ զդրունս՝ ընդ որս դու անցեր , և միայնակ 'ի մ(Թան առաջի զօրաց Թշնամեաց՝ ոչ ընդ այլ ինչ հոգայի , բայց Թէ գուցէ չգտանիցեմ զքեզ :

Օ այսոսիկ աղերսական յանդիմանու(Թիւնս առնէին միմեանց սիրակցորդ ամուսինքն . և վրտանգն՝ ընդ որ անցին՝ յաճախէր զգորով սիրոյ նոցա , ե(Թէ էր ինչ հնար յաւելուլ յայն : Վայց ստացուած վահանին ոսկւոյ ընոյր զնոսա ցնծու-

Թեամբ : Ստին 'ի Հռովմ 'ի ծագել Ճառագայ-
 Թից արեգական . և դիմեալ յարքունիս , մնայ-
 ին յառնելոյ Թագաւորին՝ առ 'ի մատուցանել
 նմա զասպարն դիւցական : Արախի ինչ եղև
 Վրանայ ինդուԹիւն ընդ այն . ոչ բերել զայն
 կարէր 'ի սրտի , և ոչ բացատրել . փարէր և դարձեալ
 փարէր գիրկ ընդ խառն զսիրելեանս , և 'ի
 ծունկս անկանէր Վամիլլայ , և ասէր . Վանի
 շնորհասպարտ ձեզ գտանիմ , որ կանգնէք զաԹու-
 իմ և զփառս . ո՛հ , ձեր է աԹու իմ , ձեր է և
 սիրտ . ձեզ անկ է իշխել Հռովմայ , որ իշխէքդ
 'ի սիրտ Վրանայ :

Ալ վաղվաղակի համախմբեալ զժողովուրդն ,
 եցոյց նոցա զասպարն սուրբ . և պատմեալ նոցա
 զոր ինչ արարն Սևոնդ , կացոյց զնա անդէն զօ-
 րավար զօրացն Հռովմայեցւոց : Ալ մինչդեռ
 միաբարբառ անհամար բազմութիւնն զաղաղակ
 բարձեալ՝ հաստատէր զիրաւացի ընտրութիւնն ,
 պահապանք պատնիշացն ազդ առնէին զաւետիս
 գալստեան Սարսից : Վանզի պատանին Մտոր
 պատրեաց զԹշնամիս , և ընդ վերկոյս Տիբերի
 մերձ յակունսն անցեալ յայսկոյս՝ 'ի զգոյշ 'ի
 չու հաս 'ի ստորոտ պարսպաց քաղաքին յետ-
 րուրական կուսէ , որ միայն ազատ էր 'ի պա-
 շարողաց :

Հրաննն ետ Վրանա բանալ զգրուես , և դի-
 մեաց ընդ առաջ նիզակակցացն : Ալ եմուտ Վա-
 տոր 'ի քաղաքն բիւր արամբք . և ընդ տեսանել

զարքայն , յառաջ մատեաւ՝ երդնուլ նմա հնա-
զանդութիւն և բարեկամութիւն : Վիրկս էարկ
նմա թագաւորն խանդաղատանօք , և ժողովուր-
դն զաղաղակ հարկանէր ցնծութեան . և մինչ-
դեռ Վուամ յապարանս իւր ածէր զ՚ստոր ,
իւրաքանչիւր ոք ՚ի քաղաքայնոց հիւրընկալեալ
զոք ՚ի զօրացն մարսկաց՝ մեծարէր զնա իբրև
զեղբայր :

Յայնմ վայրի Հերսիլիա և Մէլոն մոլեգնեալք
՚ի տեսիլ զօրացն՝ որ յայնմ կողմանէ Տիբերի մը-
տանէին խաղաղութեամբ ՚ի Հուովմ , և չկարէին
զնոցին աղմկել զչու , և կորակոր դարձեալ ամա-
չեցեալք՝ զի միոյ ուրուք մարտիկ յափշտակեալ
էր զմիոյն զասպար և զմիւսոյն զտապար , Հերսի-
լիա և Մէլոն ՚ի նոյն բոց վրէժինդրութեան
վառեալք , խիզախէին ՚ի յարձակումն , ձայն
տուեալ միաբարբառ . Հակա ՚ի զէն : Սոլսիկք ,
և հիրպեցիք , կամպանիացիք , Հուուուլք և
վեստացիք զէն առին . ելին առ հասարակ ՚ի
բանակէն , գունդ կազմեցին , և բարձեալ զեր-
կայնաձիգ զսանդուղսն՝ դիմէին ՚ի պատնէշ
անդր , վարեալ զառաջեալ զբաղիատր և զբա-
բան :

Աջգ եղև Վուամայ զի յարձակէին թշնամիք ,
և ոչ ինչ զարհուրեցաւ ՚ի վտանգէն : Անխուով
՚ի պատերազմի որպէս առ բազինս դից , հրամանս
ետ Աննդեայ ելանել զօրօքն հուովմայեցուովք ՚ի
դաշտ . զնոյն պատուէր ետ և Մստորի . իսկ աբ

քայորդւոյն կամնկանիացւոյ կալ 'ի մէջ գնդացն Սարսից, և գեղանւոյն Կամիլլայ 'ի մէջ լեգեռնացն հռովմայեցւոց : Եւ երկաքանչիւրոցն զօրավարաց արգել ամենեւին, չթողուլ զօրացն ձգել և ոչ նետ մի : Օտարքունականն ապա զգեցեալ զարդա, ած 'ի գլուխ իւր պսակ, և գաւազան արքունի և ուղէշ ձիթենւոյ 'ի ձեռին, և նուիրակք յառաջոյ, գնայր ընդ մէջ երկուց բանակացն :

Հիացեալ թշնամեաց ընդ տեսին, զկայ առին կարգեալք 'ի ճակատ՝ մնալով հռովմայեցւոց : Երբա հասեալ մերձ իբր նետընկէց մի, ճակատեցան կացին հանգոյն իմն թշնամեաց : Ետի և անտի աղեղունք լարեալք, և սուսերք թերաքամեալք, և հիսիփոն 'ի միջոց ասպարիզին տատանէր զօձս իւր, և դէտակն ունէր նշանին 'ի պատերազմ : Եայց թագաւորն հռովմայեցւոց յառաջ մատուցեալ, ամբարձ վերոյ գագաթան զուղէշ ձիթենւոյն . և քարոզքն աղաղակեցին լսել Երամայ, և բիւրք բիւրուց կրկնեցին զնոյն բարբառ : Եայց թէպէտ և հերսիլիա և Ելին արգելուին, արքայն վետաացւոց և զօրավարք Սոլսկաց և հռուտուլաց մատեան 'ի լուր արքային հռովմայեցւոց . հարկ եղև յայնժամ և Ելինի անսալ նոցա . և հերսիլիա իսկ մոնչելով առ ցասման՝ մատեաւ 'ի լսել որ ինչ իշխերն Երամայ առաջարկել : Եսկ նա քաղցր և համարձակաձայն բարբառով ասէ . Երբայք և դիւցա-

գունք, որ լսեցք ինձ, առ ինչ ածեք ՚ի վերայ իմ պատերազմ: միթէ զսահմանս ձեր աւերեցի, կամ զկանայս և զորդիս ձեր յափշտակեցի, և կամ ուխտի դաշանց ինչ դրժեցի. զինչ խնդրէք յինէն, զինչ պահանջէք:

Երազակեաց Լւլոն. Օ ի իջես յաթոռոյ՝ զոր յափշտակեցիր, և թողցես ցատերն Հոռմուլեայ զժառանգութիւնն հայրենի. առ պս զինուորիմք, գամք թագաւորեցուցանել զնա, և զվրէժ նորին խնդրել:

Երկնեալ անգղին Երուսայ, ասէ. Օ թագս զայս՝ զոր դու խլել՚ի գլխոյ իմմէ կամիս, Լւլոն, ոչ ես խնդրեցի, և ոչ ցանկացայ սմա. ծանր իսկ էր ինձ ընդունել զսա. այլ դիք հրամայեցին, և հնազանդ եղէ նոցա: Ետողովուրդս այս ընտրեաց զիս թագաւոր, այն որ և զՀոռմուլ ընտրեաց: Հոռմուլեականն գահ անկ այնմիկ է, զոր ազգն ընտրեաց, որ և թագաժառանգ է սաբինացոց՝ կիսոց ժողովրդեանն Հոռվմայ: Եղեոն զՏեա եզեռան յաջորդեալ, զորս չկամիմ յուշ ածել ձեզ, մնացի յետին ՚ի թագաւորս Սաբինաց. և արդ դիք, և իղձք ժողովրդեան, արիւն արքայացն, և օրէնք հրաւիրեն զիս յաթոռ: Իսկ դուք առ ոչ ինչ զայս ամենայն իրաւունս համարեալ, գայք պաշարել զիս ՚ի պարիսպս իմ անազդ պատերազմաւ: Աս ինչ տրտունջ է ինձ զձէնջ, այլ մանաւանդ չնորհ ունիմ ձեզ, զի զարդարութիւն առնէք ինձ կուսանկից և զգիս ձեռնտու:

Մըքայք Իտալիոյ , մեծարեմ զձեզ . 'ի կամս ձեր է սիրելի լինել ինձ , այլ չէք ինձ ահար կուք . ահա բանակ հռոմէացեաց յոգնու խոււք , հաւասարազօր միահամուռ ձերուկ բանակի . ահա Ս'արսք , որ զպահպանութեանիդ ձերով խաղ արարեալ՝ հասին ինձ 'ի Թիկունս . ահա զօրութիւն առ զօրութիւն : Ս'արթ իցէ ինձ , Թէպէտ և 'ի ճակատամարտս բազումս սկարանայցեմ , արգելու զձեզ առ պարտաբքս զամս բազումս . և եթէ 'ի միում և եթ ճակատու պարտիցիք , չմնայ ապաստան : Ս'ի կարծիցէք Թէ զՍ'արսս և եթ կարիցեմ հանել ձեզ 'ի ճակատ . ետրուրացիք իսկ և ապուլեցիք և լիզուրացիք հասցեն ընդ հուպ յօգնութիւն : Ի յարձակել միահամուռ այսբանեաց 'ի վերայ ձեր ազգաց , ոչ կարիցէք զդէմ ունել նոցա , և կորնչիցիք առ հասարակ : Ս'եստացիքդ և եթ հանդիպեցին ողորմութեան . յսկենայն ժամանակի դոքս ընդ Ս'արսս եղեն որպէս եղբարք , և համարիմ ըզդոտս նիզակակիցս ինձ , և երդումս նոցա յանդիման ձեր՝ ոչ իբրև ընդ Թնամիս վարել ընդ նոսա :

Իբրև զայն լուան Մէլոն և Տուրնոս և Մ'րիս բէոս , հայեին 'ի ծերունի արքայն վերտացեաց , և կատկածանք 'ի դէմս նոցա նկարելին ակներև : Իսկ Մ'ուսնայ յաջողեալ արհանել 'ի նոսա հերձուած , յառաջ ածեալ զբանս իւր՝ ասէ .

Մէնզ , ինձ նախ լիցի ողբալ զյաղթութիւնս

որ կորուստ 'ի վերայ այնքանեաց ածցէ ազգաց ,
 և լուացից արտասուօք զդարձին արինաթա-
 թաւս : Ըրքայք զինուորակիցք իմ , ինձ առաւել
 քան զամենայն ինչ ցանկալի է խաղաղութիւն . և
 առանց մտտնելոյ 'ի պարտութիւն , և վստահ իսկ
 'ի յօգութութիւն , առաջի առնեմ ձեզ զայն առ 'ի
 յօգուտ ձեր : Տաց ձեզ , զհրպեցիք , զբերդեանն ,
 զոր Հռոմուլ կառոյց յաշխարհիդ ձերում . անխ
 բաւեցաւ նա , պարծանս ինձ համարիմ փոխարի-
 նել անիրաւութեանն : Սոյսիկք և Հռուտուլք ,
 հրաւիրեմ զձեզ 'ի նիզակակցութիւն և յիրա-
 տանս քաղաքակցութեան հռովմայեցոց : Ըր-
 քայդ Կամպանիոյ , որ այդպէս վաղ մոռացար
 զյետին պատերազմ քո ընդ Սարսս , դարձու-
 ցից 'ի քեզ զորդի քո , զոր 'ի ձեռս իմ ետուն
 թշնամիք քո : Եւ քեզ արքայդ վեստացոց , որ
 'ի բազմաց հետէ ողբաս զդուստր քոյին՝ զոր ծո
 վանցն համարիս կորուսեալ , հատուցից քեզ
 զքոյդ Կամիլլա : Եկայք Կամիլլա և Կապիս ,
 մատիք 'ի գիրկս ծնողաց ձերոց :

Եւ զոյգ ընդ բանիցն Կամիլլա և Կապիս գի
 մեցին 'ի գիրկս արքային վեստացոց և արքային
 Կապուայ : Իսկ ծերունիքն երկոքեան ոչ կա-
 բէին հաւատալ աչացն , արտասուս առ ցնծու-
 թեան հեղուին , և ողջագութիւն 'ի ծոցս իրեանց
 զորդիս իւրեանց՝ զորս չցուային Երբէք տե-
 նանել :

Եւ ապա յաւելլ Վուլսն . Սարտերուք այսու-

Տետե ընդ իս . վաղ իսկ արդար էր պատերազմս իմ , կամեցայ արդարագոյն զայն յարդարել . յափրշտակողք եւեթ էիք , արդ եւ ապաշնորհք գտաւ նիք . մարտերուք , եթէ հաճոյ իցէ ձեզ :

Յայնժամ արքայքն երկոքին փոխանակ պատասխանուոյ անկան յոտս նորա , եւ փարէին զծըն գովքն . իսկ քաջն Տուրնոս եւ հանձարեզն Մրիսբէնոս , աջ կարկառեալ գոչէին Սյաղաղուծիւն . եւ Սյաղաղուծիւն զօրքն առ հասարակ կրկնէին : Մէլոն միայն կամէր բարբառել . բայց Սեռնդեայ դիմեալ ՚ի վերայ նորա , ասէ . Եթէ արեան իցես ծարաւի , ահաւասիկ ես . դարձուցանեմ ՚ի քեզ զտապարդ , զոր բարձի ՚ի քէն ՚ի քուն : Իսկ նորա սասանեալ ՚ի բանից անտի եւ ՚ի զօրութենէ քաջին Սեռնդեայ , հայեցաւ ՚ի նա եւ լռութեաց : Յայնժամ դիւցազնն յաւել . Հապա , ո՞ւմ կաս . սոսկայ սիրտ իմ ներկանել զձեռս յարիւն մարտիկ . ընտրեա հրաժարել ՚ի հայրենեացդ , կամ ընդունել զաջ իմ : Եւ Մէլոն ՚ի վերայ էած . Ենտրեցի . եւ ետ զաջ իւր նմա :

Յայնմ հետէ բարձան ամենայն խոջք խաղաղութեան , եւ յամենայն կողմանց հնչէին ձայնք ցնծութեան . եւ բանակքն երկոքին , թողեալ զիւրաքանչիւր կայս , խառնէին ընդ միմեանս : Բայց Հերսիլիա , որ մինչև ցայնվայր յուսացեալն էր յՄէլոն , Հերսիլիա ամեհին այն մուլեգնեալ , աչք հրացայտ , գոյնք երեսաց նորա հատեալ ՚ի սրտմտութենէ , գոչեաց . Սատք , ա

պաշտօնէք և հաւատադրուժ նիզակակիցք, որք մատնէք զիրաւունս թագաւորաց. մի կարծիցէք զիս կցորդ վատութեանդ ձերոյ: Եւ դու՛ Մուսա, զոր ատեամ որչափն սիրեցի, զի չկարեմ տպաւորագոյն ևս բացատրել զհեռ իմ, ընկալ զչարագոյժ ողջոյն իմ հրաժարական: Տուայտեսցիս չարատանջ՝ի սիրոյ, որչափ յաւելեր ինձ տանջանս. լացցես ՚ի գահոյս զաղէտս չկարելոյ գահակից ունել քեզ զոր նախամեծար արարեր քան զիս. ազգն հուովմէական, որ զքեզ ընտրեաց թագաւոր, լիցի ռխերմագոյն թշնամի թագաւորաց. հալածեսցէ զնոսս ընդ ամենայն երկիր, վարեալ զքեզ կամ զյաջորդս քո զանարժանս ՚ի պարսպաց իւրոց: Եւ անտաժուտ ձիւնալք զժոխոց հետամուտ լիցին քեզ ՚ի սպառ, յանդիման աչաց քոց տալ քեզ նկատել միշտ զգլխակն Տատիայ՝ կենազրաւ ՚ի թունից իմոց, և զհերսիլեայն խողխողեալ ՚ի սրոյ՝ զոր խուժադուժ ձեռն քո տայ մխել: Եւ զայս ասացեալ, մխեաց ՚ի սիրտ իւր ցերախակալ անդր զսուսերն: Եւ մեցին հասին ՚ի վերայ, այլ տարաժամ. ոչ ևս էր շունչ ՚ի նմա, և տակաւին զայրոյթ ՚ի ցուրտ գէմն նորա կայր նկարեալ:

Եւ այլ Մուսա ՚ի վերայ նորա, և հրամայեաց յուղարկաւորել զնա արքունական շքով: Եւ մինչ դեռ խարոյկն պատրաստէր, եզեն նա զոհս, երգուաւ զխաղաղութիւն ըստ պայմանացն խոստացելոց, և դարձաւ եմուտ ՚ի հուովմ, շուրջ

պար առեալ յարքայիցն պարտելոց յարդարու-
 թենէ : Այ հասեալ ընդ նոսա 'ի Ապպիտոյ,
 մատոյց անդ զոհ Ղիայ . և առաջարկեաց հաս-
 տատել նիզակակցութիւն 'ի հաստատութիւն
 խաղաղութեան և յազատութիւն Ատալիոյ : Այ-
 քայքն առ հասարակ պատկառեալ յառաքինու-
 թենէ, Առմայ, զնա ինքն խնդրէին իրաւարար 'ի
 մէջ իւրեանց : Այ նորա քննեալ զիրաւունս իւրա-
 քանչիւրոց, արար փոխարէնս տուժիցն, և տոյժս
 ինքնին յանձն առեալ, յորինեաց զպայմանս ուխ-
 տին՝ զոր կուեցին ամենեքին մտադիր : Այ կազ-
 մէին 'ի չու նոր նիզակակիցք թագաւորին Հռով-
 մայ, մեծապարզ և մեծարեալք 'ի նմանէ, վստահք
 'ի հաւատարմութիւն նորա, և լի սիրով և պատ-
 կառանօք յերեսաց նորա :

Թագաւորն Ապպուայ դարձաւ 'ի սահմանս
 իւր հանդերձ որդւոյն, որ զիւցազնացեալն էր
 'ի Սարսս : Այքային վեստացւոց չեղև հնար յոր-
 դորել ածել զգուստր իւր 'ի Ալինգիլիա . Աամիլայ
 հրաժարեալ 'ի ժառանգութենէ թագաւորու-
 թեան՝ ընտրեաց կալ 'ի Հռովմ ընդ Առնդեայ և
 ընդ Առմայ, և զբախտ նորա զեղեցկանսն՝ յոր
 վայելէրն՝ շատ համարեցաւ հայր նորա 'ի բարե-
 բաստութիւն իւր : Սոյսիկք և հիրպեցիք և
 հռուտուլք, զերծեալք յանիրաւութեանցն հռու-
 մուլեայ զորոց բողոքէին, դարձան յաշխարհս
 իւրեանց, օրհնելով զԱռմայ : Սարսք լցեալք
 պարզութեամբ, և ընկալեալ անդրէն զժառանգու-

Թիւն Մէրոնկաց , դարձ արարին 'ի Սարրոբիա , մորմոքեալ յոյժ Մստորի 'ի մեկնել անդ յառաքինի նիզակակցէն : Իսկ ժողովրդեանն Հռովմայ տեսաներով վախճան լեալ պատերազմին առանց հեղման արեան և ոչ միոյ ուրուք 'ի քաղաքայնոց , պաշտէր զԹագաւորն իւր և օրհնութիւնս տայր նմա :

Եւ յապահովեալ հանձարեղ արքային զխաղաղութիւն Ստալիոյ , փութայր գնալ աղիտել հանդիսիւ զգրունս մեհենին Յանոսի , որք առ հռոմուլեալ 'ի բաց կացին միշտ : Ղանչին դրունքն պղնձիք 'ի ժանգահար ծղիւնիս իւրեանց , և ոչ տեղի տային ուժոյ առ 'ի փակել : Յայնժամ Սոմայ 'ի ծունր իջեալ առաջի դիցն , աղօթեաց 'ի ձայն բարձր և ասէ . Ո՛վ Յանէ , որ Թագաւորեցերդ յՍտալիա արդարութեամբ և խաղաղութեամբ , պատսպարան լեր խաղաղասէր խորհրդոց իմոց . փակեա զմեհեանդ ահարկու , և զսիրտս մեր յարդարեսցուք քեզ օթեանս՝ պաշտել զքեզ անդ : Ստտուցանեմ քեզ սպաս նոր . ամիս նուիրական Մրիսի սկիզբն առնէր ցարդ Թերակատար տարւոյ , յաւելումամիտս կրկին 'ի լրումն Թերւոյն , և նախասկիզբն ամսոց կացցէ Յանուար . արժան իսկ է , զի աստուածն պատերազմի տեղի տացէ դիցն խաղաղութեան :

Եւ զոյգ ընդ բանիցն շրջեալ ինքնակի դրունքն 'ի ծղիւնիս , փակեցան ահեղ շառաջմամբ : Եւ

ասպա նուիրեաց՝ Վրամն զասպարն ոսկի՝ ի յմտա-
 յաղթ զօրութիւն հռովմայեցւոց ընդդէմ ամե-
 նայն ազգաց . և կացոյց ՚ի պահ նորին քուրմն ,
 Ոստուցիկս * զնոսա կոչեցեալ : Եւ յետ կրօ-
 նակման պաշտամանցն պատրաստէր զնալ անդրէն
 յանտառն եգերական , ածեալ ընդ իւր անդր և
 զՎամիլլա և զՂ և ոնդ : Եւ յլ զի մի անհաւճոյ ինչ՝
 յաւերժ հարսինն թուեսցի , եթող զսիրելիսն իւր
 ՚ի բացեայ յաղբերէն . և մատուցեալ անգր մի-
 այնակ , կարդաց զՂգերիա , բողոք կարաւ զի ՚ի
 բազմաց հետէ չլսէր զբարբառ նորա , և պատ-
 մեաց նմա որ ինչ ցայն վայր գործեալն էր , և
 յաւել ահիւ և պատկառանօք . Եւ ի թէ հաճ
 իցես և հաւան : Եւ ապտասխանի բարբառն .
 Եւ յի , հաճ եմ և հաւան . և յայսմ հետէ կաց-
 ցես դու վեհագոյն ՚ի թագաւորս : Եւ ցեր դու
 զամենայն ակնկալութիւնս իմ , ինձ այսուհետե-
 անկ է ինու զոր խոստացայն . աստ ուրեմն ծա-
 նիր զՂգերիա :

Եւ զայս ասացեալ՝ եկն յերեւան , և էր փոքն
 Վրայիս : Եւ ապուշ հարաւ Վրամն , և կարկեալ
 եկաց ընդ տեսին . աչք նորա պշուցեալ , բերա-
 նաբաց և բազկատարած : Եւ ասպ յանկարծ
 հեկեկանօք անկեալ առ ոտս օրիորդին , ջանայր
 բարբառել՝ այլ ՚ի զուր , չկարէր նա այլ ինչ՝ բայց
 հեղու զարտօսր : Եւ յայնժամ ասէ զնա Վրայիս .

* Բանակ կայ թիւք զայն ածենք քուրմն ՚ի հանդէպ .

Յոսն կայ , չեմ ես յաւերժահարսնն Լզերեա . մարդ եմ մահկանացու , և առաւել քան զպաշտօն դիւցական հպճոյ է ինձ սիրելի լինել քեզ : Օրանուցեր դու ինձ զտեսիլն՝ զոր առ աղբերքն Պանայ Կեսեր , և զյոյս քոյն խրատելոյ Լզերեայ . և խորհուրդ կալայ ընդ հօր իմում արդիւնացուցանել զյոյս քո : Ստիպեալք բաժանել ՚ի քէն , որպէս զի յանձն առնուիր բարերարել ազգի քում , եկաք թաղչել յան տառիս՝ ուր անշուշտ համարեաք դառնալ քեզ ընդ հուպ : Յաջողեցին ամենայն խորհուրդք մեր . խօսեցայ առ քեզ ՚ի դէմն Լզերեայ , ետու քեզ խրատս զթելադրեալսն ինձ ՚ի գերահանձար իմաստութենէ հօրն իմոյ : Դու կարծէիր յաւերժարսիսն բարբառել քեզ . խաբէութիւնդ այդ կարևոր ՚ի փառս քո քաղցր էր սրտի իմում : Տեսանէի զքեզ ընդ սաղար թախիտ ուղէշս ծառոց յորժամ գայիրն խորհրդակցել ընդ Լզերեայ , և բարեբաստագոյն քան զքեզ կայի առ քեզ՝ յորժամ լայիրն զԿնայիս :

Ահն դեռ Կումայ ճիացեալ կայր ՚ի յուր բանից նորա , և ահա ետես զՕ յաղաշտ . դիմեաց ՚ի գիրկս նորա , փարէր գնովաւ ստեպ . և մեկնեալ հազիւ ուրեմն ՚ի գրկաց նորա , քնթացաւ ինզոքել զԿայիկայ և զԼոնդ , և գրեց . Կայ է Կնայիս , այտ է . եկ փութա հարք քո և քոյր մեան քեզ : Եայց Լոնդ զկարէր հաւատալ

բանին , սակայն փութացաւ եհամ անդր : և Օրադաշտ անկեալ զպարմնոցաւ նորա , գիրկս արկանէր նմա ասելով . Որդեակ իմ , սիրեցեալ որդեակ , գտաք դարձեալ զմիմեանս , և կեցցուք ընդ միմեանս ՚ի սոպառ : Իսկ Լեոնդ արտասուէր և եթ անբարբառ , և սիրելին Վամիլա որջա գուրէր զԻնայիս . ցնծութիւն և բարեկամութիւն թուէին յիմարեցուցեալ զբարեգորով ծերունին , և զչորեպին տարիաւորս :

Եւ ապա ուր ուրեմն իբրև արտասուք սփոփեցին զնոսա , աճ զնոսա Օրադաշտ ՚ի հիւղ իւր , և անէ . Իստ ծածկեցաք , աստ կատարեսցուք զկեանս մեր . տամ բեզ , Եւմա , զԻնայիս . բայց ժողովուրդ հռովմայ մի գիտանցէ երբէք զգօզ ձեր , և Ինայիս մի երբէք մոցէ ՚ի հռովմ . զօր ամենայն պատճառանօք զյաւէր թահարսնն հարցանելոյ զայցես առ հարսն քոյին , և բարերարութեանցդ քոց վարձ լիցին բերկրանք պատմելոյ մեզ զայնոսիկ : Եւ յայկն դուստր իմ հաւատարիմ ՚ի կրօնս իւր կացցէ . գաղտնութիւն յաւելցէ զբերկրանս բարեբան տոթեանն Վումայ , և Օրադաշտ երանաւէտ ընդ բարօրութիւն նորա կատարեսցէ խաղաղութեամբ ՚ի միջի ձերում զնշխարեալ աւուրսն , որ սահմանեալ են նմա յԵրամնազդայ : Հաճոյ իցէ քեզ խորհուրդս այս : Իսկ Եւմա փոխա նակ պատասխանելոյ անկաւ յոտս նորա . Բարեցաւ Ինայիս խոնարհեալ կաջ իւր : և Վամիլա և Լեոնդ առ ինդին ծափս հարկանէին :

Ի վաղիւ անդր կատարեցան հարսանիք՝ Վրամայ ընդ օրիորդին՝ Ի հիւղի անդ առանց չքոյ և հանդիսի, և չէր ոք անդ խրախճանակից բաց՝ Ի ծերունւոյն և ՚ի Վեոնդեայ և ՚ի Վամիլ՛լայ : Բարեբաստիկն՝ Վրամա գայր այնուհետև հանապազօր ՚ի հիւղ անդր . և առաքինասէրն Վնայիս և հայր նորա ազդէին ՚ի նա ևս քան զևս զցանկութիւն և զհնարս առ ՚ի յաւելուլ յարդարութիւն և գերազանցել ՚ի թագաւորս լաւութեամբ :

Եւ եկեաց ընդ նոսա Օրդաշտ մինչև ՚ի խոր ծերութիւն : Եւ ոնդ զօրավար հռովմացեցւոց հաստատեաց զքնակութիւն իւր ՚ի հռովմ ընդ կնոջ իւրում, յորմէ զանունն կալաւ Վամիլ՛լոս, և եկաց հայր ազգատոհմին դիւցազանց՝ յորոց գերահռչակեալն փրկեաց զհռովմ ՚ի գաղղիացւոց : Վրամա սիրեաց միշտ զՎնայիս և սիրեցաւ ՚ի նմանէ ՚ի սպառ, թագաւորեալ զամս քառասուն և հինգ : Ինդ ամենայն ժամանակս թագաւորութեան նորա չերևեցաւ թշնամի ՚ի սահմանս հռովմայ, և դրունք մեհենին Յանոսի երբէք ոչ բացան, և ընդ պետութեամբն Վրամայ չեղև ոք թշուառ ՚ի հարստահարութենէ կամ ՚ի թերութենէ օրինաց :


ԿԱՏԱՐԵՑԱՆ ԳՈՄԳԻԼԻՈՍԻ ՆՈՒՄԱՅ

ԳԻՐԿ ԵՐԿՈՏԱՍԱՆ :

Վ Ր Ի Պ Ա Կ Ք



Էջ	Տող	ՎՐԻՊԱԿ	ՈՒՂԻՂ
8	25	Երբ	Իբր
12	19	Սարինա	Սարինիա
15	16	արիանաչադադ	արիանաչադախ
43	24	Անտիննացոց	Անտոննացոց
131	6	Արեքանևայ	Տրեքանևայ
200	9	գորացն	գորացն
245	1	ողոյց	ողոյն
293	8	մեծարին	մեծարեն
315	6	գործեչ	գործեչ
331	10	այստսիկ	այսոցիկ



UNIVERSITY OF MICHIGAN

3 9015 04146 9050

